

ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС ТАЪЛИМ ВАЗИРЛИГИ

ТОШКЕНТ МОЛИЯ ИНСТИУТИ

З. Йўлдошев

**Миллий иқтисодиёт
ўқув қўлланма**

Тошкент-2004

«Миллий иқтисодиёт» курси бўйича тайёрланган мазкур ўкув қўлланмада Миллий иқтисодиёт тушунчаси, Ўзбекистон Республикасининг давлат мустақиллиги, уни бозор иқтисодиётига ўтиши, Республикада миллий иқтисодиётни шаклланиши, унинг ривожланишини таъминловчи омиллар, миллий иқтисодиётнинг таркибини қайта қуриш, ишлаб чиқариш ва социал мажмуаларини ривожлантириш масалалари ёритилган. Шунингдек, мазкур ўкув қўлланмада стратегик режалаштириш, Ўзбекистоннинг ташқи иқтисодий фаолияти каби масалалар ҳам ўрганилган.

Мазкур ўкув қўлланма иқтисодий олий ўкув юртлари талабалари, профессор-ўқитувчиларига ҳамда миллий иқтисодиётга қизиқувчи китобхонларга мўлжалланган.

В учебном пособии рассматриваются понятие и сущность национальной экономики, основные факторы виляющие на формированию и развитию национальный экономике, преобразования старой системы и, утверждения рыночных отношений, место и роль государство в реформировании и становлении национальной экономики, структурные приобразования, развитие производственного комплекса и социальной сферы и многое другое. В настоящем пособии сделана попытка изложит обобщенный и систематизированный материал по экономике Узбекистана, охватив в нем комплекс вопросов, связанных с формированием национальной экономики республики.

Данное учебное пособие рассчитана для студентов, преподавателей экономических вузов и экономистом практиков

The following issues are discussed in this manual: concept and essence of the national economy, transformation old system and establishment of market relations, role of the government in restructuring and establishment of the national economy, structural transformations, development of production complex and social sector and others. An author of the manual endeavored to provide summarized and systematic material on Uzbek economy, covering a set of questions related to formation of the national economy of the republic.

This manual is intended for students, trainers of economic universities and economists-practitioners.

Ички тақризчилар: и.ф.д., проф. Ё. Абдуллаев

и.ф.д., проф. М. Мирсаидов

Ташқи тақризчи: и.ф.д., проф. Э. Акрамов

Маъсул мухаррир: и.ф.д., проф. А. Воҳобов

Мазкур ўкув қўлланма Тошкент Молия институти қошидаги Олий ўкув юртларо илмий услубий кенгашнинг 2004 йил

27 январида муҳокама қилинган ва 4 сонли Қарор билан нашрга тавсия қилинган.

Кириш

Ўзбекистонда сиёсий ва давлат мустақиллиги камол топиши билан унинг Миллий иқтисодиёти шакллана бошланди.

Миллий иқтисодиёт- бу маълум бир давлат ҳудудида тарихан ташкил топган, бир-бири билан мақсади ва меҳнат тақсимоти боғлиқ бўлган тармоқлар йиғиндисидир. Ягона тизим сифатида миллий иқтисодиёт ўзига хос бўлган муносабатлари, бошқарув тизими, умумиқтисодий инфраструктураси ва мустақил қонунчилигига эга бўлган мустақил давлатчиликни тақозо қиласди.

Бакалавр даражасини олаётган ҳар бир киши мустақил давлатнинг иқтисодий сиёсатини, бозор иқтисодиётига ўтишнинг ўз моделини, унинг шаклланиши жараёнини билмоғи зарурдир.

Миллий иқтисодиёт курси Олий ўкув юртларининг молия, банк иши, солиқ ва суғурта, бухгалтерия ҳисоби, аудит ва бошқа иқтисодий йўналишларида ўқиётган бакалавр-талабалари учун мўлжалланган бўлиб уларни мамлакат иқтисодиётида кечеётган чукур ва кўп қиррали жараёнларни ўрганишга ундаиди.

Миллий иқтисодиёт курси Ўзбекистон иқтисодиётини бозор муносабатларига ўтиши, итисодиётни ислоҳ қилиш жараёнларини, ўзбек миллий моделини моҳиятини, ҳамда республикани, аҳолиси юқори турмуш даражасига эга бўлган иқтисодий ривожланган давлатлар қаторига, босқичма-босқич ўтиш жараёнларини ўрганишни ўз олдига мақсад қилиб қўяди.

Миллий иқтисодиёт курси қўйидаги вазифаларни ҳал қилишга эътиборни қаратади:

- Мамлакатни ижтимоий-иқтисодий қайта қуришни ва ривожланишнинг ўзига хос йўлларини ва муаммоларини ўрганади.
- Республиkaning иқтисодий потенциалини, унинг таркибини, ўсиш динамикасини таҳлил қиласди.
- Иқтисодиётни бошқариш вазифаларини ва асосий принципларини ҳамда бозор иқтисодиёти шароитида стратегик режалаштириш ва давлат томонидан иқтисодиётни тартибга солиш тизимини ўрганади.
- Мамлакатни ташқи иқтисодий фаолиятини ташкил қилиш, хорижий давлатлар билан иқтисодий ҳамкорлик қилиш шаклларини ўрганади ва ҳоказо.

Миллий иқтисодиёт курси мамлакатимиз иқтисодиёти, унинг иқтисодий комплекслари, регионлар ва бир-бири билан боғлиқ бўлган тармоқларини ўрганишни тақазо қиласди. Ўкув қўлланма молия, банк иши, солиқ ва суғурта, бухгалтерия ҳисоби, аудит, қимматли қоғозлар ва биржা иши каби иқтисодий йўналишларда ўқитилишини назарда тутилгани учун ҳамда ишчи ўкув режасидаги ажратилган соатларни камлигини эътиборга олиб, унга Ўзбекистон иқтисодиётини ривожланишида молия-кредит тизими каби ихтисослик фанларидан ўтиладиган айрим мавзулар, курсга қайтариш бўлмаслиги учун, онгли равища киритилмади.

Мазкур ўкув қўлланмани тайёрлаш ва нашр қилдиришда муаллифга яратилган шароит ва ёрдам учун Тошкент Молия Институти ректори академик М.Шарифхўжаевга, ҳамда ректорнинг ўкув ишлари бўйича муовини проф. А.Воҳобовга миннатдорчилик билдиради.

1-боб. Миллий иқтисодиётни ривожланиши

- § 1. Миллий иқтисодиёт тушунчаси, мазмуни, курснинг предмети.
- § 2. Ўзбекистон Республикасининг бозор иқтисодиётига ўтиши ва миллий иқтисодиётни шаклланиши.
- § 3. Миллий иқтисодиётни бошқарув тизими ва унинг вазифалари.

§ 1. Миллий иқтисодиёт тушунчаси, мазмуни, курснинг предмети

Иқтисодиёт кенг маънода - бу бир томондан, ўзига хос қонунлар асосида ривожланадиган ишлаб чиқариш ва ноишлаб чиқариш тармоқларини бирлаштирган хўжалик бўлиб, иккинчи томондан иқтисодиёт, юқори меҳнат унумдорлигига эришиш, аҳолини турмуш даражасини яхшилаш ва чекланган ресурслардан унумли фойдаланиш мақсадида иқтисодий қонунларни ўрганиш билан шуғулланадиган энг қадимий фанлардан биридир.

Миллий иқтисодиёт фани эса - иқтисодиётни шаклланиш ва ривожланиш муаммоларини янги шароитда, мустақиллик шароитида ўрганиладиган иқтисодий фанлар тизимидағи ёш фандир.

Миллий иқтисодиёт иқтисодиётни ҳам миллий (nomos), ҳам иқтисодий (oikos) қисмларини бирлаштиради.

«Миллий» сўзи лотинча сўздан олинган бўлиб «natio»- халқ сўзини англатади. «Иқтисодиёт» эса грекча сўздан олинган бўлиб, «oikonomike»- уй хўжалигини бошқариш санъати маъносини англатади.

Иқтисодиётни З хил тушунчаси бор:

- Ишлаб чиқариш муносабатларини йиғиндиси;
- Район хўжалиги, мамлакат ёки мамлакатлар хўжалиги ёки дунё хўжалиги;
- Иқтисодий муносабатларни тармоқлараро ёки функционал аспектларини (томонларини) ўрганадиган фан тармоғи.

Миллий иқтисодиёт- бу тармоқлар хусусиятини бирлаштирган, мужассамлаштирган комплексдир.

Миллий иқтисодиёт- бу мамлакат хўжалигини, унинг таркибини, унинг айрим элементларини ўзаро боғлиқлигидир.

Иқтисодиёт, Миллий,- деб аталса ҳам, у маълум бир миллат манфаатини ифодаламайди, балки умуммиллий манфаатларга хизмат қиласди.

Иқтисодиёт инсон фаолиятининг асосий жиҳати, жамият ҳаётининг пойдеворидир. Шу боисдан «аввал иқтисод, кейин сиёсат» дейдилар. Инсон тирик жон бўлгани учун биринчи навбатда унинг моддий талаб эҳтиёжи қондирилиши керак, чунки унга факат иқтисодий фаолият орқали эришилади. Кишилар ҳамиша иқтисодиёт билан машғул бўладилар, чунки шу йўл билан ўз рисқ-насибасини яратадилар. **Иқтисодий фаолият-у** ёки бу мамлакат, бутун инсоният алоҳида индивидлари, гуруҳлари, ижтимоий қатламларнинг фаолиятидир.

Иқтисодий фаолият – бу моддий ва маънавий неъматларни яратиш, хизматлар кўрсатиш, истеъмол қилиш билан боғлиқ бўлган ҳатти-ҳаракатлардир. Бундай ҳолатнинг мавжудлиги туфайли, иқтисодий фаолият **биринчидан**, у ёки бу эҳтиёжларни қондиришнинг устувор аҳамиятга эгалиги, **иккинчидан**, мақсаднинг долзарблиги ва **учинчидан**, бошқа муқобил мақсадларга қараганда унга эришиш учун тўланадиган ҳақнинг нархини танлаш билан боғлиқ муаммони ҳал этади. Бу уч ҳолат иқтисодий фаолиятнинг мазмунини ифодалайди.

Иқтисодий фаолиятни ўрганишда миллий чегараларини танлаб олиш ҳозирги замон техникасини, сиёсатини ривожланишини ҳамда умуммиллий кўрсаткичларини таҳлил қилишда мухим аҳамият касб этади. Ҳар бир давлат маълум **бир соҳани ёки умуман иқтисодий фаолиятни муваффақиятли** ривожлантиришни у ёки бу шароитларини яратади. Бу ўз навбатида мамлакатнинг жаҳон иқтисодиётида маълум ўрин эгаллашида катта аҳамият касб этади.

Ўзбекистон **Миллий иқтисодиёти** мавжуд бўлган барча соҳалар, бирлашмалар, корхона ва ташкилотларнинг йиғиндисидир. Улар ягона иқтисодий тизимга, умумий қонунларга ва ривожланиш мақсадларига асосланган ҳолда бирлашган.

Миллий иқтисодиёт **курсининг предмети** алоҳида мамлакат миқёсидаги иқтисодий фаолиятни, иқтисодий жараёнларни унинг тармоқларини, ҳудудий ва функционал таркибини қамраб олади.

Миллий иқтисодиёт курси:

1. Мамлакатнинг ягона халқ хўжалиги комплекси каби **Миллий иқтисодиётни шаклланиш жараёнини ўрганади;**
2. Иқтисодиётни бошқаришда хаддан ташқари марказлашган тоталитар тузумдан тубдан фарқ қиласиган бозор иқтисодиётини **шаклланиш жараёнини ўрганади;**
3. Мамлакат иқтисодиётини ислоҳ қилиш принципларини ўрганади.
4. Мамлакат иқтисодиётининг ислоҳ қилишни миллий ўзбек моделини моҳиятини ўрганади.
5. Иқтисодиётнинг бошқариш шаклларини қайта қуриш, янги бошқарув ташкилотлари тизимини яратиш ҳамда мустақиллик шароитида давлат бошқарувини ташкил қилишни ва бозор иқтисодиётига аста-секин, босқичма-босқич ўтиб бориш жараёнларини ўрганади.

Миллий иқтисодиёт бошқа **иқтисодий фанлар билан чамбарчас боғлиқдир**. Миллий иқтисодиёт иқтисодий фанларнинг таркибий қисми сифатида умумий қонунлар асосида ривожланади. У аввало иқтисодиёт назарияси билан боғлиқ. Маълумки иқтисодиёт назарияси фани инсоннинг, жамиятнинг иқтисодий фаолияти яъни моддий ва маънавий неъматларни ишлаб чиқариш ҳамда хизмат кўрсатиш жараёнларини, шу билан бирга иқтисодий қонунлар, категориялар ҳамда уларни амал қилиш механизмини ўрганади. У кишилик жамияти пайдо бўлгандан бўён ривожланиб такомиллашиб келаяпти.

Миллий иқтисодиёт курси иқтисодий ривожланишни ва такомиллашишининг бир, маҳсус даврига яъни марказдан туриб бошқариладиган иқтисодиётни бозор иқтисодиётига ўтиш даврига тўғри келади. Бу эски иқтисодий тизимни тубдан ислоҳ қилиш ва янги ижтимоий йўналтирилган бозор иқтисодиётини яратиш даврини ифодалайди. Миллий иқтисодиёт предмети бўлиб ижтимоий-иктисодий жараёнлари такрор ишлаб чиқариш хисобланади.

Миллий иқтисодиёт курси макроиктисодиёт, молия ва кредит, ва бошқа иқтисодий фанларни назарий томонларини маълум давлатнинг –масалан, Ўзбекистон Республикасининг хусусияти ва шароитига боғлади. Бўлажак иқтисодиёт мутахасисларини ўз мамлакатининг иқтисодини чуқур ва ҳар тамонлама ўрганишга қаратади. Миллий иқтисодиёт фанини ўрганиш социология, тарих, иқтисодий география, статистика, информацион технология ва бошқа фанларни чуқур билишни тақозо қиласи. Чунки, иқтисодчи-мутахассис иқтисодий фаолиятни барча жараёнларини тўлиқ ва ҳар томонлама ўрганиш учун иқтисодий, хуқуқий, техника ва бошқа фанларни ҳам билиши лозим бўлади.

§ 2. Ўзбекистон Республикасининг бозор иқтисодиётига ўтиш ва миллий иқтисодиётни шаклланиши.

1991 йил 31 август куни Тошкент шаҳрида Республика Олий Кенгашининг навбатдан ташқари сессияси бўлиб ўтди. Унда Ўзбекистонни давлат мустақиллиги эълон қилинди. Олий Кенгашнинг Республика давлат мустақиллиги ҳақидаги аризаси қабул қилинди. Махсус қарор билан Ўзбекистон ССР «Ўзбекистон Республикаси», деб аталаған бўлди. **1 сентябрь-Мустақиллик куни**, деб белгиланди. Ўзбекистон Республикасининг **Давлат мустақиллиги асослари тўғрисида қонун** қабул қилинди.

Ўзбекистон Республикаси **унитар давлат** бўлиб, давлат ҳокимияти ҳокимиятнинг тақсимланиш назариясига биноан мустаҳкамланган. **Унитар давлатда** давлат тузилиши шакли, давлат худуди таркибида, федерациядан фарқли равишда, федератив бирликлар (штатлар, ерлар) бўлмайди, балки у **маъмурий-худудий бирликлар** (вилоятлар, туманлар, ва ҳоказо) га бўлинган бўлади.

Ўзбекистон Республикаси худудий жиҳатдан бўлинмас ягона давлатни ташкил қиласди. Унинг таркибига Қорақалпоғистон Республикаси, 12 та вилоятлар, 163 та туманлар, 119 та шаҳарлар, қишлоқлар ва овуллар киради. **Майдони** – 447,4 минг кв. км, **аҳолиси** – 24,8 млн* киши, ундан 9358,7 минг киши ёки 37,9 % шаҳар, 15502,0 минг киши ёки 62,1 % қишлоқ аҳолисини ташкил қиласди. 1 км² га тўғри келадиган аҳоли сони 53,3 кишидир. Қишлоқ хўжалигига яроқли ерлари – 27,9 млн.га, шундан суғоришга яроқли ерлар 5 млн.га, суғориладиган ерлар 4,2 млн. га ни ташкил қиласди.(Журнал. «Бизнес курьер» № 31. 2003 й 23 октябр 6 бет)

- 1991 йил 18 ноябрда Ўзбекистон Республикасининг Давлат байроғи тасдиқланган;
- 1992 йил 2 март Ўзбекистон Республикаси БМТига аъзо бўлиб қабул қилинган;
- 1992 йил 2 июляда Ўзбекистон Республикасининг Давлат герби тасдиқланган;
- 1992 йил 8 декабрда Ўзбекистон Республикасининг Конституцияси қабул қилинган;
- 1992 йил 10 декабря Ўзбекистон Республикасининг Давлат мадхияси тасдиқланган;
- 1994 йил 1 июляда Ўзбекистон Республикасининг миллий валютаси муомалага кирилган.

Ўзбекистон – суверен демократик республика. Давлатнинг «Ўзбекистон Республикаси» ва «Ўзбекистон» деган номлари бир маънени англатади. Давлат халқ иродасини ифода этиб, унинг манфаатларига хизмат қиласди. Давлат органлари ва мансабдор шахслар жамият ва фуқаролар олдида масъулдирлар. Ўзбекистон Республикаси ўзининг миллий-давлат ва маъмурий-худудий тузилишини ҳамда давлат ҳокимияти ва бошқарув идораларининг тизимини белгилайди, **ички ва ташқи сиёсатини амалга оширади**. Ўзбекистоннинг давлат чегараси ва худуди дахлсиз ва бўлинмасдир. Ўзбекистон Республикасининг **давлат тили ўзбек тилидидир**. У ўз худудида истиқомат қилувчи барча миллат ва элатларнинг тиллари, урфодатлари ва анъаналари хурмат қилинишини таъминлайди, уларнинг ривожланиши учун шароит яратади.

Мустақилликка эришгандан сўнг мамлакатнинг ўзига хос хусусиятларини қамраб олган **иқтисодий сиёсат** шаклланиб, истиқбол йўналишлари белгилаб олинди. Собиқ иттилоғнинг парчаланиши оқибатида Ўзбекистонга ўта марказлашган, директив усул билан бошқарилган, мулкчиликнинг чекланган турларига асосланган иқтисодиёт мерос қилиб қолдирилган эди. Бу эса чуқур иқтисодий инқирозга олиб келди. Ишлаб чиқариш ҳажми, миллий даромад кўрсаткичлари пасайиб кетди ва ҳоказо.

Республика Президенти ва ҳукумати зудлик билан қатъий чоралар кўриш ва энг аввало янгича **иқтисодий сиёсат** ишлаб чиқилди. Унинг негизига **бозор иқтисодиёти асос қилиб олинди**. Дунёдаги барча ривожланган мамлакатлар тажрибасидан, айниқса, Туркия, Жанубий

* Республика аҳолисини ўсиш сурати пасайиш тенденциясига эгадир.

Масалан: 1970-1979 йй.да ўсиш сурати 3%ни ташкил қилган.

1980-1989 йй.да 2,6%ни ташкил қилган.

1990-2001 йй.да ўсиш сурати 1,8%ни ташкил қилди.

БМТнинг маълумотига қараганда Ўзбекистоннинг аҳолиси 2010 йилда 3 млн. кишига ўсади.

Корея ва бошқа қатор Осиё давлатлари намуналаридан тўғри фойдаланилган ҳолда мумкин қадар тезроқ, **ахолининг ҳеч бир табақасига катта зиён етказмасдан бозор иқтисодиётiga ўтиш кераклиги давлат сиёсатининг мазмунини ташкил қилди**. Бунинг учун ҳар тарафлама кенг иқтисодий ислоҳотлар ўтказиш режалаштирилди ва республикада бозор муносабатларига ўтишнинг қуйидаги назарий **асослари ва мезонлари аниқланди**:

- иқтисоднинг мафкурадан холи бўлиши ва унинг сиёсатдан устуворлиги;
- давлатнинг бош ислоҳотчи бўлиши;
- қонунлар ва уларга риоя қилиш устуворлиги;
- ҳалқ манфаатларига қаратилган кучли ижтимоий сиёсатни юргизиш;
- бозор иқтисодиётiga аста-секин, босқичма-босқич ўтиб бориш.

Шуни алоҳида таъкидлаш жоизки, Ўзбекистон Республикаси Президенти илгари сурган ривожланишнинг бу **беш тамоили** амалда ўзининг ҳаётлигини тўла тасдиқлади. Амалий иш жараёнида Ўзбекистон туб иқтисодий ислоҳотларни ўтказишни ўзига хос йўлини тўғрилиги ва таъсирчанлиги тасдиқланди. Бу тамоиллар жаҳон жамоатчилиги томонидан маъқулланди. Мазкур тамоилларни амалга ошириб, республикада ижтимоий-сиёсий барқарорлик, энг муҳими – бозор муносабатларини жорий этиш сари босқичма-босқич илгарилаб бориш таъминланди.

Ўзбекистонда ўтиш даврининг ўзидаёқ иқтисодий барқарорликни таъминлабгина қолмай, мамлакатни **иқтисодий ўсиш сари олиб чиқди**, келгусида уни янада жадалроқ ривожланиши учун мустаҳкам замин яратди. Натижада жаҳон иқтисодий адабиётида ҳақли равища тараққиётнинг «Қзбекистон модели», «Қзбекистон феномени» деган тушунчалар пайдо бўлди.

Ўзбекистон республикаси ҳалқ хўжалиги яқин ўтмишда умумитифоқ ҳалқ ҳалқ хўжалиги мажмуининг ташкилий қисмига кирап эди. Шу билан бирга Собиқ иттифоқдаги **мехнат тақсимотига асосан ҳом ашёни етказиб берувчи** мавқеини эгалларди. Бундай шароит ҳалқ хўжалигини **“миллий иқтисодиёт”** тушунчаси билан таққослаш мумкин эмас эди.

Эндиликда Ўзбекистонда сиёсий ва давлат мустақиллиги камол топиши и⁹тисодий ривожланишнинг қз йўклини танлаш имконияти яратилиши билан республикада ҳозирги замон **миллий иқтисодиёти шакллана бошланди**.

Республикада иқтисодиётга оид бир қатор қонунлар қабул қилинди: «Мулкчилик тўғрисида», «Корхоналар тўғрисида», «Кооперациялар тўғрисида», «Ижара тўғрисида», «Тадбиркорлик тўғрисида», «Мулкни давлат тасарруфидан чиқариш ва хусусийлаштириш тўғрисида», «Чет эл инвестициялари ҳақида», «Ташки иқтисодий фаолият асослари тўғрисида», «Солиқ солиш тўғрисида» ва ҳоказолар каби 400 дан ошик қонунлар қабул қилинди.

12 та кодекс қабул қилинди. Кодекс бу соҳалар бўйича қабул қилинган қонунларни мужассаланишидир.

Ўзбекистонда иқтисодиётнинг асосини ташкил этувчи **ишлиб чиқариш соҳасига** алоҳида эътибор берилди ва берилмоқда. Ушбу соҳанинг энг асосий тармоғи **саноатнинг анъанавий ривожланган турлари** – қишлоқ хўжалик машинасозлиги, кимё саноати кабилар билан бир қаторда мутлақо янги саноат соҳаларини ташкил этиш зарур бўлди.

Ўзбекистон иқтисодиётининг муҳим тармоқларидан бири **қишлоқ хўжалиги ҳисобланади**. Унинг асосий бўғини бўлган пахтачилик энг рентабелли ва харидоргирдир. Шу сабабдан, келажакда ҳам пахтачиликни ривожлантириш, унинг тармоқ инфраструктурасида қулай, мос хажмини, салмоғини аниқлаш, шунингдек тола сифатини тубдан яхшилаб, дунё стандарти даражасига келтириш энг долзарб муаммодир.

Давлатимиз нисбатан катта ҳудудга эга ва унинг географик ўрни ҳам алоҳида хасусиятларга молик. **Бу ҳолат қурилиш ва транспортни** ҳам жадал суръатлар билан ривожлантириш вазифасини кўяди. Ялпи ишилб чиқариш майдонларини, **уй-жой, маданий-маиший муассасалар, таълим ва соғлиқни сақлаш соҳаларининг** мустақил моддий-техник пойдеворини яратиш қурилиш соҳасининг мазмунини ташкил этади. Траспортнинг муҳим тури бўлган денгиз транспортига эга эмаслигимиз, темир йўлнинг эса паст даражадалиги ва **факат**

бир томонга, шимолга қаратилганлиги ушбу жабҳаларда чуқур ўзгаришларни амалга оширишни назарда тутади. Шуни алоҳида таъкидлаш лозимки, ҳаво транспорти Республика ҳаётида муҳим ўрин эгаллайди. «Ўзбекистон ҳаво йўллари» миллий авиакомпанияси ҳозирнинг ўзидаёқ дунёning ўнлаб мамлакатлари билан пассажир ва юк ташиш алоқаларини ўрнатди.

Давлат иқтисодий сиёсатининг асослари қилиб қуидагилар белгиланади:

- а) қисқа муддат (5-10 йил) ичида Республикаизни **хом ашё ишлаб** чиқарадиган давлатдан дунё бозорларида рақобат қила оладиган, **тайёр** маҳсулотлар ишлаб чиқарадиган мустақил иқтисодиётга эга, қудратли давлатга айлантириш;
- б) **истеъмол бозорини аввало ички ресурслар хисобига тўлдириш**, аҳолининг озиқ-овқат, кундалик саноат товарларига бўлган эҳтиёжини жуда қисқа вақт ичида тўлиқ таъминлаш;
- в) аҳоли даромадларининг **нарх-наво билан мутаносиблигини** таъминлаш, бунинг учун зарур бўлган ижтимоий тадбирларни амалга ошириш;
- г) пухта ишланган **қонунларга асосланган ҳолда** давлат суверенитетини (дахлсизлигини) таъминлаш, биринчи навбатда ҳалқ манфаатларини ҳимоя қиладиган **тeng ҳуқуқли, ўзаро фойдали ташқи иқтисодий алоқаларни ўрнатиш**;
- д) ички истеъмол бозори ҳимоясини таъминлаш, давр талабига жавоб берадиган **молия-пул сиёсатини ишлаб чиқиши** ва ҳоказо.

Республика Президенти И.А.Каримов ўзининг «Ўзбекистон иқтисодий ислоҳотларни чукурлаштириш йўлида» деган асарида «**Пировард мақсадимиз ижтимоий йўналтирилган барқарор бозор иқтисодиётига очик ташқи сиёсатга эга бўлган кучли демократик ҳуқуқий давлатни ва фуқаролик жамиятини барпо этишдан иборатдир**» деган эди (179 бет).

Республикада бозор иқтисодиётига босқичма-босқич ўтиш уларни ҳар бири учун конкрет мақсадларни, уларга эришиш воситаларини белгилаб олишни тақозо этади.

Биринчи босқич бутунлай янги иқтисодий тизимнинг ҳуқуқий негизларини яратишга, давлатчиликни шакллантириш ва мустаҳкамлашга, эскича фикрлаш тарзларини онгимиздан чиқариб ташлашга қаратилган эди. Бу босқичда янги тузум учун ишончли пойdevor яратиш вазифаси қўйилди. **Биринчи босқичда:**

1. Ўтиш жараёнини ҳуқуқий асосларини шакллантириш, ислоҳотларнинг қонуний-ҳуқуқий базасини мустаҳкамлаш ва ривожлантириш;

2. Қишлоқ хўялигига мулкчиликнинг янги шаклларини вужудга келтириш, маҳаллий саноат, савдо, майший хизмат корхоналарини, уй-жой фондини хусусийлаштириш ва давлат тасарруфидан чиқариш, шунингдек, **енгил саноат, курилиш ва транспорт соҳасидаги айrim корхоналарни акциядорлик асосида қайта қуриш** хисобига кўп укладли иқтисодиёт негизларини яратиш. Хусусий тадбиркорликни ривожлантириш;

3. **Молиявий ахволни** барқарорлаштириш молия ва солик сиёсати; кредит-пул сиёсати, нарх-наво бўйича ва пулнинг қадрсизланишига қарши сиёсат ва ҳоказо ишлар амалга оширилди.

Республикада жамиятни ислоҳ қилишининг **иккинчи босқичининг** вазифалари қуидагилар деб белгиланди:

1. Давлат мулкларини хусусийлаштириш соҳасидаги бошланган ишни охирига етказиш;
2. Ишлаб чиқаришнинг пасайишига барҳам бериш ва макроиктисодий барқарорликни таъминлаш, корхоналар, тармоқларнинг ҳам умуман давлатнинг иқтисодий ва молиявий барқарорлигига эришиш;
3. Миллий валюта – сўмни янада мустаҳкамлаш унинг конвертациясига, қатъий валюталарга эркин суръатда алмаштирилишига бутун чоралар билан эришиш. Бу вазифа 2003 йил 15 октябрдан бошлаб ҳал қилинди.

4. Иқтисодиёт таркибини тубдан ўзгаририш, хом ашё етказиб беришдан тайёр маҳсулот ишлаб чиқаришга ўтиш, унинг сифатини ва рақобатга бардошлигини жаҳон бозори талаблари даражасига етказиш ва ҳоказо.

§ 3. Миллий иқтисодиётни бошқарув тизими ва унинг вазифалари

Ўзбекистон Республикасининг Конституциясига биноан давлат бошқарув органлари қўйидагича:

1. Ўзбекистон фуқароларининг умумий сайловий йўли билан тайинланадиган Президент (1-илова).

2. Умумхалқ сайлови йўли билан сайланадиган – Олий мажлис депутатлари, Олий Мажлиси сессияси, шу оралиқда Олий Мажлис Президиуми, тегишли ҳайъат ва қўмиталари (2-илова).

3. Ўзбекистон Республикаси Вазирлар Маҳкамаси – унинг раиси Президент ҳисобланади (3-илова).

Булардан ташқари **хуқуқий органлар** мавжуд бўлиб, булар қаторига Ўзбекистон **Конституцион назорат қўмитаси**, **Конституцион суди**, Ўзбекистон Республикаси **Олий суди**, Ўзбекистон Республикаси Прокуратураси, **Давлат Арбитражи** киради. Бевосита иқтисодий бошқарувга оид давлат маҳкамалари мавжуд бўлиб, улар бошқарув олий органларининг учаласида ҳам мавжуд. Президент девонида иқтисодий масалалар бўйича Давлат маслаҳатчиси мавжуд. Ушбу шахс давлатнинг иқтисодий стратегиясини ишлаб чиқишида иқтисодий қўмита ва бўйлимларни ҳам назорат қиласди.

Олий Мажлис ва унинг Президиуми таркибида ҳам иқтисодиётга оид қонунларни ишлаб чиқадиган, шунга оид масалаларни Олий Мажлис сессиялари кун тартибига киритадиган бир неча қўмиталар мавжуд.

Бевосита иқтисодиётни бошқарадиган, давлат иқтисодий сиёсатини ҳаётга тадбиқ этадиган бошқарув бўғинларининг асосийлари **қўйидагилар ҳисобланади**. **Бош вазир**, Иқтисодий ва ижтимоий масалалар бўйича бош вазир ўринбосари, Молия вазирлиги, Иқтисодиёт вазирлиги, Давлат статистика қўмитаси, Ўзбекистон Марказий ва Миллий банклари, Халқ жамғарма банки, Давлат бож, солик ва хусусийлаштириш қўмиталари, барча вазирликларнинг иқтисодий бошқармалари ва ҳокимликлар (4, 4.1, 4.2, 4.3 -иловалар).

Миллий иқтисодиётнинг бошқарув вазифалари умумий тарзда қўйидагича белгиланган:

1. Бозор иқтисодиётининг хуқуқий асосларини ва ижтимоий муҳитни яратиб бериш.
2. Мулк дахлсизлигини таъминлаш.
3. Рақобат ҳалоллигини сақлаш ва уни ҳимоя қилиш.
4. Даромад ва миллий бойликларни тақсимлаш ва қайта тақсимлаш.
5. Миллий маҳсулот таркибини яхшилаш мақсадида ресурслар тақсимотини тартибга солиш, устувор йўналишларни белгилаш.
6. Иқтисодиётни барқарорлаштириш, иш билан таъминлаш, инфляция жараёнларини назорат қилиш, иқтисодий ўсишни рағбатлантириш, ижтимоий ишлаб чиқариш самарадорлигини ошириш;
7. Бозор иқтисодиётига ўтиш шароитида ўтиш даврининг хусусиятларини ҳисобга олган ҳолда тегишли чора-тадбирлар, хусусан аҳолининг маълум бир табақаларини ижтимоий ҳимоялашни таъминлаш.
8. Иқтисодий ислоҳотларни амалга ошириш босқичларининг узвийлигини таъминлаш.
9. Республика аҳолисининг таркибий ўсиш суръатлари ва бошқа хусусиятларини ҳисобга олган ҳолда янги иш жойларини ташкил этиш, аҳолини иш билан таъминлаш, меҳнат биржалари ва меҳнат бозорларини ташкил этиш. Кичик ва хусусий тадбиркорликни ривожлантириш.
10. Истеъмол бозорининг ҳимоясини ташкил этиш.
11. Миллий пул бирлиги курсининг қатъийлигини таъминлаш ва ҳоказолар.

Бозор иқтисодиётига оғишмай боришни таъминлаш учун биринчи навбатда ана шу қайд этилган ишларни амалга ошириш лозим бўлади. Шу билан бирга маҳаллий хусусиятларни ҳисобга олиш, олдинги марказлашган давлат бошқарув тизимининг ҳам мақсадга мувофиқ жиҳатларини сақлаб қолиш керак.

Ўзбекистон Республикаси маъмурий жихатдан ўн иккита вилоят ва Қорақолпоғистон Республикасини ўз ичига олади. Маълумки, вилоятлар яна туманларга бўлинади. Ушбу минтақаларнинг бошқарув органлари ва уларнинг хуқуқий, мулк чегараларига ўзгартиришлар киритилди. Маҳаллий аҳамиятга молик бўлган қонунлар ва фармонлар қабул қилиш халқ томонидан сайланган туман, вилоят депутатлари, уларнинг кенгашлари зиммасига юклатилган. Маҳаллий даражада Олий бошқарув ва ижрочи орган – **вилоят ва туман ҳокимият органлари тузилган**. Ҳокимлар республика Президентининг жойлардаги вакили бўлиб, улар Президент томонидан тавсия этилади ва маҳаллий депутатлар кенгашида тасдиқланади. Шу билан бирга улар маҳаллий **кенгаш раислари этиб сайланади**. Маҳаллий ҳокимиятнинг мулк хуқуқлари асосий қонунда қатъий белгиланиб, уларнинг шаклланиш манбалари ҳам аниқ қўрсатилган. Муниципиал мулк деб аталмиш ушбу мулк маҳаллий саноат, тижорат ва бошқалар ҳисобига ташкил этилади ва улар тўлиқ маҳаллий ҳокимиятлар тасарруфида бўлади. Маҳаллий ҳокимиятларнинг иқтисодиётнинг бошқарув бўғинлари юқорида санаб ўтилган республика органларининг бўлимлари ҳисобланади.

Таянч иборалар

- *Миллий иқтисодиёт*
- *Давлат мустақиллиги*
- *Сиёсий мустақиллик*
- *Иқтисодий мустақиллик*
- *Иқтисодий сиёсат*
- *Унитар давлат*
- *Суверен демократик республика*
- *Маъмурий-ҳудудий бирликлар*
- *Миллий иқтисодиётнинг шаклланиши жараёни*
- *Бошқарув тизими*

Ўз-ўзини текшириши учун саволлар

1. *Миллий иқтисодиёт дегандা нимани тушунасиз?*
2. *“Миллий” сўзининг маъноси нимада?*
3. *Иқтисодиётнинг уч хил тушуунчалик хусусида нима дея оласиз?*
4. *“Миллий иқтисодиёт”ни «Халқ хўжалиги» иборасидан фарқи нимада?*
5. *Миллий иқтисодиётнинг шаклланиши жараёни қандай?*
6. *Миллий иқтисодиёт курсининг предмети ва уни бошқа иқтисодий фанлар билан боғлиқлиги нимада?*
7. *Ўзбекистон Республикасининг Давлат мустақиллиги асослари нимада?*
8. *Унитар давлат дегандা нимани тушунасиз?*
9. *Ўзбекистон-суверен демократик республика эканлигини маъноси нимада?*
10. *Бозор муносабатларига ўтишининг ўзбек модели, унинг моҳияти ва аҳамияти нимада?*
11. *Давлатнинг иқтисодий сиёсати ва унинг асослари тўғрисида нималар дея оласиз?*
12. *Бозор муносабатларига ўтишининг қандай босқичларини биласиз?*
13. *Миллий иқтисодиётни бошқарув органлари қандай тизимга эга?*
14. *Миллий иқтисодиётнинг бошқарув тизими қандай таркибга эга?*
15. *Миллий иқтисодиётни бошқариша қандай вазифалар ҳал қилиншии лозим?*

Адабиётлар:

1. Ўзбекистон Республикасининг Конституцияси. Тошкент. Ўзбекистон- 1992 йил 8-42 бетлар.
2. И. Каримов. Ҳозирги босқичда демократик ислоҳотларни чуқурлаштиришинг муҳим вазифалари. Тошкент. Ўзбекистон. 1996 йил 3-40 бетлар.
3. И. Каримов. «Ўзбекистон буюк келажак сари» Тошкент. Ўзбекистон -1998 йил 3-173 бетлар.
4. И. Каримов. «Ўзбекистон XXI асрга интилмоқда». Тошкент. Ўзбекистон, 1999 йил.
5. И. Каримов. Иккинчи чақириқ Ўзбекистон Республикаси Олий мажлисининг тўққизинчи сессиясида «Ўзбекистон Демократик ўзгаришларни янада чуқурлаштириши ва фуқаролик жамияти асосларини шакллантиришинг асосий йўналишилари» Халқ сўзи. 2003 йил 30 август.
6. Ўзбекистон Республикаси Маҳаллий ҳокимият идораларини қайта ташкил этиши тўғрисидаги қонун. Халқ сўзи 14 декабр 2002 йил.
7. Ўзбекистон Республикаси Президентининг 2003 йил 22 декабр «Хўжалик бошқарув органлари тизимини тақомиллаштириши тўғрисида»ги Фармони. Халқ сўзи, 23 декабр 2003 йил.
8. И.А.Каримов. “Эришган мэрраларимизни мустаҳкамлаб, ислоҳотлар йўлидан изчил бориши- асосий вазифамиз” мавзусида 2004 йил 7 февралда бўлиб ўтган Республика Вазирлар Маҳкамаси мажлисидаги маърузаси. Халқ сўзи газетаси, 2004 йил 10 феврал.
9. Социальная Политика и экономические преобразования в Узбекистане. Кейт Гриффин таҳрири БМТ ривожланиши дастури 1995 йил 1-196 бетлар.
10. А. Ўлмасов. Иқтисодиёт асослари. Тошкент. Меҳнат, 1997 йил.
11. Р.З. Жўмаев. Политическая система Республики Узбекистан: Становление и развитие. Ташкент. Фан, 1996 г.
12. М. Шарифхўжаев ва Ё. Абдуллаев. Бошқариишинг ташкилий структураси. Тошкент. 2000 йил. Маъруза матни.
13. Н.Т. Соврунов и др. Национальная экономика Санкт-Петербург. 1999 г. 51-57 стр
14. Н. Тўхлиев, А.Таксанов Национальная экономическая модель Узбекистана. Т. Ўқитувчи. 2000 г.
15. Э.Набиев, А. Қаюмов. «Ўзбекистоннинг иқтисодий салоҳияти». Тошкент. Университет- 2000 й.
16. С. ғуломов, Қ. Усмонов. Мустаҳқиллик Ўзбекистонга нима берди. Тошкент, 2000 йил.
17. Асрларга тенг йиллар. Ўзбекистон Республикаси Олий ва Ўрта Махсус таълим вазирлиги. Маъруза матни. Тошкент, 2001 йил.
18. С. ғуломов, Р. Убайдуллаева, Э. Ахмедов. Мустаҳқил Ўзбекистон. Тошкент. Меҳнат нашириёти, 2001 йил.
19. М.Шарифхўжаев, Ё.Абдуллаев. Менежмент. Тошкент. Ўқитувчи, 2001 йил 59-187 б.
20. А.Воҳобов. Иқтисодий янгиланиши йўлидан. Ўзбекистон иқтисодий ахборотномаси журнали № 9 2002 йил 1-7 бетлар.
21. О.Олимжонов. Сўм қувватини мустаҳкамлаш-умумхалқ иши. Ўзбекистон овози газетаси 2003 йил 11 ноябр.

2-боб. Миллий иқтисодиётнинг макроиқтисодий қўрсаткичлари

§ 1. Миллий иқтисодиётнинг фаолиятини таъминловчи омиллар.

§ 2. Иқтисодиётнинг ривожланишини белгилайдиган макроиқтисодий қўрсаткичлар тизими.

§ 1. Миллий иқтисодиёт фаолиятини таъминловчи омиллар

Маълум бир давлатнинг иқтисодий фаолиятини чегаралаб уни жаҳон ҳамжамиятидан ажратиб олиш мумкин эмас. Шунинг учун ҳам миллий иқтисодиёт жаҳон иқтисодий тизимини бир бўлаги сифатида қаралиши лозим. Демак, миллий иқтисодиётнинг хусусиятлари на фақат ички, балки ташқи омилларга ҳам боғлиқдир. Шундан келиб чикқан ҳолда миллий иқтисодиётга таъсир этадиган омиллар икки гурухга бўлинади: **Ташқи ва ички**. Улар бир-бирлари билан чамбарчас боғлиқдир.

Ташқи омилларни қуйидаги гурухларга бўлиш мумкин:

1. Иқтисодий
2. Сиёсий
3. Демографик
4. Маданий


- Жаҳон ҳамжамиятини **иқтисодий омилларига** энг аввало у ёки бу давлатнинг миллий иқтисодиётини ихтисослик - йўналишини белгилайдиган ҳалқаро меҳнат тақсимоти киради.
- **Сиёсий омиллар** ҳар хил шаклларда намоён бўлиши мумкин. Масалан у ёки бу маҳсулот етказиб бериш ёки хизмат кўрсатишни тақиқлаб қўйиш; эмбарго эълон қилиш, у ёки бу савдо-сиёсий уюшмаларига қабул қилиш ёки қиласлик; дипломатик мунособатларни ўрнатилиши ёки бузилиши; у ёки бу ҳарбий-сиёсий ташкилотларга кириш, у ёки бу давлат билан бораётган уруш ҳолати ва ҳоказо.
- Жаҳон ҳамжамиятида намоён бўладиган **демографик омиллар** энг аввало ишсизликни келтириб чиқариши мумкин бўлган ишчи кучларининг миграциясини (бир жойдан иккинчи жойга кўчиши) билан боғлиқдир. Бундай ҳолат қайси давлат учун яхши кўрсаткич бўлиши мумкин, ва унинг акси-қайсиdir давлат учун ёмон кўрсаткич бўлиши мумкин.
- Миллий иқтисодиётга **маданий омиллар** ҳам кучли таъсир ўтказиши мумкин. Масалан: умуммаданияти кучли бўлган давлатларни бошқа давлат маданиятига таъсири (босқинчилиги-эксパンсия) туфайли унинг иқтисодини пасайишига (фойда келтириб турган маданият ва санъат тармоқлари даромадларини пасайиб кетиши туфайли) олиб келади.

Миллий иқтисодиётга таъсир қилувчи **ички** омиллар:

- Шахсий-инсоний омиллар
- Моддий-ашёвий омил
- Миллий иқтисодиётни ташкил қилиш шакллари
- Мамлакат миқёсида иқтисодий фаолиятни таҳлил қилиш имкониятини берадиган усуллар (методлар) киради.

- **Шахсий-инсоний омил-** бу меҳнат қилиш қобилиятидан иборат бўлмиш **ишчи кучи** ва унинг фаолият қилишидир. Шахсий инсоний омил меҳнатга лаёқатли аҳоли, унинг жисмоний ва ақлий қобилияти, билим ва савияси, малака ва маҳоратидир. 2003 йилда Ўзбекистонда мазкур аҳоли 12 000 млн. кишини ташкил қилган.

- **Моддий ашёвий омил-**бу ишлаб чиқариш учун зарур бўлган барча моддий шаклдаги воситалардир. Унинг таркибига табиий бойликлар, улардан олинган хом ашёлар, машина-механизм, асбоб-ускуна, қурилмаган иншоотлар киради. Улар ишлаб чиқариш воситалари, деб ҳам юритилади. Уларнинг маълум нархда хисобланниб, пулга чақилган шакли, яъни қиймат-пул шакли МДҲ мамлакатларида ишлаб чиқариш фондлари номини олган. Моддий омиллар таркибан уч қисмдан иборат:



Моддий-ашёвий омил билан шахсий-инсоний омил бирикиб меҳнат жараёни, яъни ишлаб чиқариш юзага келади. Бунинг натижасида турли-туман маҳсулотлар ва хизматлар яратилади.

Тадбиркорлик қобилияти оддий ишчи кучидан фарқ қилиб, ишлаб чиқаришда бошқаришдан иборат бўлган алоҳида вазифани бажаради. У табиатан ишбилармонлик қобилияти бўлиб, алоҳида бир истеъодод, юксак билим, маҳсус тайёргарлик ва маъсулият мужассами, демакдир.

Тадбиркорлик қобилияти моддий омиллар билан бирикмайди, балки шу омиллар билан ишчи кучининг самарали бирикишини, иқтисодий фаолиятдан яхши натижа олинишини таъминлайди.

- **Миллий иқтисодиётни ташкил қилиш шакллари.**

Инсоният тарихи хўжалик юритишни турли хил шаклларини билади:

Анъанавий ёки натурал иқтисодий тизим

Бу ўта кўхна ва қолоқ иқтисодий тизим, узоқ вақтгача ўзгармай қолгани учун архаик (эски) тизим деб баҳоланади. Бу тизимда қўл меҳнати ҳукмрон, ишлаб чиқариш натурал характерга эга: меҳнат унумдорлиги ва турмуш даражаси ғоят паст. Иқтисодий алоқалар хўжаликнинг ўз ичида юз беради. Бошқалар билан олди-сотди муносабатлари бўлмайди. Бу табиатан берк иқтисодиёт давлат сиёсати таъсиридан ҳоли бўлади. Анъанавий иқтисодий тизимнинг алломатлари ҳали цивилизация гирдобига тортилмаган, уруғ-аймоқчилик шароитида яшаётган баъзи бир Африка халқларида учраб туради.

Бозор иқтисодиёти тизими

Бу бозордаги талабни қондиришга қаратилган, бозор орқали ҳамкорликни тақазо этувчи эркин ва демократик тизим. У хусусий мулкчилик, бозор учун ишлаш, чекланмаган иқтисодий танлов, наф кўриш ва рақобат каби тамойилларга асосланади. Бозор тизимида даромад топиш чегараланмайди, бой бўлиш таъкиқланмайди, ўзига тўқ, фаровон яшовчи одамларнинг моддий тенгсизлиги мавжуд бўлади. Бозор тизими асосида товар ишлаб чиқариш пул ётади. Бозор тизими дунёнинг барча мамлакатларида бор, лекин унинг ривожланиш даражаси бир хил эмас.

Тоталитар-режали ёки буйруқбозлик-маъмурий иқтисодиёт тизими

Бу тўла тўқис давлатлаштирилган иқтисодий тизимдир. Унинг асоси давлат мулки ҳисобланади, ишлаб чиқариш давлатнинг режа-топшириқларига биноан юргизилади, нима ишлаб чиқариш масаласи давлатнинг буйруғига биноан ҳал қилинади. Бой бўлиш таъкиқланади, камбағалларнинг тенглиги ҳукм суради. Бундай иқтисодий тизим собиқ социалистик мамлакатларда бўлган.

Аралаш иқтисодий тизим

Бу ҳар хил даражада бозор ва нобозор алоқа-муносабатларининг қориши масидан иборат тизимдир. Бу тизимда бозор воситалари билан биргаликда режалаштириш, ҳамкорлик ва саҳоватга асосланган иқтисодий алоқалар мавжуд бўлади. Иқтисодиёт юксак технология, гоят юқори меҳнат унумдорлигига асосланади, бу эса моддий тўкинчиликни таъминлайди. Аҳолининг кўпчилиги мулк соҳибига айланади.

- Иқтисодий фаолиятни таҳлил қилиш имкониятини берадиган усуллар:**

- Халқаро бозорда ракебатбардошлиқ афзалигини кўрсаткичи миллий иқтисодиётнинг ривожланиш даражасини баҳолайдиган муҳим кўрсаткичdir. Миллий иқтисодиётда у йиллик миллий даромад хажмини йил давомида сарфланган барча ресурсларнинг қийматига бўлган нисбатидир.

Мамлакатнинг бойлиги қуйидаги кўрсаткичлар йигиндиси билан баҳоланади:

1. Аҳолининг жон бошига тўғри келадиган ялпи ички маҳсулот (ЯИМ)

2. Табиий ресурлар қиймати

3. Меҳнат ресурсларининг қиймати

4. Миллий иқтисодиётнинг барча тармоқлари ва турлари корхоналарининг қиймати.

Мамлакат ихтиёридаги мавжуд ресурлар юқоридаги кўрсатилган усуллар билан аниқланиши мумкин.

§ 2. Иқтисодиётнинг ривожланишини белгилайдиган макроиқтисодий кўрсаткичлар тизими

Миллий иқтисодиёт фаолияти хар хил макроиқтисодий кўрсаткичлар билан ифодаланади. Қанчалик маҳсулот кўп ишлаб чиқарилса, шунчалик мамлакат бой бўлади, иқтисодиёт самарали фаолият кўрсатади ва ҳоказо. Ишлаб чиқарилаётган маҳсулот хилмажилдир. Унинг сони ва хиллари миллионлар билан ўлчанади ва хилма хил ўлчов бирликлари билан ифодаланади (дона, метр, тонна, киловатсоат ва ҳоказо) уларни бир бири билан таққослаб ёки қўшиб бўлмайди. Шунинг учун уларнинг ҳаммасини ягона асосга келтирадиган, ягона ўлчов бирлиги зарур бўлади. Анна шундай кўрсаткич бўлиб амалиётда қиймат кўрсаткичлари қўлланилади (сўм, доллар, евро, рубл, фунт стерлинг ва ҳоказо).

Макроиқтисодиётда қуидаги кўрсаткичлар ёрдамида иқтисодиётнинг ривожланиши ёки пасайиши, унинг ютуқ ва камчиликлари аниқланади, ўлчанади;

- Ялпи миллий маҳсулот (ЯММ)
- Ялпи ички маҳсулот (ЯИМ)
- Инфляция, унинг ўсиш сурати
- Давлат бюджети тақчиллиги
- Дефлятор-инфляциянинг ҳақиқий даражасини ифодаловчи

$$\text{кўрсаткич} = \frac{\text{ЯИМнинг амалдаги баҳоларда}}{\text{ЯИМ солиштирма баҳоларда}}$$

- Истеъмол баҳолар индекси
- Ишсизлик даражаси ва ишсизлик сони, аҳолининг иш билан бандлилиги даражаси
- Аҳолини моддий неъматлар ва хизматлар истеъмоли ҳажми, унинг жамғармалари, иш ҳақининг қуий микдори ва қатор бошқалар.

Ишлаб чиқаришнинг натижаларини ифодалайдиган макроиқтисодий кўрсаткич бу **ЯЛПИ МИЛЛИЙ МАҲСУЛОТ** (ЯММ) ҳисобланади. **ЯММ** бир йил ичida миллий хўжаликда яратилган, тақсимланган ва фойдаланиладиган пировард якуний маҳсулотлар қийматидир. ЯММ мамлакатда ишлаб чиқарилган барча маҳсулот ва хизматлар йиғиндисининг пул шаклидаги ифодасидир (мамлакатда ёки унинг ташқарисидагидан қатъий назар). Миллий хўжаликда яратиладиган жуда катта ҳар хил маҳсулот ва хизматлар истеъмол товарларига ва инвестиция товарларига ёки ишлаб чиқариш воситалари маҳсулотларига бўлинади. Бу кўрсаткич, яъни ЯММ кўрсаткичи 1987 йилдан БМТ методологияси бўйича ҳисоблана бошланди.

ЯММ=ЯИжМ +

Шу мамлакат юридик ва
жисмоний шахсларнинг
хориждан оладиган фойда ва
даромадлари

Хорижий инвесторлар ва
ишчиларни шу малакатдан
олган фойда ва даромадлари

Маълумки хил давлатларда ташқи савдо салдоси (қолдиғи) бир хил эмас ва у ЯММ таркибиға қўшилади. Бу ўз навбатида ЯММ ҳажмини ўзгаририб юборади. Натижада ЯММ кўрсаткичи таққослаб бўлмайдиган ҳолга келиб қолади. Шунинг учун мамлакат иқтисодини ривожланиш даражасини аниқ ифодалайдиган кўрсаткич бўлиб **ялпи ички маҳсулот кўрсаткичи (ЯИчМ)** ҳисобланади.

ЯИМ- бу мамлакатнинг иқтисодий фаолиятини умумлаштириб ифодаловчи кўрсаткичdir. У мазкур мамлакат худудида пировард истеъмол учун ишлаб чиқарилган маҳсулот ва хизматлар қийматига тенгdir.

ЯИМ жами ижтимоий маҳсулот- ЯИМ ($C+V+m$) дан тубдан фарқ қиласи. Бу фарқлар қўйидагилардан иборат:

ЯИчМ- бу истеъмолга тайёр ҳаётий неъматларни билдиради. Шу сабабли унинг таркибиға қайта ишлаш ёки қайтадан сотишга мўлжалланган маҳсулотлар кирмайди. Масалан: хом ашё, материал, ёнилғи, энергия, уруғлик, озуқа, транспорт хизмати, улгуржи савдо, тижорат, молиявий хизматлар ва бошқалар ЯИМ қийматига қўшилмайди. Акс ҳолда ЯИМ хам тақорири ҳисоблардан ҳоли бўлмас эди.

ЯИМ- бу ички маҳсулотdir. Чунки у мазкур мамлакат худудида жойлашган барча резидентлар (қайси миллат ва қайси давлат фукаросига мансуб эканлигидан қатъий назар) томонидан ишлаб чиқарилган маҳсулот ва хизматлар қийматини ифодалайди.

ЯИМ натура ва пулда ҳисобланади. Натурада айрим маҳсулотларнинг ҳажми, миқдори, сони аниқланади. Масалан: кўмир, пахта, дон, цемент кабиларнинг миқдори тоннада, тахта, газ эса кубометрда аниқланади.

Маҳсулотлар хилма-хил бўлганидан уларни ягона моддий- натурада аниқлаб бўлмайди. Масалан: ўқитиши ёки даволаш хизматини тонна, м, м³ орқали ўлчаб бўлмайди. Шу сабабли уларнинг кўлами (ҳажми, миқдори, сони) неча пуллик хизмат кўрсатилганига қараб аниқланади.

Ялпи ички маҳсулот ҳажми яратилган маҳсулотлар (M) ва хизматлар миқдорини (X) уларнинг бозор нархига (P) кўпайтмасидан иборат:

ЯИМ = ΣМР +ΣХР

Мазкур мавзуни якунлар эканмиз қуидаги хulosаларни чиқаришимиз мүмкін:

1. ЯИЧМ таркибида хизмат күрсатиш соҳаларини ахамияти орта боради. Охирги 30-40 йил ичидә жаҳон миқиёсида Фан-техника тараққиети ривожланиши моддий неъматлар ишлаб чиқарадиган соҳани тубдан ўзгартириб юбораяпти. Моддий неъматлар ишлаб чиқарадиган соҳанинг чегараси кенгайиб ортиб бораяпти. ФТП янги технологияларни яратадиган бевосита ишлаб чиқариш кучига айланиб бораяпти.

2. 80-йиллар охиридан бошлаб АҚШ ва бошқа ривожланган давлатларда ахборот ишлаб чиқариш кенг ривож топмоқда. У кишиларни меҳнат фаолиятини учинчи кучли соҳасига айланиб қоляпти. АҚШ миллий иқтисодиётіда янги тармоқнинг улуси ЯММ ҳажмида шу давр ичидә 50 % гача ошган.

3. Ўзбекистон иқтисодиётіда ҳам хизмат күрсатадиган соҳаларни улуси ортиб бораяпти ва ҳоказо.

Таянч иборалар

- *Миллий итисодиётни таъминловчи ташқи омиллар*
- *Миллий итисодиётни таъминловчи ички омиллар*
- *Бозор иқтисодиёті тизими*
- *Буйруқбозлик-маъмурӣ иқтисодиёт тизими*
- *Ялти миллий маҳсулот*
- *Ялти ички маҳсулот*
- *Инфляция*
- *Дефлятор*
- *Истеъмол баҳолар индекси*

Ўз-ўзини текшириши учун саволлар

1. *Миллий иқтисодиётга таъсир қилувчи ташқи омилларга қандай омиллар киради?*
2. *Миллий иқтисодиётга таъсир қилувчи ички омилларга қандай омиллар киради?*
3. *Макроиктисодий кўрсаткичларга қандай кўрсаткичлар киради?*
4. *Ялти ички маҳсулот тўғрисида нималар деб оласиз?*

Адабиётлар:

1. И. Каримов. «Ўзбекистон буюк келажак сари» Тошкент. Ўзбекистон -1998 йил 3-173 бетлар.
2. И. Каримов. «Фарзандларимиз биздан кўра кучли. Билимли, доно ва албатта баҳтли бўлишилари шарт». Халқ сўзи. 24 декабр 1998 йил.
3. И. Каримов. Келажакни жасоратли инсонлар қуради. Халқ сўзи. 17 феврал 1999 йил.
4. И.А.Каримов. “Эришган марраларимизни мустаҳкамлаб, ислоҳотлар йўлидан изчил бориши- асосий вазифамиз” мавзусида 2004 йил 7 февралда бўлиб ўтган Республика Вазирлар Маҳкамаси мажлисидаги маъruzаси. Халқ сўзи газетаси, 2004 йил 10 феврал.
5. Ўзбекистон Республикасининг Нодавлат, нотижорат ташкилотлари тўғрисидаги қонуни. Халқ сўзи 1999 йил 8 май.
6. А.П. Градов. Национальная экономика Санкт-Петербург 1997 г стр. 80-87
7. Ўзбекистон Республикаси иқтисодиёти .Тошкент. Ўзбекистон миллий энциклопедияси. Давлат илмий нашириёти. 5-18 бетлар.
8. А.Эшимухамедов ва бошқалар. «Бозор муносабатлари шароитида Миллий иқтисодиётнинг ривожланиши». Тошкент. Ўқитувчи-1996 й. 10-18 бетлар.
9. А. Ўлмасов . Иқтисодиёт асослари. Тошкент. Мехнат. 1997 йил 12-15 бетлар.
10. Вводной курс по экономической теории под общей редакцией акад. Г.П. Журавлевой. Москва ИНФРА-М, 1997 год. Стр. 229-239
11. X. Набиев. А. Набиҳўжаев ва бошқалар. Миллий ҳисоблар тизими. Тошкент 1998 йил, 3-20 бетлар.
12. Общий классификатор всех видов экономической деятельности (ОКЭД) Ташкент 1995 год Главный вычислительный центр ГКГ прогнозстат. Стр.3-121
13. А.Воҳобов. Иқтисодий янгиланиши йўлидан. Ўзбекистон иқтисодий ахборотномаси журнали. 2002 йил №9 сон, 1-7 бетлар.

3-боб. Миллий бойлик. Фан-техника тараққиёти

§ 1. Миллий бойлик тушунчаси, унинг таркиби. Миллий иқтисодиётни ривожлантириш асослари.

§ 2. Фан-техника тараққиёти, унинг моҳияти. Янги техника ва технологиянинг иқтисодий самарадорлиги.

§ 1. Миллий бойлик тушунчаси, унинг таркиби миллий иқтисодиётни ривожлантириш асослари

Бойлик, деган тушунча иқтисодий назарияда кенг қўлланилади. Биринчи марта **бойлик** деган тушунчани англиялик иқтисодчи А.Смит киритган. У яратилган маҳсулотларнинг жамғарилиши бойлик деб атаган ва уни ишлаб чиқарувчилар меҳнати оширади деб уқтирган. 1664 йилда инглиз олимни Уильям Петти миллий бойликни ҳисоблаган олимдир. У биринчи марта бойликнинг **отаси меҳнат, онаси эса ердир**, - деган.

Хозирги замон назариётчилари ҳам яратилган маҳсулот ишлаб чиқариш ресурсига айланиб, бойлик ҳосил этишини эътироф этадилар. Миллий бойлик ёки ижтимоий бойлик умумиқтисодий категориядир. Ишлаб чиқариш бор жойда миллий бойлик вужудга келади.

Миллий бойлик инсоният жамияти тараққиёти давомида яратилган ва жамғарилган моддий, номоддий ва интелектуал бойликлар ҳамда табиат иномларидан иборатdir.

Миллий бойлик ўз ичига моддий ва номоддий неъматларни, яратилган санъат асарларини интелектуал салоҳиятни, ҳамда барча табиат ресурслари ва бойликларини олади.

Миллий бойликни шартли равишда қуидаги учта йирик таркибий қисмларга ажратиш мумкин:

1. Моддий буюмлашган бойлик;
2. Номоддий бойлик;
3. Табиий бойлик;

Моддий буюмлашган бойлик ишлаб чиқаришнинг, унумли меҳнатининг натижаси ҳисобланади. У ишлаб чиқаришда яратилган маҳсулотларни жорий истеъмол қилишдан ортиқча қисмини **жамғариш оқибатида вужудга келади ва ўсиб боради**. Бойликнинг бир қисми ҳар йили ишдан чиқарилиб ва қайтадан янгиланиб туради (ишлаб чиқариш воситалари, истеъмол буюмлари). Шу сабабли ишлаб чиқариш воситаларининг ўрнини қоплаш билан бир вақтда ялпи маҳсулотнинг фақат бир қисми моддий буюмлашган бойлик сифатида жамғарилиб борилади. Миллий бойлик меҳнат натижасида яратилади ва қўпайиб боради.

Миллий бойликнинг **инсон меҳнати билан яратилган қисми**, ўз ичига қуидагиларни олади:

- **ишлаб чиқариш характеристидаги асосий фондлар.**
- **ноишлаб чиқариш характеристидаги асосий фондлар.** Асосий фондларнинг бу турига давлатнинг уй-жой фонди, ижтимоий маданий характердаги объектлар киради.
- **айланма фондлар.** Миллий бойликнинг бу қисми меҳнат предметларидан иборат, бўлиб асосий фондларнинг таҳминан 1/4 қисмини ташкил қиласи.

- **тугалланмаган ишлаб чиқаришнинг моддий-буюмлашган қисми.** Улар ишлаб чиқариш босқичида меҳнат жараёни таъсири остида бўлиб, потенциал **тайёр маҳсулот** ҳисобланади.

- **моддий заҳиралар ва эҳтиёжлар.** Бунга муомила босқичидаги тайёр маҳсулот, корхоналар ва савдо тармоқларидағи моддий заҳиралар, давлат эҳтиёжлари ва резерв фондлари киради. **Моддий заҳиралар** иқтисодиётда рўй бериши мумкин бўлган ва олдиндан билиб бўлмайдиган фавқулотда холатларда фойдаланиш мақсадида ушлаб турилади. **Давлат эҳтиёжларига** олтин заҳиралари, сугурта ва мудофа эҳтиёжлари учун зарур заҳиралар киради.

- аҳолининг уй, томорқа ва ёрдамчи хўжаликда **жамғарилган мол-мулк**. Бунга уй-жой, автомобиль, маданий-майший буюмлар, кийим-кечаклар ва шу кабиларнинг қиймати киради.

Моддий буюмлашган бойлик **таркибий қисмларининг** мазмуни ва уларнинг салмоғи ўзгаришсиз қолмайди. **Асосан фан-техника тараққиёти, шароитида моддий, буюмлашган бойлик таркибида йирик ўзгаришлар рўй беради.**

Моддий буюмлашган бойлик **ўсишининг асосий омиллари** бўлиб қўйидагилар ҳисобланади:

- меҳнат унумдорлигининг ўсиши;
- ишлаб чиқариш самарадорлигининг ортиши;
- миллий даромадда жамғариш нормасининг ортиши;

Моддий буюмлашган бойликнинг ўсиши жамият моддий қимматликлари кўпайишнинг асоси ҳисобланади. Агар фан-техника тараққиёти юқори суръатлар билан ривожланса маданият, санъат, фан каби номоддий соҳалар ҳам ўсиб ва такомиллашиб боради.

Миллий бойлик нафақат моддий ишлаб чиқариш соҳаларида яратилади, балки унинг бир қисми номоддий ишлаб чиқариш соҳаларида вужудга келтирилади **ва жамиятнинг номоддий бойлиги ҳисобланади.** Улар ҳам моддий ишлаб чиқариш соҳаларининг фаолият қилиши ва ривожланиши учун шунингдек бевосита ахолининг турмуш даражасини таъминлаш ва ошириб бориш учун зарур бўлади. Бундай бойликларга **таълим, соғликни сақлаш, фан, маданият, спорт** соҳаларида, вужудга келтириладиган номоддий қимматликлар киради. Унинг такибида тарихий ёдгорликлар, архитектура обидалари, ноёб адабиётлар ва санъат асарлари алоҳида ўрин тутади.

Жамиятнинг номоддий бойликларида маданият ва санъатнинг ривожланиш даражаси, жамият аъзоларининг тўплаган **илмий билимлари ва интелектуал даражаси**, ишловчиларнинг ихтисослиги ва малакавий билим даражаси, соғлиқни сақлаш, таълим ва спортнинг ривожланиш даражаси ўз ифодасини топади.

Миллий бойликнинг бошқа қисми **табиий бойликлар** ишлаб чиқаришнинг моддий шарт –шароитини ва инсон фаолиятининг ташки мухитини ташкил қиласи. **Табиий бойликнинг вужудга келиши инсоният жамият ривожига боғлиқ эмас, у табиат қонунлари асосида рўй беради.** Фойдали қазилма бойликлар, ўрмонлар, сув ва ер ресурслари худди шундай вужудга келиб ишлаб чиқаришдан ташқарида туради.

Табиат иномлари ўзларининг дастлабки кўринишида табиий бойлик бўлиб, шу ҳолатида инсон фаолиятининг натижаси ҳисобланган ижтимоий бойлик таркибида кирмайди. Бунинг маъноси шуки, **табиий бойликлар жамият учун фақатгина потенциал бойлик ҳисобланади. Улар реал бойликка инсон меҳнатининг таъсири оқибатида айланади.**

Ўзбекистон табиий ресурсларга бой давлатdir. Энг аввало республикада 4,2 млн га суғориладиган ерлар мавжуддир. Ана шу ерлар Марказий Осиёда етиштириладиган пахтанинг 3/4 қисмини ташкил қиласи. Ўзбекистон ер ости бойликлари билан хакли равишда фахрланади. Машхур Менделеев дарий системасининг деярли барча элементлари топилган. Ўзбекистон худуди доирасида шакллантирувчи йиллик сув оқими 10 куб.км.га яқин. Бошқа мамлакатлар худудидан оқиб келувчи сув оқими 89 куб.км.ни ташкил қиласи.

Ўзбекистон худудида **олтин, мис, рух, вальфрам, молибден,** алюминий ва магний рудалари, нодир металлар, олтингугурт, ош тузи, калийли ва бошқа табиий туз қатламлари, каолин, ўтга чидамли хом ашёлар, бентонит, мармар ва бошқа безак тошлари топилган. **Ёкилиги ресурслари бўйича эса кўмир, табиий газ конлари очилган.**

Ўзбекистонда 100 га яқин бой минерал-хом ашё турларини мавжудлиги республика иқтисодиётининг мухим тармоқларини, айниқса газ, олтин ишлаб чиқариш, энергетика, кимё, рангли металлургия, қурилиш материаллари саноатларини тез суръатлар билан ривожлантириш имкониятини беради.

Шу кунгача республикада ҳаммаси бўлиб **минерал-хом ашё турларидан 70га яқини ишлаб чиқаришга жалб этилган.**

Ўзбекистонда 4 минг тоннадан ортиқроқ катта заҳирага эга бўлган 30 та олтин ва катта заҳирага эга бўлган 30 та уран кони аниқланган. Республикада захираси 2 триллион м³ газ, 2 милиард тонна кўмир, кўп микдордаги нефт конлари топилган.

Конларнинг фойдаланишига топширилиши туманлар, вилоятлар иқтисодиётини тубдан ўзгартириб юборади. Айрим тоғ-саноат комплекслари бунёд қилинди. (Навоий, Алмалиқ ва ҳоказо)

Хозирги даврга келиб аниқланган миллий бойлик манбалари ишлаб чиқариш корхоналарини узоқ муддат давомида олтин, мис, табиий газ, қўрғошин, рух, қўмир ва бошка маҳсулотлар билан таъминлабгина қолмай, ишлаб чиқаришни кенгайтириш имконини ҳам бераяпти.

Ўзбекистоннинг ер ости бойликлари пахта далаларининг ҳосилдорлигини оширишга муҳим ҳисса қўшади. Масалан: Турон ёнувчи сланецларидан маҳаллий сланец конлари базасида ўғит сифатида ишлатиладиган ва пахта ҳосилдорлигини оширишнинг муҳим омили бўлган смола олиш масаласи ҳал қилинган. Кўп миқдорда янги қурилиш материаллари, **масалан**, керамзит ишлаб чиқариш учун керак бўлган бетонитлар, Тошкент метрополитени учун зарур bezak тошлари ва бошқалар ишлаб чиқарилиши ташкил қилинган ва ҳоказо.

Ўзбекистонда бозор иқтисодиёти талабларига жавоб бера оладиган бақувват иқтисодиётнинг асоси яратилди. Ўнлаб янги тармоқ ва соҳаларга асос солинди, маънавий ва жисмоний жиҳатдан эскириб қолган минглаб ишлаб чиқариш корхоналари бутунлай қайтадан замонавий, юқори унумли техника ва технология билан жиҳозланди.

Республикамиз Президенти И.А.Каримов таъкидлаганидек, Ўзбекистон келажаги буюк давлатдир, чунки унинг **иқтисодий потенциали жуда катта**.

Миллий бойлик жамиятнинг иқтисодий куч-кувватини кўрсатади ва иқтисодий потенциални ташкил этади. **Жамиятнинг ишлаб чиқара билиш қобилияти иқтисодий потенциал деб аталади**. Бу қобилият ишлаб чиқариш ресурслари миқдори ва сифати билан белгиланади, яратилган маҳсулотлар ва хизматлар миқдори билан ифода этилади. Шу сабабли унинг муҳим кўрсаткичи бўлиб- **ялпи миллий маҳсулот** кўрсаткичи хисобланади. Бу маҳсулотни ишлаб чиқариш эса- миллий бойликнинг ҳажми ва структурасига, ундан яхши фойдаланилишига боғлиқдир. Шундай экан, иқтисодий потенциал юксалган сари жамият тобора бойиб боради.

Иқтисодий потенциал жамият аъзоларининг эҳтиёжини қондириш учун ишлатилади. Агар эҳтиёжлар тўларок қондирилса, иқтисодий потенциал самарали ишлатилган бўлади. **Иқтисодий потенциалнинг тўрт хил унсури** (элементи) мавжуд.

1. Меҳнат потенциали
2. Илм-маърифат потенциали
3. Техника-технология потенциали
4. Табиий потенциал

Меҳнат потенциали — жамиятдаги меҳнатга лаёқатли, билим ва малакага, ишлаб чиқара олиш қобилиятига эга бўлган кишилардир. Меҳнат потенциалининг миқдорий ўлчами ишга яроқли кишилар сони бўлиб, унинг ўсиб бориши аҳолининг кўпайишидан келиб чиқади. Сифат жиҳатидан меҳнат потенциали мазкур аҳолининг билим савияси, касбий малакаси ва тажрибасини билдиради. Меҳнат потенциали ишлаб чиқариш орқали Миллий бойликни оширишга ўз хиссасини қўшади.

Илм-маърифат потенциали - илм-маърифатга хизмат қилувчи моддий ва инсоний ресурслар, фан эришган даражадир. Илм-маърифат потенциалини унга сарфланган маблағлар ва илмий педагогик кадрлар сони ва малакаси белгилайди. Илм-маърифат ривожига қанчалик кўп маблағ сарфланса, уни самарали ишлатиш таъминланса, иқтисодий ўсиш шунчалик тезлашиб миллий бойлик кўпаяди.

Техника-технология потенциали — жамиятдаги машина-механизмлар миқдори, уларнинг таркиби, техникавий даражаси ва технологик тизимлар мажмууни ўз ичига олади. Бу потенциал фан ютуқлари нақадар янги техника ва технологияда моддийлашганлигини билдиради. Техника-технология даражаси фан тараққиётига монанд тушиши шарт, аммо бунинг учун фан ютуқларини амалиётта жорий этишни таъминловчи иқтисодий воситалар амал қилишни талаб қилинади. Агар бўндей восита бўлмаса, фан ва техника потенциали бир-бирини таъминламай қўяди. Масалан, собиқ СССРда ер юзидағи олимларнинг 25 фоизи ишлаган, лекин фан билан техникани боғловчи восита заифлигидан, улкан мамлакат ишлаб чиқариш даражаси бўйича дунёда 68 ўринни эгаллаган. Техника-технология потенциали илмий потенциалдан юқори бўлиши ҳам мумкин, аммо бу хол ишлаб чиқариш импорт қилинган техника-технологияга асосланганда юз берди.

Табиий потенциал — табиий ресурслар миқдори ва сифати, ишлаб чиқаришнинг об-ҳаво шароити. Табиий потенциал чекланган ва нотекис жойлашган бўлади. Табиий потенциални ер, сув захиралари, ўрмон ва ер ости бойликлари, сув бойликлари, иқлим қулайликлари ташкил этади. Улар иқтисодиётга кўмаклашуви ёки унга қийинчилик туғдириши мумкин. Аммо табиий ресурслар яратган тўсиқларни илмий ва техникавий потенциал бартараф этиши мумкин. Масалан, Япония табиий ресурслари камёблигини юксак техника-технология потенциали воситасида ортиғи билан қоплайди.

Иқтисодий потенциал унсурлари биргаликда амал қилиб, бир-биридаги етишмовчиликни тўлдира олади. Уларнинг самарали амал қилиши учун жамиатдаги иқтисодий шароит улардан тўлароқ фойдаланиш юзасидан **ҳам манфаатдорлик, ҳам жавобгарликни юзага келтириши зарур**. Иқтисодий патенциалнинг ўсишини ва самарали ишлашини таъминловчи куч-бу эркин бозор механизмидир.

§ 2. Фан-техника тараққиётининг моҳияти. Янги техника ва технологиянинг иқтисодий самарадорлиги

Фан-техника тараққиёти фан ва техниканинг муттасил равишда ва ўзаро боғлиқ ҳолда ривожланишидир. Ижтимоий талаб ва эҳтиёжларнинг ўсиши таъсирида Фан-техника тараққиёти жадаллашади. Бу ўз навбатида табиий кучлар ва ресурсларни инсонга хизмат қилдириш, ишлаб чиқаришда зарур маълумотларни аниқ мақсадни кўзлаб кўллаш имконини беради.

Фан-техника тараққиётини жадаллаштириш туфайли:

- Мехнат унумдорлигини оширишга эришилади;
- Асбоб-ускуналардан, моддий ресурслардан хом ашёлардан оқилона фойдаланиш зарурати янги технологиянинг вужудга келишини таъминлайди;
- Ишлаб чиқаришни самарали ташкил қилиш имкониятларини яратади;
- Техника тараққиёти мутахасисларни касбий маҳоратини ўзгартиради, шунингдек янги касблар вужудга келишини таъминлайди;

Фан техника тараққиёти ўзаро бир-бирини тақазо этадиган **икки шаклда амалга оширилади**:

- 1) Фан ва техниканинг анъанавий негизларини нисбатан секинроқ ва қисман такомиллаштиришни билдирувчи **эволюцион шакл**;
- 2) Принципial жиҳатдан янги техника ва технологияни вужудга келтирадиган, жамият ишлаб чиқарувчи кучларини тубдан ўзгартиришга олиб келадиган **инқилобий шакл**.

Иқтисодиётни ҳар томонлама ривожланишини таъминлаш, маҳсулот сифатини яхшилаш, меҳнат унумдорлигини оширишнинг ҳал қилувчи воситаси фан-техника тараққиётини бутун чоралар билан жадаллаштиришни зарурат қилиб қўяди.

Бозор иқтисодиётига ўтиш миллий иқтисодиётни шаклланиши ва ривожланиши ишлаб чиқаришни **электрлаштиришни, роботлаштиришни, компьютерлаштиришни** кенг миёсда амалга оширишни тақозо этади. **Фан бевосита ишлаб чиқарувчи кучга айланади**.

Фан - техника тараққиётини жадаллаштириш учун:

- илм-фанни устувор йўналиш сифатида ривожлантириш;
- илмий ходимлар таркибини қайта тузиш.
- миллий иқтисодни ривожлантириш учун аҳамиятли ихтиро-ларни ишлаб чиқаришга тезроқ жорий қилиш;
- саноатни етакчи тармоқларини, энг аввало, машинасозлик, маҳсулотларини ўсиш суръатларини ва янгиланишини таъминлаш;
- янги техниканинг иқтисодий самарадорлигини ошириш;
- инсон омилидан **тўғри фойдаланиш, бошқариш ва таълим тизимини қайта қуриш**, ва ҳоказо каби тадбирлар амалга ошириш зарурдир.

Фан-техника тараққиётининг ҳозирги даврдаги асосий йўналишлари бўлиб:

1. Ишлаб чиқаришни **комплекс механизациялаш ва автоматлаштириш**.
2. **Компьютерлаштириш**.
3. Энергетикани ва энг аввало **атом энергетикасини ривожлантириш**.
4. **Транспорт ва алоқанинг янги турларини вужудга келтириш**.
5. **Янги техника ва технологияларни тезроқ ўзлаштириш**.
6. **Янги конструкцион материалларни вужудга келтириш ва** фойдаланиш.
7. **Биотехнология**, чиқитсиз технологик жараёнларни ишлаб чиқаришга тадбиқ этиш.
8. **Алоқа атроф-мухитни муҳофаза қилиш** мақсадларида космосдан кенг фойдаланиш ва бошқалар ҳисобланади.

Мустақиллик йилларида Ўзбекистонда фан билан ишлаб чиқариш интеграцияси кучаймоқда, улар ўртасида ўзаро ҳамкорликнинг янги самарали шакллари вужудга келмоқда, техника янгиликларини, илмий кашфиётлар ва ихтиrolарни ҳаётга тадбиқ қилиш муддатлари қисқармоқда.

Республика миллий иқтисодиётини шакллантириш ва ривожлантириш фан-техника тараққиёти ривожи билан чамбарчас боғлиқдир.

Бозор иқтисодиётига ўтиш фан-техника маҳсулотини барпо этишни тақозо этади. Илмий-техникавий фаолиятни бозорга ўтказишнинг ўзига хос хусусиятлари бор. Давлат назарий изланишларни ҳамма вақт қўллаб-қувватлаб, молиявий томондан таъмин этиб туради.

Янги техника ва ишланмаларни бунёд этиш ва уларни кенг кўламда амалиётга жорий қилиш албатта бозор механизмини қўллаш натижасида, яъни хўжалик шартномалари асосида амалга оширилади ва олинган натижалар маҳсулот сифатида қабул қилинади. Фан ва техника замон талабига мос тарзда ривожлантириш учун унинг ҳозирги ва келажакдаги ўрнини аниқлаб берса оладиган илмий изланишларни олиб боришни кенгайтириш зарур..

Фан самарадорлигини оширишдаги асосий омил фан ва техника учун **бўлган жавобгарликни оширишдир**. Ана шундагина фандаги илмий хуносаларни техникага маҳсулот сифатида ўтказилиши ва ҳақиқий бозор иқтисодиёти рўёбга чиқиши, институтлар ўзларига хос бўлмаган жорий ишлардан халос бўлишлари мумкин.

Бозор иқтисодиёти кенг ривожланган баъзи мамлакатларда илмий тажриба, конструкция ишлари институтларига қилинган умумий харажатларнинг 20% ва ундан ҳам кўпроғини давлат молиялаштиради. Бизда ҳам давлат маблағларини анчагина қисми фан-техника тараққиётига сарфланаяпти.

Фан-техника тараққиёти соҳасида кредитлаштириш узоқ давр мобайнида фақат янги фан-техникани жорий қилишга қаратилган эди. Янги маҳсулотнинг яратилиши турли босқичларда харажатлар тузилмасини оқилона ўзгартириш, илмий текшириш институтларига кредит беришни тўғри йўлга қўйиши, шу билан бирга жаҳон тажрибаларининг ижобий томонларини ҳам амалда қўллашни тақозо қиласди.

Солиқлар тизими ва имтиёзли солиқлар илмий тажриба, конструкторлик ишлари институтни бошқаришнинг муҳим эгри воситалари ҳисобланади. Бирқанча ривожланган мамлакатларда илмий тажриба, конструкторлик ишлари институтларига тўғри мутаносиб харажатларнинг **ўсиб бориши билан бирга солиқлар скидкаси жорий қилинган** (бу скидка жуда катта ёрдам беради, 20-50% ни ташкил этади).

Фан-техникани ривожлантириш учун сарфланаётган маблағлар, табиий равища, **иқтисодий самара бериши керак**.

Фан-техника тараққиёти самарадорлиги янги техникани қўллаш натижасида олинган иқтисодий самарани уни ишлаб чиқаришга қилинган барча харажатлар миқдорига бўлиш йўли билан бирга солиқлар скидкаси жорий қилинган.

Йиллик иқтисодий самара дейилганда миллий иқтисодиёт миқёсида олинган иқтисодий тежам тушунилади.

Янги техниканинг иқтисодий самарадорлигини белгиловчи кўрсаткичлар бўлиб **фойданинг ўсиши, таннархнинг камайиши ҳисобланади**. Бу ишлар асосан янги техникани қўллаш натижасида амалга оширилади.

Фойданинг ўсиш кўрсаткичи қуйидаги формула ёрдамида аниқланади:

$$\Delta \Pi_{it} = (\Pi_t - C_t) - (\Pi_1 - C_1) A_t$$

- бунда: Π_{it} - Прогнозлаш даврида фойданинг ўсиши (t йил), сўм ҳисобида;
 Π_t ва C_t - Улгуржи баҳо ва бир бирлик маҳсулотнинг таннархи (техника киритгандан кейингиси);
 Π_1, C_1 - Улгуржи баҳо ва бир бирлик маҳсулотнинг таннархи (янги техника киритилмасдан аввалгиси);
 A_t - янги маҳсулотнинг t йилдаги ҳажми.

Янги техникани жорий қилиш натижасида маҳсулот таннархининг камайиши қуйидагича аниқланади:

$$\Delta C = (C_1 - C_t) A_t$$

бунда: ΔC - Янги техникани жорий қилиш, таннархни камайтиришдан келиб чиқадиган самарадорлик;
 C_t - янги маҳсулот таннархи (t йилдаги);
 C_1 - Эски маҳсулот таннархи;
 A_t - янги маҳсулотнинг t йилдаги ҳажми.

Таянч иборалар

- *Бойлик*
- *Миллий бойлик*
- *Моддий буюмлашган бойлик*
- *Номоддий бойлик*
- *Табиий бойлик*
- *Итисодий потенциал*
- *Меҳнат потенциали*
- *Илм-маърифат потенциали*
- *Табиий потенциал*
- *Фан-техника тараққиёти*
- *Фан-техника тараққиёти самарадорлиги*

Ўз-ўзини текшириши учун саволлар

1. *Бойлик ва миллий бойлик тушунчалари ўртасида қандай фарқ бор?*
2. *Миллий бойлик маркибига нималар киради?*
3. *Моддий буюмлашган бойлик деганда нимани тушунасиз?*
4. *Номоддий бойлик маркибига нималар киради?*
5. *Табиий бойлик маркибига-чи?*
6. *Иқтисодий ривожланиши даражаси ва миллий бойлик ўртасида қандай боғлиқлик бор?*
7. *Иқтисодий потенциал деганда нимани тушунасиз?*
8. *Иқтисодий потенциал қандай унсурлардан ташкил топган?*
9. *Меҳнат потенциалининг моҳияти нимада?*
10. *Илм-маърифат потенциалининг моҳияти нимада?*
11. *Техника-технология потенциалининг моҳияти нимада?*
12. *Табиий потенциалнинг моҳияти нимада?*
13. *Фан-техника тараққиётининг аҳамияти*
14. *Фан-техника тараққиётини жадаллаштириши учун қандай омиллар таъсир кўрсатади?*
15. *Фан-техника тараққиётининг асосий йўналишилари*
16. *Фан-техника тараққиётининг самарадорлик кўрсаткичлари ва уларни аниqlashi usullari.*

Адабиётлар:

1. И. Каримов. «Ўзбекистон XXI асрга интилмоқда». Тошкент. Ўзбекистон, 1999 йил.
2. И. Каримов. «Ўзбекистон буюк келажсак сари» Тошкент.
Ўзбекистон -1998 йил 3-174 бетлар.
3. И. Каримов. Ўзбекистон XXI асрга бўсағасида: Хавфсизликка таҳди, барқарорлик шартлари ва тараққиёт кафолатлари. Тошкент. Ўзбекистон, 1997 йил 229-250 бетлар.
4. И.А.Каримов. “Эришган мурраларимизни мустаҳкамлаб, ислоҳотлар йўлидан изчил бориши-асосий вазифамиз” мавзусида 2004 йил 7 февралда бўлиб ўтган Республика Вазирлар Маҳкамаси мажлисидаги маърузаси. Халқ сўзи газетаси, 2004 йил 10 феврал.
5. А.П.Градов. Национальная экономика. Санкт-Петербург. «Специальная литература» 1997 г. Стр. 122-148.
6. Экономическая теория национальной экономики и Мирового хозяйства. Москва. «Банки и биржы» Изд. обьед. ЮНИТИ 1998 г. Стр 107-125.
7. А.Ўлмасов, М. Шарифхўжаев. Иқтисодиёт назарияси. Тошкент. Меҳнат, 1995 йил. 113-129 бетлар.
8. Макроэкономические проблемы переходного периода в Узбекистане. Ташкент-1998 г. Стр. 8-39,170-197.
9. Э.Набиев, А.Қаюмов. Ўзбекистоннинг иқтисодий салоҳияти. Тошкент. Академия, Университет 2000 йил.

4-боб. Миллий иқтисодиёт таркиби ва уни такомиллаштиришнинг асосий йўналишлари

§ 1. Миллий иқтисодиёт таркиби, унинг мазмуни ва асосий шакллари.

§ 2. Иқтисодий фаолият таркибини таҳлил қилиш.

§ 3. Миллий иқтисодиёт таркибини такомиллаштиришнинг асосий йўналишлари.

§ 1. Миллий иқтисодиёт таркиби, унинг мазмуни ва асосий шакллари

Иқтисодиёт мураккаб ва кўп қиррали хусусиятга эга. У ҳар бири аниқ функцияни бажарадиган ва шунинг билан бирга бошқа бўғинлар харакатини таъминлайдиган кенг тармоқли турли хил бўлимлар тизимидан иборат. Шунинг учун иқтисодиётнинг таркиби доимо ривожланишда ва такомиллаштиришда бўладиган мураккаб организмдир.

Иқтисодиётнинг таркиби (структураси) деганда маълум омиллар таъсирида юзага келган ижтимоий тақрор ишлаб чиқариш ва ижтимоий меҳнат тақсимотини ифодалайдиган иқтисодиёт тармоқларининг нисбати тушунилади.

Маълумки, Марказлашган бошқарув тизимида **муайян мамлакат иқтисодиёти “халқ хўжалиги” ибораси билан ифодалана**р эди. Бундай ёндошувда мамлакат иқтисодиёти икки соҳага, яъни:

- Ишлаб чиқариш
- Ноишлаб чиқариш соҳаларига бўлинган халқ хўжалиги тармоқлари таснифига асосланар эди.

Ишлаб чиқариш соҳаси:

- Саноат;
- қишлоқ хўжалиги;
- ўрмон хўжалиги;
- курилиш;
- юқ транспорти;
- ишлаб чиқаришга хизмат қилувчи алоқа;
- моддий техника таъминоти;
- савдо ва тайёрлов ташкилотлари;
- умумовқатлиниш корхоналари;
- бошқа ҳар хил ишлаб чиқариш фаолиятлари;

I. Ноишлаб чиқариш соҳаси:

- уй-жой коммунал хўжалиги ва аҳолига майший хизмат кўрсатиш;
- соғлиқни сақлаш, жисмоний тарбия ва социал таъминот;
- халқ таълими;
- маданият ва санъат;
- молия, кредит ва давлат суғуртаси;
- бошқариш;
- мудофаа;
- ҳар хил ноишлаб чиқариш фаолиятлари.

Халқ хўжалигини бу тартибда гуруҳлаш иқтисодиётни маъмурий буйруқ билан бошқариш шароитида вужудга келган бўлиб, хаддан ташқари марказлашган режалаштириш услугига асосланган эди. Бундай тасниф бозор иқтисодиёти талабларига жавоб берадиган. Чунки унга асосланиб:

- ноишлаб чиқариш тармоқларида яратилган ижтимоий қийматни аниқлаш;

- тармоқларни мулк шакллариға ажратиб ўрганиш;
- тадбиркорликнинг янги структурасига оид кўпгина кўрсаткичларни аниқлаш имконияти бўлмайди.

Бозор иқтисодиёти шароитида ҳалқ хўжалигининг икки соҳасидаги чегара йўколади, янги турли-туманли мулкий тизим вужудга келади. Натижада, турли мулк шакллари кўринишида бозор иқтисодиётининг қуийдаги субъектлари шаклланади:

- Иқтисодий мустақил **мулк эгаси**, яъни истеъмолчи бўлган айrim кишилар ёки гурухлар. Буларга одатда ёлланиб ишловчилар, ер эгалари, капитал соҳиблари, ишлаб чиқариш воситаси эгалари киради. Улар тадбиркорлик қилмай, ўз мулкидан даромад топади ёки ёлланиб ишлайди.
- Фирма, корхона, хўжаликлар ва уларда банд бўлган **тадбиркорлар**. Улар фойда олиш йўлида мустақил иш юритадилар, ишлаб чиқариш омилларини ишга соладилар.
- **Давлатнинг барча маҳкамама-идора ташкилотлари**. Улар ҳам ишлаб чиқариш, ҳам истеъмол билан шуғулланадилар, бозор ва унда қатнашувчилар фаолияти устидан назорат қиласидилар.

Бозор иқтисодиёти иштирокчилари ўзаро алоқага киришадилар. Ишчи кучи, ер, капитал ва бошқа восита эгалари уларни корхона, фирмаларга сотади. Улар ўз навбатида ишлаб чиқариш омилларидан фойдаланиб товар ишлаб чиқарадилар ва хизматлар кўрсатадилар.

Бирлашган Миллатлар ташкилотининг 1993 йилда қабул қилинган МСТининг 3-тахририда Миллий иқтисодиёт икки кисмга ажратилган:

1. Ички иқтисодиёт
2. Қолган дунё (ташқи дунё)

Ички иқтисодиёт 5 секторга ажратилган:

1. Товар ишлаб чиқариш ва хизмат кўрсатиш корхоналари (номолиявий корхоналар);
2. Молия ташкилотлари ;
3. Давлат ташкилотлари;
4. Уй хўжалигига хизмат кўрсатувчи ижтимоий ташкилотлар;
5. Уй хўжалиги;

Миллий иқтисодиётнинг иккинчи қисми - **қолган дунё ёки ташқи дунё** секторидир. Унга ташқи иқтисодий алоқалар киради. Бу сектор асосан чет давлатлар ва мамлакат институтционал бирликлар (резидентлари) ўртасидаги муомалаларни ҳисобга олиш учун хизмат қиласиди.

Ишлаб чиқариш жараёни, товар ресурслари, хизмат кўрсатишида ишлаб чиқариш ва истеъмол ўртасидаги мутаносибликни тавсифлаш максадида МСТда институционал бирликлар тармоқлар таснифининг ҳалқаро стандарти (ТТХС)га биноан қуийдаги тўрт гурухга бўлинади:

- бўлимлар (жами 17 та бўлим);
- бўлимчалар (жами 20 та блок);
- тармоғлар туркумлари (жами 169 та фаолият тури);
- тамоқлар туркумлари (жами 292 та синф).

Бундай гурухлаш тармоқлар бўйича товар ишлаб чиқариш, хизмат кўрсатиш ва улардан фойдаланиш жараёнидаги оқимларни таҳлил қилишда кўл келади.

Макроиқтисодиётни секторларга бўлиб ўрганиш бозор муносабатларини тартибга солиш учун зарур бўлган макроиқтисодиёт кўрсаткичлар тизимини ишлаб чиқишида, макроиқтисодий таҳлилни амалга ошириш ва макроиқтисодий қонуниятларини аниқлашда, макроиқтисодиётни бошқариш учун зарур бўлган тегишли тавсияларни тайёрлашда катта аҳамият касб этади.

Булардан ташқари ҳар бир секторнинг ўз вазифалари бор.

Секторлар ва уларнинг вазифалари

T/p	Секторлар	Институционал бирликлар (корхоналар)	Секторларнинг вазифалари
1.	2	3	4
1.	<ul style="list-style-type: none"> ■ Товар ишлаб чиқариш ва хизмат кўрсатиш сектори (номолиявий корхоналар) 	<ul style="list-style-type: none"> ■ Фирмалар ■ Корхоналар ■ Корпорациялар ■ Концернлар ■ Концорциумалар ва бошқалар. 	<ul style="list-style-type: none"> ■ Товар ишлаб чиқариш ва молиявий бўлмаган хизмат кўрсатиш
2.	<ul style="list-style-type: none"> ■ Молиявий ташкилотлар сектори 	<ul style="list-style-type: none"> ■ Марказий банк ■ бошқа банклар ■ суғурта компанияси ва пенсия фонди 	<ul style="list-style-type: none"> ■ мамлакатда пул муомаласини тартибига солиш ■ суғурталаш ва нафақаларни белгилаш
3.	<ul style="list-style-type: none"> ■ Давлат ташкилатлари сектори 	<ul style="list-style-type: none"> ■ қонун чиқарувчи органлар ■ ижро этувчи органлар ■ назорат этувчи органлар ■ миллий даромад ва бойликни қайта тақсимлашда қатнашувчи бошқа ташкилатлар (молия вазирлиги, солик, божхона қўмитаси ва ҳоказо) 	<ul style="list-style-type: none"> ■ миллий даромадни ва миллий бойликни қайта тақсимлаш: ■ Макроиктисодий мутаносибликларни таъминлаш ■ Солик, бож, турли бадал ва тўловларни тўланишини назорат қилиш
4.	<ul style="list-style-type: none"> ■ Уй хўжалигига хизмат қўрсатувчи ижтимоий ташкилотлар сектори 	<ul style="list-style-type: none"> ■ Нотижорат ташкилотлари <ul style="list-style-type: none"> - касалхоналар - дам олиш уйлари - ўкув юртлари - осойишталиктин муҳофаза қилувчи ташкилотлар ва бошқалар 	<ul style="list-style-type: none"> ■ аҳолининг талабини қондириш ■ бепул даволаш ■ бепул таълим бериш ■ бепул майший хизмат қўрсатиш ■ бепул тинчлик ва осойишталиктин таъминлаш ■ хайрия ишларини бажариш
5.	<ul style="list-style-type: none"> ■ Уй хўжалиги сектори 	<ul style="list-style-type: none"> ■ Ишлаб чиқарувчи ёки истеъмолчи бўлган якка ва гуруҳ шахслар ■ Оилалар ■ Ибодатхоналарда яшовчилар ■ Узок муддат руҳий касалхоналарда даволанаётганлар ■ камоқхоналардагилар ■ қариялар ва болалар уйидагилар ■ армиядагилар ва ҳоказо 	<ul style="list-style-type: none"> ■ Бозор эҳтиёжи ва хусусан шахсий эҳтиёжни қондириш учун товар ишлаб чиқариш ва хизматлар қўрсатиш

Юқорида қайд этилганлардан ташқари БМТининг 1993 йилда қабул қилинган МСТИда **бозор иқтисодиётига ўтаётган малакатларда** ягона иқтисодиётни икки соҳага ажратиш тавсия қилинади, яъни:

- а) **Товар ишлаб чиқариш соҳаси**-бунда буюм, газ, сув, ва энергия шаклида маҳсулотлар ишлаб чиқарилади, ишлаб чиқариш хизматлари кўрсатилади. Бу соҳага саноат, қишлоқ хўжалиги, ўрмон хўжалиги, қурилиш тармоқлари киритилади.
- б) **Хизмат кўрсатиш соҳаси**, бунга хизмат кўрсатиш билан шуғулланадиган тармоқлар киритилган.

Ҳозирги пайтда Ўзбекистон Республикаси статистика хизмати ЯИМ, бандлик, меҳнат ҳаки ва бошқа кўрсаткичлар соҳа ва тармоқлар бўйича хисоблайди ва эълон қиласди.

Шундай қилиб, Миллий иқтисодиёт турли қисм ва бўллаклардан ташкил топган мураккаб тизимдир. Иқтисодиётнинг турли қисм ва бўллаклари ўртасидаги ўзаро нисбат **иқтисодиётнинг таркибий** тузилиши деб аталади. Иқтисодиётни алоҳида қисмларга бўлиш асосида турли белгилар ётади, шунинг учун **таркибларнинг** тузилиши бир неча турларга ажратиб ўрганилади.

1. Ижтимоий тузилиши.
2. Тармоқ тузилиши.
3. Такрор ишлаб чиқариш тузилиши.
4. Худудий тузилиши.

Ижтимоий тузилиш- бу иқтисодиётнинг турли **мулкчилик шакллари** ўртасидаги ўзаро нисбатdir.

Ўзбекистонда мулкчилик турлари давлат, жамоа, хусусий ва аралаш мулкчилик тарзида шаклланган.

Иқтисодиётни барча тармоқларида иш билан банд бўлганлар сони, асосий фонdlар ва ишлаб чиқариш бўйича бу бўғинларнинг ҳар бирини улуши,-Республика иқтисодиётининг ижтимоий тузилишини акс эттиради.

Иқтисодиётнинг **тармоқ тузилиши** бу турли **тармоқлар ўртасидаги ўзаро нисбатdir**, яъни саноат, қишлоқ хўжалиги, қурилиш, транспорт ва алоқа ўртасида ёки қазиб оловчи ва қайта ишловчи тармоқлар ўртасидаги, моддий маҳсулотлар ишлаб чиқарувчи ва хизмат кўрсатувчи тармоқлар ва ҳоказолар ўртасидаги нисбатdir. Тармоқ тузилиши миллий иқтисодиётнинг ривожланиш даражасини ифодалайдиган муҳим кўрсаткич бўлиб хисобланади.

Юксак ривожланган мамлакатлар^{*}да учун хизмат кўрсатувчи соҳаларнинг ҳиссаси юқори, қайта ишловчи тармоқларнинг ҳиссаси эса- қазиб оловчи тармоқлардан устун бўлган иқтисодиёт тузилишига хосдир.

У меҳнат ва капиталнинг юқори даражада унумдорлигидан, табиий ресурслардан оқилона фойдаланганлигидан ва пировард натижада аҳолини турмуш даражаси юқорилигидан далолат беради. Иқтисодиётнинг **такрор ишлаб чиқариш** тузилиши бу кенгайтирилган такрор ишлаб чиқаришни асосий нисбатлари, яъни ишлаб чиқариш воситаларини ишлаб чиқариш ва истеъмол буюмларини ишлаб чиқариш ўртасидаги, истеъмол ва жамғариш ўртасидаги ўзаро нисбатлардир. Такрор ишлаб чиқариш тузилиши **иқтисодий ўсишнинг имкониятларини** ифодаловчи кўрсаткич ҳисобланади.

Иқтисодиётнинг **худудий** тузилиши ишлаб чиқарувчи кучлар ривожланишининг худудий жиҳатларини акс эттиради ва алоҳида худудларнинг умуммиллий кўрсаткичлардаги ҳиссасини аниқлайди. У бутун мамлакат бўйича турмуш шароитини барқарорлаштириш мақсадида аниқланади ва тадқиқ қилинади. Маълумки, маъмурий жиҳатдан Ўзбекистон 12 вилоят ва 1 та автоном республикадан иборатдир. Унда 119 та шаҳар, 163 та қишлоқ **маъмурий туманлар** мавжуддир.

Иқтисодий районлаштириш белгилари бўйича мамлакатимиз **6 та иқтисодий регионга бўлинади**:

1. **Тошкент иқтисодий региони.** У Тошкент вилояти ва Тошкент шаҳри худудларидан иборатдир. Бу регионга республикани 3.5% майдони ва 18.5% аҳолиси тўғри келади. Бу регион

* Дунёда 215 дан ортиқ давлат мавжуд бўлиб улардан фақат 23 давлат ривожланган давлат ҳисобланади.

ўрта ҳисобда Мамлакат миллий даромадини 25.9% ва 32.5% саноат маҳсулоти ишлаб чиқаради.

2. Ишлаб чиқариш потенциали бўйича иккинчи ўрин **Фарғона иқтисодий регионига** тўғри келади. Бу регион Андижон, Наманган ва Фарғона вилоятларини ўз ичига олади ва 19.2 минг м² территорияга эгадир, ёки 4.3% республика ҳудудини эгаллайди. Унда аҳолини 27.6% яшайди. Бу регион Ўзбекистон миллий даромадининг 26 %ини, саноат маҳсулотини 31.5% ини, 36.8% қишлоқ хўжалик маҳсулотини, 28.3% товар оборотини ишлаб чиқаради.

3. **Марказий иқтисодий регион** ўз ичига Бухоро, Навоий, Самарқанд вилоятларини ўз ичига олади. Бу регион ҳудуд жиҳатдан энг катта ва кенгdir. У республиканинг 37% ҳудудини эгаллайди, аҳоли сони жиҳатидан 19.9%, миллий даромадини 18.6%, саноат маҳсулотини – 14.6%, қишлоқ хўжалик ялпи маҳсулотини – 20.8% ини ишлаб чиқаради.

4. **Жанубий иқтисодий регион** - Қашқадарё ва Сурхондарё вилоятларидан иборатдир. У республиканинг 11% ҳудудини ва 15.8% аҳолисини ташкил қиласди. Бу регионда қишлоқ хўжалиги, айниқса, чорвачилик ривожланган. Унда республика қишлоқ хўжалиги ялпи маҳсулотини 19.4%, саноат маҳсулотини 12.4% ини, миллий даромадини 14% шу регион етишитиради.

5. **Мирзачўл иқтисодий региони** ўз ичига Жиззах ва Сирдарё вилоятларини олади. У республика ҳудудини 5.7%ини, аҳолисини 6.6%ини олади. Бу регионда ўрта ҳисобда республиканинг 6.1% миллий даромади, 2.7% саноат маҳсулоти ва 8.6% қишлоқ хўжалиги ялпи маҳсулотини етишитирилади.

6. **Оролбўйи иқтисодий региони.** Унга Қорақалпоғистон автоном республикаси ва Хоразм вилояти киради. Бу регионда республикани 38.4% ҳудуди ва 11.5% аҳолиси жойлашган. Бу регион республика саноат маҳсулотини 6.3%ини, қишлоқ хўжалиги маҳсулотини 12.5% ини етишитиради.

§ 2. Иқтисодий фаолият таркибини таҳлил қилиш

Иқтисодий фаолиятни таҳлил қилиш умумий тизим фаолияти даражасини, миллий иқтисодиёт таркибидаги мавжуд камчилик ва қолоқ томонларни англаш имкониятини яратиб беради. Таркибий таҳлил асосида иқтисодий сиёсат ишлаб чиқилади.

Миллий иқтисодиётни таҳлил қилиш қуйидаги тартибда амалга оширилади:

1. Мулкий муносабатлар таҳлил қилинади.

Республикамизда мулк муносабатларини такомиллаштириш бўйича маълум ишлар амалга оширилди. Хусусан, Ўзбекистон Республикасида “Мулкчилик тўғриси”да, уни “Давлат тасарруфидан чиқариш ва хусусийлаштириш тўғрисида”ги қонунлар ва “Иқтисодий ислоҳотларни янада чукурлаштириш, хусусий мулкни ҳимоя қилиш ва тадбиркорликни ривожлантиришни таъминлаш тадбирлари тўғрисида”ги Президент Фармони ва бошқа ҳукукий ҳужжатларни қабул қилиниши республикамизда 2003 йилнинг 1 январига келиб:

- давлат корхоналари – 16,4%
- кўшма ва чет эл корхоналари – 1,2%
- хусусий корхоналар – 32,5 %
- дехқон ва фермер хўжаликлари – 37%
- акционерлик жамиятлари – 10 %
- бошқалар – 2,9% ни ташкил қилди.

2003 йилнинг 1 январ ҳолатига миллий иқтисодиётнинг давлат секторида банд бўлган аҳолининг умумий сони 23,4 % ни, нодавлат секторида 76,6%* ни ташкил қилди.

1-жадвал

Ўзбекистон Республикасида давлат ва нодавлат секторларининг улуши

	Давлат сектори(%)	Нодавлат сектори(%)
Ялпи ички маҳсулот	25,9	74,1
Саноат маҳсулоти	28,6	71,4
Ялпи қишлоқ хўжалиги маҳсулоти	1.0	99,0
Чакана товароборот ҳажми	2,4	97,6

2. Кичик бизнес ва хусусий тадбиркорлик даражасини таҳлил қилиши.

Кичик бизнес ва хусусий тадбиркорликни рағбатлантириш, қимматбаҳо қоғозлар бозорини шакллантириш ислоҳотлар тақдирини белгиловчи шартлардан бири ҳисобланади.

Ўзбекистонда қисқа вақт ичida кичик ва ўрта бизнесни ривожлантиришни ҳукукий шарт-шароитлари ва ташкилий тузилмалари яратилди. Товар ишлаб чиқарувчилар ва тадбиркорлар палатаси, ўрта ва кичик бизнесни қўллаб кувватлаш бўйича ҳукумат комиссияси, Бизнес-Фонд, “Мадад” сугурта агентлиги, консалтинг, инжиниринг, лизинг, фирма ва компаниялар, бизнес-инкубаторлар иш олиб бормоқдалар.

Хусусий корхона тўғрисидаги қоидалар қонун нуқтаи назаридан мустаҳкамланди. Тадбиркорлик субъектларини рўйхатга олиш тартиби тубдан янгиланди ва соддалаштирилди.

Бугунги кунда рўйхатга олиш ва расмийлаштириш жараёни етти кундан бир ойгача бўлган муддат ичida бажарилиши шарт.

Айни вақтда мамлакатимизда 250 мингга яқин кичик бизнес корхонаси фаолият кўрсатмоқда, бу соҳада 5,5 миллион киши ёки иш билан банд бўлган одамларнинг 57 фоизи меҳнат қилмоқда. Ялпи ички маҳсулотнинг 35 фоизи ана шу корхоналар ҳиссасига тўғри келмоқда. Ваҳоланки, бу кўрсаткич 1999 йилда 29.1 фоизни ташкил қилган эди.

Биргина 2003 йилда тадбиркорликни ривожлантириш ҳисобидан 375 мингга янги иш ўрни ташкил этилди.

* Ўзбекистон Республикасининг 2002 йилда ижтимоий-иктисодий ривожланишининг асосий кўрсаткичлари. Тошкент-2003 йил, 14-бет.

Биз Ўзбекистонда кичик бизнес ва хусусий тадбиркорликни ривожлантиришга асосий эътиборни қаратар эканмиз, шу орқали уч муҳим масалани ечиш кўзда тутилган.

Биринчи масала-яқин беш-үн йил ичидаги ушбу соҳада ялпи ички маҳсулотнинг 50-60 фоизини ишлаб чиқаришга эришиш.

Иккинчи масала- бу соҳани ривожлантириш аҳолини иш билан таъминлаш ва унинг даромадлари ўсишининг энг муҳим манбааларидан бирига айланиши лозим.

Учинчи масала- мамлакатдаги сиёсий, иқтисодий ва ижтимоий барқарорликнинг пойдевори бўлмиш кичик ва ўрта мулқдорлар синфини шакллантиришдан иборатdir.

3. Устивор йўналишларни тўғри белгилаш

Устивор йўналишларни, соҳаларни тўғри белгиланиши нафақат илгари тақчил ҳисобланган маҳсулот турларини кенг ишлаб чиқаришни йўлга кўйишга, балки ижтимоий ишлаб чиқариш таркибини такомиллаштиришга ҳам имкон беради, шу билан бирга бутун иқтисодиётнинг ривожланишига олиб келади.

Хозирги даврда устивор йўналишлар қаторига қўйидағилар белгиланган:

- аҳолини ижтимоий ҳимоялаш, янги иш ўринларини яратиш, тадбиркорликни ривожлантириш, пенсия таъминотини янада яхшилаш ва ҳоказо.

- иқтисодиётнинг таркибий жиҳатдан ўзгартириш (корхоналарни техник жиҳатдан қайта жиҳозлаш ва модернизациялаш, рақобатбардош ишлаб чиқариш тизимларини қўпроқ бунёд этиш ва ҳоказо);

- қишлоқ хўжалигига иқтисодий ислоҳотларни янада чуқурлаштириш;

- кичик ва ўрта бизнесни кенг кўламда ривожлантириш;

- кадрлар тайёрлаш бўйича миллий дастурини иккинчи сифат босқичи вазифаларини изчилиллик билан бажариш;

- соғлиқни сақлаш бўйича ислоҳотларни янада яхшилаш ва ҳоказо.

4. Ишлаб чиқариш самарадорлигини таҳлил қилиш

Маълумки, ижтимоий ишлаб чиқаришнинг иқтисодий самарадорлигини ўстириш халқнинг турмуш даражасини ошириш имкониятини беради. Ўзбекистонда 1997 йилда биринчи марта ЯИМ ишлаб чиқариш ҳажми аҳоли сонининг ўсиш даражасидан юқори бўлди. Бу ўта муҳим ижтимоий-иқтисодий кўрсаткичdir.

Хозирги вақтда ЯИМнинг ҳажми йилига 4,1-4,5% ва ундан ҳам ошиқроқ ўсајапти.

Миллий иқтисодиётни таркибий бўлимлари, тармоқлар ва уларнинг ўсиш суръатлари, маҳсулот турлари бўйича ўсиш даражалари ва ҳоказо кўрсаткичлар таҳлил қилинади.

5. Ижтимоий ишлаб чиқариш ҳажмини миқдор ва сифат жиҳатидан ўсиш суръатлари таҳлил қилинади

Ўзбекистондаги изчил иқтисодий сиёсат, ўтмишдан мерос қолган қийин оғир ахволдан тезда чиқиб кетиш ва муттасил ривожланиш туфайли МДҲ давлатлари орасида 2004 йилдаётк 1990 йилги даражага етиш имкони яратилди. Ваҳоланки, ишлаб чиқариш бўйича Россия 2001 йили 1990 йилги даражанинг 64%, Украина 46%, Қозогистон -72%, Қирғизистон 69%га эришди холос.

МДҲ мамлакатлари орасида Ўзбекистон иқтисодий танглиқдан энг кам талофатлар билан чиқди, у бошидан кечирган иқтисодий тушкунлик даври энг қисқа бўлди. Ўзбекистондаги иқтисодий янгиланишнинг муҳим ва эътиборли яна бир томони борки, у ҳам бўлса, мерос қолган анъанавий тамойиллардан ташқари, иқтисодий ислоҳотлар юзага чиқарган янги омилларга ҳам таянилди. **Иқтисодий ўсиш кейинги 5 йилда бир меъёрда 4,0-4,5% атрофида бўлди**, чунки у ишончли ички кучларга таянди, улар барқарор ва ишончли бўлганидан ташқи кучларнинг иқтисодиётимизга кўрсатган салбий таъсирини сезиларли даражада кеса олди. Шу сабабли, жаҳон бозорида **пахта, олтин ва мис нархининг жиддий пасайишига қарамай**, Ўзбекистон иқтисодиётининг ўсиш суръатлари барқарор бўлиб, жон бошига **товар ва хизматлар яратиш йилига 3%** ва ундан ҳам юқорироқ даражани ташкил этмоқда.

Бошқа МДҲ мамлакатларидан фарқлироқ, Ўзбекистонда сакраб ўсишга харакат қилингани йўқ. Бошқаларда иқтисодий ўсиш хом-ашё ёки ёқилғи-энергетика ресурсларининг

жаҳон бозоридаги нархига қараб, бир юқорилаб, бир пасайиб туради. Иқтисодий ўсиш бирданига 10-12%га қадар юқорилаб борса, сўнгра пасайиб 2-3%га қадар тушиб кетади.

Ўзбекистонда иқтисодиётнинг жаҳон бозори конъюнктурасига боғлиқ томонлари билан биргаликда унда холи бўлган соҳалари ҳам ривож топмоқда, улар мамлакат ички бозори учун ишлайди ва тез суръатларда ривожланиб боради, ташки бозорга қарамлик қучсизланиши эса, унинг барқарорлигини кафолатлади. Аммо, глобализация шароитида экспортга ишлаш зарур бўлади, чунки экспорти йўқ мамлакатнинг келажаги бўлмайди.

6. Иқтисодиётни бошқариш тизимида рўй берётган ўзгаришларни таҳлил қилиш

Ўзбекистонда иттифоқ парчаланиб кетгач, умумиттифоқ вазирликлари тугатилди. Ўзбекистон худудида жойлашган иттифоқ ва иттифоқ республика бўйсунувидаги корхоналар миллийлаштирилди. Бу корхоналар ўз фаолият соҳаларига қараб ихтиёрий равишда давлат тармоқ концернлари, давлат уюшмаларига айлантирилди. Ислоҳотларни биринчи босқичи мобайнида тармоқ вазирликлари уюшмаларга, концернларга, корпорациялар, иттифоқлар ва бошқа хўжалик бирлашмаларига айлантириш йўли билан батамом тугатилди. Автомобиль транспортида, курилишда, кишлоқ хўжалигида бошқарув тизими қайта тузилди. Умуммиллий аҳамиятга эга бўлган тармоқлар ва фаолият соҳаларида, масалан, саёҳатчилик, транспорт, маданият, кинолаштириш тизими ва бошқаларда миллий компаниялар тузилди.

Уларни бошқарув тизимидан фарқи шундаки, улар иқтисодий жиҳатдан батамом мустақилдир. 1992 йил январ ойидан бошлаб **вилоят, туман ва шаҳар жойлардаги вакиллик ҳамда ижроия-бошқарув ҳокимиятига раҳбарлик қилувчи ҳокимлик жорий этилди**.

§ 3. Миллий иқтисодиёт таркибини такомиллаштиришнинг асосий йўналишлари

Иқтисодиёт таркибини қайта қуриш иқтисодий ислоҳотларни муваффақиятли ҳал қилишнинг асосий шартларидан бири ҳисобланади. Иқтисодиёт таркибини қайта қуриш иқтисодий мустақилликка эришиш, миллий иқтисодиётни барпо этиш, иқтисодий ўсишни таъминлашнинг муҳим шартларидан биридир. Ўзбекистон ҳалқ хўжалигининг амалдаги таркиби собиқ Иттифоқдаги меҳнат тақсимоти ва ихтисослашуви тамойиллари асосида ўнлаб йиллар мобайнида шаклланган эди. Унда Ўзбекистонга:

- арzon хом ашё ва яrim тайёр маҳсулотлар ва стратегик минерал ресурслар етказиб бериш;
- саноат марказларида ишлаб чиқарилган тайёр молларни сотишнинг кенг бозори мавқеи ажратилган эди.

Мамлакат иқтисоди озиқ овқат маҳсулотлари, энергоресурслар импортига ва қишлоқ хўжалик хом ашёси ва қимматли металлар экспортига асосланган эди. Ҳалқ хўжалигининг бундай мустамлака таркиби шароитида жаҳон бозорида конкуренция қилиш, иқтисодий ўсишни таъминлаш ва аҳолини турмуш даражасини кўтариш имкониятини бера олмас эди. Шунинг билан бирга Ўзбекистон рақобатбардош таркибга эга бўлган миллий иқтисодиёт таркибини ташкил қилиш имкониятларига эга эди. Мамлакатнинг ер ости ва ер усти бойлик ресурсларидан мақсадга мувофиқ фойдаланиш, вужудга келган номутаносибликлар ва зиддиятларга барҳам бериш, ижтимоий ишлаб чиқаришнинг тармоқ ва худудий таркибини қайта қуриш лозим эди.

Шу муносабат билан Ўзбекистонда **таркибий тузилиш сиёсати аниқланди**. У энг аввало республиканинг иқтисодий ва сиёсий мустақиллигини, шунингдек аҳолига муносаб турмуш шароитларини яратишни назарда тутди. **Таркибий сиёсат**, қишлоқ хўжалиги хом ашёси ва минерал ресурсларни чуқур қайта ишлашга, технологик жараёнларни тугалланганлик даражасини оширишга, мамлакат ёқилғи – энергетика ва озиқ-овқат мустақиллигини таъминлашга қаратилди. Илгари ташқаридан келтирилган юзлаб маҳсулот турлари шу ернинг ўзида ишлаб чиқарила бошланди.

Республикада индустряянинг таянч тармоғи ҳисобланган, яъни ёқилғи энергетика, авиация ва автомобил қурилиш, машинасозлик, химия ва нефтехимия саноатидан ва ҳоказодан тортиб, то енгил саноат корхоналарига ҳамда жуда кўп қишлоқ хўжалик маҳсулотларини қайта ишлайдиган корхоналар қурилди.

Республикада энг катта саноат тармоқлари бўлиб енгил ва ёқилғи энергетика саноати ҳисобланади. Охирги йилларда машинасозлик саноатини улуши 1,5 баробарга ошган ва ҳоказо. Бунинг сабаби мамлакатимизда ички ва ташқи кредит воситаларининг асосий қисми ишлаб чиқаришни кенгайтириш учун база ҳозирлашга қаратилганлигидадир. Бу автомобиль ва нефтини қайта ишлаш заводлари, янги автомобиль ва темир йўллар, енгил, тўқимачилик ва озиқ-овқат саноатини ўнлаб янги ва замонавийлаштирилган корхоналарни қуришга имкон берди. 1997 йилнинг ўзидаёқ Кўқдумалоқ конида компрессор станцияси, Бухоро нефтини қайта ишлаш заводи, Фарғонада ип йигириув фабрикаси ишга туширилди. Маълумки, Ўзбекистоннинг саноат қудрати асосан бир неча йирик шаҳарларда тўпланган эди. Мустақиллик йилларида амалга оширилаётган йирик **қурилишларни географияси** анча кенгайди. Бу сиёсат узоқ вактдан бери ҳукм суриб келаётган саноат тараққиётидаги **мintaқавий номутаносиблик ва зиддиятни сезиларли юмшатди**. Табиийки, иқтисодиётни таркибини такомиллаштиришда компаниячиликка йўл қўйиб бўлмайди, у бирданига такомилига етиб ҳам қолмайди. Бу ўзгаришлар мунтазам давом этадиган ижтимоий-иктисодий жараён бўлиб, улар давр талаби ва иқтисодий сиёсатдан келиб чиқиб, тармоқлараро ҳамда тармоқлар ичida тўхтовсиз давом этаверади.

Президент И.Каримов “Ўзбекистон иқтисодий ислоҳотларни чукурлаштириш йўлида” китобида “**Иқтисодиёт таркибини тубдан ўзгартирмай туриб чинакам мустақилликка эришиб бўлмайди**” деган эди (333-бет). Иқтисодиёт таркибини тубдан ўзгартиришнинг асосий вазифаси **хом ашё етказиб беришдан тайёр маҳсулот ишлаб чиқаришга ўтиш, унинг сифатини ва рақобатбардошлигини** жаҳон бозори талаблари даражасига етказишдан

иборатдир. Ана шуни назарда тутиб республикамиз мустақиллигининг дастлабки йилларида анъанавий бўлган пахта ва олтиндан бошқа хил турдаги **экспорт мавжуд бўлмаган бўлса**, эндиликда янги турдаги товарлар пайдо бўлди. Бу – рангли металлар, автомашиналар, минерал ўғитлар, тўқимачилик маҳсулотлари ва озиқ-овқат маҳсулотларидир. **Бу билан, экспорт-импорт таркиби янгиланди.**

Импорт ўрнини босувчи товарларнинг кўплаб яратилиши, мамлакатнинг импортга қарамлигини анча чеклади, чунки бу билан, мамлакатимиз ўзини-ўзи маҳсулотлар билан таъминлашга бир қадар эриши.

Илгари Ўзбекистон ўзини ёқилғи-энергетика ресурслари билан таъминлаш учун уларни катта **микдорда импорт қиласи ва бунга 600 минг тонна пахта толаси қийматига тенг пул маблағлари сарфланар эди**. Ёқилғи-энергетика мустақиллигига эришиш Ўзбекистонни бу соҳада четга қарамликдан ва катта микдордаги валюта сарфидан холи этди. Таркибий ўзгаришлар натижасида Ўзбекистон озиқ-овқат таъминотида ҳам, мустақиллик томон жиддий қадам ташлади. Бунга биринчи навбатда, дон ишлаб чиқаришни ривожлантириш орқали эришилди. Натижада, Ўзбекистоннинг донга бўлган **талаб-эхтиёжларининг 90%дан зиёд қисми ўз ишлаб чиқариши ҳисобидан қондириладиган бўлди**.

Таркибий ўзгаришлар мамлакатнинг салоҳиятидан самарали фойдаланишни кўзда тутади. Шу мақсад йўлида маҳаллий хом-ашёни чуқур қайта ишлаб, ундан тайёр ёки ярим тайёр, ҳатто, экспортбоп маҳсулотлар ишлаб чиқариш йўлига ўтилди ва бу катта наф келтирди. Пахтани сотиш ўрнига ундан калава ип тайёрлаб, уни жаҳон бозорида сотишдан **3 марта қўп даромад олина бошланди**. Муҳими, бу соҳанинг ривожланиши янги ишчи ўринлар ҳисобига аҳолини банд қилиш, унинг даромадлари манбаларини ошириш имконини яратди.

Таркибий ўзгаришлар туфайли Ўзбекистонда иқтисодий ўсишнинг **анъанавий соҳалари билан биргаликда янги соҳалари ҳам ривожлантирила бошланди**. Бундаги асосий омиллардан **биринчидан**, саноатлашув бўлса, **иккинчидан**, сервис секторининг тез суръатларда ўсишига аҳамият берилганлиги бўлди ва ҳоказо.

Миллий иқтисодиёт таркибини такомиллаштириш қуйидаги вазифаларни ҳал қилиши лозим:

1. Республика учун энг асосий бўлган тармоқларни жумладан, ёқилғи-энергетика ва ғалла комплексларини ривожлантириш, янги тармоқлар яратиш, фаолият кўрсатаётган саноат тармоқларини реконструкция қилиш;
2. Табиий, минерал-хом-ашё, меҳнат ресурсларидан оқилона фойдаланиш;
3. Бошқа давлатлардан хом-ашё ресурсларини энг муҳим турлари, бутловчи ва озиқ-овқат маҳсулотлари олиб келинишини қисқартириб, ана шу маҳсулотлар ўрнини босадиган корхоналарни ривожлантириш асосида республиканинг иқтисодий мустақиллигини янада мустаҳкамлаш;
4. Ўзимизда ишлаб чиқаришни ташкил этиш ҳисобига аҳолининг ва иқтисодиётнинг энг муҳим маҳсулотларга бўлган эхтиёжини қондириш;
5. Корхоналарни замонавий илгор технология, энергетика ускуналари, айниқса кичик ва ўрта корхоналар учун мўлжалланган ихчам ускуналар билан жиҳозлаш;
6. Ходимлар малакасини ошириш ва миллий ишчи кадрларга эга бўлиш;
7. Аҳолининг кам таъминланган қисмини ижтимоий ҳимоялашни кучайтириш. Ташабускорлик ва омилкорликни рағбатлантириш;
8. Иқтисодиётнинг мутаносиб ривожлантиришни таъминлаш ва унинг бир томонламиа ихтисослашувини, шунингдек тармоқлар ичидаги ва худудий номутаносибликларни бартараф этиш;
9. Республиканинг экспорт имкониятини кенгайтириш;
10. Аграр секторда қайта қуришни тугаллаш. Экин майдонларида пахта, ғалла, ем-хашак экинларини, сабзавот ва ҳоказоларни оптималь варианtlарини яратиш, қишлоқ хўжалигига бошқарув ва ишлаб чиқаришни ташкил қилиш шаклларини такомиллаштира бориш;
11. Саноат, транспорт, алоқа, химия ва нефть химия саноатини, автомобилсозлик, телекоммуникация тармоқларини ривожлантириш;

12. Чет эл туризмни ривожлантириш;
13. Янги бошқарув структурасини вужудга келтириш ва такомиллаштира бориш. Уларда ишлайдиган кадрларга, уларнинг касбий тайёргарлигига янада юқори талаблар қўйиш ва ҳоказо.

Президентимиз И.Каримов Олий Мажлис тўққизинчи сессиядаги маъруzasида 2002 йил 29 август Ўзбекистонда демократик ўзгаришларни янада чукурлаштириш ва фуқаролик жамият асосларини шакллантиришнинг еттига **йўналишларини** белгилаб берди.

Биринчи муҳим устувор йўналиш - бу Мустақилликни бундан буён ҳам асраб-авайлаш, химоя қилиш ва мустаҳкамлаш бўлиб хизмат қиласи.

Мустақиллик биз учун муқаддас **маънавий қадриятлар ва миллий анъаналарга таянган** ҳолда ва тарзда яшаш, ана шу бебаҳо меросни асраб-авайлаб, уни келгуси авлодларга янада бойитган ҳолда етказиш демакдир.

Айни вақтда мустақиллик биздан **зиммамизга олган ҳалқаро мажбуриятларга** риоя этиш ва уларни бажаришни, Бирлашган Миллатлар Ташкилоти Низоми талабларига, ҳалқаро ҳуқуқнинг умумэътироф этилган меъёrlарга қатъий амал қилиб яшаш маъсулиятини сўзсиз юклайди.

Бу - **узоқ-яқин қўшниларимиз билан дўстлик ва ҳамкорлик асосида яшаш**, дунё ҳамжамиятидан ўзимизга муносиб обрў ва ўрин эгаллаш учун доим интилиш ва курашиш демакдир.

Биз мустақил тараққиёт йўлини айнан мана шу маъно-мазмунда англаб, уни мамлакатимизни сиёсий жиҳатдан ривожлантириш, иқтисодиётни модернизация қилиш, жамиятни маънавий янгилаш борасида олиб бораётган барча ислоҳатларимизнинг меъзони, деб билишимиз керак.

Иккинчи устувор йўналиш – бу-мамлакатимизда хавфсизлик ва барқарорликни, давлатимизнинг ҳудудий яхлитлигини, сарҳадларимиз дахлсизлиги, фуқароларимизнинг тинчлиги ва осойишталигини таъминлашдан иборат.

Учинчи устувор йўналиш - бу-бозор ислоҳатларини янада чукурлаштириш, кучли бозор инфратузилмасини яратиш, барқарор ва ўзаро мутаносиб, мустаҳкам иқтисодиётнинг муҳим шарти бўлиб эркин иқтисодиётнинг тамойилларини жорий этишдан иборат.

Бу йўналиш ялпи ички махмулот ишлаб чиқаришда етакчи ўринни эгаллайдиган, фуқароларнинг муҳим даромад манбаи ва мулқдорлар синфинг шакллантиришнинг асоси бўлган хусусий **секторнинг мавқеини янада ошириш, кичик-ўрта бизнес ҳамда тадбиркорликни жадал ривожлантиришни тақозо** этади.

Бу борада ташки иқтисодий фаолият ҳамда валюта бозорини эркинлаштириш, **миллий валютанинг** эркин алмашувини таъминлаш, миллий валютамиз - сўмимизнинг барқарорлиги ва харид қувватини ҳар томонлама ошириш тараққиётимизнинг янги босқичидаги асосий вазифаларимиздан биридир.

Иқтисодиётимизда таркибий ўзгаришларни амалга ошириш ва уни модернизация қилиш, экспорт ривожи, импорт ўрнини босадиган махсулотлар ишлаб чиқаришни таъминлашнинг муҳим шарти бўлган **хорижий инвестициялар**, аввалам бор **хусусий сармояларни жалб** этиш, бунинг учун тегишли инвестицион муҳит ва инвесторлар учун кафолатлар яратиш. Шунингдек, ташки ва ички инвестицияларни бутун иқтисодиётимизни янгилашга, олтин-валюта захираларимизнинг барқарор ўсишига хизмат қиласиган етакчи тармоқларга биринчи навбатда йўналтириш.

Бундай вазифаларни амалга оширишда **ҳалқаро молиявий ташкилотлар билан ҳамкорлигимизни янада кучайтириш**, дунё иқтисодий тизимиға интеграциялашув, Жаҳон Савдо Ташкилотига аъзо бўлиш учун зарур шарт-шароитларни яратиш.

Тўртинчи устувор йўналиш-бу инсон ҳуқуқлари ва эркинликларини сўз ва матбуот эркинлигини, шунингдек, ошкороликни, жамиятда ўтказилаётган ислоҳатларнинг очиқлигини таъминладиган демократик тамойилларни сўзда ёки қофозда эмас, амалий хаётда жорий қилишдир.

Оммавий ахборот воситалари том маънода «тўртинчи ҳокимият» даражасига кўтарилимоғи лозим.

Бешинчи устувор йўналиш - фуқаролик жамиятини шакллантиришнинг муҳим шарти бўлиб, бу жамият ҳаётида нодавлат ва жамоат ташкилотларининг ўрни ва аҳамиятини кескин қучайтиришдан иборат. Ёки бошқача қилиб айтганда, бу-«Кучли давлатдан кучли жамият сари» деган тамойилни амалда ҳаётга жорий этиш демакдир. Бу йўналиш ижтимоий иқтисодий жараёнлар билан боғлиқ кўп масалаларни ҳал қилишда давлат тузилмаларининг ролини камайтириш ва бу вазифаларни босқичма-боқич жамоат ташкилотларига ўтказа боришни тақоза этади.

Бунинг учун аввалам бор давлатнинг иқтисодий соҳага, хўжалик юрутувчи тузилмалар, биринчи галда, хусусий сектор фаолиятига аралашувини чеклаш лозим.

Ҳаётимизни эркинлаштириш йўналишларининг яна бир муҳим йўли марказий ва юқори давлат бошқарув идоралари вазифаларини давлат ҳокимиятининг қуи тузилмаларига, фуқароларнинг ўзини ўзи бошқариш органларига босқичма-босқич ўтказа боришни таъминлашдир.

Олтинчи устувор йўналиш-бу - суд-хуқуқ соҳасини ислоҳ қилиш бўйича бошланган ишларни изчил давом эттириш. Судлар том маънода мустақил бўлган ҳолдагина қонунларнинг қатъий ижроси ва уларнинг ҳақиқий устуворлиги сўзсиз таъминланади.

Еттинчи устувор вазифа-бу барча ислоҳатларимизнинг бош йўналиш ва самарадорлигининг пировард натижасини белгилаб берадиган инсон омили ва меъзонидир.

Бу-демографик ва бошқа миллий хусусиятларни ҳисобга олган ҳолда кучли ижтимоий сиёсат олиб бориш демакдир.

Ижтимоий инфратузилмани таълим ва соғлиқни сақлаш соҳаларини янада ривожлантириш, нафақа билан таъминлаш тизимини такомиллаштириш, аҳолини экологик ва бошқа хавф-хатардан муҳофаза этиш, аҳолини социал соҳа бўйича талаб ва эҳтиёжларини қондириш масалаларига давлатнинг доимий этиборини ҳар томонлама кучайтириш.

Юқорида кўрсатиб ўтилган муҳим тамоил ва устувор йўналишларнинг барчасини изчил амалга ошириш натижасида ўзимизнинг асосий мақсадимизга-ривожланган, маърифий, хукукий демократик давлатларда мавжуд бўлган ҳаёт даражасига эриша оламиз, юртимиз тинчлиги, Ватанимиз равнақи, халқимиз фаровонлигини таъминлаш имконига эга бўламиз.

Таянч иборалари

- *Иқтисодиёт таркиби*
- *Соҳа, комплекс*
- *Миллий ҳисоблар тизими*
- *Ички иқтисодиёт*
- *Ташқи (қолган дунё)*
- *Секторлар*
- *Институционал бирликлар*
- *Иқтисодиётнинг таркибий тузилиши*
- *Ижтимоий тузилиши*
- *Тармоқ тузилиши*
- *Такрор ишлаб чиқарии тузилиши*
- *Худудий тузилиши*
- *Иқтисодий регион*
- *Устивор йўналиши*
- *Кичик бизнес ва тадбиркорлик*
- *Ишлаб чиқарии самарадорлиги*
- *Таркибий тузилиши сиёсати*
- *Инвестиция*

- Хорижий инвестиция
- Хусусий сармоя

Ўз-ўзини текшириши учун саволлар

1. Миллий иқтисодиётнинг маркиби деганда нимани тушунасиз?
2. Соҳа, сектор ва комплекс тушунчаларининг бир-биридан фарқи нимада?
3. Миллий ҳисоблар тизимида миллий иқтисодиёт қандай таснифланади?
4. Макроиқтисодиётни секторларга бўлиб ўрганишининг аҳамияти нимада?
5. Секторлар ва уларнинг институционал бирликлари тўғрисида нималар дея оласиз?
6. Бозор иқтисодиётига ўтаётган мамлакатларда ягона иқтисодиётни икки соҳага ажратиш тажрибаси, товар ишлаб чиқарии соҳаси ва хизмат кўрсатиш соҳаси, уларнинг мөҳияти нимада?
7. Иқтисодиётнинг маркибий тузилиши нимани англатади?
8. Ижтимоий тузилиши нимани англатади?
9. Тармоқ тузилишичи?
10. Такрор ишлаб чиқарии тузилишичи?
11. Худудий тузилишичи?
12. Иқтисодий районлаштириши белгилари нималардан иборат?
13. Ўзбекистон қандай иқтисодий регионларга бўлинади?
14. Иқтисодий фаолият маркиби қандай таҳлил қилинади?
15. Мулкий муносабатлар таҳлилида нималарга эътибор берилади?
16. Кичик бизнес ва хусусий тадбиркорлик даражаси қандай таҳлил қилинади?
17. Устивор йўналишларни тўғри белгилаш нималарга асосланади?
18. Ишлаб чиқарии самарадорлиги қандай таҳлил қилинади?
19. Ижтимоий ишлаб чиқарии ҳажмини миқдор ва сифат жиҳатидан ўсиши суъатларини таҳлил қилишидан мақсад нима?
20. Иқтисодиёт маркибини қайта қуришининг вазифалари нималардан иборат?
21. Ўзбекистонда демократик ўзгаришларни янада чуқурлаштириши ва фуқаролик жамият асосларини шакллантиришининг қандай йўналишларини биласиз?

Адабиётлар:

1. И.Каримов. Ўзбекистон иқтисодий ислоҳотларни чуқурлаштириши йўлида. Тошкент. Ўзбекистон 1998 йил 175-414 бетлар. (Ўзбекистон буюк келажак сари).
2. И.Каримов. Ўзбекистонда демократик ўзгаришларни янада чуқурлаштириши ва фуқаролик жамияти асосларини шакллантиришининг асосий йўналишлари. Олий Мажлиснинг тўққизинчи сессиясидаги маъруза. 2002 йил 30 август Халқ сўзи газетаси.
3. Ўзбекистон Республикаси Маҳаллий ҳокимият идораларини қайта ташкил этиши тўғрисидаги қонун. Халқ сўзи 14 декабр 2002 йил.
4. И.А.Каримов. “Эришган марраларимизни мустаҳкамлаб, ислоҳотлар йўлидан изчил бориши- асосий вазифамиз” мавзусида 2004 йил 7 февралда бўлиб ўтган Республика Вазирлар Маҳкамаси мажлисидаги маърузаси. Халқ сўзи газетаси, 2004 йил 10 феврал.
5. А.П. Градов. Национальная экономика. Санкт-Петербург 1997 г. стр 163-181
6. Региональная экономика под ред. Т.Г. Морозовой Москва 1995г. Стр. 61-66
7. Ўзбекистон Республикасининг давлат ва маъмурий тузилиши. Тошкент-1996 йил.
8. Общий классификатор всех видов экономической деятельности. (ОКЭД) Ташкент 1995 год.
9. А.Вахобов Иқтисодий янгиланиши йўлидан. Ўзбекистон иқтисодий ахборотномаси №9 2002 йил 2-7 бетлар

5-боб. Янги хўжалик юритиши шароитида ишлаб чиқариш мажмуи

- § 1. Саноат миллий иқтисодиётнинг йирик соҳаси.
- § 2. Республика транспорти мажмуи.
- § 3. Алоқа инфраструктуранинг муҳим бўғини.

§ 1. Саноат миллий иқтисодиётнинг йирик соҳаси

Ишлаб чиқариш мажмуи - бу жамият талабини қондириш учун моддий неъматлар ва хизматлар ишлаб чиқарадиган тармоқлар йигиндисидир.

Ишлаб чиқариш мажмуи ўз ичига саноат, қишлоқ хўжалиги ва қурилиш тармоқларини олади. Маълумки бу тармоқларда моддий неъматлар моддий буюм шаклида ишлаб чиқарилади. Ундан ташқари ишлаб чиқариш мажмуи ўз ичига юк ташиш транспортини, ишлаб чиқаришга хизмат қилувчи алоқа тармоқларини, савдо ва тайёрлов ташкилотларини, умумовқатланиш корхоналарини ҳам олади.

Ишлаб чиқариш мажмууда саноат миллий иқтисодиётнинг йирик соҳаси бўлиб ҳисобланади. Унда 1 млн.дан ортиқ ишчи ва хизматчилар меҳнат қиласи. Бу иш билан банд бўлган аҳолининг 1/8 қисмини ташкил қиласи. Саноатнинг 100 дан ортиқ тармоқлари бўлиб, улардан 6 таси базавий(таянч) ҳисобланади. Асосий фондларнинг 40% саноат ҳиссасига тўғри келади, ялпи ички маҳсулотнинг 15% дан ортиқроғи саноатда яратилади. Республикамиз саноат корхоналарида 3 трилион сўмга яқин маҳсулот ишлаб чиқарилапти. Саноат тармоғида 1600га яқин ўрта ва йирик корхоналар, ишлаб чиқариш бирлашмалари фаолият кўрсаталади. Нодавлат сектори корхоналари саноат маҳсулотининг 70%идан ортигини етказиб беради.

Ўзбекистон Республикасида саноат маҳсулотининг тармоқ таркиби қўйидагичадир.

(2-жадвал)

Ўзбекистон Республикасида саноат маҳсулотининг тармоқ таркиби*

Тармоқлар	2000 й. %	2001 й. %
Маҳсулотнинг умумий ҳажми Шу жумладан:	100	100
Енгил саноат	19,5	20,5
Озиқ-овқат саноати	14,1	13,4
Ёқилғи саноати	15,0	12,9
Рангли металлургия	10,1	10,7
Машинасозлик ва металсозлик	9,2	10,5
Электр-энергетика	9,1	8,0
Кимё ва нефт кимёси саноати	5,5	5,3
Қурилиш материаллари саноати	5,3	5,3
Қора металлургия	1,2	1,4
Ўрмон, ёғочни қайта ишлаш ва целялюз-қоғоз саноати	1,4	1,4
Бошқа саноат тармоқлари	9,6	10,1

Ўзбекистон саноатида электр энергияси, газ, нефть, кўмир, бензин, пўлат, автомобиллар, тракторлар, пахта териш машиналари, электродвигателлар, трансформаторлар, аккумляторлар, кабеллар, экскаватор, кўприкли қўтаргичлар, йигириув машиналари, самолётлар, олтингугурт кислотаси, минерал ўғитлар, сунъий толалар, цемент, турли қурилиш материаллари, газламалар,

* Ўзбекистон Республикаси Давлат статистика қўмитаси маълумотлари асосида тузилади.

пахта мойи, ун, гуруч, кийим-кечак, озиқ-овқат ва бошқа маҳсулотлар ишлаб чиқарилади. Саноат тармоқлари орасида қишлоқ хўжалиги маҳсулотларини қайта ишловчи ва агросаноат мажмуига хизмат кўрсатувчи тармоқлар тарихан етакчи мавқега эга. Булар пахта тозалаш, шойи тўкиш, консерва, ёғ-мой ва бошқа саноат турларидир. Шунингдек автомобилсозлик, кимё ва нефть кимёси, машинасозлик ва метални қайта ишлаш, электротехника, энергетика, металлургия, енгил саноат ҳамда истеъмол моллари ишлаб чиқариш жадал суръатларда ривожланмоқда.

Саноат тараққиётида **ёқилғи энергетика мажмуасининг ўрни алоҳида**. Унинг таркиби газ, нефть ва нефтни қайта ишлаш, кўмир ва энергетика киради. Бу мажмуанинг ҳиссаси саноат ишлаб чиқаришида 26,8%ни ташкил қиласди. Ўзбекистон жаҳондаги **ўнта йирик газ ишлаб чиқарувчи** мамлакатлар жумласига киради. Республикада қудратли гидроэлектр станциялари ва иссиқлик электр станциялари мавжуд. Металлургия мажмуаси таркиби қора ва рангли металларни қазиб чиқарувчи, бойитувчи ва қайта ишлаб чиқарувчи корхоналар киради. Олтин, кумуш, мис, кўрғошин, рух, вольфрам, молибден, литий, уран, алюминий хом ашёси, нодир металлар ва бошқа қатор қазилма бойликларининг аниқланган захиралари кўп.

Ўзбекистонда олтиннинг 30 та кони топилган. Қазиб олинадиган **олтиннинг умумий миқдори бўйича** Ўзбекистон **МДХ** мамлакатлари орасида **иккинчи**, кумуш, кўрғошин, рух ва вольфрам бўйича учинчи ўринни эгаллайди. Ўзбекистон жаҳон ҳамжамиятида **олтин ишлаб чиқариш ҳажми бўйича саккизинчи**, уни аҳоли жон бошига ишлаб чиқариш бўйича эса бешинчи ўринда туради.

Кимё ва машинасозлик мажмуалари саноатнинг муҳим соҳаларидир, янги иқтисодий шароитда бу тармоқларда чукур таркибий қайта куришлар амалга оширилмоқда. Улар мамлакатнинг иқтисодий мустақиллигини мустахкамлашга йўналтирилган.

Ишлаб чиқарилаётган истеъмол молларининг учдан бир қисми енгил саноат корхоналари томонидан амалга оширилмоқда. Бу ерда анъанавий етакчи соҳа тўқимачиликдир.

Саноат ишлаб чиқариш дастури саноат корхоналарининг хўжалик фаолиятларини якуний натижаларини ўз ичига олади ва жамият талабига мувофиқ маълум номенклатурада ишлаб чиқарилган саноат маҳсулотларининг ҳажмини ифодалайди. Саноат маҳсулоти ишлаб чиқариш натура ва қиймат кўрсаткичларида ўлчанади.

Натура кўрсаткичлари номенклатура ва ассортиментда берилади.

Номенклатура бу саноат маҳсулотларининг турларидир. Масалан, трактор, экскаватор, пойафзал, мебель ва ҳоказо.

Ассортимент- бирон бир саноат маҳсулоти группасидаги айрим хил буюмлар таркиби, уларнинг нисбати ва сортлари. Масалан: Минерал ўғитлар- азотли, калийли, фосфорли ўғитлар; ёки **Костюмлар** ичida- эркаклар, аёллар, болалар костюмлари, **Пайафзал** ичida- эркаклар пойафзали, аёллар пойафзали, болалар пойафзали, ишчи пойафзал ва ҳоказо. Ассортимент, маҳсулот номенклатурасини конкретлаштиради, деталлаштиради ва истеъмолчиларнинг аниқ талабини қондиради.

Натурал кўрсаткичлар саноат маҳсулоти ишлаб чиқариш ҳажмини аниқ ифодалайди. У конкрет маҳсулот ишлаб чиқаришни ифодалагани учун ҳам унга бўлган талаб ва ишлаб чиқаришни бир-бири билан баланслаш (мувофиқлаштириш) имконини беради.

Саноат маҳсулотлари ишлаб чиқаришни ҳажмини аниқлаш учун товар ва ялпи маҳсулот кўрсаткичларидан фойдаланилади.

Товар маҳсулоти ўз ичига тайёр маҳсулотлар қийматини, сотиш учун мўлжалланган ярим фабрикатлар қийматини ҳамда капитал қурилиш учун ишлатиладиган саноат характеристидаги ишларнинг қийматини олади.

Товар маҳсулоти кўрсаткичи ҳажмига шу корхонада ишлаб чиқарилган ва ана шу корхонанинг ўзида бошқа маҳсулот ишлаб чиқариш учун ишлатиладиган маҳсулотлар кирмайди. Бу усул завод услуги деб аталади.

Ялпи маҳсулот кўрсаткичи товар маҳсулоти кўрсаткичидан тугалланмаган ишлаб чиқаришнинг ўсиши ёки камайиши ҳажми билан фарқланади.

Саноат маҳсулотлари ишлаб чиқариш дастури жамиятнинг саноат маҳсулотларига бўлган талаби ва бу талабни қондириш имкониятлари асосида тузилади.

Саноат маҳсулотларига бўлган талаб, эҳтиёж қўйидагилардан иборат бўлади:

1. Ишлаб чиқаришнинг эҳтиёжи
2. Аҳолининг талаби
3. Экспорт
4. Давлат резервларини тўлдириш
5. Бошқа талаблар

Ишлаб чиқариш эҳтиёжи корхоналар, тармоқлар, бошқармалар, вазирликлар ва миллий иқтисодиёт бўйича умумлаштирилади.

Аҳолини саноат молларига бўлган талаби унинг сони ёки ҳар 100 ёки 1000 кишига тўғри келадиган меъёрлар (нормалар) асосида аниқланади. Бундай прогнозларни ишлаб чиқиша аҳолининг маҳсулотлар сотиб олиш қобилияти, пул даромадлари ва харажатлари ҳисобга олинади.

Саноат маҳсулотларининг **экспортга** бўлган эҳтиёжи ташқи савдо режаси асосида ташқи мамлакатлар билан тузилган шартномага кўра белгиланади.

Саноат маҳсулотларига бўлган **давлат резервни** тўлдириш ҳам саноат маҳсулотлари ишлаб чиқариш дастурини муҳим қисми ҳисобланади. Бу мамлакат иқтисодиётида хом ашё материал, ёнилғи, ёқилғи, ускуна ва ҳоказолар билан таъминлашда қийинчиликлар туғилиб қолганда, табиий оғатлар юз берганда, халқаро вазиятлар оғирлашганда ва ҳоказо вазиятлар юз берганда фойдаланилиши мўлжалланган маҳсулотлар фондицир. Унинг ҳажми ўша шароитдаги сиёсий ва иқтисодий вазиятларга қараб ҳал қилинади.

Саноат маҳсулотларига бўлган **бошқа талаблар** ҳам маҳсулотнинг турига қараб, унинг у ёки бу мақсад учун ишлатилиши меъёрларига (нормаларига) қараб аниқланади.

Саноат маҳсулотларига бўлган талаб аниқлангандан сўнг **ишлаб чиқариш имкониятлари** кўриб чиқиласди.

Саноат маҳсулотларига бўлган талаб ва ишлаб чиқариш имкониятлари ўртасидаги нисбат моддий балансни тузиш ёрдамида аниқланади.

Имкониятлар қўйидагилардан иборат бўлади:

1. У ёки бу маҳсулот бўйича йил бошидаги қолдиқ
2. Маҳсулот ишлаб чиқариш
3. Импорт
4. Давлат резервларидан фойдаланиш
5. Бошқа тушумлар

Имкониятлар ичida энг асосийси бу ишлаб чиқариш ҳисобланади. У ишлаб чиқариш қувватлари балansi тузиш йўли билан аниқланади.

Ишлаб чиқариш қуввати бу мавжуд ишлаб чиқариш воситаларидан белгиланган ихтисослашувга ва иш тартибига мувофиқ тўла-тўқис фойдаланилганда бир йил ичida (суткада, сменада) ишлаб чиқариш мумкин бўлган энг кўп маҳсулотdir.

Ишлаб чиқариш қувватлари балansi қўйидаги кўрсаткичлардан иборат бўлади:

1. Йил бошидаги ишлаб чиқариш қуввати.
2. Дастурлаштирилаётган давр мобайнида ишлаб чиқариш қувватларининг ўсиши (*Ташкилий-техникавий тадбирлар; Реконструкция ва модернизация; Янги қурилиш ҳисобига ва ҳоказо)
3. Ишлаб чиқариш қувватларининг ишлаб чиқаришдан чиқиб кетиши
4. Йил охиридаги ишлаб чиқариш қувватлари
5. Ўртacha йиллик ишлаб чиқариш қувватлари
6. Ўртacha йиллик ишлаб чиқариш қувватидан фойдаланиш коэффициенти
7. Ишлаб чиқариш маҳсулотининг ҳажми

Йил охиридаги ишлаб чиқариш қувватлари йил бошидаги ишлаб чиқариш қувватларига янги киритилган ишлаб чиқариш қувватларини қўшиб ишлаб чиқаришдан чиқиб кетган қувватларни айриб ташлаганига тенгdir.

Ўртacha йиллик киритилган (чиқарилган) қувватлар янги киритилган (чиқарилган) қувватлар миқдорини йил охиригача қолган тўлиқ ойлар миқдорига кўпайтириб 12 га бўлиш йўли билан топилади.

Шундай қилиб, маҳсулот ишлаб чиқариш ҳажми қуйидаги формула билан аниқланади.

$$M_x = K_{\text{үрт.й.}} \times K_{\phi \cdot k}$$

M_x – Маҳсулот ишлаб чиқариш ҳажми
 $K_{\text{үрт.й.}}$ - Ўртача йиллик ишлаб чиқариш қувватлари миқдори.
 $K_{\phi \cdot k}$ -Ўртача йиллик ишлаб чиқариш қувватлардан фойдаланиш коэффициенти

§ 2. Республика транспорти мажмуи

Ўзбекистон Республикасида умумий фойдаланиладиган юк ва йўловчилар ташувчи траспортнинг барча тури – темир йўл, автомобиль, авиация, шахар электр транспорти (трамвай, троллейбус, метрополитен), дарё, трубопровод транспорти, шунингдек умумий фойдаланилмайдиган (саноат) транспорти – темир йўл, автомобиль, тасмали транспорт, осма арқон траспорти мавжуддир.

Мамлакат ялпи ички маҳсулотининг 8,0%и транспорт тармоқларига (алоқа билан бирга) тўғри келади. Транспорт тармоқларида банд бўлган ишчи-хизматчиларнинг ўртача йиллик сони 300 минг кишини, ёки республикада банд бўлган ишчи-хизматчиларнинг 5,0%ига яқини шу тармоқларда фаолият кўрсатаяпти. Жумладан, темир йўл транспортида 58,4 минг, сув (дарё) транспортида 0,6 минг, автомобиль, шахар электр транспорти, юк ортиш-тушириш корхоналарида 239,3 минг кишини ташкил этади. Мустақилликкача республика транспортининг асосий турлари собиқ Иттифоқнинг Марказий вазирликларига ёки уларнинг Ўрта Осиё, Ўзбекистон бўйича худудий бошқармаларига бўйсунган: темир йўл транспортига Ўрта Осиё темир йўл бошқармаси, сув транспортига Ўрта Осиё давлат пароходчилиги бошқармаси, ҳаво транспортига Иттифоқ фуқаро авиация вазирлигининг Ўзбекистон Фуқаро авиацияси бошқармаси, умумий фойдаланишдаги автомобиль транспортига автомобиль транспорти вазирлиги раҳбарлик қилган.

Республика мустақилликка эришганидан кейин транспортнинг фаолиятини тубдан яхшилаш ва транспорт тизимини **бошқариш тизими** такомиллаштириш мақсадларида «Ўзбекистон ҳаво йўллари» миллий авиокомпанияси (1992), «Ўзбекистон автомобиль транспорти» («Узавтотранс») давлат акциядорлик коorporацияси (1993), «Ўзбекистон темир йўллари» давлат-акциядорлик компанияси (1994) ва бошқа маҳкамалар ташкил этилди. Мамлакатда транспорт корхоналари давлат иштирокидаги акционерлик компаниялари, корпорациялари, очик турдаги акционерлик, масъулияти чекланган жамиятларга, жамоа корхоналарига айлантирилди.

Республикада автотранспорт воситаларининг бир қисми (автобуслар, юк ва енгил машиналар) жамоа хўжаликлари, фуқароларнинг мулки. Саноат ва қишлоқ хўжалигида ишлаб чиқаришнинг ўсиши, кенг миқёсдаги капитал курилиши транспорт моддий- техника базасининг юксалиши билан юк ва йўловчилар ташиш ҳажмлари ҳам орта боради. Республиkanинг умумий юк оборотида транспорт турларининг салмоғи ҳам ўзгарди. Бугунги кунда умумий фойдаланишдаги ва саноат транспорти турларида юк ва йўловчиларнинг асосий қисми автомобиль транспортида ташилади (юкларнинг 70%; йўловчиларнинг эса 30% и).

Республиканинг транспорт тизими **темир йўл**, автомобиль йўллари, замонавий ускуналар билан жиҳозланган **вокзаллар, станциялар, юк омборлари, пристанлар**, ҳаво флотининг йирик **аэровокзаллари** ва бошқа инфраструктура бўлинмаларини қамраб оладиган мураккаб иқтисодиёт мажмуини ташкил этади.

Темир йўл транспорти. Темир йўл транспортининг йўловчилар ҳамда юк ташишдаги салмоғи каттадир. Ўзбекистон темир йўлининг 1972 йилда қурилган Кўнғирот-Бейнов магистрали Қозоғистон орқали Россиянинг марказий, Жанубий, Урал минтақаларига туташган. Ховос-Арис магистрали ҳам мамлакатни Қозоғистон орқали яна Россиянинг Сибирь, Узоқ шарқ минтақалари билан, Кўқон-Душанбе йўналиши Тоҷикистон, Тошкент-Туркманбоши йўли Туркманистон билан боғлайди.

Республика темир йўлларининг узунлиги 7,0 минг км.дан ошиқ, шу жумладан умумий фойдаланиладиган қисмининг узунлиги 3,8 минг км, асосан саноат корхоналарига тортилган (умумий фойдаланилмайдиган) темир йўлларнинг узунлиги 3,1 минг км ни ташкил этди.

Ўзбекистонда дастлабки темир йўл 1886-88 йилларда Фороб станциясидан Самарқандгача ётқизилган (Красноводск-Чоржўй темир йўлининг давоми). Бу темир йўл

1895-1897 йилларда Кўқонгача, 1899 йилда Тошкентгача етказилди. 1906 йилда Тошкент-Оренбург темир йўли ишга тушди.

1994 йил ноябрда Ўзбекистон Республикасида жойлашган темир йўл корхоналари ва бўлимлари, лойиҳа-конструкторлик ва бошқа ташкилотлари ва муассасалари негизида «Ўзбекистон темир йўллари» давлат-акциядорлик компанияси ташкил этилди. Ўзбекистон Республикаси мамлакат мустақиллиги ва иқтисодиёти учун улкан аҳамиятга эга бўлган Хитой, Корея, Япония, Эрон, Туркия ва ғарбий Европанинг жануби билан туташтирадиган Трансосиё магистрали (Истамбул-Тошкент-Олмаота-Пекин) курилишида хиссабай иштирок этмоқда. Бу магистралнинг Дружба станцияси (Қозогистон), Туркманистанда Тажас-Сарахс ва Эронда Сарахс-Машҳад қисмлари қуриб фойдаланишга топширилди (1996йил, 13май) ва йўлда поездлар қатнови бошланди. Республика курувчилари узунлиги 133 км бўлган Тажас-Сарахс йўлини куришда фаол иштирок этилди. Ўзбекитон Темир йўли келажакда бу катта йўлнинг марказий бўғини бўлиб қолади. Бу йўлдан Бухоро-Бейнов орқали Европага, Тажан-Сарахс орқали Яқин Шарқ мамлакатларига чиқиш мумкин. Республика темир йўл транспортини ривожлантириш истиқболлари Иқтисодий Ҳамкорлик Ташкилоти мамлакатлари (Эрон, Покистон, Туркия, Марказий Осиё давлатлари, Афғонистон, Озарбайжон) ўртасидаги Кветта режасида белгиланган вазифалар бўйича ҳамкорлик йўналишида ҳам ишлаб чиқилмоқда.

«Ўзбекистон темир йўллари» 50 мингдан ортиқ турли типдаги юк вагони ва Германияда тайёрланган рефрежераторларга, 1450 йўловчилар ташиладиган вагонга эга. Компаниянинг темир йўлдан фойдаланишга масъул бўлган Тошкент, Фарғона, Бухоро, Орол бўйи, Қарши темир йўл бўлимлари бор.

Ташиладиган юкларнинг асосий қисмини курилиш материаллари (умумий ташиладиган юк ҳажмининг 21%), пахта толаси (3%), нефть ва нефть маҳсулотлари (35%), ғалла, цемент, кимёвий маҳсулотлар ва минерал ўғитлар, кўмир, сабзавот ва бошқа юклар ташкил этади. Юк ташишда тепловозлар, йўловчилар ташишда тепловоз ва электропоездлар хизмат кўрсатади. Ўрта хисобда ҳар йили темир йўл транспортида 15,0 млн.дан ошик йўловчи ташилади. Йўловчиларга хизмат кўрсатишда, айниқса шаҳарлар атрофидаги қатновда электропоездлардан тобора кенгроқ фойдаланилмоқда.

Ўзбекистон ягона темир йўл тармоғини вужудга келтириш бўйича Навоий – Учқудук – Нукус, Султон Увайс – Нукус йўналишларида темир йўлни реконструкциялаш ва электрлаштириш ишлари кетаяпти. 233 км ли ғузор – Бойсун – Қумқўрғон темир йўли қурилиши бу худудларни ижтимоий-иктисодий ривожлантиришда катта аҳамиятга эгадир. Республикада ҳозирги вақтда темир йўлларни электрлаштиришга катта эътибор бериляпти. Масалан: Тошкент-Ангрен йўналишида 120 км.ли темир йўлни электрлаштириш ишлари бошланган. Тошкент-Самарқанд темир йўли электрлаштирилди ва 3,5 соатда Тошкентдан Самарқандга элтиб қўяди. Илгари бу масофа 8 соатни олар эди.

Автомобиль транспорти. Республика иқтисодиётининг барча тармоқлари ва мамлакат аҳолиси эҳтиёжларини қондириш даражасида ривожланган автомобиль транспортига эгадир. Саноат, қишлоқ хўжалиги, қурилиш, сув хўжалиги, алоқа, савдо, соғлиқни сақлаш, коммунал хўжалиги, маданият, мудофаа ва бошқа тармоқларда ихтинослаштирилган йирик автотранспорт корхоналари мавжуд.

Республикада умумий фойдаланилайдиган автомобиль транспортида йўловчилар ташишга мўлжалланган 15,0 минг автобус, 6 мингдан кўпроқ енгил такси машиналари мавжуд. Республика бўйича 3000 дан ортиқ автобус маршрутларида (жумладан 593 шаҳар, 1768 шаҳар атрофи, 532 шаҳарлараро) автобуслар катнайди. Автобуслар билан ҳар куни 5 млн. га яқин йўловчи ташилади. Республикада 30 га яқин автовокзал, 120дан ортиқ автостанция хизмат кўрсатади.

Ўзбекистонда турли мақсадларга мўлжалланган 200 мингга яқин юк автомобиллари, 35,4 минг автобус, 45,9 минг енгил автомобиллар хизмат кўрсатади. Республикада фуқароларнинг шахсий мулки бўлган 900 мингдан ортиқ енгил автомобиллар бор.

Автомобиль транспорти тизимида «Йўловчи» Ўзбекистон акциядорлик сугурта компанияси йўловчиларни суғурта қилиш билан шуғулланади.

Кейинги йилларда бозор иқтисодиёти талабларидан келиб чиқиб **юк автомобиллари асосан газ ёқилғисига ўтказилмоқда**.

Автомобиль йўллари. Республика ривожланган йўл хўжалиги ва замонавий талабларга жавоб берадиган халқаро, республика, маҳаллий аҳамиятга эга бўлган автомобиль йўлларига эга. Йўл хўжалиги тармоқларида 34,5 минг ишчи ва инженер-техник ходим банд. Республикада **автомобиль йўлларининг жами узунлиги 120 минг км.дан ортиқдир**. Умумий фойдаланиладиган автомобиль йўлларининг узунлиги 44,5 минг км, жумладан 3343 км халқаро, 18901 км давлат (республика), 21439 км маҳаллий (вилоят) аҳамиятига эга бўлган йўлдир. Шунингдек республика идоралар (корхона, жамоа хўжаликлари, хўжалик ташкилотлари)га қарашли йўллар ҳам мавжуд.

1992 йил 3 июлда «Автомобиль йўллари тўғрисида» Ўзбекистон Республикаси конуни қабул қилинди.

1992 йил февралда Ўзбекистон автомобиль йўлларини қуриш ва ундан фойдаланиш давлат-акционерлик концерни («Узавтойўл») тузилган. Концерн таркибида Қорақолпоғистон Республикаси ва вилоят автомобиль йўллари бошқармалари, 163 туман автомобил йўллари бошқармалари, 532 йўлларни асрash ва улардан фойдаланиш бўлимлари, «Ўзйўллоийха» республика йўл ва иншоотлар қуриш, қайта қуриш ва таъмирлаш бўйича лойиха-қидирув институти, кўпприк темир-бетон қурилмалари заводи ва бошқа корхоналар бор.

20-аср бошида Ўзбекистонда 27 минг км йўл бўлиб, асосан от арава, карвон ва йўловчиларга мўлжалланган, шундан фақат **2 минг км.га** шағал ётқизилган эди. Республика мустақилликка эришганидан кейин мавжуд автомобиль йўлларини халқаро андозаларга мослаш, йўлларни сақлаш ва таъмирлаш, янги барпо этилаётган саноат районларини халқаро магистраллар билан боғлайдиган йўллар қурилиши масалаларига эътибор кучайди. Бу борада Ўзбекистон Хитой ва Покистонга чиқиши имкониятини берувчи Андижон-Ўш-Эргаштном-Қашқар автомобиль йўлини ишга туширишди (1997 йил 21 июль), **Хинд океанига чиқиши имконини берадиган Термиз-Хирот-Карачи автомобиль йўли қурилишида ўз улуши билан қатнашмоқда**. Республика ўзида Фарғона водийси билан Тошкент воҳасини Қамчик довони орқали боғлайдиган йирик автомобиль йўли ҳамда Кўнғирот-Бейнов автомагистрали қурилиши охирлаб қолди.

Республикада жами йўлларнинг 95,6%ига қаттиқ қопламалар ётқизилган, жумладан, цемент-бетон қопламали йўллар 0,8% (336 км), асфальт бетон қопламали йўллар 49,6% (21819 км), қора шағалли ва қора қопламали йўллар 40,6% (17796 км)ни ташкил этади.

Ҳаво транспорти. Ўзбекистон жаҳондаги кўп мамлакатларнинг пойтахтлари, йирик шаҳарлар, саноат марказлари билан ҳаво йўллари орқали боғланган.

Республика ҳаво транспорти- фуқаро авиацияси тарихи 1920 йиллардан бошланади. 1924 йил 12 майда узунлиги 800 км бўлган Тошкент-Авалиёта (Жамбул)-Пишпек (Бишкек)-Олмаота маршрути дастлабки йўловчилар ташиб рейси амалга оширилди. Ўша йили узунлиги 450 км бўлган Когон-Оқтўқай-Дарғонота-Хива ҳамда Бухоро Термиз-Душанбе ҳаво йўллари очилди. **1930 йилдан Тошкент-Москва йўлида самолётлар мунтазам қатнай бошлади.**

Авиациядан қишлоқ хўжалиги зааркунандаларига қарши курашда ва санитария мақсадларида ҳам фойдаланилади.

Республика мустақилликка эришгандан кейин 1992 йилдан собиқ Иттифоқ тасарруфида бўлган Ўзбекистон Фуқаро авиацияси бошқармаси, фуқаро авиациясининг таъмирлаш заводи, «Авиакурилиш» бирлашмасига қарашли «Авиамахсусмонтажсозлаш» негизида «Ўзбекистон ҳаво йўллари» миллий авиакомпанияси ташкил этилди.

Республиканинг айникса хорижий мамлакатлар билан ташқи иқтисодий, туристик алоқаларини йўлга қўйишда мамлакатнинг ўз ҳаво транспорти муҳим роль ўйнамоқда. «Ўзбекистон ҳаво йўллари»нинг бирқанча Европа ва Осиё, Америка мамлакатларида ваколатхоналари очилди; янги халқаро маршрутларда самолётлар қатнови йўлга қўйилди: 1993 йилдан Тошкентдан МДҲдан ташқари Лондон, Манчестер, Франкфурт-Майн, Тель-Авив, Шаржа, Жидда, Истамбул, Карачи, Дехли, Куала-Лампур, Бангкок, Пекин, Афина, Амстердам,

Сеул ва Нью-Йорк шаҳарларига мунтазам халқаро авиарейслар, Халаб (Алеппо), Сингапур ҳамда Осиё ва Европанинг кўпгина мамлакатларига чarter йўловчи ташиш рейслари бажарилади.

«Ўзбекистон ҳаво йўллари» миллий авиакомпанияси Германия, Франция, Россия фирмалари билан турли соҳаларда ҳамкорлик қилмоқда.

«Ўзбекистон ҳаво йўллари» хилма-хил типдаги ҳаво кемаларига эга: қишлоқ хўжалиги ишларига мўлжалланган АН-2, маҳаллий (республика ичидаги) ҳаво йўлларида қатнайдиган АН-24, ЯК-40, халқаро класдаги ИЛ-76, ИЛ-62, ИЛ-86, ТУ-154, А-310 каби самолётлар, вертолёт паркида МИ-2, МИ-8, КА-26 каби машиналар бор. Республикада АН-2 самолёти, МИ-2, МИ-8, КА-26 вертолётларидан иборат маҳсус мақсадлардаги авиаация парки қишлоқ хўжалиги, тиббий-санитария хизмати, метеорология, геология-қидириув, газ саноати ва бошқа соҳаларда унумли ишлатилади. 1996 йилдан «Боинг-757» ва «Боинг-764» самолётлари, маҳаллий ҳаво йўлларида ИЛ-114, RJ-85 самолётларидан фойдаланилмоқда.

«Ўзбекистон ҳаво йўллари» миллий авиакомпанияси таркибида **12 замонавий аэропокзал (аэропорт) бор** (Тошкент, Самарқанд, Андижон, Бухоро, Навоий, Наманган, Нукус, Термиз, Урганч, Фарғона, Қарши, Қўқон шаҳарларида). Сергели, Учқудук Зарафшон, Сариосиё, Шахрисабз, Қўнғирот, Тўрткўл, Мўйноқ шаҳарларидағи аэропортлар вилоят марказларидағи аэропортларга қарайди, ЯК-40, АН-24 самолётларини қабул қилишга мослаштирилган.

Вилоят марказларидағи аэропортлар ТУ-154, Самарқанд, Наманган, Урганч, Термиз аэропортлари ИЛ-62, ИЛ-76, Нукус аэропорти ИЛ-86, А-310 аэробусларини қабул қилишга қодир. Тошкент, Самарқанд, Термиз аэропортлари халқаро мақомга эга. Республика ҳукумати қарорига мувофиқ янги йирик халқаро аэропорт, Учқудукда жаҳондаги энг илғор андозаларга мос келадиган катта аэропорт қурилиши бошланди.

Сув транспорти. 20-аср бошларида Амударё ва Орол денгизида сув йўллари бўйлаб юклар ва йўловчиларнинг анча қисми ташилган. 1924 йилда кема ва қайиқлар қатнайдиган сув йўлларининг умумий узунлиги 887 км эди. Амударё ҳарбий флотилияси, «Хива», «Меркурий» акциядорлик жамиятлари кемаларида, шунингдек хусусий қайиқларда йўловчиларга хизмат кўрсатилган, зарур юклар ташиб берилган. Ўша даврда Ўрта Осиё сув йўлларида умумий юк ортиш қуввати 7 минг тонна бўлган 20 кема ва 50 баржа, умумий юк ортиш қуввати 24 минг тонна бўлган 1500 қайик бор эди. **1980 йилда Ўзбекистонда сув йўлларининг умумий узунлиги 2800 км га етди.** Амударё Панж (Тожикистон) бандаргоҳидан Мўйноққа қадар пароходлар қатнови амалга оширилди.

Дарё сувининг камайиши ва Орол денгизининг қуриб бориши натижасида сув йўллари кескин қисқарди, аммо шунга қарамай 1980 йил дарё транспотида 1420 минг тонна юк ташилди. Ўрта Осиё республикалари мустақилликка эришганларидан кейин Ўрта Осиё пароходчилиги Туркманистон, Ўзбекистон, Тожикистон ўртасида тақсимланди. 1994 йил май ойида Ўзбекистон Республикасида жойлашган дарё флоти бўлинмаларини бошқариш тартиби қайта ташкил этилди. Ўрта Осиё пароходчилигининг Ўзбекистондаги бўлинмалари негизида «Термиз дарё порти», «Хоразм дарё флоти», «Қорақолпоғистон дарё флоти» ишлаб чиқариш бирлашмалари ташкил этилди. «Ўзавтотранс» корпорацияси ҳузурида дарё ишини мувофиқлаштириш бўйича бош бошқарма (Тошкентда) тузилди. Республика Термиз дарё порти, Шарлавуқ, Тўрткўл, Беруний, Қоратов, Хўжайли бандаргоҳлари, Амударё орқали Тўрткўл-Хонқа, Чалиш-Беруний сузма кўприклари, Хўжайли кема таъмирлаш заводи ишлаб турибди. Термиз дарё порти йилига 2,5 млн. тонна юкни қабул қилиш-жўнатиш қувватига эга, Афғонистоннинг Хайратон бандаргоҳи орқали экспорт-инпорт юкларини етказиб беришда халқаро аҳамиятга молик. Республика дарё флотида **150га яқин теплоход**, шунингдек баржалар, землесослар, сузуви экскаваторлар, порт кранлари ва бошқа ёрдамчи кемалар, техника воситалари бор. **Республикада сув йўлларининг умумий узунлиги 1000 кмдан ортиқ.** Юклар асосан Термиз-Хайратон, Шарлавуқ-Тўрткўл, Хўжайли-Тўрткўл, Хўжайли-Беруний, Қоратов-Тахиатош йўналишларида ташилади. Йилига дарё флотида 132,7 минг тонна юк ташилмоқда. Ўзбекистоннинг порт ва бандаргоҳлар темир йўллар билан боғланган.

Шаҳар йўловчилари ташиш транспорти. Республика шаҳарларида аҳолига йўловчиларни белгиланган маршрутларда ташийдиган жамоа кўча транспорти- автобус,

трамвай, троллейбус, ер ости транспорти (метрополитен), енгил автомобиль транспорти (такси) хизмат кўрсатади. Шаҳар йўловчилар ташиш транспортининг ибтидоий тури 19-асрнинг 2-ярмида йирик шаҳарларда пайдо бўлган кўп сонли извошлар эди. 1901 йилда Тошкентда конкатор темир йўли изида отлар судрайдиган бир вагонли дастлабки шаҳар транспорти, 1912 йил биринчи трамвай ишга туширилди. 1913 йил тор изли трамвай йўли узунлиги 38 км .га етказилди, 68 трамвай вагони қатнади.

Троллейбус катнови Тошкентда 1947 йилда бошланди (троллейбус йўли узунлиги 18 км; 10 та машина). Кейинги йилларда Самарқанд (1967), Олмалиқ (1968), Фарғона (1970), Андижон (1971), Наманган (1973), Бухоро (1987), Нукус (1992), Урганч (1997), Жиззах (1997) шаҳарларида троллейбуслар қатнай бошлади. Троллейбус йўлларининг **умумий узунлиги 403 км** (1998; Тошкент шаҳрисиз), шу жумладан Андижонда (72,2 км), Бухорода (30,7 км), Наманганда (65,5 км), Нукусда (15 км), Олмалиқда (53,2 км), Самарқандда (66,5 км), Фарғонада (56 км), Урганчда (25 км), Жиззахда (14 км). **Тошкент шаҳрининг ўзида троллейбус йўлларининг узунлиги 296,5 км.** 1997 йилда Хиванинг 2500 йиллигини нишонлаш арафасида Урганч шаҳрида аэропорт билан темир йўл вокзалини боғлайдиган троллейбус йўли ва 25 км.ли Урганч-Хива троллейбус йўли ишга туширилди.

Трамвай Тошкент шаҳрида ривожланган. Трамвай йўлларининг умумий узунлиги 293,1 км. Тошкент шаҳрининг ўзида трамвай ва троллейбуслар бир кунда 1 млн.дан ортиқ йўловчиларга хизмат кўрсатади.

Автомобиль йўловчиларга хизмат қилишда муҳим ўринда туради. 85 шаҳар ва шаҳарларда ички шаҳар автобус ва енгил такси катнови йўлга қўйилган, шаҳарларда 670 дан ортиқ маршрутда автобуслар қатнайди. Йўловчилар умумий ҳажмининг 70% дан кўпроби автобус ва енгил ҳамда микроавтобус таксиларга тўғри келади.

Метрополитең йўловчиларга хизмат кўрсатишда тобора катта аҳамият касб этмоқда. Республикада метро қурилиши Тошкент шаҳрида 1972 йилда бошланди. **Унинг узунлиги 12,2 км бўлган** «Собир Раҳимов»- «Максим Горький» станциялари биринчи йўлининг биринчи навбати 1977 йил 6 ноябрда, 4,6 км.ли 2-навбати 1980 йил 18 августда ишга туширилди. Тошкент метрополитенинг **иккинчи йўли** «Машинасозлар»- «Беруний» станциялари 1984-91 йилларда 4 навбат билан босқичма-босқич фойдаланишга топширилди (**узунлиги қарийб 15 км**). Тошкент метрополитенинг 3-йўли шаҳар марказини Юнусобод даҳаси билан боғлайди. **Узунлиги 14 км. Метрополитенда суткасига ўртacha 270-300 минг йўловчи ташилади.**

Трубопровод транспорти. Ўзбекистонда биринчи 20 км узунликдаги нефтепровод 1908 йил Чимён нефть конидан Ванновск (хозирги Олтиариқ) нефтни қайта ишлаш заводига тортилган. Кейинчалик Фарғона водийси, Сурхондарё вилоятидаги янги нефть конлари очилиши билан транспортнинг бу тури жадал ривожлантирилди. Нефть конларидан Фарғона ва Олтиариқ нефтни қайта ишлаш заводларига умумий узунлиги 228,5 км бўлган нефтепроводлар қурилди. Республика жанубида-Сурхондарё вилоятида 1947 йил Лалмикор-Кумқўрқон, ва 1969 йил Амударё-Аму-Занг линиялари қурилди (умуммий узунлиги 40 км). Қашқадарё вилоятида янги нефть конлари очилгандан кейин 1977 йил ғарбий Тошлок-Қашқадарё станцияси (3,3 км), Шимолий Ўртабулоқ-Олтингугурт заводи (72 км) нефтепроводлари ишга туширилди. 1994-97 йилларда узунлиги 100 км бўлган Кўқдумалоқ-Бухоро нефтни қайта ишлаш заводи нефтепроводи қурилиб ишга туширилди. Фарғона нефтни қайта ишлаш заводини хом ашё билан узлуксиз таъминлашга хизмат қиладиган Қамчиқ довони орқали ўтадиган Хонобод-Ангрен нефтепроводи қурилишини лойихалаш ишлари тутатилди. Бухоро, Қашқадарё вилоятларида улкан газ конларини топилиши ва ишга туширилиши билан Ўзбекистонда **газопровод транспорти** ҳам ривож топди.

Транспорт тармоғининг асосий вазифаси миллий иқтисоднинг юк ташиш ва пассажир ташишга бўлган талабини қондиришдан иборат. Бу вазифани бажариш учун энг аввало **юк ташиш ҳажмини аниқлаш ва уни транспорт турлари ўртасида оқилона тақсимлаш керак бўлади.**

Юк ташиш ҳисоб-китобларида қуйидаги кўрсаткичлардан фойдаланилади: ташиладиган **юкларнинг ҳажми, юк ташишнинг ўртacha масофаси, юк оборотининг ҳажми.**

Ташиладиган юкларнинг ҳажмини аниқлаш учун норматив ёки умумлаштирилган ҳисоб-китоблар ҳамда баланс усууларидан фойдаланилади.

Биринчи усул асосан ташиладиган юклар ҳажмини аниқлашнинг дастлабки босқичларида қўлланилади. Шу коэффициент юкларнинг алоҳида турлари бўйича ҳисобланади ва бундан аввалги йиллардаги ташилган юклар шу маҳсулотни ишлаб чиқариш ҳажмига бўлинади. Масалан, 2002 йилда Ўзбекистонда 3292,5, млн. тонна кўмир қазиб олинган, бундан 3087,7 млн. тонна ташиладиган бўлса, юк ташиш коэффициенти

$$K = \frac{3087,7}{3292,5} = 0,94 \text{ ни ташкил этади.}$$

Масалан, 2003 йилда 3384,2 млн. тонна кўмир қазиб олинадиган бўлса, бунда ташиладиган юкларнинг ҳажми қўйидагича топилади ($3384,2 \times 0,94 = 3181,15$ млн. тонна).

Юкларнинг барча турлари бўйича ташиладиган юклар ҳажми аниқланиб миллий иқтисодиёт бўйича умумийлаштириллади.

Ҳисобланган **сумманинг тўғрилигини исботлаш учун баланс усулидан фойдаланилади**. Бу усулни қўллаш баланс ҳисоб-китоблар тизимига ва энг аввало **маҳсулотни ишлаб чиқариш ва истеъмол қилиш балансига асосланади**. У қўйидаги қўрсаткичлардан иборат бўлади:

1. Юкларнинг номи
2. Ресурслар:
 - 2.1. Ишлаб чиқариш
 - 2.2. Йилнинг бошига қолдиқ
 - 2.3. Бошқа тушумлар
 - 2.4. Жами ресурслар
3. Ресурсларнинг тақсимланиши:
 - 3.1. Маҳаллий истеъмол
 - 3.2. Корхона транспортида ташиладиган юкларнинг қисми
 - 3.3. Йилнинг охиридаги қолдиқ
 - 3.4. Жами харажатлар
4. Ташиб кетиш мумкин бўлган юкларнинг ҳажми (жами ресурслар + жами харажатлар)

Ташиб кетиладиган юкнинг ҳажми ресурслар жами қисмидан ресурсларни тақсимлаш қисмини айириш йўли билан аниқланади.

Ундан сўнг туманлараро баланс ёки шахмат баланси ёрдамида истеъмолчи туманлар ва етказиб берувчи туманлар аниқлаб олинади.

Туман ишлаб чиқариш ва истеъмол баланслари ишлаб чиқилгандан кейин масъул ташкилотлар томонидан республикага ташиб келинадиган ва ташиб кетиладиган юкларнинг умумий ҳажми **транспортнинг йиғма баланси ёрдамида аниқланади**. Ташиб кетиладиган юкларнинг ҳажми аниқлаб берилгандан кейин **юк ташишининг ўртача масофасини аниқланади**. **Ўртача масофа туманлараро баланс ёки шахмат шаклидаги баланс ёрдамида аниқланади**.

Ташиладиган юкларнинг ҳажми: млн. т $\sum P = 305 + 600 + 400 = 1305$

$$\text{Ўртача масофа: яъни } \ell_{ypm} = \frac{(305 \times 50) + (600 \times 67) + (400 \times 30)}{1305} = 60,88 \text{ км}$$

$$\ell_{ypm} = \frac{\sum P \cdot \ell}{\sum P}$$

бу ерда: P -истеъмолчилар ва юкни етказиб берувчилар ўртасидаги масофа; ℓ -ташиб келинадиган юкнинг ҳажми.

Ташиладиган юкларнинг **ўртача масофасини камайтириш** тадбирларидан бири, бу истеъмолчиларни маҳсулот ишлаб чиқарувчиларга оқилона ҳолда боғлашдир.

Маҳсулот ишлаб чиқаришдан истеъмолчиларга олиб боришдаги транспорт **харажатлари кам бўлиши керак**. Бу масалани ечишда айрим шарт-шароитларга амал қилиш керак.

1. Маълум бир пунктдан жўнатиладиган юкнинг миқдори шу пунктда ишлаб чиқарилган маҳсулотларнинг ҳажмига teng бўлиши керак.

2. Барча жўнатиладиган жойлардан маълум пунктга келадиган маҳсулотнинг ҳажми шу пунктнинг эҳтиёжини қондириши керак.

Ташиладиган юкнинг ҳажми манфий бўлмаслиги керак (0 га teng ёки ундан катта бўлиши керак)

Бунда транспорт масаласини ечиш истеъмолчилар билан маҳсулот ишлаб чиқарувчилар орасидаги алоқани қулай равишда талаб этишга имкон беради ва ташиладиган юклар ўртача миқдорининг камайишига олиб келади.

Юкларнинг оқимини ва уларнинг ташиш масофасини билиш учун уларга сарфланган харажатлар миқдорини аниқлаш керак. Бу харажатларнинг энг кам даражаси қуидагича аниқланади:

$$C_i + E_n K_i \rightarrow \min,$$

бу ерда: C_i - таннарх;

E_n - капитал харажатлар самарадорлигини кўрсатувчи норматив;

K_i -капитал қўйилмалар.

Юк обороти қуидаги формула ёрдамида аниқланади:

$$\sum P \ell = P_1 \ell_1 + P_2 \ell_2 + P_n \ell_n$$

Прогнозлаштириш амалиётида транспортнинг аниқ тури ва ундан фойдаланишининг мақсадга мувофиқ соҳасини танлашда қуидаги ҳисоб-китобларнинг мунтазамлиги аниқланади.

1. Алоҳида туман ва минтақалар миқёсида ҳар бир транспортнинг техник иқтисодий ва эксплуатация хусусиятлари ҳамда афзалиги аниқланади. Ҳар бир транспортнинг афзалиги қуидаги кўрсаткичлар орқали баҳоланади. **Булар юкни етказиб бериш тезлиги, юкларни ташишнинг қиймати ва баҳоси, юк кўтара олиш имконияти, транспортнинг харакатчанлиги, юк ташишнинг узлуксизлиги.**
2. Аниқланган транспортнинг хусусиятлари ва афзалиги асосида қўшимча капитал маблағ сарфланмасдан юк ташиш ҳажмини кўпайтириш мақсадида ҳар бир транспортнинг ўтказиш ва ташиш резервлари аниқланади.
3. Юк ташишнинг барча турлари бўйича ташиш жараёнларининг тайёрлов ва охирги операцияларини, ортиш, тушириш, бощқа жойга ўтказиш харажатларини ҳисобга олган ҳолда тўлиқ эксплуатация харажатлари ҳисобланади.
4. Аниқланган ўтказиш ва ташиш хусусиятларини ҳисобга олган ҳолда, агарда ўтказиш хусусиятларининг етишмаслиги маълум бўлса, транспортни ривожлантириш учун керак бўлган капитал маблағлар ҳажми ҳисобланади.
5. Эксплуатация сарфи ва капитал маблағлар харажатларининг йиғиндинисини ҳисобга олган ҳолда юкларни транспорт турлари ўртасида тақсимлашнинг қулай варианти топилади.

Транспорт ишини иккинчи асосий вазифаси, йўловчилар ташишни тартибга солиш ҳисобланади.

Йўловчиларни ташиш ҳажмини аниқлашда шаҳарлароро ва шаҳар ичидағи **йўловчилар ҳажми аниқланади**. Буларга таъсир этувчи асосий омил ахоли даромадлариридир.

Истиқбол ва жорий даврларда йўловчилар ташишни аниқлашда қуидаги кўрсаткичлар ишлатилиди:

Истиқбол даврда: ахолининг сони; 1 йилда 1 кишига тўғри келадиган йўловчи/км; 1 йилда 1 кишига тўғри келадиган истеъмол фондларининг ўсиши;

Жорий даврда: ахолининг даромодлари ҳақидаги маълумотлар; даромадларнинг 1 сўмига тўғри келадиган йўловчи /км.

Ахолининг транспорт воситаларидан фойдаланишнинг интенсивлик даражасини белгиловчи кўрсаткич бўлиб ахолининг **транспорт қатнови қўрсаткичи ҳисобланади**.

Ахолининг транспорт қатнови дейилганда кишиларнинг юриш ҳаракати, қобилияти тушинилди. **Ахолининг транспорт қатновига кўп омиллар таъсир қиласи**. Бу ахолининг даромадларининг ўсиши, бўш вақтнинг бор бўлиши, транспорт ишининг яхшиланиши, савдо марказларининг ошиши ива ҳоказолар. Бу кўрсаткич бир кишига тўғри келадиган пас/км да кўрсатилади.

Ахолининг транспорт қатновини ҳисоблашда ҳар хил усуллардан фойдаланилади.

Масалан: Ахолининг жорий давридаги сонини коэффицентга кўпайтириш йўли билан аниқлаш. Бу усул асосан истиқболдаги кўрсаткичларни ҳисоблашда кенг кўлланилади. Кўрсатилган коэффициент ахолининг реал даромади ёки истеъмол фондининг 1 кишига тўғри келадиган микдорини ўшиш даражасини ифодалайди.

Ахоли транспорт қатнови қуидаги формула билан аниқланади.

$$\Pi = A_{\text{жорий}} K$$

П – Ахолининг транспорт қатнови

Аж – Ахолини жорий йилдаги сони

К – Коэффициент

Транспортнинг ишини янада яхшилаш юк ва йўловчилар ташишни тартибга солишида керакли ресурслар билан асослашни тақозо қиласи.

Юк ҳамда йўловчи ташиш ҳажми фақатгина миллий иқтисодиётни ва ахолининг талабларигагина эмас, балки шу **талабларни қондириш имкониятларига** ҳам боғлиқ. Шунинг учун миллий иқтисодиёт истиқболида юк, йўловчилар ташишнинг ривожланиши фақатгина талаб томонидан эмас, балки керакли ҳаракатдаги транспорт воситалари, ёқилғи ва бошқа ресурслар томонидан ҳам асосланади.

Юк ва йўловчилар ташишнинг ривожланиши керакли ресурслар билан асослаш жараёнида ҳаракатдаги транспортга бўлган талаб ва уларни қондириш имкониятлари билан аниқланади.

Транспортнинг ҳар бир турларига бўлган талаб ташилиши керак бўлган юк ва йўловчиларнинг ҳажмига ҳамда ҳаракатдаги таркибининг техник- эксплуатация кўрсаткичларига боғлиқ.

Техник-эксплуатация кўрсаткичлари ҳар бир транспортнинг хусусиятига қараб аниқланади. Темир йўл транспорти бўйича техник-эксплуатация кўрсаткичларига қуидагилар киради:

1. Вагонга тўғри келадиган статик ва динамик оғирлик.
2. Поезднинг ўртача массаси (брутто, нетто);
3. Юк вагонининг техник ва участка тезлиги
4. Вагоннинг айланиш вақти;
5. Локомативнинг ўртача суткалик юриши(км)
6. Юк вагонининг ўртача унумдорлиги.

Вагоннинг статик оғирлиги қуидаги формула бўйича аниқланади:

$$Nc = \frac{\sum P}{K_b}$$

ΣP -юклар хажми;

K_b -юк ортилган вагонлар сони.

Вагоннинг динамик оғирлиги харакатдаги статик оғирлигига тенг. Вагоннинг айланиш вакти-бу юкландан то уларни бўшатишгача бўлган вақт.

Юк вагонининг ўртача унумдорлиги(Пр) қуидаги формула бўйича хисобланади:

$$\Pi_p = \frac{Nc + 1_{урт} \times K}{T_{урт}}$$

Бу ерда:

Nc -статик оғирлик;

$1_{урт}$ -ўртча масофа;

K -кофициент;

$T_{урт}$ -юк вагонининг ўртча оборот вақти.

Юк ташишга бўлган талаб харакатдаги таркибнинг керакли сони, ёқилғи, электроэнергия томонидан ҳам асосланиши керак. Юк ташишни тартибга солишда транспорт воситаларига бўлган талабни аниқлашга, ундан фойдаланишни яхшилаш йўлларини белгилашга катта аҳамият берилади.

Юк вагонларига бўлган талабни (Π_b) аниқлашда қуидаги формула қўлланилади:

$$\Pi_b = \frac{P \times tB}{365 \times Nc} \cdot K$$

бу ерда:

tB - вагоннинг суткалик айланиши;

Nc -статик оғирлик;

K -вагонларнинг резерв коэффициенти.

§ 3. Алоқа инфраструктуранинг муҳим бўғини

Алоқа Ўзбекистон Республикаси хўжалик ва ижтимоий инфраструктурасининг таркибий қисми бўлиб, аҳоли, хўжалик субъектлари, давлат идораларининг поча, телефон, телеграф, радио ва ахборотнинг ўзга турларини узатиш ва қабул қилиш ҳамда алоқа тармоғи орқали жўнатилаётган ашёларни етказиб беришга бўлган эҳтиёжларининг қондирилишини таъминлайди. **Алоқа оммавий ахборотларни тарқатиш, шунингдек иқтисодиётни бошқаришда муҳим роль ўйнайди.** Ўзбекистон Республикасида алоқа корхоналари **аҳолига ҳамда иқтисодиёт тармоқларига поча, телеграф ҳамда маҳаллий, шаҳарлараро, халқаро телефон алоқа хизмати кўрсатади**, шунингдек республикада радиоалоқа, радиэшиттириш ва телевидениени техника воситалари билан таъминлайди. **Алоқа мажмуаси-матбуот тарқатиш, уяли (радиотелефон) алоқа, электр алоқа, космик йўлдошлар орқали алоқа республика ҳаётида катта роль ўйнайди.** Идоравий ички алоқа тармоқлари (айрим вазирликлар, ташкилотлар, ҳамда шахта, завод, хўжаликларнинг бевосита ўзига қарашли алоқа воситалари) ҳам мавжуд. Ўзбекистонда аҳолига пуллик хизматлар кўрсатишнинг умумий ҳажмида алоқа хизмати ҳиссаси 5% га яқин.

Ўзбекистон мустақилликка эришгандан кейин бозор иқтисодиётига ўтиш жараёнида миллий телекоммуникация тармоғини ривожлантириш ва уни мустақил равишда бошқариш муҳим вазифага айланди.

1992 йил 13 январда Ўзбекистон Республикасининг «Алоқа тўғрисида»ги қонуни қабул қилинди. 1977 йил 23 июнда Алоқа вазирлиги Почта ва телекоммуникациялар Агентлигига айлантирилди. 2002 йил 30 майдаги Ўзбекистон Республикаси Президентининг “Компьютерлаш-тиришни янада ривожлантириш ва ахборот-коммуникация технологияларини жорий этиш тўғрисида”ти Фармонига асосан **Ўзбекистон поча ва телекоммуникациялар агентлиги Ўзбекистон алоқа ва ахборотлаштириш агентлиги этиб қайта ташкил этилди.**

Ушбу Фармонга биноан ахборотлаштиришнинг миллий тизимини шакллантириш, иқтисодиёт ва жамият ҳаётининг барча соҳаларида замонавий ахборот технологияларини, компьютер техникаси ва телекоммуникация воситаларини оммавий равишда жорий этиш ҳамда улардан фойдаланиш, фуқароларнинг ахборотга ортиб бораётган талаб-эҳтиёжларини янада тўлиқроқ қондириш, жаҳон ахборот ҳамжамиятига кириш ҳамда жаҳон ахборот ресурсларидан баҳраманд бўлишни кенгайтириш учун қулай шарт-шароитларни яратишни назарда тутади.

Компьютерлаштириш ва ахборот-коммуникация технологияларини ривожлантириш ҳамда уларнинг замонавий тизимларини жорий этишнинг биринчи галдаги **энг муҳим вазифалари** деб қўйидагилар ҳисобланади:

1. Замонавий ишончли ва хавфсиз миллий маълумотлар ахборот базаларини яратиш, ахборот ресурслари ва хизматларининг бозорини ривожлантириш, ахборот алмашувнинг электрон шаклларига изчиллик билан босқичма-босқич ўтиш;
2. Реал иқтисодиёт тармоқларида, бошқарув, бизнес, фан ва таълим соҳаларида компьютер ва ахборот технологияларини кенг жорий этиш, аҳоли турли қатламларининг замонавий компьютер ва ахборот тизимларидан кенг баҳраманд бўлишлари учун шарт-шароитлар яратиш;
3. Мактаблар, касб-хунар колледжлари, академик лицейлар ва олий ўқув юртларининг таълим жараёнига замонавий компьютер ва ахборот технологияларини эгаллашга ҳамда уларни фаол қўлланишга асосланган илғор таълим тизимларини киритиш;
4. Ахборот-коммуникация технологиялари соҳасида, биринчи навбатда дастурий воситаларни, маълумотларнинг ахборот базаларини ишлаб чиқиш, республика, тармоқ ва маҳаллий ахборот-коммуникация тармоқларини шакллантириш, компьютер ва телекоммуникация техникасини ишлаб чиқиш соҳаларида ишлаш учун юқори малакали мутахассис кадрлар тайёрлашни ташкил қилиш;
5. Мамлакатнинг барча ҳудудида ахборот-коммуникация технологияларининг техникавий инфратузилмасини, маълумот узатиш воситаларини жадал ривожлантириш;

6. Миллий ва халқаро ахборот тармоқларига ғоят тезкорлик билан кириб боришни жорий этиш, аҳоли пунктлари, шу жумладан қишлоқ аҳоли пунктларининг уларга кириб боришини таъминлаш;
7. Сифатли маҳаллий дастурий маҳсулотлар ишлаб чиқиш ва уларни экспорт қилишни рағбатлантиришнинг самарали механизмини яратиш;
8. Маҳаллий компьютер техникаси ва унга бутловчи буюмлар ишлаб чиқиш ҳамда ишлаб чиқиши ташкил этишга кўмаклашиш.

Мазкур Фармонга мувофиқ Тошкент электротехника алоқа институти Тошкент ахборот технологиялари университетига айлантирилди.

2002/2003 ўкув йилидан бошлаб Тошкент ахборот технологиялари университетида дастурий маҳсулотлар ишлаб чиқиш, тармоқ технологиялари, кўчма радиотехника алоқлари, электрон тижорат ва ахборот хавфсизлиги соҳасида бўйича мутахассислар тайёрланиш ташкил қилинди.

Кейинги йилларда Ўзбекистонда алоқа тармоқларини ривожлантириш бўйича АҚШ, Германия, Япония, Италия, Туркия, Корея Республикаси, Индонезия ва бошқа давлатлар билан олиб борилаётган халқаро ҳамкорлик самарали бўлмоқда. 1992 йил Ўзбекистон Республикаси Халқаро электралоқа иттифоқи аъзолигига қабул қилинди.

Ўзбекистонда алоқа соҳаси почта алоқаси, телефон (маҳаллий, шаҳарлараро, халқаро) алоқаси, телеграф алоқаси, радиоэшиттириш, телевидение, матбуот тарқатиш каби тармоқларга бўлинади.

Почта алоқаси. Ўзбекистонда дастлабки **почта алоқаси 1865** йил Тошкент яқинидаги Ниёзбек қальаси билан Чимкент шаҳри ўртасида йўлга кўйилган. Ўша йили август ойида Тошкентда биринчи почта станцияси очилди, почта йўли Ниёзбекдан Тошкентгача етказилди. 1868 йил Тошкент билан Самарқанд ўртасида почта алоқаси ишга тушди. 1868 йил февралда Тошкентда Россия почта ва телеграф вазирлигига бўйсунган

Сирдарё ва Самарқанд вилоятлари почта идоралари бошқармаси ташкил этилди. Дастлаб почта от-увовда, темир йўл қурилгандан кейин темир йўл орқали ташиладиган бўлди. 1885 йил 1 январдан Тошкент почта идораси мижозлардан телеграммалар қабул қилишни бошлади. 1913 йил Ўзбекистонда жойлашган 17 почта-телеграф бўлими, 18 почта-телеграф идораси ишлади. Телеграф алоқаси, асосан тижорат мақсадларига хизмат қилди. 10 телефон станциясидан 9-таси хусусий кишилар кўлида эди.

20-асрнинг 20-йилларидан бошлаб Ўзбекистонда почта хизмати тубдан қайта ташкил этилди, қишлоқларда почта бўлимлари очилди.

Почта алоқаси республика аҳолисига хат, газета ва журналлар, жўнатма, пул ўтказмалари, пенсия тўловларини етказиб берди. 60-йиллар бошида барча вилоят марказлари ва 118 туманга вақтли матбуот босилган куни етказиб бериладиган бўлди. Почта ва матбуотни ташишда авиация, темир йўл, автомобиль транспортидан кенг фойдаланилди.

1974 йил Тошкентда темир йўл қошида почтамтнинг очилиши, 1983 йил Тошкент почтамтнинг янги биноси қурилиб фойданишга топширилиши билан хат, жўнатма, пул ўтказмалар, матбуот нашрларини жўнатиш ва етказиб бериш янада яхшиланди. Почта алоқаси алоқанинг энг кенг тарқалган ва оммавий турига айланди.

Почта алоқаси тармоқларида механизациялаш ва автоматлаштириш воситаларидан кенг фойдаланилади.

Ҳозир Ўзбекистоннинг барча аҳоли пунктларида почта корхоналари тармоғи билан қамраб олинган. Почта корхоналари «Ўзбекистон почтаси» концернига (1992) киради. Унинг таркибида 12 вилоят, Қорақолпоғистон Республикаси давлат почта корхоналари бошқармаси, Тошкент халқаро почтамти, 195 алоқа узели ва 3045 алоқа бўлими ишлаб турибди.

Телеграф алоқаси. Ўзбекистонда телеграф алоқаси 19-асрнинг 80- йилларида, темир йўл қурилиши билан бир вақтда вужудга келди. Дастлабки телеграф алоқа йўллари Тошкент-Хўжанд-Ўратепа-Ховас-Жиззах; Тошкент-Чимкент; Бухоро-Карки-Калиф йўналишида қурилди. Чоржўй-Самарқанд-Тошкент темир йўли бўйлаб телеграф қурилиши давом эттирилди. 1876 йил март ойида Тошкентни Хўжанд билан боғлаган бир симли телеграф алоқа йўли ишга туширилди. 1885 йил 1 январдан Тошкент почта идораси мижозлардан телеграммалар қабул

қилишни бошлади. 1913 йил Ўзбекистонда 3 телеграф бўлими ва 2 телеграф идоралари ишлади. **1932 йили Тошкентда марказий телеграф ишлай бошлади.** 1978 йил Тошкентда бевосита уланиш ва ахборотларни узатишга хизмат қиласидан катта кувватли абонент телеграф-коммутация станцияси фойдаланишга топширилди. 1992 йилда Тошкент марказий телеграфи тезкор замонавий аппаратлар билан жихозланди; **ҳар суткада алоқа каналлари орқали 200 мингдан зиёд хабар ўтади, хориждан газеталар тасвирини фототелеграф орқали қабул қиласиди.** Унинг қошида сўзлашув пункти ва маълумотларни узатиш тармоқларидан жамоа тарзида фойдаланиш пункти бор. Республикадаги корхоналар хужжатли ахборотларни узатишда абонент телеграф тармоғидан кенг фойдаланадилар.

Телефон алоқаси. Ўзбекистонда умумий фойдаланилайдиган 200 рақами дастлабки телефон станцияси Тошкентда 1904 йил 15 сентябрда ишга туширилган. Телефон тармоғи бир симли бўлиб, ер иккинчи ўтказгич вазифасини бажаради. 1924 йилга келиб телефон станцияларининг сифими 1700 рақам (номер)ни ташкил этди.

Ўзбекистонда умумий фойдаланилайдиган тармоқларида 1,5 млн.дан кўпроқ телефон рақами (номери) бор. Шахар хонадонларининг 50% (Тошкент шахрида 70%) уй телефонларига эга. Қишлоқ хўжалигида мавжуд 310 мингдан кўпроқ телефоннинг 226 мингтаси хонадонларда ўрнатилган.

Республикада телефон тармоғининг 87% ини координат ва механик системали станциялар ташкил этади (республика бўйича 1200дан ортиқ шундай станция ишлайди). Квазиэлектрон ва электрон АТСлар 12 минг номерга эга. Маҳаллий тармоқларнинг 6%, шаҳарлараро телефонларнинг 13% рақами АТСлар билан жихозланган. Тошкент шахри, Тошкент, Фарғона, Бухоро, Қашқадарё вилоятларида шахар абонентлари шаҳарлараро ва халқаро телефон тармоғига автоматик уланиш тизимиға тўлиқ уланган. **1994 йилдан** Республикадаги барча шаҳарлар, телефон тармоқларини автоматлаштирилган тизимга ўтказиш ишлари давом эттирилди.

Электр алоқа корхоналари «Маҳаллийтелеқом» компаниясига уюшган. Ўзбекистон алоқа тармоғи жаҳон андозалари даражасига кўтарилмоқда. Ўзбекистоннинг Туркия, АҚШ, Япония, Германия, Италия, Буюк Британия, Корея Республикаси, Индонезия, Хитойдаги етакчи фирмалар билан электр алоқа тармоқларини ривожлантиришдаги ҳамкорлиги яхши самара бераяпти. Хорижий фирмалар билан ҳамкорликда ташкил этилган 10 дан ортиқ корхоналар ишламоқда. 1992 йил Ўзбекистон ва АҚШнинг «Интернейшнл Коммуникайшн группи»(«Ай Си Жи») фирмаси билан ташкил этилган «Узунробита» кўшма корхонаси Тошкент, шунингдек Самарқанд, Урганч, Қарши, Андижон, Бухоро шаҳарларида халқаро ва шахар, шаҳарлараро телефон станциялари билан боғланиш имкониятига эга бўлган уяли телефон (радиотелефон) алоқаси станцияларини ишга тушириди. **1997 йилда Ўзбекистон – Малайзия кўшма корхонаси «ЎзМоком»,** Ўзбекистон – Индонезия кўшма корхонаси «Бустел» ва бошқалар шаҳарларида ва шаҳарлараро уяли телефон алоқасини ривожлантиришда фаолият кўрсатмоқда. Корея республикасининг «ДЭУ телеком», Германиянинг «Сименс», «Алкатель сел РФТ», Япониянинг «Мицуи» фирмаси, «НЭК» корпорацияси замонавий алоқа жихозлари етказиб беради, электрон рақами АТСлар асосида республика шаҳарларида халқаро ҳамда шаҳарлараро телефон станцияларини такомиллаштиради ва куради.

Ўзбекистон мустақилликни кўлга киритишига қадар республиканинг жаҳон мамлакатлари билан чекланган даражадаги телефон алоқаси Москва орқали амалга оширилган. Мустақилликнинг дастлабки давридаёқ халқаро телефон алоқасини ривожлантиришга алоҳида эътибор берилди. 1992 йили Тошкентда Япониянинг «НЭК» фирмаси етказиб берган асбоб ускуналаридан абонентларнинг жаҳон телефон тармоғига чиқиши ҳамда икки томонлама халқаро телекўрсатувларни таъминлайдиган 150 каналли рақами халқаро космик (фазовий) телефон станцияси курилди ва фойдаланишга топширилди. 1997 йилда Хитой (Шанхай) билан Германия (Франкфурт-Майн)ни боғлайдиган шиша кабелли Транссиё - Европа алоқа магистралининг Ўзбекистон ҳудуди орқали ўтадиган қисми (926 км) курилиши тамомланди. Кейинчалик Туркиянинг «Неташ», «Телеташ», «Симко» фирмалари 30 каналли яна бир халқаро космик телефон станциясини Тошкентда курди. Бу станцияларнинг ишга туширилиш билан

халқаро телефон сўзлашувларининг 80% ини сунъий алоқа йўлдошлари орқали бевосита хорижий мамлакатларга узатиш ва улардан қабул қилишга эришилди.

Италияning «СТЕТ Интернейшнл» ва Германияning «Сименс АГ» компаниялари иштирокида тузилган «Удиней» қўшма корхонаси шаҳарлароро ва халқаро телефон алоқасини ривожлантириш, қайта қуриш ва ундан фойдаланиш билан шуғулланади. Шаҳардаги телефон эгалари Ер куррасидаги барча мамлакатлар билан автоматик боғланиш имкониятига эга.

Радио ва телевизион алоқа. Тошкент тажриба радиоэшитирислар дастлаб 1926 йил ўтказилган. 1975 йили Тошкент радиоэшитириси ва овоз ёзиш уйида стреофоник радиоэшитирисларни амалга ошириш имкон берадиган аппаратлар ўрнатилди. Ўзбекистонда радиолаштириш ишлари 1928 йилда бошланган. Шаҳар, туман ва қишлоқларда қурилган радиоузеллар хонадонлар, корхоналар, муассасаларни радиолаштириш ишига хизмат қилди, 90-йиллар бошида республиканинг 12,5 млн.дан ортиқ аҳолиси радиолаштириш хизмати билан таъминланди.

Республика радио маркази сутқасига 12 дастур бўйича 1700 соат эшиттиришлар олиб боришни таъминлаш қувватига эга.

1956 йилда Тошкентда (баландлиги 180 м.) телевизион минораси қурилиб, Тошкент телевидение студияси ишга туширилди ва мунтазам қўрсатувлар бошланди. Кўрсатувларни Тошкент шаҳри ва унинг атрофида туманларда кўриш мумкин бўлди. **Икки йилдан кейин телекўрсатувлар** Андижон, Фарғона, Самарқанд шаҳарларида қабул қилинди. Кейинчалик Нукус (1961), Урганч (1964)да телемарказлар қурилди. 1966 йилга келиб ретрансляция станциялари ва радиореле алоқа йўллари (Тошкент – Андижон, 1960; Тошкент - Самарқанд, 1966) ёрдамида кўпгина вилоятлар алоҳида республика телевидениесининг 1-дастурини, Тошкент, Фарғона водийси ва Самарқанд алоҳида икки дастурини ҳам қабул қилиш имкониятига эга бўлди. **1965 йилдан** Ўзбекистондаги телетомошибинлар Москвадан олиб бериладиган **кўрсатувларни оқ-қора, кейинчалик рангли тасвирида кўра бошладилар.** 1974 йил Ўзбекистонда 18та катта қувватли, 37 кичик қувватли телевидение узаткичлари ишлади, республика аҳолисининг 94,7% биринчи, 87% иккинчи, 36% учинчи телевидение дастурларини кўришга эришиди. 1977 йил Республика телевизион техника маркази ишга туширилди. Бу марказ бир йўла 5 дастурда кўрсатувлар олиб боришга мўлжалланган. Марказда 3 студия, аппаратхоналар, телекинопроекционхона, видеоёзув аппаратхоналари, кинопрекцион заллар, кўчма телевизион воситалар базаси ва бошқа ёрдамчи хизматлар мавжуд. Телемарказ радиореле йўллари орқали Ўзбекистон Республикаси вилоятлари марказлари, шунингдек Қорақалпоғистон Республикаси билан боғланган. Кабель магистлари, радио ва сунъий йўлдош йўллари ёрдамида кўп мамлакатлар шаҳарлари билан телевизион дастурлар алмашинади.

Телекўрсатувлар кўламининг кенгайиши муносабати билан кучли радио-телевизион узатиш станцияси қуришга эҳтиёж туғилди. Шу мақсадда **1978-85 йилларда** Тошкент шаҳридаги **Бўзсув каналининг ўнг соҳилида баландлиги 375 м бўлган иккинчи телеминора** - ҳозирги радио-телевизион узатиш маркази қуриб ишга туширилди. Бу телеминора баландлиги бўйича жаҳонда Москвадаги Останкино, Торонто (Канада), Токио (Япония) телеминораларидан кейин **4-ўринда** туроди, Марказий Осиёда 1-ўринда туроди. Телеминоранинг 100 м ва 200 м баландлигида маҳсус бинолар жойлашган. Булардан энг юқорисида 5 дастурли кўрсатувларга мўлжалланган телевизион станция, ультра қисқа тўлқинли 4 дастурли эшиттиришга мўлжалланган радиостанция, метеорологик станция ва бошқалар, **100 м баландликда эса «Коинот» ресторани**, кузатув майдончаси ўрин олган. Радио-телевизион узатиш маркази Тошкент телевидениеси кўрсатувларини таҳминан **100 км радиусда** бевосита кўрсатилишини таъминлайди. Вилоятларга ва бошқа жойларга бу кўрсатувлар маҳсус ретрансляция станциялари орқали узатилади.

Ўзбекистонда Тошкент телестудиясидан ташқари Нукус, Урганч, Термиз, Наманган, Андижон, Самарқанд, Кўқон, Фарғона, Бухорода вилоят телестудиялари ишлайди. Бундан ташқари 30 маҳаллий ва тиҷорат студиялари фаолият кўрсатади. Россия, Қозогистон, Туркия теледастурларини мунтазам олиб кўрсатиши, Ҳиндистон, АҚШ ахборот дастурларини қабул қилиш йўлга қўйилган.

Республикада жаҳон мамлакатлари билан телекўрсатувларни бевосита алмасиши учун техник имкониятлар яратилган. 1994 йилдан Ўзбекистон-АҚШ қўшма корхонаси «Камалак ТВ – Пайжинг» шаҳарларда кабель телевидениеси тармоқларини ташкил этмоқда. 1993 йилдан Ўзбекистоннинг 98% аҳолиси теледастурларини ишончли қабул қиласи, жумладан аҳолининг 98,5% - бир, 98,3% - икки, 67,7% - уч, 17,8% - тўрт ва ундан ортиқ дастурни томоша қила олади.

Матбуот тарқатиши. Республикада алоқа органлари матбуот нашрларини тарқатиши ва етказиб бериш ишларини ҳам бажаради. Вақтли матбуотни тарқатишнинг асосий шакли обуна бўлиб, 1991 йилга қадар газета ва журналлар тиражининг 85% обуна йўли билан тарқатилган. Ўзбекистонда алоқа вазирлиги тизимида обуна бўйича ва чакана савдо йўли билан вақтли матбуот нашрлари (маҳаллий ва чет эл газета, журнал, хафталиклари)ни тарқатиши маориф ва умуман маданиятни ривожлантиришда тарихан катта аҳамиятга эга бўлди. 1994 йил собиқ «Союзпечать» республика бошқармаси ўрнида очиқ типдаги акциядорлик жамияти бўлган **«Матбуот тарқатиши ўюшмаси»** иш бошлади. Унинг 12 вилоят, Қорақалпоғистон Республикаси, Тошкент шаҳридаги корхоналари фаолият кўрсатади. Уюшма чакана савдо тармоқларига ҳам эга. Улар вақтли матбуот нашрлари билан бирга китоблар, тақвимлар, почта маркалари, нишонлар ва бошқа нарсалар ҳам сотади.

Республикада 2010 йилгача алоқа тизимини илғор технологиялар ва ечимлар базасида **халқаро алоқа тизимларига аста-секин қўшилишини таъминлайдиган дастур ишлаб чиқилган.**

Алоқани ривожланиш дастурини асосий вазифаси бўлиб иқтисодиёт тармоқларини ва аҳолини почта, телеграф, телефон, радио ва ҳоказоларга бўлган талабини тўлароқ қондириш ҳисобланади. Шу вазифани ҳал қилишда алоқанинг ҳар бир соҳасини ривожланиш даражаси ва уларнинг ўзига хос бўлган хусусиятлари эътиборга олинади. Масалан, газета ва журналларни аҳолига етказиб бериш дастурига кўйиладиган вазифа- бу газета ва журналларни чоп этилган куниёқ обуначиларга етказишидир.

Почтани ривожлантириш дастуридаги асосий вазифа бўлиб почта орқали юбориладиган хатларни, посилкаларни ва ҳоказоларни қисқа муддат ичida уларнинг эгаларига етказиш ҳисобланади.

Алоқани ривожлантириш **дастуридаги асосий кўрсаткичлар** куйидагилар ҳисобланади:

1. Алоқанинг маҳсулоти (сўмда);
2. Шаҳарлараро телефон каналарининг узунлиги;
3. Шаҳарлар ва қишлоқ жойлардаги телефон станцияларини катталиги (сифими);
4. Телевизион станцияларнинг сони ва қуввати;
5. Комплекс механизациялашган алоқа корхоналарининг сони;
6. Таъриф даромадлари ҳажми, фойда, рентабеллик ва бошқа иқтисодий кўрсаткичлар.

Алоқа **маҳсулотининг ҳажми** бу, ушбу тармоқ томонидан Миллий иқтисодиётга ва аҳолига кўрсатадиган барча хизматларини пул ўлчовида ифодаланган йиғиндисидир. Бу натура ҳолида кўрсатиладиган хизматлар ҳажмини уларга мос бўлган жорий баҳоларга кўпайтириш йўли билан топилади.

Шаҳарлараро **телефон алоқаларининг ҳажми** дастурлаштирилаётган даврдаги аҳолининг сони ва унинг ҳар бир кишисига тўғри келадиган телефон орқали гаплашишлар миқдорини ошиши асосида аниқланади.

Телефон алоқаларини ўсиш даражаси Миллий иқтисодиётда банд бўлган ишчи ва хизматчиларининг сонини ошишига мўлжалланиши лозим.

Хозирги даврда алоқа корхоналарининг асосий кўрсаткичлари бўлиб мана шу корхоналарнинг **тариф даромадлари** ҳажми ҳисобланади. Бу кўрсаткич алоқа корхоналарини ҳақ олиб кўрсатадиган хизматларини оширишни таъминлайди, тармоқни хўжалик фаолиятини баҳолашдаги камчиликларини бартараф этади ва ҳоказо.

Телефон станциялари **тармоқларини кенгайтириш** ҳар 100 ишловчини ва 100 хонадонни телефон номерлари билан таъминлаш нормаси асосида ривожлантирилиши керак. Айниқса, қишлоқ жойларида телефон алоқасини тез суръатлар билан ривожлантириш лозимдир.

Таянч иборалар

- *Ишлаб чиқарии мажсмуи*
- *Номеклатура*
- *Ассортимент*
- *Товар махсулоти*
- *Ялпи махсулот*
- *Асосий ишлаб чиқарии фондлари*
- *Мехнат унумдорлиги*
- *Оборот маблаглари*
- *Фондлар қайтими*
- *Фондлар сизими*
- *Фойда*
- *Рентабеллик*
- *Ишлаб чиқарии эҳтиёжи*
- *Экспорт*
- *Импорт*
- *Давлат резерви*
- *Ишлаб чиқарии имкониятлари*
- *Ишлаб чиқарии қуввати*
- *Транспорт мажсмуи*
- *Юк обороти*
- *Ўртacha масофа*
- *Пассажир обороти*
- *Аҳолини транспорт қатнови*
- *Алоқа мажсмуаси*
- *Алоқа дастури*

Ўз-ўзини текшириши учун саволлар

1. Ишлаб чиқарии мажсуми деганды нимани тушунасиз?
2. Нима учун саноат етакчи тармоқ ҳисобланади?
3. Саноат ишлаб чиқарии дастури нима?
4. Саноат маҳсулотининг қандай қиймат кўрсаткичларини биласиз? Улар қандай усулларда ҳисобланади?
5. Саноат маҳсулотларига бўлган талаб қандай аниqlанади?
6. Саноат маҳсулотларига бўлган талабни ишлаб чиқарии имкониятлари билан тақослаши усули қандай?
7. Ишлаб чиқарии қувватлари баланси, уни тузили методикаси тўғрисида нима дея оласиз?
8. Республика транспорт мажсуми.
9. Транспорт тармоғида қандай испоҳатлар ўтказилаяпти?
10. Транспорт тармоқларини ривожлантириши дастурининг кўрсаткичлари ва уларни ҳисоблаши методи.
11. Юк обороти қандай ҳисобланади?
12. Пассажир обороти-чи?
13. Алоқа тармоғида испоҳатларни янада чуқурлаштириши борасида қандай вазифалар белгиланган?
14. Алоқа тармоғи қандай кўрсаткичларда ифодаланади?
15. Компьютерлаштириши ва ахборот-коммуникацияси технологияларини ривожлантириши борасида қандай вазифалар белгиланган?.

Адабиётлар:

1. И. Каримов. “Ўзбекистон XXI асрга интилмоқда”. Тошкент. Ўзбекистон, 1999 йил.
2. Ўзбекистон Республикаси Президентининг “Компьютерлаштиришини янада ривожлантириши ва ахборот-коммуникация технологияларини жорий этиши тўғрисида”ги Фармони. 2002 йил 30 май. ПФ-3080 Ўзбекистон Республикаси Молиявий қонунлари №8. Тошкент. 2002 йил, 7-11 бетлар.
3. И.А.Каримов. “Эришган марраларимизни мустаҳкамлаб, испоҳотлар йўлидан изчил бориши-асосий вазифамиз” мавзусида 2004 йил 7 февралда бўлиб ўтган Республика Вазирлар Маҳкамаси мажлисидаги маъruzаси. Халқ сўзи газетаси, 2004 йил 10 феврал.
4. “Темир йўл транспорти” тўғрисидаги Ўзбекистон Республикасининг қонуни. Халқ сўзи 6 май 1999 йил.
5. “Почта алоқаси тўғрисида” ги Ўзбекистон Республикасининг Қонуни. Ўзбекистон Республикаси молиявий қонунлари №10. Тошкент. 2000 йил, 68-84 бетлар.
6. А. Эшмухамедов ва бошқалар. Бозор муносабатлари шароитида Миллий иқтисодиётнинг ривожланиши. Тошкент. Ўқитувчи-1996 й. 32-43 б; 52-67 бб.
7. Ўзбекистон Республикаси иқтисодиёти. Тошкент-1998 йил. 30-91; 135-161 бб.
8. Ўзбекистоннинг иқтисодий салоҳияти. Тошкент. Академия. Ўзбекистон-2000 йил.

6-боб. Агросаноат мажмуи

- § 1. Агросаноат комплекси (АСК). Унинг тушунчаси ва таркиби.
- § 2. Қишлоқ хўжалиги-агросаноат мажмуининг ҳал қилувчи тармоғидир.
- § 3. Республикада қишлоқ хўжалигини ислоҳ қилишнинг устивор йўналишлари.

§ 1. Агросаноат комплекси. Унинг тушунчаси ва таркиби

АСК бу йирик тармоқлараро макроиқтисодиёт комплекси бўлиб, қишлоқ хўжалиги маҳсулотларини етиштириш, сақлаш, қайта ишлаш ва истеъмолчиларга етказиб бериш билан банд бўлган тармоқлар йиғиндисидир. АСК-бу мураккаб тизим бўлиб уни ислоҳ қилиш қишлоқ хўжалигини бошқа тармоқлар билан таркибий боғлиқлигидан келиб чиқади. Шунинг учун бу тизим **3 соҳага ажратилади**:

1. **Биринчи соҳа-саноат тармоқлари.** Улар қишлоқ хўжалигини моддий техника воситалари, хусусан, трактор ва қишлоқ хўжалиги машиналари, чорвачилик ва ем-хашак ишлаб чиқариш учун зарур техника воситалари, минерал ўғитлар, ўсимликларни ҳимоя қилиш учун химия воситалари ва ҳоказолар билан таъминлайди.
2. **Иккинчи соҳа-бу бевосита қишлоқ хўжалиги ишлаб чиқаришидир.** Унга ўсимликчилик, чорвачилик, қишлоқ хўжалигига хизмат қиласидан агрохимия, ветеринария ва бошқа соҳалар киради.
3. **Қишлоқ хўжалиги маҳсулотларини тайёрлаш, траспортировка қилиш, ташиш, сақлаш, қайта ишлаш ва сотиш** билан шуғулланадиган тармоқлар киради.

Шундай қилиб, АСК иқтисодий ва технологик жиҳатдан бир бири билан боғлиқ бўлган тармоқлар йиғиндисидан иборатдир. Уларнинг асосий мақсади, вазифаси бўлиб аҳолини озиқовқат маҳсулотларига ва саноатни қишлоқ хўжалиги хом ашёсига бўлган талабини қондиришдан иборатдир.

Миллий иқтисодиётда энг катта аҳамият касб этадиган ва техник жиҳатдан яқин интеграция бу иккинчи ва учинчи АСК соҳаларидир. Албатта, қишлоқ хўжалиги маҳсулотларини кўп ва сифатли ишлаб чиқариш бу жуда муҳим масала. Шунинг билан бирга иккинчи муҳим масала уни сақлаш, ишлаб чиқарилган маҳсулотни қайта ишлаш ва истеъмолчига етказиб бериш ҳисобланади. Қишлоқ хўжалиги узоқ ишлаб чиқариш жараёнига эгадир. Қишлоқ меҳнаткашлари ўз меҳнатлари натижасини асосан бир йилда бир марта олади. Истеъмолчилар эса йил давомида бир текис маҳсулот бўлишини ҳоҳлайди. **Шунинг учун ҳам бу масалани ҳал қилиш-учинчи соҳа тармоқларини, яъни ривожланган ишлаб чиқариш инфраструктурасини мавжуд бўлишини тақозо қиласи**.

Шуни қайд этиш лозимки, Собиқ СССР даврида иккинчи ва учинчи соҳани, яъни қишлоқ хўжалиги маҳсулотлари ишлаб чиқариш ва сақлаш, қайта ишлаш тармоқларини бирлаштириш мақсадида Госагропром ташкил қилинган эди. Бундан мақсад ягона раҳбарлик остида бир-бiri билан боғлиқ бўлган қишлоқ хўжалик соҳаларини бошқариш, режалаштириш ва молиялаштириш имконини яратиш эди.

Мамлакатда бошланган қайта қуриш иқтисодий ва сиёсий демократлаштириш жараёни янги **аграр сиёсатни ишлаб чиқиши** зарурат қилиб қўйди. Бу сиёсатнинг асосий мақсади қишлоқда ишлаб чиқариш муносабатларини қайта қуриш, хар хил мулкчилик, хўжалик ва хўжалик юритиши шакллари асосида агросаноат ишлаб чиқаришини ривожлантиришга ўтиш эди. Табиий равишда раҳбарликнинг маъмурий-буйруқбозлик усули ўрнига агросаноат комплексига раҳбарлик қилишни янги шакллари ташкил топа бошлади.

Афсуски, тармоқни бошқаришдаги қайта қуришлар иккинчи ва учинчи соҳалардаги номутаносибликларни ҳал қила олмади. АСКнинг иккинчи соҳасига **техник ва молиявий ёрдам, эътибор инфраструктурани учинчи соҳасига, айниқса, қишлоқ хўжалиги маҳсулотларини сақлаш ва қайта ишлаш тармоқларига кўрсатилмай қолаверди**. Натижада АСКни бу тармоқларнинг қуввати қишлоқ хўжалиги ишлаб чиқаришининг имкониятларидан орқада қолди. Оқибатда тез бузиладиган маҳсулотлар, яъни картошка,

сабзавот, мева ва ҳоказоларнинг сезиларли қисми истеъмолчиларга етиб бормай қолаверади. Қайта ишлайдиган корхоналарнинг сони кам, борларида эса кам самарали эски техника сақланиб қолинаверди. Буларнинг ҳаммаси катта муаммога айланиб қола бошлади ва тармоқни қайта қуришни зарурат қилиб қўйди. Бу муаммо ўзи ечимини **аста-секин мустақиллик даврида топа бошлади**.

1990 йил 8 декабрда Республика Президентининг фармонига биноан **Қишлоқ хўжалиги вазирлиги**, 1996 йил 1 ноябрдан бошлаб эса Президент фармонига асосан **Қишлоқ ва сув хўжалиги вазирлиги** ташкил қилинди. У икки вазирлик- Қишлоқ хўжалиги ҳамда Мелиорация ва сув хўжалиги вазирликларини бирлаштириш асосида ташкил қилинди. Фармонга асосан унинг **аниқ вазифалари ва функциялари** белгиланди. Жойларда вилоят ва туман Қишлоқ ва сув хўжалиги бошқармалари ташкил қилинди.

Республикада қайта ишлаш тармоқлари учун янги ускуналар ва бошқа зарур воситалар сотиб олинди. Қайта ишлаш корхоналари бевосита ишлаб чиқариш жойларида ташкил қилина бошланди. Кўшма корхоналар тузила бошланди. Масалан: Тошкент вилоятининг Оққўрғон туманида Истроил-Ўзбек-Америка лойиҳасига биноан “Оққўрғон” хўжалигига **сутни қайта ишлаш минизаводи** ишга туширилди. Сут заводи Истроил фирмасининг ускунаси билан жихозланган бўлиб, бир суткада 2.5 минг литр сутни қайта ишлайди ва қаймок, творог, сир, йогурт ва ҳоказолар ишлаб чиқаради. Ушбу лойиҳага асосан мазкур хўжалиқда ем-хашак цехи, оила фермаси ҳам ташкил қилиш режалаштирилган эди. Уларда маълум пода моллари бўлиши ва етарли даражада ер ажратилиши ҳам кўзда тутилган. Шундай қилиб, бир хўжаликнинг ўзида тугулланган технологик тизим, яъни ем-хашак цехи, ферма ва суд заводи қурилиши мавжуд бўлади. Бу ва шундай бошқа тажрибалар республикамиз худудида аста-секинлик билан тарқалаяпти ва АСК ривожланишини таъминлаб бораяпти.

§ 2. Қишлоқ хўжалиги- агросаноат мажмуининг ҳал қилувчи тармоғидир

АСК ичидаги қишлоқ хўжалиги энг муҳим ва йирик тармоқ бўлиб, у аҳолини озиқ-овқат махсулотларига, енгил ва озиқ-овқат саноатини хом-ашёга бўлган талабини қондиради. Қишлоқ хўжалиги ўсимлик ва ҳайвонот махсулотларини **дастлабки ёки тўлиқ қайта ишлашнинг турли жараёнларини** ҳам ўз ичига олади ва ҳалқнинг моддий фаровонлигини таъминлашда муҳим аҳамият касб этади.

Республика қишлоқ хўжалиги **дехқончиликни**, яъни ғаллачилик, пахтачилик, шоликорлик, канопчилик, лавлагикорлик, мевачилик, токчилик, полизчилик, сабзавотчилик соҳаларидан ва **чорвачиликни**, яъни қорамолчилик, қўйчилик, хусусан қоракўлчилик, эчкичилик, паррандачилик, йилқичилик, туячилик, асаларичилик, пиллачилик соҳаларидан иборатdir.

Ўзбекистон жаҳонда ялпи пахта ҳосили етиштириш бўйича 5-ўринда, пахта толаси экспорти бўйича 2-ўринда (АҚШдан кейин) туради. Ўзбекистонда асосий валюта тушуми ана шу пахтадандир. Пахта дунёдаги 90 та мамлакатда етиштирилади. Ўрта ҳисобда йилига дунёда 18 млн тонна пахта толаси олинади. АҚШ ва Хитойда йилига 4 млн тоннадан, Ҳиндистон 3 млн тонна пахта толаси етиштиради. Дунёда етиштириладиган пахта толасини 6% ини Ўзбекистон Республикаси етиштиради.

Шунингдек республикада етиштириладиган мева, узум, сабзовот, полиз махсулотларининг талай қисми қўшни давлатларга чиқарилади. Республикада мева, узум, ва сабзавотнинг юқори сифатли навлари етиштирилади. Ўзбекистон ўзининг сифатли **пилласи** ва **қоракўли** билан дунёга машхур.

Республика аҳолисининг 60% дан зиёдроғи қишлоқ жойларда яшайди. **Ялпи ички махсулотнинг 30%и қишлоқ хўжалигига тўғри келади.** Чунки Ўзбекистон иқтисодиётининг негизини қишлоқ хўжалиги, унинг асосини эса пахтачилик ташкил этади. **3,8 млн. киши ёки республикада иш билан банд бўлганларнинг 43,7%и** қишлоқ хўжалиги соҳасида меҳнат қиласди.

Ўзбекистон қишлоқ хўжалигига 28 млн.га я°ин қишлоқ хўжалигига яроқли ерлар мавжуддир. Шундан 4,2 млн.га суғориладиган ерлар хисобланади ва улардан ишлаб чиқариладиган махсулотни 95-97% олинади. Республигадаги жами экин майдонининг 42-43%ини пахта, 40 фоизини дон экинлари, 4 фоизини сабзавот 2,5 фоизини картошка ва полиз экинлари ҳамда 10 фоизга яқинини ем хашак экинлари, қолганини бошқа экинлар эгаллади.

Республика қишлоқ хўжалигига **мулкчиликнинг қуйидаги шакллари мавжуд:**

- Кооператив** (жамоа хўжаликлари, хўжаликлараро корхоналар, ширкат уюшмалари, давлат хўжаликлари негизида ташкил этилган хўжаликлар, жамоа мулкига айлантирилган фермалар ва бошқалар).
- Давлат** (давлат хўжаликлари, наслчилик заводлари, ўкув тажриба ҳамда тажриба хўжаликлари).
- Хусусий** (дехқон ва фермер хўжаликлари, хусусийлаштирилган корхоналар).
- Аҳолининг шахсий ёрдамчи хўжаликлари.**

Республика қишлоқ хўжалиги махсулотининг 99% иқтисодиётнинг **нодавлат секторида** ишлаб чиқарилмоқда.

Ўзбекистон ер куррасида **дехқончиликнинг** энг қадимий ўчоқларидан биридир. Ўзбекистон худудида ғўза мил. ав. VII-VI асрлардан бери етиштириб келинаётганлиги маълум. Хусусан, Ўрта Осиёда бундан қарийб 3 минг йил аввал ғалла экинлари, шоли, кунжут, қовун ва бошқа экинлар ўстирилган. Археологик тадқиқотларнинг кўрсатишича мил. ав. 2-минг йиллик ўрталарида Хоразмда **қайир** типидаги сугоришга асосланган **чопик қилинадиган** экинлар, Фарғона водийсида лиман усулида сугоришни қўллаб тарик, арпа ва бошқа донли экинлар

екилган. **Чорвачиликда** узок асрлар давомида қорамол, қўй ва эчки, от, туюларнинг қимматли хўжалик белгиларига эга бўлган кўплаб ноёб зотлари яратилган. XX асрнинг 20 - йилларида Ўзбекистонда ҳам, бутун Иттифоқда бўлгани каби, ер-сув ислоҳотлари ўтказилди, дехқон хўжаликларини амалда мажбурий бўлган коллективлаштириш бошланди. Мамлакат қишлоқ хўжалигида асрлар давомида шаклланган укладлар тубдан ўзгартирилиб, қишлоқда йирик давлат хўжаликли (совхозлар) тузилди ва якка дехқон хўжаликли аста-секин коллектив хўжаликлар (колхозлар)га бирлаштирилди. Социалистик мулк қишлоқда иқтисодий муносабатларнинг асоси, деб қабул қилинди. Қишлоқ хўжалиги маҳсулотларини контрактация (шартнома тузиш) йўли билан тайёрлаш дехқонларни жамоа хўжаликлига бирлаштиришнинг ўзига хос мажбурий воситаси бўлган. Давлат, қишлоқ хўжалиги техникасини ҳам ўз ихтиёрига олиб, Давлат машина-трактор станциялари (МТСлар) ташкил этилди. Биринчи беш йиллик, деб аталмиш даврда собиқ Иттифоқнинг пахта мустақиллиги таъминланди. 1,2 млн. тонна пахта хом-ашёсини ёки **65% ини Ўзбекистон етказиб берди**. Пахта хом ашёси жуда арzon нархларда сотиб олинар эди. Мустақилликка эришгунга қадар Ўзбекистон Иттифоқнинг асосий пахта базаси бўлиб қолди. Бу эса республикани хом ашё етишириш билан чеклаб, бир ёқлама ривожланишига сабаб бўлди ва жуда кўп салбий оқибатларга олиб келди, **пахта монокультурасини яккаҳокимлигини мустаҳкамлади**.

Республика қишлоқ хўжалигида пахта **якка ҳокимлигини** кенг қарор топиши оқибатида 1987 йилга келиб 2107,7 минг гектарга ёки суғориладиган экин майдонининг 60% дан кўпроғига пахта экилди. Натижада илмий асосланган алмашлаб экиш тизими издан чиқди, минерал ўғирлар, гербицидлар, айниқса инсон саломатлигига заарли бўлган **бутифос** ишлатилиши натижасида дехқончилик қилинадиган жойларда экологик шароитлар бузилди, ерларнинг мелиоратив холати ёмонлашди.

Қишлоқ хўжалиги маҳсулотларини етишириш **ҳажми натура ва қиймат кўрсаткичларида** ифодаланади.

Натура кўрсаткичлари маълум давр ичида бевосита маҳсулот ишлаб чиқаришининг ҳажмини аниқлайди ва у тонна, центнер, литр ва ҳоказоларда ифодаланади.

Қишлоқ хўжалиги маҳсулотларининг умумий ҳажми қиймат шаклида ўлчанадиган **Ялпи маҳсулот** кўрсаткичидан ифодаланади. **Ўсимликчилик маҳсулотининг Ялпи маҳсулот кўрсаткичи барча қишлоқ хўжалиги** экинларидан олинган ялпи ҳосилга тугалланмаган ишлаб чиқаришининг ўсиши (**камайиши**) ва боғлар, кўп йиллик ўсимликларни яратиш учун кетган харажатларни қўшиш йўли билан топилади.

Айрим олинган қишлоқ хўжалиги маҳсулотлари етишириш ҳажми ҳосилдорлик даражаси ва экин майдонига боғлиқ бўлади.

Қишлоқ хўжалиги экинларининг ҳосилдорлик даражасига янги сара уруғлар, уларнинг сифати, экинларга минерал ва махаллий ўғитларни солиш, ўсимликчилик маданиятини ошиши, ерларни мелиоратив ҳолатини яхшилаш каби кўпгина омиллар таъсир кўрсатади.

Қишлоқ хўжалиги маҳсулотлари етишириш ҳажми экин майдонларига ҳам боғлиқдир.

Ўзбекистонда қишлоқ хўжалигининг асосий ишлаб чиқариш воситаси бўлган ер давлат мулки ҳисобланади. Давлат қишлоқ хўжалиги билан шуғулланадиган корхоналар ва хўжаликларга, шунингдек фуқароларга муддатсиз ёки вақтингчалик фойдаланиш учун ер ажратиб беради.

Давлатнинг ер фонди барча ерларни - ҳайдалма ерлар, дарахтзор, ялов, пичанзор, ўрмонзор, қўриқ ва бўз ерлар қишлоқ хўжалигида фойдаланилмайдиган ерларнинг жамини ўз ичига олади. Қишлоқ хўжалиги маҳсулотини етиширишнинг асоси бўлиб ҳайдаладиган ерлар ҳисобланади.

Ўсимликчилик маҳсулотлари ишлаб чиқаришининг самарадорлиги қуйидаги кўрсаткичларда баҳоланади:

1. 1 гектардан олинган ҳосилдорлик даражаси;
2. 1 центнер маҳсулотнинг таннархи;
3. 1 га экиндан олинган соф даромад ҳажми;

Чорвачиликнинг ялпи маҳсулоти гўшт, сут, тухум, жун ва бошқа маҳсулотларнинг ҳамда чорва молларидан олинган бузоқ, қўзи ва ҳоказолар қийматидан, мол ва паррандаларни ўстириш, семиртириш қийматидан ҳамда сув ҳавзаларида етиштирилган балиқчилик қийматидан иборатдир.

Қишлоқ хўжалигининг ялпи маҳсулоти ўсимликчилик ва чорвачилик ялпи маҳсулотлари ҳажмига боғлиқ бўлади.

§ 3. Республикада қишлоқ хўжалигини ислоҳ қилишнинг устивор йўналишлари

Мустақиллик йилларида жамиятимизнинг барча соҳаларида бўлгани каби қишлоқ хўжалигида ҳам туб ўзгаришлар амалга оширилди. Аввало, давлатнинг иқтисодий мустақиллиги ва аҳолининг юқори турмуш даражасини таъминлай оладиган, жаҳон андозаларига мос келадиган қишлоқ хўжалиги ишлаб чиқаришини ташкил этиш ва бошқариш модели яратилди, ҳамда изчиллик билан амалга оширила бошланди. Натижада давлат хўжаликлари тўла тутатилди, жамолар мазмунан тамомила янги асосда қайта ташкил этилди. Улар ўрнига учта замонавий шакл – **ширкат хўжалиги, фермер хўжалиги ва дехқон хўжалиги тизими таркиб топди**. Ишлаб чиқаришини ташкил этишнинг ҳудди шу кўриниши эндиликда мамлакатимиз қишлоқ хўжалигининг асоси ҳисобланади. Улар сафида ўзбек халқининг асрлар давомида таркиб топган менталитетига, меҳнаткаш халқ турмуш тарзига мос келадиган дехқон хўжаликларининг мустақил ишлаб чиқариш субъекти сифатида мавжуд бўлиши жаҳон аграр фани назарияси ва амалиётига муҳим хисса бўлиб қўшилди.

Қишлоқ хўжалиги ишлаб чиқаришини ташкил этиш ва бошқаришнинг мутлоқ янги тизими эҳтиёжларидан келиб чиқсан ҳолда банк, моддий-техника таъминоти, агросервис, молия, солик, ташқи иқтисодий алоқалар хизматлари фаолияти бутунлай ўзгартирилди.

Амалга оширилган чора тадбирлар тезда ўз натижасини берди. Собиқ “қизил империя” даврида ҳатто сут-гўшти ҳам четдан импорт қилиш даражасига туширилиб қўйилган Ўзбекистон, қисқа фурсат мобайнида озиқ-овқат моллари бўйича четга **қарамликдан озод бўлди ва ўзини ўз маҳсулотлари билан таъминлай бошлади**. Бу борада пахта якка ҳокимлигидан қутилиш ва ғаллани етиштириш бўйича эришилган ютуқларни алоҳида таъкидлаб ўтиш жоиз.

Мустақиллик йилларининг бошлариданоқ мамлакат қишлоқ хўжалигини чуқур ислоҳ қилиш даври бошланди.

Республика қишлоқ хўжалигида туб бурилишларнинг хуқуқий асосларини яратадиган қонунлар қабул қилинди. Жумладан “Ер тўғрисида”, “Ўзбекистон Республикасида тадбиркорлик тўғрисида”, “Ижара тўғрисида”, “Дехқон хўжалиги тўғрисида”, “Ер солиғи тўғрисида”, “Кичик ва хусусий тадбиркорликни ривожлантиришни работлантириш тўғрисида”, Ўзбекистон Республикасининг “Ер кодекси”, “Қишлоқ хўжалиги кооперативи тўғрисида”, “Дехқон хўжалиги тўғрисида”, “Фермер хўжалиги тўғрисида”ги қонунлар қишлоқ хўжалигига кўп укладли иқтисодиёт пойдеворини яратишга йўл очди.

Президент И.Каримов Республика Олий Мажлисининг XI сессиясида (1998 йил 4 май) Қонунларимиз дехқон манфаатига хизмат қилсин мавзусида сўзлаган нуткида “Ер Кодекси”, “ёишлоқ хўжалиги ширкати”, “Фермер хўжалиги”, “Дехқон хўжалиги” тўғрисидаги қонунлари қабул қилиниши **қишлоқ хўжалигига мулк масаласини, дехқонларнинг қишлоқ хўжалигига ишловчиларнинг мулкка эгалик хиссини шакллантириш, мустаҳкамлаш масаласини, қишлоқ жойларда, бутун иқтисодиётимизда бу борадаги ишларни мутлақо янги асосда ташкил этиш, бугун замон талаб қилаётган услубларга ўтиш масаласини, ва ниҳоят Ўзбекистонда янги синф, янги тоифа мулк эгалари пайдо бўлишига мустаҳкам хуқуқий асос бўлади**”, -деган эди.

Республика қишлоқ хўжалигида, энг аввало **пахта якка ҳокимлигини бартараф** этиш ва экин майдонлари таркибини илмий асосда тузиш тадбирлари кўрилди. Янги иқтисодий шароитларда Ўзбекистоннинг **энг муҳим озиқ-овқат ресурслари билан ўзини-ўзи таъминлашга эришиш вазифаси қўйилди**. Республикада **ғалла мустақиллигини** таъминлаш йўлида катта дастур ишлаб чиқилди ва у боскичма-боскич амалга оширилиб борилмоқда. Пахта майдонлари қисқартирилди, таркибий тузилиши ўзгартирилиб, ғалла майдонларининг **улushi 40 %** га етказилди, ерларнинг мелиоратив ҳолатини яхшилаш ишлари давом эттирилмоқда. Қишлоқ хўжалиги маҳсулоти етиштиришда дехқонларнинг шахсий томорқа хўжаликларига ер ажратиб берилди. Қишлоқ хўжалиги соҳасидаги зарар кўриб ишлаётган давлат хўжаликлари, иқтисодий жиҳатдан ўзини оқламаган хўжаликлар хўжалик юритишнинг **ширкатлар, ижарачилар уюшмалари, хусусийлаштирилган фермалар** каби иқтисодий самараси кўпроқ

шаклларга ўтказилди, жамоа хўжаликлари ривожига шароит яратилди. **Банкротлик ёқасида турган корхоналар учун санация чоралари кўрилди.**

Давлат хўжаликлари мулкчиликнинг бошқа шаклларига айлантирилди, уларнинг негизида жамоа хўжалиги, ширкат хўжалиги, ижарачилар уюшмаси ташкил этилди, катада майдонлардаги боф ва токзорлар хусусийлаштирилди.

Маҳсулдорлиги паст давлат ва жамоат хўжаликларининг **норентабель қорамолчилик фермалари меҳнат жамоалари мулки қилиб** берилди.

Ислоҳатларнинг биринчи босқичида **қишлоқда фермерлар ва деҳқон хўжаликлари** пайдо бўлди. Республика 2003 йилда 87500 фермер хўжалиги ташкил этилган бўлиб, уларда 603 мингдан зиёд киши меҳнат қилмоқда. Ҳозирги вақтда Республикада ишлаб чиқарилаётган қишлоқ хўжалиги маҳсулотларининг 14 фоизи фермер хўжаликлари хиссасига тўғри келмоқда.

Республика Президентининг 1994 йил 21 январдаги “**Иқтисодий ислоҳотларни янада чукурлаштириш, хусусий мулк манфаатларини ҳимоя қилиш ва тадбиркорликни ривожлантириш чора-тадбирлари тўғрисида**”ги Фармони, Ўзбекистон Республикаси Вазирлар Маҳкамасининг 1995 йил 24 мартағи ”Чорвачиликда хусусийлаштиришни давом эттириш ва хусусий тадбиркорликни қўллаб-куватлаш чора-тадбирлари тўғрисида”ги ва бошқа қарорлари иқтисодий ислоҳотларни чукурлаштириш, бозор тамойилларининг эркин ишлаши учун шарт-шароитлар яратиш, хўжаликларни нодавлат шаклларига айлантириш, **маҳсулдорлиги паст чорва фермаларини жамоа мулки қилиб бериш йўли билан қишлоқ хўжалигида ислоҳатларни янада чукурлаштиришга, деҳқон ва фермер хўжаликлари ишини йўлга қўйишга кенг имкониятлар очиб берди.** Чорва моллари зотини яхшилаш тадбирлари ишлаб чиқилди. Андижон, Сирдарё, Тошкент, Хоразм вилоятларида ширкат хўжаликлари негизида қорамолчилик **наслчилик заводлари**, Андижон, Наманган, Жиззах, Сирдарё, Тошкент, Хоразм вилоятларида жамоа хўжаликларида **наслчилик хўжаликлари** ташкил этилди. Республиканинг барча вилоятларида ихтисослашган хўжаликларида зотли моллар етиштириладиган ва сотиладиган таянч пунктлар иши йўлга қўйилди. Ким ошди савдоси орқали қора моллар хўжаликларга ва ахолига сотилди.

Қишлоқ хўжалигида иқтисодий ислоҳатларни чукурлаштириш бўйича Ўзбекистон Республикаси Президентининг 1998 йил 18- мартағи **Фармонига асосан** 1998-2000 йилларга мўлжалланган қишлоқ хўжалигидаги иқтисодий ислоҳотларни чукурлаштириш Дастири ишлаб чиқилди. Қишлоқда ислоҳотларни амалга ошириш юзасидан бир қатор тадбирлар белгиланди. **Қишлоқ хўжалигини моддий ва молиявий, техникавий жиҳатлардан қўллаб қувватлаш чоралари кўрилди.**

И.А.Каримов “Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари” асарида таъкидлаганидек: “Ҳозирги вақтда айнан иқтисодиётнинг аграр секторида катта-катта захиралар мавжуд. Уларни ишга солиш яқин вақт ичидәёқ сезиларли натижа бериши мумкин. Бугун иқтисодий ўзгаришларнинг якуни, барқарорлик ва халқ фаровонлиги кўп жиҳатдан туб ўзгаришлар жараёнлари **аграр секторни қанчалик қамраб олишига, қишлоқда ислоҳотлар қанчалик чуқур боришига боғлиқ бўлади**”.

Қишлоқ хўжалигида ислоҳотларни чукурлаштириш реал имкониятга таянмоғи лозим.

Қишлоқ хўжалигини ривожлантириш **имкониятлари саноатда**, умуман иқтисодиётда мужассамлашган. Қишлоқ хўжалигини жадал олға силжитиш учун жуда катта микдорда **молиявий ресурслар зарур**. Бу ресурсларни хорижий давлатлардан ёки мамлакат ичкарисида ишлаб топилиши, халқаро молиявий ташкилотлардан қарз олиш ҳисобига амалга оширилиши мумкин. Қайси йўлни танлашни, мавжуд имкониятлардан келиб чиқиб, ўша давлатнинг ўзи ҳал қиласди.

Жаҳондаги тараққий этган мамлакатлар тажрибаси шуни қўрсатадики, саноатсиз қишлоқ хўжалигини ривожлантириб бўлмайди. Қишлоқ хўжалиги барча тармоқлар билан ва энг аввало, саноат билан боғлиқ. У ҳозир саноатдан **бошланиб** (ишлаб чикариш воситалари, минерал ўғитлар ишлаб чикариш), саноат билан **тугалланади** (етиштирилган хом ашё ва маҳсулотларни қайта ишлаш, тайёр маҳсулотга айлантириш). Бу икки тармоқ ўртасидаги алоқа вертикал интеграция ёки агросаноат **интеграцияси жараёни бўлиб, борган сари чуқурлашиб бораверади.** Гўшт, сут, сабзовот ва бошқа маҳсулотлар истеъмолчи дастурхонига тушишдан олдин саноатда қайта ишловдан ўтади. Бу объектив жараён.

Картошка мева-сабзовот маҳсулотлари, чорва парранда сут, тухум қоракўл тери ва жун маҳсулотларига **эркин (келишилган) нархлар жорий этилди,** бу эса хўжаликларнинг ўзи етиштирган маҳсулотларни ўз ҳоҳишича фойдаланишга имкон яратди. Давлат буюртмаси фақат пахта ва донга нисбатан сақланиб қолди. Ўзбекистон Республикаси Вазирлар Маҳкамасининг 1994 йил 29 августдаги қарори асосида қабул қилинган ва тасдиқланган “**Қишлоқ хўжалиги маҳсулотлари контрактация шартномаларини тузиш ва бажариш шартлари тўғрисида”**ги **Низом** маҳсулот ишлаб чиқарувчилар билан истеъмолчилар ўртасидаги муносабатларни бозор талабларига жавоб берадиган босқичга кўтаришда дастлабки қадам бўлди. Қишлоқ хўжалиги (жамоа хўжаликлари, турли кооперативлар, қайта ишлаш корхоналари)да хўжалик юритишнинг янги шакллари асосида хўжаликларни ёпик турдаги акционерлик жамиятларига айлантириш бошланди. **Қишлоқда мулкдорлар синфини шакллантириш аграр сиёсатдаги муҳим йўналишга айланди.** Республика қишлоқ хўжалигини ривожлантиришда **халқаро ташкилотлар дастуридан фойдаланиш йўлга қўйилди.**

Бу тадбирлар эса хўжалик юритиш механизмини такомиллаштиришга, хўжаликларни иқтисодий жиҳатдан мустаҳкамлашга, қишлоқ меҳнаткашлари турмуш даражасини оширишга ҳамда хўжаликларда қишлоқ хўжалик маҳсулотларини қайта ишлашни ривожлантиришга йўл очди.

Қишлоқ хўжалигига банд бўлган **ортиқча меҳнат ресурсларини саноатга, хизмат қўрсатиш соҳасига** жалб этиш давлат аграр сиёсатининг ғоят **муҳим йўналиши хисобланади.** Қишлоқ жойларига саноатни олиб кириш, замонавий технологияларга эга бўлган **кичик корхоналарни очиш ҳисобига янги иш жойларини яратиш устивор вазифадир.** Қишлоқда туб ислоҳотларни ўтказиш, қишлоқ хўжалигини тараққий қилдириш, қишлоқ хўжалигига ишлаб чиқариш самарадорлигини ошириш Ўзбекистон иқтисодиётини ривожлантиришнинг асосий омили ва манбаидир.

Ер давлатники, уни жамоа ва давлат хўжаликларига фойдаланиш учун бериб қўйилгани сабабли, **харид нархини белгилаш давлат монополияси бўлиб келди.** Қишлоқ хўжалиги маҳсулотларига белгиланадиган **харид нархлари узлуксиз равишда** индустрнал ишлаб чиқариш воситаларига белгиланадиган саноат улгуржи нархларидан, ана шу қишлоқ хўжалиги маҳсулотларидан ишлаб чиқариладиган халқ истеъмоли молларига белгиланадиган **давлат чакана баҳоларидан узлуксиз орқада қолиб кетди.** Бу узоқ йиллар давомида шаклланиб келган бошқа тармоқларни аграр соҳа ҳисобига ривожлантиришни таъминлаб келди.

Қишлоқ хўжалигига хусусийлаштириш, айникса, ерни сотиш ва сотиб олиш объектига айлантириш масаласи анча мураккаб масаладир.

Ўзбекистонда ҳамиша дехқон ер эгасига эмас, ернинг ўзига бириклилган. Россияда эса **крепостной дехқон помешчикники** бўлиб келган. Биргина шу ходисанинг ўзи ҳам хусусий мулкчилик ерга эгалик қилишнинг ягона шакли бўла олмаслигини қўрсатади.

Хўш, унда нима қилиш керак? Ердан фойдаланишнинг биз учун самарали қандай усуслари, шакллари бор? Бу хақда Ўзбекистон Республикаси Президенти И.А.Каримов шундай деб ёзади: “**Қишлоқда бозор механизмларини ривожлантириш, дехқонда соҳиблик ҳиссини уйғотиш мулкчилик муносабатларини такомиллаштириш, жамоа хўжаликларнинг ўзида ижара муносабатларини такомиллаштириш, ерни мерос қилиб қолдириш хуқуқи билан умрбод**

фойдаланишга бериб қўйиш орқали, дехқон фермер ҳамда шахсий ёрдамчи хўжаликларни кенг ривожлантириш асосида рўй бериши лозим”.

Дехқончиликда оилавий пудрат шаклини қўллаш, даромадни тақсимлашда пайчилик усулидан фойдаланиш, пай орқали мулкка эгалик қилиш, даромад олиш, шартнома асосида ишлаш бугунги кунда мақсадга мувофиқдир.

Ривожланган мамлакатларда аҳолининг **3-5%ини** ташкил этадиган фермерлар озиқовқат маҳсулотлари билан ўз халқини тўла таъминлабгина қолмай, уни бошқа давлатларга ҳам экспорт қиласди. Голландия ва Америкалик фермерларга сервис хизмат кўрсатиш бўйича қанчадан-қанча аҳоли банд эканлигини эътибордан соқит қилиб бўлмайди. Фермер ўз уйидаги ёки фермасида туриб, керакли уруғ, минерал ўғитлар ёки техника хизмати учун арzon ва ишончли таъминотчи ҳамкорига буюртма бериши ва уни ўз вақтида олиши мумкин. Бу ўз навбатида қишлоқда хизмат кўрсатиш соҳасини етарли даражада ташкил этиш зарурлигини кўрсатади.

Республикада **сугориши** дехқончиликнинг зарурий шарти ва моддий асосидир. Сугориладиган ерлар майдонини кенгайтириш, сув таъминотини яхшилаш, дарёлар оқимини мавсумий ва кўп йиллик бошқариш учун сув омборлари, тўғонлар қурилиши, ирригация шаҳобчаларини яхшилаш бўйича катта ишлар амалга оширилди. Ерларни мелиорациялаш, қишлоқ хўжалигини меҳанизациялаш, электрлаштириш, кимёлаштиришда эришилган ютуқлар экинлар ҳосилдорлигини ошириш, меҳнат унумдорлигини кўтаришда ҳал қилувчи аҳамиятга эга бўлди. Республиkaning ўзида қишлоқ хўжалигини ишлаб чиқариш воситалари билан таъминлайдиган саноат тармоқларининг ривожланиши унинг моддий-техника базасини мустаҳкамлади.

Қишлоқ хўжалиги маҳсулотлари етиштиришдаги асосий жараёнлар механизациялаштирилди ва қўл меҳнатидан фойдаланиш анча қисқарди. Қишлоқ хўжалигига асосий дала ишлари (ер ҳайдаш, экиш, культивация билан бир вақтда ўғитлаш, дон экинларини йиғиб олиш ва бошқа) тўлиқ, экин қатор ораларини ишлаш юқори даражада (пахтачилик соҳасида 78%) механизациялаштирилди. Республика тайёрланган **пахтанинг 30%** дан ортиқроғи машиналарда **териб** олинди; бу кўрсаткич Жиззах, Сирдарё, Тошкент вилоятларида анча юқори.

Республика агросаноат мажмуини **моддий-техника ресурслари** билан таъминлаш, техникасини таъмирлаш ва унга инженерлик хизматини кўрсатишни “Ўзқишлоқхўжаликтаъминоттаъмири” тизимида қишлоқ хўжалигига техник хизмат кўрсатувчи “Ўзагромашсервис” акциядорлик компаниясининг ихтисослаштирилган ташкилий хўжалик тузилмалари: “Қишлоқхўжаликмаштаъмири” таъмирлаш заводлари, “Агромашэҳтиёт-қисм” (таъминот бозорлари), “Техчорвамонтажсервис”, “Қишлоқ хўжалик жиҳозлаш бозорлари” ва бошқа бирлашмалар, компаниянинг вилоят ва туманлардаги бўлинмалари олиб боради. “Ўзқишлоқхўжалик-таъминоттаъмири” тизимида Қароқолпоғистон Республикаси ва 12 вилоят бирлашмаси, 163 туман ишлаб чиқариш корхонаси, 28 таъмирлаш заводи, 64 кичик корхона ва 13та қўшма корхоналар бор. Тизимга қарашли корхоналарда 50 номдаги машина ва механизmlар ишлаб чиқарилади. Мулкчиликнинг ҳамма туридаги хўжаликларга трактор, юқ автомобили, афтобус ва енгил автомобиль, бульдозер, пахта териш машинаси, ғалла комбайнни, хашак ўргич, трактор тиркамалари, культиватор, чигит экиш сеялкаси, пуркагич ва бошқа кўплаб қишлоқ хўжалигии машиналарини етказиб беради. “Ўзқишлоқхўжаликтаъминоттаъмири” тизимида қишлоқ тадбиркорлари ва қишлоқ хўжалиги корхоналарига сервис хизмати кўрсатиш бўйича “Ўзтехчорвасервис” республика бирлашмаси ташкил этилган. Унинг барча вилоят ва туманларда 160 дан ортиқ ишлаб чиқариш-техника марказлари ишлайди. Майда улгуржи дўконлар, ижара сервис шаҳобчалари орқали қишлоқ хўжалиги машиналари, эҳтиёт қисмлар, узеллар, бутловчи деталлар сотилади ва бошқа турли хизматлар кўрсатилади.

Республика кимё саноати қишлоқ хўжалигининг ўғитларга бўлган эҳтиёжларини тўла қондириш қувватига эга. Экинларни зааркундалар, касалликлар ва бегона ўтлардан ҳимоя қилишнинг кимёвий воситалари билан бирга, пахтачиликда биологик ҳимоя усулидан ҳам фойдаланилади. Ўзбекистонда 756 та биолаборатория, трихограмма етказиб берувчи механизациялашган линиялар ишлайди. Республикада қишлоқ хўжалигига агрокимёвий хизмат кўрсатишни давлат-акционерлик бирлашмаси “Ўзагрокимётаъминот” олиб боради.

Республикада мавжуд қишлоқ хўжалиги техникаси паркидан оқилона фойдаланиш, уни ишлатиш харажатларини қисқартириш мақсадида туманларда мулкчиликнинг барча шаклларидағи **машина-трактор парклари** (МТП) ташкил этилган. Бу парклар хўжаликларидағи машина ва механизмларни кейинчалик сотиб олиш хукуқи билан ижарага олади ёки қишлоқ хўжалиги техникаси хўжаликлардан қолдик қиймат бўйича машина-трактор парклари балансига берилади ва ерларни экишга тайёрлаш, қишлоқ хўжалиги экинларига ишлов беришга ҳосилни йиғиб-териб олишга доир механизациялашган ишларни **хўжаликлар билан шартномалар** бўйича бажаради.

Республика қишлоқ хўжалигининг **илмий базаси** етарли даражада ривожланган. Илмий изланишлар натижасида асосий қишлоқ хўжалиги экинларининг тезпишар, серҳосил навлари яратилди ва ишлаб чиқаришга жорий этилди. Илмий текшириш институтлари, тажриба станциялари, таянч пунктлари тармоқлари ривожлантирилди. Қишлоқ хўжалигини малакали мутахасислар билан таъминлайдиган олий ва ўрта маҳсус билим юртлари ташкил этилди. Ўзбекистон қишлоқ ва сув хўжалиги вазирлиги илмий марказининг 17 илмий тадқиқот институти, уларнинг 12 филиали, 15 таянч пункти, 9 та экспрементал базаси ва 50 га яқин бошқа бўлимларида қишлоқ хўжалиги, ўрмон ва агросаноат мажмуининг турли соҳаларида назарий ва амалий илмий тадқиқот ишлари олиб борилади, фан ютуқлари ишлаб чиқаришга жорий этилади.

Республикамизда қишлоқ хўжалиги соҳасидаги **умумий сиёsatни қишлоқ ва сув хўжалиги вазирлиги** амалга оширади. Давлат бошқарувининг **қуий бўғини** бўлган туман қишлоқ ва сув хўжалиги бошқармалари жамоа хўжаликлари, давлат хўжаликлари, ширкатлар уюшмалари, ижара хўжаликларига умумий раҳбарликни олиб боради. Ихтисослашувга кўра боғдорчилик, токчилик, айрим иссиқхона хўжаликлари мустакил “Ўзмевасабзавотузумсаноат” холдинг компаниясига қарайди. Айрим тармоқларда раҳбарликни амалга ошириш учун вазирликлар “Қоракўл”, “Ўзбек ипаги”, “Ўзпарранда саноат”, “Асал” каби Республика ишлаб чиқариш уюшмалари ташкил этилган.

2003 йил 27 октябрда Ўзбекистон Республикасининг “Фермер хўжалиги тўғрисидаги” қонунига мувофиқ қишлоқ хўжалигидаги иқтисодий ислоҳотларни жадаллаштириш мақсадида **“2004-2006 йилларда фермер хўжаликларини ривожлантириш концепцияси тўғрисида”** Ўзбекистон Республикаси Президентининг Фармони қабул қилинди. Унга асосан фермер хўжаликларининг устувор йўналишлари сифатида ривожлантириб қишлоқ хўжалигидаги ислоҳотларни жадаллаштириш асосий мақсад қилиб қўйилган.

Фермер хўжаликларини ривожлантириш Концепциясида, зарар кўриб ишлаётган, паст рентабелли ва истиқболсиз ширкат хўжаликларини фермер хўжаликларига айлантириш назарда тутилган.

АСКни ислоҳ қилиш қуйидаги принципларга асосланиши лозим:

1. Қишлоқ хўжалигини ривожлантиришнинг асосий масалалари давлат аграр сиёsatини таъсирида ҳал қилинади;
2. Қишлоқ жойларидағи давлат корхоналарини ишлаб чиқариш воситаларига жамоа ва хусусий мулкчиликка асосланган хўжаликлар тузган ҳолда қайта қурилади;
3. Ерга давлат мулкчилигини қатъий равишда таъминлаш, унга хусусий мулк бўлишига йўл қўймаслик;
4. Қишлоқ хўжалиги маҳсулоти ишлаб чиқарувчиларда мулк эгаси хиссини яратиш, уларни ўз меҳнати натижаларига эга бўлишилигини таъминлаш;

5. Моддий рафбатлантириш хиссини ривожлантириш ва ҳоказо.

Юқорида келтирилган принципларга асосланган ҳолда Ўзбекистон Республикаси қишлоқ хўжалигида ўтказилаётган иқтисодий **ислоҳотлар қуидаги устувор йўналишларда кечиши керак:**

1. Ер муносабатларини такомиллаштириш;
2. Дехқон фермер хўжаликларини ривожлантириш;
3. Қишлоқда кичик ва ўрта бизнесни ташкил қилиш;
4. Қишлоқ хўжалигида бозор инфраструктурасини ташкил қилиш;
5. Қишлоқ хўжалигида солиқ ва баҳо сиёсатини такомиллаштириш;
6. Қишлоқ хўжалик бошқариш тизимини такомиллаштириш;
7. Қишлоқ хўжалик моддий техника хизматини ривожлантириш;
8. Илмий изланиш ва кадрларни тайёрлаш, уларни малакасини оширишга эътиборни кучайтириш.

Таянч иборалар

- *Агросаноат комплекси*
- *Аграп сиёсат*
- *Дехқончилик*
- *Чорвачилик*
- *Мулкчилик шакллари*
- *Давлат сектори*
- *Нодавлат сектори*
- *Пахта якка ҳокимлиги*
- *Натура кўрсаткичи*
- *Қиймат кўрсаткичлари*
- *Самарадорлик кўрсаткичлари*
- *Ширкат хўжалиги*
- *Фермер хўжалиги*
- *Дехқон хўжалиги*
- *Машина трактор парки*
- *Хўжалик шартномалари*
- *Бозор инфраструктураси*
- *Солиқ сиёсати*
- *Баҳо сиёсати*

Ўз-ўзини текшириши учун саволлар

1. *Агросаноат комплекси, унинг маркиби ва вазифалари ҳақида нималара дея оласиз?*
2. *Қишлоқ хўжалигининг маркиби қандай?*
3. *Ўзбекистон Республикасининг жаҳон ҳамжасиятида қишлоқ хўжалик маҳсулотлари етишишидаги тутган роли тўғрисидаги фикрингиз?*
4. *Қишлоқ хўжалиги ишлаб чиқарининг ўзига хос хусусиятлари нималардан иборат?*
5. *Республика қишлоқ хўжалигидаги мулкчилик шакллари қандай?*
6. *Ўзбекистон қишлоқ хўжалигидаги дехқончиликнинг маркиби, уни ривожлантириши дастурининг кўрсаткичлари маркиби қандай?*
7. *Ўзбекистон қишлоқ хўжалигидаги чорвачиликни маркиби, уни ривожлантириши дастурининг кўрсаткичлари қандай?*
8. *Қишлоқ хўжалик маҳсулотлари етишишининг натура ва қиймат кўрсаткичлари, уларни ҳисоблаш усуллари қандай?*
9. *Республика қишлоқ хўжалигини ислоҳ қилиши жараёни тўғрисида нима дея оласиз?*

10. Қишлоқ хўжалигида ширкат, фермер, дехқон хўжалиги тизими. Уларнинг таърифини биласизми?
11. Қишлоқ хўжалигида иқтисодий ислоҳотларни чуқурлаштириши дастури тўғрисида нима дебя оласиз?
12. Агросаноат комплексини ислоҳ қилиши принциплари ва асосий йўналишилари ҳақида фикрингиз?

Адабиётлар:

1. И. Каримов Ўзбекистон буюк келажак сари Т. Ўзбекистон, 1998 йил 225-252 бетлар.
2. И. Каримовнинг Ўзбекистон Республикаси Олий Мажлисининг ўн биринчи сессиясида “Қонунларимиз дехқон манбаатларига хизмат қиласин” мавзусида сўзлаган нутқи. Ўзбекистон овози 1998 йил 5 май.
3. Ўзбекистон Республикаси Президентининг 2003 йил 27 октябрдаги «2004-2006 йилларда фермер хўжаликларини ривожлантириши концепцияси тўғрисида»ги Фармони. Халқ сўзи, 28 октябр 2003 йил.
4. Ўзбекистон Республикаси Вазирлар Маҳкамасининг “Ўзбекистон Республикаси Қишлоқ ва сув хўжалиги вазирлиги фаолиятини тақомиллаштириши” тўғрисидаги қарори 18 январ 2001 йил.
5. Ўзбекистон Республикаси Президентининг 1998 йил 24 июлдаги «Ўзбекистон Республикаси ер ресурслари бўйича Давлат қўмитаси тузии тўғрисида»ги Фармони. Халқ сўзи. 25 июль 1998 йил.
6. Ўзбекистон Республикаси Вазирлар Маҳкамасининг 1998 йил 15 июль қарори, ”Қишлоқ хўжалигини ислоҳ қилишига оид қонун хужжатларига мувофиқ қишлоқ хўжалик кооперативлари (ширкат хўжаликлари) тузии чора-тадбирлари тўғрисида”, Халқ сўзи, 18 июль 1998 йил.
7. Ўзбекистон Республикаси Президентининг 2003 йил 24 мартағи “Қишлоқ хўжалигида ислоҳатларни чуқурлаштиришининг энг муҳим йўналишилари тўғрисида”ги Фармони. Халқ сўзи, 25 марта 2003 йил.
8. И.А.Каримов. “Эришган марраларимизни мустаҳкамлаб, ислоҳотлар йўлидан изчил бориши- асосий вазифамиз” мавзусида 2004 йил 7 февралда бўлиб ўтган Республика Вазирлар Маҳкамаси мажлисидаги маъruzаси. Халқ сўзи газетаси, 2004 йил 10 феврал.
9. Ер тўғрисида, Мулк тўғрисида, Қишлоқ хўжалиги кооперативи, Корхона тўғрисидаги, Фермер хўжалиги тўғрисидаги, Дехқон хўжалиги (1992-1998 йилда) тўғрисидаги қонунлар.
10. Э. Акрамов, Э. Тоиров. Экономические реформы Республики Узбекистон. Москва ТОО “Люкс-арт”1998 г. 141-194 бетлар.
11. Ўзбекистон Республикаси иқтисодиёти. Тошкент. 1998 й. 92-134 бетлар.
12. Макроэкономические проблемы переходного периода в Узбекистоне Ташкент-1998, 309-321 бетлар.
13. Сельское хозяйство и планирование Правда Востока, 2.01.2001 г.

7-боб. Капитал қурилиш мажмуи

- § 1. Қурилиш комплекси: мазмунни, стратегик социал-иқтисодий вазифаларни ечишдаги аҳамияти.
- § 2. Капитал қўйилмаларнинг таркиби. Капитал қўйилмаларнинг манбалари. Унинг ҳажмини ва иқтисодий самарадорлигини аниқлаш усуллари.

§ 1. Қурилиш комплекси: мазмунни, стратегик социал-иқтисодий вазифаларни ечишдаги аҳамияти

Қурилиш - республикадаги моддий ишлаб чиқаришнинг энг муҳим тармоқларидан бири. Республика иқтисодиётидаги ялпи ижтимоий маҳсулот таркибидаги солиштирма хиссасига кўра саноат ва қишлоқ хўжалигидан кейин З-ўринда турди. Ялпи ички маҳсулотнинг 9%га яқини иқтисодиётда банд бўлган ишчи ва хизматчиларнинг тахминан 10,5% қурилиш хиссасига тўғри келади.

Қурилиш иқтисодиётнинг барча тармоқларига хизмат кўрсатиб, асосий фондларнинг қайта тақрор ишлаб чиқариш учун шароитларни таъминлайди, иқтисодиётнинг мақбул таркибини барпо этиш, ишлаб чиқарувчи кучларни мақсадга мувофиқ жойлаштириш, республиканинг янги табиий бойликларини ўзлаштириш, бўш меҳнат ресурсларини ижтимоий ишлаб чиқаришга жалб этишга ёрдам беради.

Қурилиш комплекси бу асосий фондларни бевосита қайта ишлаб чиқариш жараёнини таъминлайдиган моддий ишлаб чиқариш тармоқларининг ва лойиҳа изланиш ишларининг йиғиндисидир. Қурилиш комплекси қурилиш обьектларини лойиҳалаштиришдан то ишга тушургунгача бўлган барча жараёнларини ўз ичига олади.

Технологик жиҳатдан қурилиш комплекси ўз ичига:

- Бевосита қурилишни ёки қурилишни ишлаб чиқаришини;
- Қурилиш материаллари саноатини;
- Конструкция ва деталлар қурилиши саноатини (йиғма темир бетон, металл конструкцияси, ёғоч ва х.к.)
- Маҳсус лойиҳалаш ва изланиш ташкилотларини, корхона ва бирлашмаларни олади.

Шундай қилиб, **қурилиш комплекси** – қурилиш ишлаб чиқаришини, лойиҳалаш ташкилотларини ҳамда зарур ускуналар, конструкция ва деталлар, қурилиш материалларини ишлаб чиқарадиган корхоналарни ўз ичига оладиган мураккаб тизимdir.

Қурилиш комплексининг асоси бўлиб **қурилиш ишлаб чиқариши** ҳисобланади. **Қурилиш ишлаб чиқариши бу доимий малакали ишчи ва мутахассисларга, зарур қурилиш монтаж ишларини олиб бора оладиган техникага** эга бўлган қурилиш ва монтаж ташкилотларининг йиғиндисидир.

Қурилиш ишлаб чиқариши ёки капитал қурилиш доимий равишда бино ва хар хил мақсадлар учун қурилмалар яратади ёки реконструкция қилишни таъминлайди. **Унинг маҳсулоти** бўлиб эксплуатацияга тайёр ишлаб чиқариш корхоналари, йўллар, турар жойлар, жамоат бинолари ва бошқалар ҳисобланади.

Иқтисодий моҳиятига кўра капитал қурилиш жараёни бу асосий фондларни қайта тақрор ишлаб чиқаришдир.

Қурилиш жараёни **хўжалик ва пудрат** усулида олиб борилади.

Хўжалик усули- бу қурилишни бевосита қурувчиларнинг ўzlари (корхона, ташкилот, фирма ва ҳоказо) олиб борадилар. Бунда курилаётган обьект анна шу корхонани (ташкилотни) ўзи учун мўлжалланган бўлади.

Пудрат усули буюртмачилар билан шартнома асосида доимий ҳаракатдаги қурувчи ташкилотлар томонидан амалга ошириладиган қурилишдир. Унда икки томон: биринчи-пудратчи, яъни қурилиш ташкилоти ва иккинчи-томон: **буюртмачи-** (давлат ташкилоти, кооператив, хусусий корхона, ташкилот ва ҳоказо) қатнашади.

Улар ўртасида муносабат шартнома асосида белгиланади.

Миллий иқтисодиётнинг таркибий қисми сифатида қурилиш соҳасида ҳам иқтисодий ислоҳотлар амалга оширилди ва бу жараён охирги йилларда чукурлашиб бораяпти. Хусусан:

-Курилишнинг бошқарув таркибини кучайтириш;

-Курилиш монополиясига барҳам бериш;

-Курилиш ташкилотларини акциялаш ва хусусийлаштиришни чукурлаштириш;

-Пудрат ишлари бозорини ташкил қилиш;

-Капитал қурилишни ташкил қилишда, инвестицион лойиҳаларни тадбиқ қилишда тартиб ўрнатиш ва бошқа тадбирлар амалга оширилди.

Бозор иқтисодиётига ўтиш даврида қурилиш ишлари самарадорлигини янада ошириш мақсадида айрим қурилиш вазирликлари тугатилди. Масалан, Ўзсаноатфуқарокурилиш, Ўзқишлоқхўжалик қурилиши, Ўзколхоз қурилиши, Ўзсувқурилиши давлат концерни ва ҳоказолар тугатилди. Мулкчиликнинг турли шаклларига ўтказилган ихтисослашган давлат концернлари, компаниялар, давлат-акциядорлик бирлашмалари, уюшмалар ташкил этилди. Уларнинг энг йириклари: «Ўзсаноатхўжаликкурилиш» корпорацияси, «Ўзмонтажмахсускурилиш» уюшмаси, «Ўздехқончиликкурилиш», «Ўзжамоа-хўжаликкурилиш» давлат-ширкат бирлашмалари, «Тошкент-уйжойинвесткурилиш» корпорацияси ва бошқалар. Сув хўжалиги ва мелиоратив ишларни «Ўзсув-қурилиш» давлат концерни олиб боради. «Ўзтранскурилиш», «Ўзавтойўл» концерни. Энергетика ва электрлаштириш вазирлиги ҳам қурилиш ишларини бажаради. Бу ташкилотлар Республика иқтисодиётини ривожлантиришда катта аҳамиятга эга бўлган катта қурилишларни олиб бормоқда.

Масалан, «Ўзсаноатхўжаликкурилиш» давлат корпорацияси республикада саноат қурилиши, уй-жой ва бошқа ижтимоий мақсадлардаги обьектларни қуриш билан шуғулланади. Қурилиш ташкилотлари, қурилиш индустрияси корхоналари, транспорт, лойиҳа-конструкторлик ва бошқа ташкилотларни ихтиёрий асосларда бирлаштиради.

Қурилиш индустрияси негизини давлат, акциядорлик, ширкат, хусусий, қўшма ва бошқа пудрат қурилиш-монтаж ташкилотлари, шунингдек ўз моддий-техника ва ишлаб чиқариш базасига, малакали ишчи ва мутахассис кадрларга эга бўлган корхоналар, транспорт ва бошқа ёрдамчи хўжаликлар ташкил этади. Ўзбекистонда қўплаб қурилиш-монтаж трестлари, қурилиш саноати корхоналари, қуий пудрат ташкилотлари, кичик корхоналар, лойиҳа, илмий ҳамда қурилиш соҳасига мослаштирилган илмий тадқиқот институтлари фаолият кўрсатади. Қурилиш-монтаж ишларининг деярли барчасини ихтисослаштирилган қурилиш ташкилотлари амалга оширади.

Қурилиш ташкилотлари - бу ихтисослаштирилган корпорация, компания, бирлашма, трестлар ва бошқармаларга уюшган.

Қурилиш моддий-техника базасининг муҳим таркибий қисмини қурилиш материаллари саноати ташкил этади. Республикада қурилиш материалларини ишлаб чиқариш, уларнинг тур хилини кўпайтириш йилдан-йилга ортиб бормоқда. Республикада маҳаллий хом ашё ресурсларидан бетон учун сунъий енгил тўлдирувчилар (керамзит, аглопорит), иссиқлик изоляцияси материаллари ишлаб чиқариш йўлга кўйилган. Қурилишда полимер материаллар, пластмасса маҳсулотлари, линолеум, полиэтилен қувурлар, синтетик смолалар асосидаги лак ва буёқлар тобора кўпроқ кўлланилмоқда.

Қурилиш индустриясида йигма темир-бетон конструкциялари ва деталларидан кўпроқ фойдаланилмоқда. Бино ва иншоотларнинг йирик қисмларини, уй пойдеворлари, девор панеллари, зинапоялар ва бошқаларни завод усулида тайёрлайдиган янги тармоқлар пайдо бўлди. Биноларнинг зилзилабардошлиги таъминланган. Қишлоқ жойларида лойиҳалаш-қурилиш тамойиллари ўзгарди. Иморатларни тиклашда енгил конструкциялар кўпроқ кўлланилмоқда, хўжаликлар кўргонларини қуришда уй-жойлар билан бир пайтда

маданий-маиший муассасалар, ишлаб чиқариш бинолари комплекс фойдаланишга топширилаяпти.

Ўзбекистонда қудратли иқтисодий салоҳиятни барпо этишдаги муваффақиятлар бевосита қурилиш билан боғлиқ.

Республика мустақилликка эришганидан кейин капитал қурилиши янги дастур асосида давом эттирилди. Республика иқтисодиёти учун муҳим бўлган автомобиль, олтин қазиб олиш, нефть ва бошқа саноат тармоқларида янги корхоналарни қуриш бошланди. Барча вилоятларда саноат корхоналари, уй-жойлар, маданий-маиший бинолар, бозор ва савдо расталари, ҳаммом, чойхона, касалхона, маҳалла марказлари, масжидлар қурилди, ўнлаб меъморий комплекслар, тарихий ёдгорликлар, мадрасалар, масжидлар таъмирланди. Тошкентда «Туркистон» саройи, Миллий банк биноси, «Наврўз» ресторани, Амир Темур, Мирзо Улугбек ҳайкаллари ва хиёбонлари, Алишер Навоий номидаги Миллий боғ, Андижонда Бобур боғи ва музейи, Фарғонада «Рамзий дарвоза» барпо этилди, Самарқанд вилоятининг Ургут шаҳрида кенг кўламда қурилиш ишлари олиб борилди; Олмалиқ кон-металлургия комбинати, Тошкент трактор заводи, Паркент «Қуёш» мажмуаси (Тошкент вилояти), Тошкент «Зенит» заводи, Ангрен резина-техника буюмлари заводи, республика банклари асосициясининг биноси, Асака автомобиль заводи, Бухоро нефтни қайта ишлаш заводи, Учқўрғон - Наманган сув қувури, ғазалкент ойна заводи ва бошқа кўнгина обьектлар қурилди.

Қурилиш соҳасида **халқаро ҳамкорлик яхши самара бермоқда**. Хорижий фирмалар билан ҳамкорликда Тошкент, Самарқанд, Бухоро шаҳарларида халқаро классдаги меҳмонхоналар қурилиши, хусусан Шератон меҳмонхонаси ҳамда, Россия, Дўстлик ва бошқа меҳмонхоналарни қайта таъмирлаш ишлари олиб борилади. Республика тарихида биринчи марта капитал қурилиши соҳасида чет эл инвестициялари жалб этилди.

Республика Президентининг 1996 йил 31 январдаги “Тошкент шаҳридаги уй-жой қурилишини давлат томонидан қўллаб-қувватлашни кучайтириш тўғрисида” Фармонига кўра аҳолининг турар жой шароитларини яхшилаш мақсадларда Тошкент давлат-акциядорлик уй-жой жамғарма банки (“Тошкентуйжойжамғармабанк”) ташкил этилди ва банк уй-жой облигацияларини чиқарди.

Бу банк Тошкент шаҳрида аҳолини уй-жой билан таъминлашда жуда катта роль ўйнади. Шуни эътиборга олиб бу ташкилотни **республика аҳамиятига молик банк** деб тан олинди ва барча вилоятларда шундай вилоят банклари ташкил қилинди.

Қурилиш комплекси стратегик аҳамиятга эга бўлиб қуйидаги жуда муҳим **социал-иқтисодий вазифаларни бажаради**:

1. Қурилиш иқтисодиётнинг барча тармоқларини асосий фондларини янгиланишини ва ўсишини таъминлайди.
2. Иқтисодиётни таркибий қайта тузилишини таъминлайди.
3. Устивор тармоқ ва соҳаларни қуриш, реконструкция қилиш орқали макроиқтисодий пропорцияларни мунтазам равишда такомиллаштириб боради;
4. Қурилиш комплекси ишлаб чиқаришни, маданий-маиший тармоқларни ҳудуд жихатдан жойланишини яхшилади. Бу ўз навбатида вилоятлар ахолисини иш билан бандлилик даражасини оширади.

Шундай қилиб, қурилиш комплекси мамлакатни ижтимоий-иқтисодий ривожланишида жуда катта аҳамиятга эгадир.

Ўзбекистон республикаси Президентининг 2003 йил 6 майда «Капитал қурилишда иқтисодий ислоҳатларни янада чуқурлаштиришнинг асосий йўналишлари тўғрисида» Фармони қабул қилинди. Унда **капитал қурилишда иқтисодий ислоҳатларни янада чуқурлаштиришнинг асосий йўналишлари этиб қўйидагилар белгиланди**:

1. 2003-2004 йилларда лойиҳа ва пудрат қурилиш ташкилотларини давлат тасарруфидан чиқариш ҳамда хусусийлаштириш жараёнларини тўлиқ тугаллаш;

2. Уларнинг негизида асосан хусусий ва қўшма корхоналар ташкил этиш;
3. Лойиха ва қурилиш ишлари бозорида ракобат мұхитини яратиш;
4. Капитал қурилишда бошқарув ва хўжалик муносабатлари тизимиға бозор тамойиллари ҳамда механизмларини кенг жорий этиш.
5. Лойиха ва қурилиш ишларини бажаришга буюртмалар жойлаштиришда танлов **савдолари (тендерлар)ни ташкил** этиш даражасини ошириш;
6. Қурилишни ташкил қилишнинг асосий шакли сифатида иншоатларни тўлик қуриб битказишга ўтиш, ишларни юқори сифатли бажариш ҳамда иншоатларнинг тўлик қуриб битказилиб топширилишини таъминлайдиган **инжинииринг компаниялари ва лойиха-қурилиш ташкилотларини тузиш**;
7. Қурилиш материаллари бозорини кенгайтириш, уларнинг илғор турларини ишлаб чиқаришни ўзлаштириш, қурилиш индустрияси корхоналарида замонавий технологияларни татбиқ этиш.

Ўзбекистон Республикаси Президентининг қабул қилган Фармони иқтисодиётимизнинг етакчи тармоқларидан бири-капитал қурилишда бозор ислоҳатларини янада чуқурлаштиришнинг сифат жиҳатдан янги босқичи ҳисобланади.

Мазкур Фармоннинг қоидаларини ҳаётга татбиқ этиш, ҳеч сўзсиз, капитал қурилишда туб ўзгартиришларни амалга ошириш, тармоқ бозор иқтисодиёти тамойиллари ва талабларига мос келадиган хўжалик муносабатларини кенг жорий этишга имкон беради.

§ 2. Капитал қўйилмаларнинг таркиби. Капитал қўйилмаларнинг манбалари. Унинг ҳажмини ва иқтисодий самарадорлигини аниқлаш усуллари

Янги қурилиш обьектлари учун, мавжудларини реконструкция қилиш ва кенгайтириш учун меҳнат ва моддий-техника ресурслари сарф бўлади. Пул шаклидаги бу харажатлар капитал қўйилмларни ташкил этади.

Капитал қўйилмалар - иқтисодиётни барча тармоқларида асосий фондларни янгитдан яратиш, мавжудларини реконструкция қилиш ва кенгайтириш учун йўналтириладиган харажатлар йигиндисидир.

Капитал қўйилмаларининг ҳажми ҳар бир обьект бўйича лойиҳалар ва сметалар асосида белгиланади.

Барча харажатларнинг йигиндиси ёки **капитал қўйилмаларининг ҳажми уларнинг фойдаланиш йўналишларига қараб қўйидаги таркибда ташкил топади.**

- 1. Технологик таркиб**
- 2. Такрор ишлаб чиқариш таркиби**
- 3. Тармоқ ва худуд таркиб.**

Технологик таркибда харажатлар мақсадли равищда гурухланади:

-) Курилиш монтаж ишларини (ҚМИ) қиймати. У ўз ичига қурувчиларни иш ҳақини, фойдаланадиган материал ва конструкцияларни қийматини, қурилиш техникасининг амортизациясини ва бошқа харажатларни ўз ичига олади;
-) Ускуналар қийматини: қурилиш обьекти учун технологик, энергетик, ва ускуналар қиймати;
-) бошқа харажатлар: лойиҳа - кидирув ишлари, қурилиш обьеклари учун кадрлар тайёрлаш ва бошқариш.

Капитал қўйилмаларининг умумий ҳажмида бу харажатларнинг нисбати технологик таркибни ёки уларнинг ички тузилишини ташкил қиласди.

Капитал қўйилмаларнинг технологик таркиби қурилишнинг тури ва характеристига боғлиқ бўлади. Масалан, Саноатда – харажатларининг кўпчилик қисми анти қурилиш учун ускуналар, инструмент ва инвентарлар сотиб олишга кетади. Уй жой коммунал хўжалиги соҳасида – харажатларнинг аксарият қисми қурилиш-монтаж ишларини эгаллади.

Такрор ишлаб чиқариш таркиби капитал қўйилмаларни асосий фондларнинг турлари бўйича такрор ишлаб чиқаришга йўналтирилиши ифодаланади. Унда **янги қурилиш**, мавжуд корхоналарни кенгайтириш, реконструкция қилиш ва уларни техник жиҳатдан қайта қуроллантириш бўйича нисбат кўрсатилади.

Янги қурилишга, дастлабки тасдиқланган лойиҳага биноан, янги майдонларда олиб борилаётган корхона, бино, обьектлар қурилиш киради.

Мавжуд корхоналарни кенгайтириш янги лойиҳалар асосида иккинчи ва ундан кейинги тартибдаги қурилишларни, қўшимча цехлар қурилишини англатади.

Харакатдаги **корхоналарни реконструкция** қилиш уларни тўлиғича ёки қисман қайта қурилишини билдиради. Унда янги қурилиш ёки ҳаракатдаги асосий ишлаб чиқариш цехларини кенгайтириш мумкин эмас. Реконструкция ишларини амалга оширишда маънавий ва физик жиҳатдан эскирган ускуналар алмаштирилади. Бу ўз навбатида янги ҳозирги замон технологияси асосида ишлаб чиқариш ҳажмини кўпайтиради ва уни техник даражасини ошириш имкониятини яратади.

Тажриба шуни кўрсатадики, индустрiali ривожланган иқтисодиётда янги қурилиш учун сарфланаётган харажатларнинг салмоғи, мавжуд корхоналарни техник жиҳатдан қайта қуроллантириш ва реконструкция қилиш учун сарфланаётган харажатлар салмоғидан камроқ бўлади.

Давлатни бу йўналишда олиб бораётган **инвестиция сиёсати** технологик таркибни такомиллаштиришда ижобий таъсир кўрсатади. Чунки капитал қўйилмалар таркибida асосий фондларнинг актив қисмiga харажатлар сарфланиши мақсадга кўпроқ мувофиқидир.

Таркибий қайта қуриш муоммаларини ҳал қилиниш янги тармоқларни яратилиши ҳамда мавжуд корхоналарни техник жиҳатдан қайта қуроллантириш масаласини ечилишини-Республика мустақиллик йилларида мисли кўрилмаган даражада қурилиш ишларини олиб бориш имконини берди.

Мамлакат иқтисодиётiga капитал қўйилмаларни ажратиш сезиларли даражада кўпайди. Агарда Ўзбекистонда 1996йил капитал қўйилмаларнинг ҳажми 166,5млд.сўмга тенг бўлган бўлса, у 1997йилда – 271,0 млд.сўм, 1999йилда 369,7млд.сўмни ташкил қилди. Капитал қўйилмаларнинг умумий таркибида асосий фондларнинг актив қисми учун сарфланаётган харажатлар ошиб борајти.

Капитал қўйилмаларнинг тармоқ таркиби иқтисодиётнинг тармоқлари ва соҳаларида фойдаланилаётган капитал инвестициялар салмоғини ва ҳажмини ифодалайди.

Тармоқ таркиби, энг аввало, маблағларни ишлаб чиқариш ва ноишлаб чиқариш обьектлари бўйича тақсимланишини, ундан сўнг тармоқ соҳалари, яъни саноат, қишлоқ хўжалиги, транспорт ва алоқа, уй-жой ва ҳоказолар бўйича тақсимланишини конкретлаштиради. Инвестицияларни тармоқлароро таркиби маълум даврда ҳал қилинадиган вазифаларни характеридан ва уларнинг устиворлигидан келиб чиқкан ҳолда аниқланади.

Иқтисодиёт тармоқларини ислоҳ қилишнинг бошланиш даврида инвестиция маблағлари ишлаб чиқариш соҳаларига кўпроқ ажратилган. 1994-1996йиллар капитал моблағларнинг 2/3 қисми ишлаб чиқариш соҳасига ажратилган. Кейинги йилларда капитал маблағларнинг тармоқлар бўйича тақсимланишида ноишлаб чиқариш соҳаларига, хусусан, уй-жой, коммунал тармоқларига, таълим ва соғлиқни сақлаш соҳаларига эътибор кучайиб бораётганини кўришимиз мумкин.

2001 йилдан бошлаб чет эл инвестициялари сезиларли даражада кўпайди. Масалан, 2001йилда 2000йилга нисбатан уларнинг салмоғи капитал қўйилмаларнинг таркибида 30% яқинига ёки 1млд. АҚШ долларига тенг бўлди. Бу ўз навбатида ишлаб чиқариш обьектларини реконструкция қилишни ва техник жиҳатдан қайта қуроллантиришни кенгайтириш учун қулай имконият яратилди. Кадрлар тайёрлаш миллий дастурига асосан академик лицей, профессионал коллежлар қуриш учун марказлаштирилган инвестицияларнинг 1/3 қисми ажратилди.

Капитал қурилмаларнинг ҳудудий таркиби капитал қўйилмаларнинг туманлар, вилоятлар ва иқтисодий регионлар бўйича тақсимланишини билдиради. Бу масалани ҳал қилишда иқтисодиёт ҳудудий таркибини такомиллаштириш вазифалари асосида ҳал қилинади.

Ишлаб чиқариш ва ноишлаб чиқариш фонdlарини ишга тушириш ҳисобкитоблари капитал қўйилмаларнинг тақсимланиши билан чамбарчас боғлиқ бўлиши керак. Капитал қўйилмаларга бўлган талаб зарур бўлган ишлаб чиқариш қувватлари, асосий фондларни ишга тушириш асосида аниқланади.

Талаб ишлаб чиқариш ва ноишлаб чиқариш сарфлари бўйича алоҳида аниқланади. Ишлаб чиқариш соҳасида капитал қўйилмаларга бўлган талаб алоҳида бир хил маҳсулот ишлаб чиқарадиган тармоқларда ва номенклатураси кенг бўлган тармоқларда ҳисобланади.

Бир хил маҳсулот ишлаб чиқарадиган тармоқларда **капитал қўйилмалар ҳажми** кўйидаги формула билан аниқланади:

$$K=K_{уд} \Delta K,$$

бу ерда:

- K- капитал қўйилмалар;
- $K_{уд}$ - капитал қўйилмаларнинг салмоғи (яъни бир бирлик қувватни ўсишини таъминловчи капитал қўйилмалар);
- ΔK - Янги қурилиш ва кенгайтириш ҳисобига қувватларнинг ўсиши, яъни қувватларга бўлган қўшимча эҳтиёж.

Капитал қўйилмалар ҳажмига бўлган умумий талаб ҳаракатдаги қувватларни ишга туширишга, техник жиҳатдан қайта қуролланишига, янги ишлаб турган корхоналарни кенгайтириш, прогнозлаштириш даврда киритилган ҳамда аввал ишга туширилган объектлар ишларини тамомлаш ва прогнозлаштириш йилининг охирида қурилиш заделини ташкил этиш учун капитал қўйилмаларни суммаси сифатида аниқланади.

Ноишлаб чиқариш соҳасидаги тармоқларда капитал қўйилмаларга бўлган талаб шу соҳа корхоналари сонини кенгайтириш ва капитал қўйилмалар салмоғига бўлган талаб асосида аниқланади. Масалан, **савдо** савдо майдонининг ўсиши ва капитал қўйилмалар салмоғи асосида, **табобатда** касалхоналардаги ўринлар сонининг ўсиши ва капитал қўйилмалар салмоғи асосида ва ҳоказо.

Капитал қўйилмаларнинг **асосий манбаи миллий даромаднинг жамғарма фонди ҳисобланади**. Ҳозирги вактда капитал қўйилмаларнинг асосий **молиявий манбалари қўйидагича**.

- Корхонанинг ўз маблағлари, бюджет, кредит, аҳолининг маблағлари, чет эл инвестициялари ва ҳоказо.

Капитал қўйилмаларининг иқтисодий самарадорлик кўрсаткичлари икки гурӯхга бўлинади:

- I. Умумий мутлоқ самарадорлик кўрсаткичлари.
- II. Қиёсий самарадорлик кўрсаткичлари.

Умумий мутлоқ самарадорлик кўрсаткичлари қўйидагича аниқланади:

1. **Миллий иқтисодиёт миқёсида**, республика ва тармоқлар бўйича самарадорлик (Энх) қўйидагича аниқланади:

$$\mathcal{E}_{\text{нх}} = \frac{\Delta D}{K}$$

бу ерда: ΔD - миллий даромаднинг ўсиши;

K - капитал қўйилмалар.

2. **Алоҳида тармоқлар бўйича:** (Энх)

$$\mathcal{E}_{\text{нх}} = \frac{\Delta ЧП}{K} \quad \text{ёки} \quad \frac{\Delta П}{K}$$

бу ерда: $\Delta ЧП$ - соф маҳсулотнинг ўсиши;

$\Delta П$ - фойданинг ўсиши;

K - капитал қўйилмалар.

3. Мажмуий дастурлар, техник-иктисодий муаммолар, алоҳида лойиҳаланаётган корхоналар, **объектлар, тадбирлар** бўйича: (Энх)

$$\mathcal{E}_{\text{нх}} = \frac{\Pi - C}{K}$$

бу ерда: Π -йиллик маҳсулот ишлаб чиқариш ҳажми;

C -маҳсулот таннархи.

4. **Тармоқлар, корхоналар бўйича:** (Эр)

$$\mathcal{E}_p = \frac{C_1 - C_2}{K}$$

бу ерда: $C_1 - C_2$ -капитал қўйилмалар киритилгунча ва киритилгандан кейинги маҳсулот таннархи.

III. Қиёсий самарадорлик қўрсаткичлари.

Бу қўрсаткичлар ҳар бир вариантдаги минимумга келтирилган харажатлардир. Бу қўйидагича ҳисобланади:

$$C_i + E_h K_i \rightarrow \min$$

бу ерда: C_i -жорий харажатлар;

K_i - i вариант бўйича капитал қўйилмалар.

Агарда қиёсланаётган вариантларда капитал қўйилмалар хар хил вақтларда амалга оширилса, бундай шароитда вариантлар келтирилган коэффициентлар бўйича аниқланади:

$$B = \frac{1}{(1+E_{hp})} t$$

бу ерда: E_{hp} - ҳар хил вақтларда харажатларни келтириш нормативи;

t - маблағларни ишга туширишдан самара олгунгача бўлган вақт.

Масалан: Тармоқ бўйича капитал қўйилмалар самарадорлигининг норматив коэффициенти 0,20¹.

Вариант	Вариантлар бўйича смета қиймати	Йил ичида ишлаб чиқарилган маҳсулотнинг таннархи	Шартли харажатлар
I	6,2	5,5	6,74 (5,5-0,2 0,6)
II	6,8	5,0	6,36 (5-0,2 0,8)
III	7,4	4,5	5,94 (4,5-0,2 7,4)

Жадвалдан кўриниб турибдики, иқтисодий нуқтаи назардан III вариант мақсадга мувофиқдир.

Таянч иборалар

- *Қурилиши комплекси*
- *Қурилиши индустрияси*
- *Хўжалик усули*
- *Пудрат усули*
- *Буюртмачи*
- *Танлов савдолари (тендер)*
- *Лойиҳа-қурилиши ташкилотлари*
- *Капитал қўйилмалар*
- *Янги қурилиши*
- *Корхоналар реконструкцияси*
- *Инвестиция сиёсати*
- *Қиёсий иқтисодий самарадорлик*

¹Бозор муносабатлари шароитида миллий иқтисодиётнинг ривожланиши Т.Ўқитувчи, 1996 йил 66-67 бетлар.

Ўз-ўзини текшириши учун саволлар

1. Қурилиш комплекси. Унинг мазмунни, таркиби ва иқтисодиётда тутган ўрни ҳақида нима дея оласиз?
2. Қурилиш жараёнида хўжалик ва пудрат усулини қандай тушунасиз?
3. Қурилиш соҳасида республикада ўтказилаётган иқтисодий ислоҳотлар қандай кечаяпти?
4. Қурилиш индустрияси негизини қандай хўжаликлар ташкил қиласи?
5. Қурилиш ташкилотлари ҳақида нима дея оласиз?
6. Қурилиш соҳасидаги ҳалқаро ҳамкорлик қандай олиб борилади?
7. Қурилиш қандай социал-иқтисодий вазифаларга эга?
8. Капитал қурилишида иқтисодий ислоҳотларни янада чуқурлаштиришининг асосий йўналишлари қайсилар.
9. Капитал қўйилмалар тушунчаси тўғрисида нима дея оласиз?
10. Капитал қурилиши соҳасидаги инвестиция сиёсатининг моҳияти қандай?
11. Капитал қўйилмаларнинг худудий таркиби нимани билдиради?
12. Капитал қўйилмаларнинг ҳажми қандай аниқланади?
13. Капитал қўйилмаларнинг манбаига нималар киради?
14. Мутлоқ ва қиёсий самарадорлик кўрсаткичлари қандай аниқланади?

Адабиётлар:

1. И. Каримов. «Ўзбекистон XXI асрга интилмоқда» Тошкент. Ўзбекистон, 1999 йил.
2. Ўзбекистон Республикаси Вазирлар Маҳкамаси мажлисининг «2003 йилнинг 1 ярим йиллигига иқтисодиёт ва ижтимоий соҳани ривожлантиши якунлари ҳамда Уишу соҳаларда ислоҳотларнинг муҳим устивор йўналишлари бўйича чора тадбирларни амалга ошириши тўғрисида»ги қарори. 2003 йил 18 июл. «Маърифат» газетаси, 2003 йил 23 июл.
3. Ўзбекистон Республикаси Президентининг «Капитал қурилишида иқтисодий ислоҳотларни янада чуқурлаштиришининг асосий йоналишлари тўғрисида» 2003 йил 6 майдаги ПФ-3240 сонли Фармони. Қзбекистон Республикаси молиявий °онунлари №5.2003 йил 10-18 бетлар.
4. Ўзбекистон Республикаси Вазирлар Маҳкамасининг «Ўзбекистон Республикаси Давлат архитектура ва қурилиши қўмитаси фаолиятини тақомиллаштириши чора-тадбирлари тўғрисида»ги 2003 йил 2 декабрдаги Қарори. Халқ сўзи, 2003 йил 4 декабр.
5. Ўзбекистон Республикаси Президентининг «Тошкент шаҳридаги уй-жой қурилишини давлат томонидан қўллаб қувватлашини кучайтиши тўғрисида»ги 1996 йил 31 январ Фармони.
6. И.А.Каримов. “Эришган марраларимизни мустаҳкамлаб, ислоҳотлар ўйлидан изчил бориши-асосий вазифамиз” мавзусида 2004 йил 7 февралда бўлиб ўтган Республика Вазирлар Маҳкамаси мажлисидаги маъruzаси. Халқ сўзи газетаси, 2004 йил 10 феврал.
7. А.П. Градов. Национальная экономика. Санкт-Петербург. «Специальная литература» 1997 г. Стр. 189-210.
8. Бозор муносабатлари шароитида миллий иқтисодиётнинг ривожланиши. Тошкент. Ўқитувчи 1996 йил 61-67 бетлар.

8-боб. Ижтимоий тармоқлар мажмуи ва уларни ислоҳ қилиш

- § 1. Ижтимоий тармоқлар мажмуи ва уни ривожлантириш вазифалари.
- § 2. Таълим тизими ва уни ислоҳ қилиш. Кадрлар тайёрлаш миллий дастури.
- § 3. Соғлиқни сақлаш тизимини ислоҳ қилиш.
- § 4. Уй-жой коммунал хўёжалигини ислоҳ қилиш.
- § 5. Ахолига майший хизмат кўрсатиш тармоғини қайта қуриш.

§ 1. Ижтимоий тармоқлар мажмуи ва уни ривожлантириш вазифалари

Давлатнинг функцияларидан бири-уни ижтимоий сиёсати функцияси ҳисобланади. Ахолини ижтимоий ҳимоя қилиш ва улар ўртасидаги кучли иқтисодий тенгсизликнинг олдини олиш мақсадида даромадни тақсимлаш ва қайта тақсимлаш бўйича давлат чора-тадбирлари тизими **Ижтимоий сиёсат** дейилади. Кенг маънода ижтимоий сиёсат деганда шахснинг ҳаёт фаолиятини шундай шароитларини яратиш ва тутиб туриш бўйича кўрилган барча чора-тадбирлар тушунилади. Бу тадбирлар шахснинг ривожланишига ёрдам беради ва унинг ижодий имкониятларини тўлиқ намоён қилишни рағбатлантиради.

Ижтимоий соҳа ахолининг ўзига хос бўлган интилиши ва маънавий эҳтиёжини қондириш учун турли-туман хизмат кўрсатадиган муҳим тармоқлар йиғиндисидир.

Ахолини турмуш фаровонлиги даражаси мамлакатнинг фақат иқтисодий тараққиёт даражаси билангина эмас, балки ижтимоий соҳалар тараққиёти даражаси билан ҳам ифодаланади. Ижтимоий соҳа давлат томонидан олиб борилаётган иқтисодий сиёсатнинг натижаси ўз аксини топади ва амалга оширалади. Иқтисодий сиёсати эса барча ахоли манманфаати кўзлайди. Айнан ижтимоий саҳада давлатнинг инсонпарварлик даражаси ҳар томонлама яққол намоён бўлади.

Ижтимоий соҳа Миллий иқтисодиётнинг бажарувчи тармоқларини ўз ичига олади. Жумладан, у ҳалқ таълими ва маъданияти, соғлиқни сақлаш, ахолига нафақа тўлаш, коммунал хўёжалиги, майший хизмат кўрсатиш, физкультура ва спорт хўёжалиги каби қатор соҳаларни ўз ичига олади. Булардан ташқари ижтимоий соҳа ҳаёт даражасини яхшилаш, иқтисодиётда ижтимоий адолатни ўрнатища мухим аҳамият касб этади.

2002 йил август ойида бўлиб ўтган Иккинчи чақирик Ўзбекистон Республикаси Олий Мажлиснинг тўққизинчи сессиясида қилган маъруzasида Ислом Каримов мамлакатимиз тараққиёти ҳақида тўхталиб, **еттита устувор вазифаларни олға сурган эди**. Еттинчи устивор вазифа устида тўхталиб, **ижтимоий соҳаларнинг муҳимлигини таъкидлаб шундай деган эди**: “Ўйлайманки, ижтимоий инфратузилмани, таълим ва соғлиқни сақлаш соҳаларни янада ривожлантириш, нафақа билан таъминлаш тизимини такомиллаштириш ахолини экологик ва бошқа хавф-хатарлардан муҳофаза этиш, қисқа қилиб айтганда, одамларимизнинг социал соҳа бўйича талаб ва эътиrozларини қондириш масалаларини ҳар томонлама кучайтириш лозимлигини исботлаб ўтиришга ҳожат бўлмаса керак”.

Ижтимоий соҳа тараққиётнинг қай даражадалиги маълум жиҳатдан мамлакатдаги сиёсий ва психологик мухити, ахолининг умумий кайфиятини белигилайди. Ижтимоий соҳаларнинг ўсиши ҳудудларнинг умумий иқтисодий тараққиёти даражасини кўрсатувчи белги бўлиб хизмат қиласи.

Миллий иқтисодиётнинг асосий муаммоларига фақат иқтисодий жиҳатдангина эмас, балки ижтимоий тараққиёт нуқтаи назаридан қаралиши лозим. Шундан кўриниб турибдики, ижтимоий соҳалар моддий-техника базасини мустаҳкамлаш масаласи бозор муносабатларига ўтишнинг энг муҳим вазифаларидан бири бўлиб қолади. Ижтимоий соҳалар фаолиятининг самарадорлиги унинг барча асосий таркибий қисмларининг комплекс ривожланишига боғлиқ.

Мустақиллик йилларида ижтимоий соҳанинг барча таркибий қисмларини ривожлантириш борасида муҳим, диққатга сазовар ишлар амалга оширилди ва оширилмоқда. Ахолини ижтимоий ҳимоя қилиш, уларга тиббий ёрдам кўрсатиш, таълим-тарбия, маданият, дам олиш, уй-жойлар шароитини яхшилаш, майший хизмат кўрсатиш каби қатор соҳаларни яхшилаш борасида улкан ишлар амалга оширилди.

Ижтимоий соҳада олиб борилаётган ислоҳатлар қўйидаги вазифаларни бажаришини таъминлаши лозим:

1. Ҳар бир инсонни, энг аввало малакали тиббий хизматдан фойдаланиши, бепул умумий таълим олиши учун зарур шарт- шароит яратиши ва таъминлаши лозим.
2. Аҳолини кам таъминланган, яъни унинг моддий ва ижтимоий ҳимояяга муҳтож бўлган қисмини ҳимоя қилишга қаратилган, энг аввало аҳолини ночор гурухларини аниқ манзилли ва мақсадли ижтимоий ҳимоя қилиш тизимини барпо этиш.
3. Аҳолини ижтимоий ҳимоя қилишни иқтисодий ислоҳатлар дастуридаги узлуксиз устивор йўналишлардан бири деб, ҳисоблаш.
4. Пенсия тизимининг молиявий барқарорлигини таъминлаш, пенсиянинг реал миқдорини ошириш.
5. Меҳнат қилиш қобилиятига эга бўлган аҳолига ўз даромадлари ҳисобидан юқорироқ ижтимоий истеъмол қилишни таъминлайдиган иқтисодий шароит яратиш.
6. Аҳолини турар жойларга, майший хизмат кўрсатиш, савдо ва умумовқатланиш корхоналарининг хизматларига, ҳамда маданият, санъат, спорт ва бошқа соҳаларга бўлган қонуний талабларини таъминлаш учун зарур шароитлар яратиш.
7. Ижтимоий-маданий институтларнинг ривожланишини хуқукий ва ташкилий асосларини шакллантириш ва бошқалар.

§ 2. Таълим тизими ва уни ислоҳ қилиш. Кадрлар тайёрлаш Миллий дастури

Таълим жамиятнинг ривожланиш тенденцияси ва ҳолатини акс эттиради ва унга таъсир кўрсатади. Миллатнинг ижтимоий-сиёсий, маънавий ахлоқий қиёфаси кўп жиҳатдан унинг зиёлилар дунёкараши, билимдонлик савияси ва жасоратига боғлиқ. «Оламга қуёш зиё таратса, одамзод қалбига зиёли нур сочади», дейди халқимиз.

Хозирги вақтда Республикада 63 та Олий ўқув юрти, жумладан, 16 та университет, 9575 та мактаб фаолият кўрсатмоқда. Умумтаълим мактабларида мустақиллик йилларида 300 дан ортиқ янги типдаги таълим муассасалари очилди. Фақат 1998-2002 йиллар мобайнида 216 минг ўқувчига мўлжалланган замонавий ўқув ва ишлаб чиқариш ускуналари билан жиҳозланган касб-хунар коллажлари, академик лицейлар барпо этилди, Янги таълим стандартлари яратилди ва ўқув жараёнiga жорий этилди.

Ўрта маҳсус ўқув юртларига зарур бўлган жиҳозлар сотиб олиш учун жалб қилинган чет эл инвестициярининг миқдори 150 млн. АҚШ долларини ташкил этилди.

Иктидорли талабаларни қўллаб-қувватлаш мақсадида «Умид», Педагогик кадрларни хорижда тайёрлаш ва қайта тайёрлашни таъминлаш бўйича «Устоз» жамғармалари ташкил этилди. Уч мингга яқин талаба ва аспирантлар чет мамлакатларда таълим олмоқдалар, 2,2 минг педагоглар малакасини оширилар. Бугунги кунда «Умид» ва «Устоз» жамғармалари бирлаштирилиб «Истеъод» жамғармаси тузилди.

Бозор иқтисодиётiga ўтиш давлат ва хўжалик қурилишининг барча соҳаларида юкори малакали мутахассислар мавжудлигини тақозо қиласди. Шундай шароитда таълим муаммоси давлат сиёсатининг устувор йўналишига айланди. Президентимиз И.А.Каримов таъкидлаганидек, иқтисодий ва сиёсий соҳалардаги барча ислохотларимизнинг пировард мақсади юртимизда яшаётган барча фуқаролар учун муносиб ҳаёт шароитларини ташкил қилиб беришдан иборатдир. Айнан шунинг учун хам маънавий жиҳатдан мукаммал ривожланган инсонни тарбиялаш, таълим ва маорифни юксалтириш, миллий уйғониш ғоясини рўёбга чиқаришдаги янги авлодни вояга етказиш давлатимизнинг энг муҳим вазифаларидан бири бўлиб қолди.

Мамлакатимизда 1992 йилнинг июл ойидан бошлаб «Таълим тўғрисида»ги қонун амал қила бошлади. Унга биноан таълим тизимини ислоҳ қилишни асослари, ёшларни ўқитиш ва тарбиялашга қўйиладиган асосий талаблар аниқланди. У энг аввало кишилик жамияти яратган бойликларни ва эришган миллий давлат ютуқларини назарда тутадиган болалар боғчасидан олий мактабгача бўлган узлуксиз бўлиши керак.

Ислохотларни бошланиш даврида Республикада мактаб таълимини ташкил қилишда қатор ижобий силжишлар юз берди:

1. 1996-1997 ўқув йилидан бошлаб мактабларнинг биринчи синфларида ўқиши янги алифбода олиб борилди. Янги имло, алифбода ўқиши учун зарур дастур, қўлланма ва дарсликлар яратилди.
2. Шу давр мабойнида 300га яқин янги турдаги таълим муасссалари очилди. Олий ўқув юртлари қошида 46 лицей ташкил этилди, 800 га яқин ўқувчи чет элларда таълим олди, кўпгина ўқитувчилар хорижий давлатларнинг илғор тажрибаларини ўрганиш мақсадида чет мамлакатларга бориб қайтди.
3. Талабалар ва Ўқитувчи-мураббийларни, моддий ва маънавий рағбатлантириш йўлга қўйилди. Масалан, 1993 йилдан бошлаб охирги курс аълочи талабалар ва аспирантлари учун «Президент стипендияси» жорий қилинди; Беруний, Навоий, Улуғбек номидаги стипендиялар таъсис қилинди; конкурс ва мусобақа ғолибларига моддий-пул рағбатлантиришлари жорий қилинди. Профессор-ўқитувчиларга меҳнат шартномаларининг контракт тизими жорий этилди ва ҳоказо.
4. Ўрта маҳсус таълим соҳасида республикада жойларда бизнес мактаби, касб-хунар курсларининг очилиши, бозор иқтисодиётни талабларидан келиб чиқсан ҳолда, янги мутахассисликлар (Фермер, Солик ва Божхона ходими, Аудит ва ҳоказо) киритилди.
5. Олий мактаб соҳасида **тест усуллари жорий этилди**; вилоятлар марказларидаги педагогика институтлари университетларга айлантирилди; Чет элларга тажриба алмашиш ва

талабаларни ўқишига юбориш йўлга қўйилди; Иқтисод ва бизнес соҳасидаги мутахассис ва ўқитувчиларни қайта тайёрлаш бўйича аниқ мақсадга йўналтирилган ишлар олиб борилди. Бозор иқтисодиётига ўтиш даврида 2 мингдан ортиқ талаба ва мутахассислар чет элларда ўқиб келишди; 200 дан ортиқ чет эл мутахассислари республикамиз ўкув муассасаларига жалб қилинди;

6. Давлат ва Жамият қурилиш академияси, Банк ва Молия академиялари ташкил қилинди.
7. «Маҳалла», «Камолот», «Соғлом авлод учун», «Нуроний», «Улуғбек», «Умид», «Устоз» жамғармалари тузилди.

Юқоридаги амалга оширилган ишлар даслабки йилларда таълим жараёни тизимида кўпгина ижобий ўзгаришларни амалга ошириш имкониятини берди. Аммо ўтган давр мабойнида амалга оширилган бу тадбирлар бозор иқтисодиёти талабларига жавоб бера олмади, натижада **кўпгина муаммолар хал қилинмай қолаверди**:

1. Собиқ Совет давридан қолган таълим-тарбия тизимига хос мафкуравий қарашлардан ва сарқитлардан кутилиш имкониятини бермади.
2. Амалга оширилган ўзгаришлар ва тадбирлар таълим-тарбия ва ўкув жараёнларининг таркибини, босқичларини бир-бири билан узвий боғлаш яъни узлуксиз таълим-тарбия тизимини ташкил қилиш муаммоларини еча олмади.
3. Амалдаги таълим-тарбия жараёни замонавий талабларга жавоб берадиласлиги мутахассислар тайёрлаш таълим тарбия тизимини жамиятдаги бўлаётган ислоҳат, янгиланиш жараёнлари талаблари билан боғланмаганлиги кўриниб қолди.
4. Ёшларни сезиларли қисми (Ўрта мактабни битиргандарининг 70 фоизгача бўлган қисми) меҳнат бозорига киришга тайёр эмас, чунки улар маълум бир касб-малакага эга эмас эди.
5. Аксарият мактабларнинг моддий техника ва ахборот базаси етарли ахволда эмаслиги, Ўрта ва Олий мактабларнинг зарур ускуналар билан таъминланганлиги эса-талаб даражасидан анча паст бўлганлиги, сифатли ўкув-услубий адабиётларни камлиги сезиларли даражада эди.

Маълумот учун куйидагиларни келтириш лозим топдик: 1988 йилда ўрта мактабнинг битта ўкувчисига СССРда – 58 сўм, ГДР – 119 марка, Швецияда – 1000 доллар тўғри келган.

Олий ўкув юртининг ҳар бир талаbasига СССРда – 2400 сўм тўғри келган бўлса, ривожланган ғарб давлатларида бу – 80000 долларгача тўғри келган.

6. Мактабгача таълим ва тарбиянинг ахволи қониқарсиз даражада қолди. Боғча ёшдаги болаларнинг 25 фоизи мактабгача болалар муассасаларига қамраб олинган эди холос.
7. Мактабларда ва бошқа ўкув юртларида таълим жараённинг ўзидағи ва ўқитиши услубиятидаги жуда кўп камчиликлар ўкувчиларда мустақил фикрлаш қобилиятини ривожланмай қолишга сабабчи бўлиб қолган эди. Ўрта мактабни битиргандарнинг 10 фоизигина Олий ўкув юртларига ўқишига кирап эди холос.

Юқорида кўрсатилган ва бошқа муаммолар таълим жараёнларини чуқур ислоҳ қилиш лозимлигини тақозо этди.

Шунинг учун Ўзбекистон Республикаси Олий Мажлиси 1997 йил август ойида **«Таълим тўғрисида»** Қонун қабул қилди. Бу қонунда таълим соҳасидаги давлат сиёсатининг асосий принциплари, таълим тизими ва турларининг ҳукуқий асослари белгилаб берилди.

«Таълим тўғрисида»ги Қонунга биноан Ўзбекистон Республикаси ижтимоий таракқиёти соҳаси, **таълим, устивор деб эълон қилинган**.

Таълим соҳасидаги давлат сиёсатининг асосий принциплари қуйидагилардан иборат қилиб белгиланган:

1. Таълим ва тарбиянинг инсонпарварлик, демократик характерда эканлиги;
2. Таълимнинг узлуксизлиги ва изчиллиги;
3. Умумий қрта, шунингдек қрта маҳсус, касб-хунар таълимининг мажбурийлиги;
4. Ўрта маҳсус, касб-хунар таълимининг йўналишини: академик лицейда ёки касб-хунар коллежида ўқишини танлашнинг ихтиёрийлиги;
5. Таълим тизимининг дунёвий характерга эга эканлиги;
6. Давлат таълим стандартлари доирасида таълим олишнинг ҳамма учун очиқлиги;
7. Таълим дастурларини танлашга ягона ва табақалаштирилган ёндашув;

8. Билимли бўлишни ва истеъдодни рафбатлантириш;
9. Таълим тизимида давлат ва жамоат бошқарувини уйғулаштириш.

Таълим тўғрисидаги қонунга биноан **Кадрлар Тайёрлаш Миллий дастури** қабул қилинди. У узоқ даврга мўлжалланган бўлиб таълимнинг барча тизимини ва турларини, **тизимини ислоҳ қилишга** қаратилгандир.

Кадрлар тайёрлаш Миллий дастури қўйидаги таълим турларини белгилайди.

1. Мактабгача таълим;
2. Умумий ўрта таълим;
3. Ўрта маҳсус, касб-хунар, таълими;
4. Олий таълим;
5. Олий ўқув юртидан кейинги таълим;
6. Кадрлар малакасини ошириш ва уларни қайта тайёрлаш;
7. Мактабдан ташқари таълим.

Мактабгача таълим - мактабгача таълим бола соғлом, ҳар томонлама камол топиб шаклтанишини таъминлайди, унда ўқишга интилиш ҳиссини уйғотади, уни мунтазам таълим олишга тайёрлади. Мактабгача таълим бола олти-етти ёшга етгунича давлат ва нодавлат мактабгача тарбия болалар муассасаларида ҳамда оиласаларда амалга оширилади. Мактабгача таълим мақсади ва вазифаларини рўёбга чиқаришда маҳаллалар, жамоат ва хайрия ташкилотлари, халқаро фондлар фаол иштирок этади.

Умумий ўрта таълим Тўққиз йиллик (I-IX синфлар) ўқишидан иборат умумий ўрта таълим мажбурийдир. Таълимнинг бу тури бошлангич таълимни (I-IV синфлар) қамраб олади ҳамда ўқувчиларнинг фанлар асослари бўйича мунтазам билим олишларини, уларда билим ўзлаштириш эҳтиёжини, асосий ўқув-илмий ва умуммаданий билимларни, миллий ва умумбашарий қадриятларга асосланган маънавий-ахлоқий фазилатларни, меҳнат кўникмларини, ижодий фикрлаш ва атроф-муҳитга онгли муносабатда бўлишни ва касб танлашни шакллантиради. Умумий ўрта таълим тугалланганидан кейин таълим фанлари ва улар бўйича олинган баҳолар кўрсатилган ҳолда давлат томонидан тасдиқланган наъмунадаги аттестат берилади.

Ўрта маҳсус, касб-хунар таълими умумий ўрта таълим негизида ўқиш муддати уч йил бўлган мажбурий ўрта маҳсус, касб-хунар таълими узлуксиз таълим тизимидағи мустакил турдир. Ўрта маҳсус, касб-хунар коллежи ўқувчилари томонидан ихтиёрий танланади.

Академик лицей давлат таълим стандартларига мувофиқ ўрта таълим беради. Ўқувчиларнинг имкониятлари ва қизиқишлиарини ҳисобга олган ҳолда уларнинг жадал интеллектуал ривожланиши чукур, соҳалаштирилган, табакалаштирилган, касбга йўналтирилган таълим олишини таъминлайди.

Касб-хунар колледжи тегишли давлат таълим стандартлари доирасида ўрта маҳсус, касб-хунар таълими беради; ўқувчиларнинг касб-хунарга мойиллиги, билим ва қўникмаларини чукур ривожлантириш, танлаб олинган касб-хунар бўйича бир ёки бир неча ихтисосни эгаллаш имконини беради.

Олий таълим ўрта маҳсус, касб-хунар таълими негизига асосланади ҳамда икки (бакалавриат ва магистратура) босқичига эга.

Олий таълим муассасаларига талабалар қабул қилиш давлат гранталари негизида ва пулликшартномавий асосда амалга оширилади.

Бакалавриат - мутахассисликлар йўналиши бўйича фундаментал ва амалий билим берадиган, таълим муддати камида тўрт йил давом этадиган таянч олий таълимдир.

Бакалаврлик дастури тугалланганидан сўнг битиравчиларга давлат аттестацияси якунларига биноан касб бўйича “бакалавр” даражаси берилади ва давлат томонидан тасдиқланган намунадаги, касб-хунар фаолияти билан шуғуланиш хуқуқини берадиган диплом топширилади.

Магистратура – аниқ мутахассислик бўйича фундаментал ва амалий билим берадиган, бакалавриат негизида таълим муддати камида икки йил давом этадиган олий таълимдир.

“Магистр” даражасини берадиган давлат малака аттестацияси магистирлик дастурининг интихосидир. Магистрларга давлат томонидан тасдиқланган намунадаги, касб-хунар фаолияти билан шуғуланиш хуқуқини берадиган диплом топширилади.

Олий ўқув юртидан кейинги таълим жамиятнинг олий малакали илмий ва илмий педагог кадрларга бўлган эҳтиёжларини қондиришга, шахснинг ижодий таълим-касб-хунар манфаатларини қаноатлантиришга қаратилган.

Олий ўқув юртидан кейинги таълимни олий ўқув юртларида ва илмий-тадқиқот муассасаларида (аспирантура, адъюнктура, докторантураси, мустақил тадқиқотчилик) олиш мумкин. Олий ўқув юртидан кейинги таълим босқичлари (аспирантура, докторантураси) диссертация ҳимояси билан якунланади.

Якуний давлат аттестациялари натижаларига тегишли равишда фан номзоди ва фан доктори илмий даражаси берилиб, давлат томонидан тасдиқланган намунадаги дипломлар топширилади.

Кадрлар малакасини ошириш ва уларни қайта тайёрлаш мутахассисларнинг касб билимлари ва кўнгилмаларини янгилаш ҳамда чукурлаштиришга қаратилган. Кадрлар малакасини ошириш ва уларни қайта тайёрлаш таълим муассасаларидағи ўқиши натижаларига кўра давлат томонидан тасдиқланган намунадаги гувоҳнома ва сертификат топширилади.

Мактабдан ташқари таълим болалар ва ўсмирларнинг таълимга бўлган, якка тартибдаги, ортиб борувчи талаб-эҳтиёжларини қондириш, уларнинг бўш вақтини ва дам олишини ташкил этиш учун давлат органлари, жамоат ташкилотлари, шунингдек бошқа юридик ва жисмоний шахслар маданий-эстетик, илмий, техникавий, спорт ва бошқа йўналишларда мактабдан ташқари давлат ва нодавлат таълим муассасаларини ташкил этадилар.

Кадрлар тайёрлаш миллий дастурининг **мақсади**- таълим соҳасини тубдан ислоҳ қилиш, уни ўтмишдан қолган мафкуравий карашлар ва сарқитлардан тўла халос этиш, ривожланган демократик давлатлар даражасида, юксак маънавий ва ахлоқий талабларга жавоб берувчи юқори малакали кадрлар тайёрлаш миллий тизимини яратишидир.

Ушбу мақсадни рўёбга чиқариш қўйидаги **вазифалар ҳал этилишини назарда тутади**:

1. «Таълим тўғрисида»ги Ўзбекистон Республикаси қонунига мувофиқ таълим тизимини ислоҳ қилиш, давлат ва ноъдавлат таълим муассасалари ҳамда таълим ва кадрлар тайёрлаш соҳасида ракобат мухитини шакллантириш негизида таълим тизимини ягона ўқув-илмий-ишлаб чиқариш мажмуи сифатида изчил ривожлантиришни таъминлаш;

2. Таълим ва кадрлар тайёрлаш тизимини жамиятда амалга оширилаётган янгиланиш, ривожланган демократик хуқуқий давлат қурилиши жараёнларига мослаш;

3. Кадрлар тайёрлаш тизими муассасаларини юқори малакали мутахассислар билан таъминлаш, педагогик фаолиятнинг нуфузи ва ижтимоий мақомини кўтариш;

4. Кадрлар тайёрлаш тизими ва мазмунини мамлакатнинг ижтимоий ва иқтисодий тараққиёти истиқболларидан, жамият эҳтиёжларидан, фан, маданият, техника ва технологиянинг замонавий ютуқларидан келиб чиқсан ҳолда қайта қуриш;

5. Таълим олувчиларнинг маънавий-ахлоқий тарбиялашнинг ва маърифий ишларнинг самарали шакллари ҳамда услубларини ишлаб чиқиш ва жорий этиш;

6. Таълим ва кадрлар тайёрлаш, таълим муассасаларини аттестациядан ўтказиш ва аккредитация қилиш сифатида баҳо беришнинг ҳолис тизимини жорий қилиш;

7. Янги ижтимоий-иқтисодий шароитларда таълимнинг талаб қилинадиган даражаси ва сифатини, кадрлар тайёрлаш тизимининг амалда фаолият кўрсатиши ва барқарор ривожланишининг кафолатларини, устуворлигини таъминловчи норматив, моддий-техника ва ахборот базасини яратиш;

8. Таълим, фан ва ишлаб чиқариш самарали интеграциялашувини таъминлаш, тайёрланаётган кадрларнинг микдори ва сифатига нисбатан давлатнинг талабларини, шунингдек нодавлат тузилмалари, корхоналар ва ташкилотларнинг буюртмаларини шакллантиришнинг механизмларини ишлаб чиқиш;

9. Узлуксиз таълим ва кадрлар тайёрлаш тизимига бюджетдан ташқари маблағлар, шу жумладан, чет эл инвестициялари жалб этишнинг реал механизмларини ишлаб чиқиш ва амалиётга жорий этиш;

10. Кадрлар тайёрлаш соҳасида ўзаро манфаатли халқаро ҳамкорликни ривожлантириш.

Кадрлар тайёрлаш Миллий дастурининг **мақсад ва вазифалари босқичма-босқич рўёбга чиқарилади**.

Биринчи босқич (1997-2001 йиллар) – мавжуд кадрлар тайёрлаш тизимини ижобий салоҳиятини сақлаб қолиш асосида ушбу тизимни ислоҳ қилиш ва ривожлантириш учун ҳуқуқий, кадрлар жиҳатидан, илмий-услубий, молиявий-моддий шарт-шароитлар яратиш.

Иккинчи босқич (2001-2005 йиллар)- Миллий дастурни тўлиқ рўёбга чиқариш, меҳнат бозорининг ривожланиши ва реал ижтимоий иқтисодий шароитларни ҳисобга олган ҳолда унга аниқликлар киритиш.

Бу босқичнинг асосий вазифалари қўйидагилардир:

1. Мажбурий умумий ўрта ва ўрта маҳсус, касб-хунар таълимига, шунингдек, ўқувчиларнинг қобилияtlари ва имкониятларига қараб, табақалаштирилган таълимга ўтиш тўлиқ амалга оширилади.

2. Таълим муассасаларининг маҳсус тайёрланган малакали педагогик кадрлар билан тўлдириш таъминланади, уларнинг фаолиятида рақобатга асосланган мухит вужудга келтирилади.

3. Таълим муассасаларининг моддий-техника ва ахборот базасини мустаҳкамлаш давом эттирилади, ўқув тарбия жараёни юқори сифатли ўқув адабиётлари ва илғор педагогик технологиялар билан таъминланади. Узлуксиз таълим тизимини ахборотлаштириш амалга оширилади.

4. Таълим хизмати кўрсатиш бозорини шакллантириш механизmlари тўлиқ ишга солинади.

Учинчи босқич (2005 ва ундан кейинги йиллар) – тўпланган тажрибани таҳлил этиш ва умумлаштириш асосида, мамлакатнинг ижтимоий-иқтисодий ривожлантириш истиқболларига мувофиқ кадрлар тайёрлаш тизимини такомиллаштириш ва янада ривожлантириш. Бу босқичда:

1. Таълим муассасаларини ресурс, кадрлар ва ахборот базалари янада мустаҳкамланади, ўқув тарбия жараёни янги ўқув-услубий мажмуалар, илғор педагогик технологиялар билан тўлиқ таъминлаш;

2. Миллий (элита) олий таълим муассасаларини қарор топтириш ва ривожлантириш амалга оширилади. Касб-хунар таълими муассасаларининг мустақил фаолият юритиши ва ўзини-ўзи бошқариши шакллари мустаҳкамлаш;

3. Таълим жараёнини ахборотлаштириш, узлуксиз таълим тизими жаҳон ахборот тармоғига билан тўлиқ камраб олиш қаби вазифалар ҳал килинади.

Кадрлар тайёрлаш Миллий дастури ижтимоий ривожланишнинг барча соҳаларида таълимнинг устиворлигини билдирадиган давлат сиёсатининг моҳиятини ифодалайди. Республикаизда яратилган ялпи ички маҳсулотнинг 11% и, давлат сарф-харажати бюджет бўйича умумий сарф-харажатдан 35%дан юқорироқ микдорни таълим учун сарфланадётганлиги буни яққол исботидир Таълим учун сарф-харажатларнинг бу микдори бўйича Ўзбекистон жаҳоннинг етук мамлакатларига яқинлашиб бораётганлигини исботлайди.

Тахминларга кўра 2005 йилнинг охирига бориб, Республикаизда жаҳон стандартларига жавоб берадиган академий лицейларни сони 181 ва касб-хунар коллежларини сони 1611 ҳамда улардаги ўқувчиларнинг сони 1,5 млн. кишига етади.

Кадрлар тайёрлаш тизимини ривожлантиришнинг асосий йўналишлари қўйидагиларни ўз ичига олади:

1. Таълимнинг узлуксизлигини таъминлаш;
2. Педагог ва илмий-педагог кадрлар тайёрлаш, қайта тайёрлаш ва уларнинг малакасини ошириш;
3. Таълим жараёнини мазмунан ислоҳ қилиш;
4. Маънавий ва ахлоқий тарбия ва маърифий ишларни такомиллаштириб бориш;
5. Иқтидорли ва истеъдодли ёшларни аниқлаб бориш ва ўқитиш;

6. Таълим тизимини бошқариш;
7. Касб-хунар таълими сифатини назорат қилиш тизимини шакллантириш;
8. Таълим тизимини молиялаш;
9. Моддий-техника таъминотини яхшилаш;
10. Таълим тизимининг яхлит ахборот маконини вужудга келтириш;
11. Таълим хизмати кўрсатиш бозорини ривожлантириш;
12. Таълим соҳасида ижтимоий кафолатларни таъминлаш ҳамда бу соҳани давлат томонидан қўллаб қувватлаш;
13. Фан ва таълим жараёни алоқаларини ривожлантириш;
14. Ишлаб чиқариш ва таълим тизим интеграциялашувини ривожлантириш;
15. Таълим ва кадрлар тайёрлаш соҳасидаги халқаро ҳамкорликни ривожлантириш.

§ 3. Соғлиқни сақлаш тизимини ислоҳ қилиш

Соғлиқни сақлаш-бу жамият аъзолари соғлиғини ҳимоя қилиш ва яхшилаш бўйича давлат томонидан олиб борилган иқтисодий ва тиббий тадбирлар мажмуидир.

Соғлиқни сақлаш тизими бу даволаш ва дори-дармон етказиб берувчи муассаларининг барчасини ўз ичига оладиган ижтимоий-соҳанинг муҳим тармоғидир. Бу муассаларининг ҳолатига инсон салоҳиятини ривожланиши бевосита боғлиқ бўлади. Инсон соғлиғи, инсоний салоҳият мамлакат иқтисодий ривожланишининг муҳим шарти ҳисобланади. Ҳозир Республика ахолисига давлатга карашли 1050 касалхона ва 3594 амбулатория-поликлиникаси тиббий ёрдам кўрсатмоқда. 2000 йили Ўзбекистонда «**Соғлом авлод йили**», деб эълон қилинди ва тиббий муассасаларнинг фаолиятини яхшилайдиган, ахолига тиббий хизматлар сифатини янада кўтарадиган катта ишлар амалга оширилди. **Ўзбекистон Республикасида замонавий, юксак жаҳон талаблариға жавоб берадиган ташхис қўйиш ва даволаш тиббий асбоб-ускуналар билан жиҳозланган, юқори малакали врачлар ва ўрта тиббий ходимлари билан таъминланган шошилинч тиббий ёрдамнинг яхлит тизими яратилган ва фаолият кўрсатаяпти.**

Ўзбекистон улкан инсоний салоҳиятга эга бўлган мамлакатdir.

“Инсон салоҳияти энг фаол, энг бунёдкор омил бўлиб, - дейди Президентимиз, - у мамлакатнинг ислоҳатлари ва туб ўзгаришлар йўлидан тинимсиз илгарилаб боришини таъминлаб беради”. Жамиятнинг иқтисодий ва ижтимоий ривожланиши даражаси билан белгиланувчи мазкур омил, ўз навбатида, уни ривожлантириш ва тараққий эттиришда ҳал қилувчи рол ўйнайди.

Республика ахолиси 2004 йилнинг бошланишига 26,0 млн. кишидан ошди. Бундан 37,2% шаҳар ва шаҳарчаларда 62,8% қишлоқларда яшайди. Ўзбекистоннинг муҳим хусусияти шундан иборатки, бу ерда аҳолининг ўсиш суръатлари юқори. 1990-2003 йилларнинг ўзида мамлакатимиз ахолисининг сони салкам 24,0% га кўпайди. Аҳоли сонининг ўртacha йиллик ўсиш суръати ана шу йилларда 1,8% ни ташкил этди ёки йилига 400 минг кишидан сал кўпроққа ўсади.

Ўзбекистонга дунё ахолисининг 0,4%и тўғри келгани ҳолда, у жаҳон ахолиси табиий ўсишининг 0,5% ни таъминлайди.

«Тренд» агентлиги БССТ Бутунжаҳон соғлиқни сақлаш ташкилоти маълумотларига таяниб хабар қилишича, сайёрамизда одамларнинг ўртacha умри 48,5 йилни ташкил этади. МДҲ давлатлари орасида энг кўп умр кўрувчилар Белоруссияда 68,5 йил, Россияда 67,5 йил бўлиб, ундан кейин Арманистон (66,5), Украина (66,3), Молдавия (64,6), Тожикистон (64,2), Ўзбекистон (63,9), Кирбизистон (63,5), Қозоғистон (63,3), ва Туркманистон (61,1) турган экан. Собиқ Иттифоқ худудида энг узоқ умр кўрадиганлар Болтиқбўйи республикалари – Эстония 70,1 йилни, Литвада 69,2, Латвияда 69 йилни ташкил этади. Жаҳон давлатлари рўйхатида энг узоқ яшайдиганлар Андоррада 83 йил, Сан-Маринода 81, Японияда 80 йилни ташкил этади. Энг қисқа умр кўрадиганлар Ботсвана ва Мозамбикда бўлиб, улар 35,5 йил умр кўришар экан. (Даракчи газетаси 8(258), 19.02.04).

Аҳолининг соғлиғини сақлаш ҳолати энг аввво давлат ва жамиятнинг ижтимоий тузумига боғлиқ бўлади. Шунинг учун мустақил Ўзбекистонда бўлаётган қайта қуришлар соғлиқни сақлаш тармоғини ҳам четда қолдирмади.

1992 йилдаёқ Ўзбекистонда тармоқни интенсив ривожлантириш принципларига асос солган соғлиқни сақлашни ривожлантириш концепцияси белгиланди. Собиқ Совет давридаги соғлиқни сақлаш тизими самарасиз бўлиб экстенсив принцип асосида ривожланган. Бу тизимда сифат кўрсаткичларига эмас, балки микдор кўрсаткичларига аосий эътибор берилган. Масалан, мустақиллик даврининг бошларида Ўзбекистонда 22 млн. кишига 70 мингдан ошиқ врач тўғри келар эди. Ана шу даврда Туркияда 60 млн. аҳолига 23 минг врач Малайзияда 18 млн. аҳолига 6,2 минг врач тўғри келган. Ўзбекистондаги врачларнинг кўплиги аҳолини даволаш юқори даражада эканлигини асло билдирамас эди.

Шундай қилиб, Республикаизда қабул қилинган соғлиқни сақлашнинг интенсив йўлга ўтказиш концепцияси на фақат тўғри, балки зарурат эканлигини ҳаётни ўзи исботлади.

Ўзбекистонда 1996 йил 26 августда “Республика фуқароларининг соғлигини сақлаш хақида” Конун қабул қилинди.

Мазкур қонун билан Республика аҳолисини соғлигини сақлашнинг куйидаги **асосий принциплари аниқлаб қўйилди**:

1. Соғлиқни сақлаш соҳасида инсон ҳуқуқини таъминлаш;
2. Аҳолини барча қатламлари учун тиббий ёрдам олиш имконияти;
3. Профилактик тадбирлар устиворлиги;
4. Соғлигини йўқотган кишиларни ижтимоий муҳофаза қилиш;
5. Тиббий фан ва амалиётни бирлиги.

Бу қонун соғлиқни сақлаш тизимининг институционал тузилмасини ва биринчи даражали фаолият йўналишларини аниқ белгилаб берди. Республика изда соғлиқни сақлаш тизими ривожлантиришнинг ҳолати ва мулкчилик шакли турлича **институционал тузилмаларни ташкил қилиш ва амалий фаолиятини йўлга қўйиш модели танлаб олинган**. Бир вақтнинг ўзида, қонунда фуқароларнинг ёши, моддий ва профессионал ҳолати, шунингдек, зарурӣ хизмат характери аниқ эътироф этилган тиббий ёрдам олиш ҳуқуқлари алоҳида белгиланган.

Қонунга мувофиқ, ҳалқ саломатлигини сақлаш мақсадида давлат сиёсатини ишлаб чиқиши ва уни амалга оширишни бошқариши давлат зиммасига юклатилади. **Соғлиқни сақлаш бўйича давлат тизими таркибига марказий ва маҳаллий бошқарув органлари**, шунингдек уларнинг тассарруфида бўлган даволаш-профилактика, илмий-тадқиқот муассасалари, ўқув даргоҳлари, фармацевтика корхоналари ва ташкилотлари, санитария-профилактика муассасалари, тез тиббий ёрдам хизмати, суд-тиббиёт экспертизаси ташкилотлари киради.

Давлат ташкилотлари марказий ва маҳаллий бюджет ҳисобидан молия билан таъминланади. Бу ташкилотларда-бепул тиббий хизмат кўрсатилади. Давлат корхоналари ва ташкилотлари томонидан яратилган ҳамда молия билан таъминланадиган **тиббий муассасалар ҳам шу гуруҳга кирилилади**.

Хусусий тиббиёт муассасалари тизими таркибига даволаш-профилактика, аптека муассасалари, тиббиёт ва фармацевтик маҳсулотлар ишлаб чиқарувчи корхоналар, шунингдек, якка тартибда тиббий ёки фармацевтик фаолият билан банд бўлган жисмоний шахслар киради.

Соғлиқни сақлаш соҳасида барча муассаса ва ташкилотларнинг, шу билан бир вақтда жисмоний шахсларнинг фаолияти давлат томонидан қатъий белгиланади ва назорат қилинади. **Тиббий хизмат билан боғлиқ фаолият олиб бориш учун маҳсус давлат лицензиясига эга бўлиш лозим**.

Мамлакатимизда Ўзбекистон Республикаси Президенти томонидан 1998 йил 10 ноябрда тасдиқланган **1998-2005 йилларга мўлжалланган “Соғлиқни сақлаш тизимини ислоҳ қилиш давлат дастури” босқичма-босқич рўёбга оширилмоқда**. Бу дастур республика ҳудудларида турли мулкчилик шаклига асосланган тиббий муассасалар тармоғини кенгайтириш ва соғлиқни сақлаш тизимининг моддий техника базаси мустаҳкамлашни кўзда тутади. Бундан кўзланган мақсад республика аҳолисини зарурӣ тиббий хизмат билан таъминлаш, тиббий хизмат тизимини такомиллаштириш, ислоҳотнинг ташкилий-стратегик режаларини амалга оширишдан иборат.

Ушбу дастурга асосан соғлиқни сақлаш соҳасида:

- она ва бола саломатлигини ҳимоялаш;
- юқумли касалликларга қарши курашиш ва уларнинг олдини олиш;
- дастлабки тиббий-санитария ёрдами базасини мустаҳкамлаш;
- атроф-муҳитни ҳимоялаш каби йўналишлар устувор деб белгиланган.

Мазкур дастурга мувофиқ 2005 йилгача соғлиқни сақлаш соҳасида икки босқичли дастлабки ва кейинги тиббий хизмат кўрсатиш шаклига ўтилади. Бу вақтда тиббий ёрдам қуйидагича амалга оширилади:

* **қишлоқ шароитида:** қишлоқ тиббиёт пункти (ҚТП)- марказий ҳудудий касалхона (МХК) ва унинг қошидаги поликлиника. Џўл, яйлов зоналаридаги чорвадорлар учун ва тоғлиқ жойлардаги аҳоли учун **участка касалхоналари ҳамда фельдшер- акушерлик пунктлари сақланади;**

* **шаҳарларда:** маслаҳат- диагностик поликлиника (ёки диагностика маркази)- шаҳар касалхонаси.

* **Тиббий хизмат соҳасида тор мутахассислик йўналишларидан воз кечиб, босқичмабосқич умумий амалиётчи врачларни тайёрлашга ўтилади.** Бундан мақсад, соғлиқни сақлаш тизимининг бошланғич бўғинидаёқ **кўп соҳали малакали тиббий ёрдам олишини таъминлашдир.**

Умумий амалиётчи врач бу терапев, отоларинголог, амбулатория шароитида диагноз кўйиб оғир бўлмаган операцияларни бажараоладиган хирургдир.

Дастурга мувофиқ **тиббий ҳамшираларни** коллежларда тайёрланади. Улар коллежларда 3 йил ўқигандан сўнг Олий ўқув юртига киришлари ва хорижий давлатларда бўлгани каби олий маълумотли ҳамшира касбини олишлари мумкин.

* Республикаизда пуллик **тиббий хизмат кўрсатиш** тизимини шакллантириш ҳам кўзда тутилган. **Бундай тиббиёт муассасалари молиялаштиришнинг икки хили негизида шакллантирилади.** **Биринчиси, хусусий молиялаштириши.** Бунда юридик ва жисмоний шахслардан кўрсатилган тиббий хизматлар учун пул ундирилади. **Иккинчиси, аралаш молиялаштириш.** Бунда сарф-харажатларнинг маълум қисми давлат бюджетидан ажратиладиган дотациялар ҳисобига қопланади. **Аралаш молиялаштириш** асосида фаолият юритувчи тиббий муассасалар жумласига катталар ва болаларга мўлжалланган кўп тармоқли касалхоналар, ихтисослашган марказ ва клиникалар, соғлиқни сақлаш, санитария, фармакология соҳасида изланишлар олиб борувчи, илмий-тадқиқот ташкилотлари, қисман тиббий кадрларни тайёрлаш билан ўқув даргоҳлари киради.

Хусусий молиялаштириш принципига асосан, шахсий амалиётчи врачлар, нодавлат даволаш профилактика ташкилотлари, ҳомиладорларга ва туғадиган аёлларга тиббий ёрдам кўрсатувчи айrim хусусийлаштирилган муассасалар иш юритади. Суғурта компанияларининг мақсадли пул ўтказмаси, юридик ва жисмоний шахсларнинг хизмат хақини тўлаши тиббий хизмат кўрсатувчи нодавлат муассасаларининг молиявий таъминот манбаи ҳисобланади.

Республикада 2003 йилда соғлиқни сақлаш манбалари бўлиб давлат бюджети маблағлари – 95,4%, Ҳомийларни маблағлари – 1,9% пулли хизматлардан тушумлар – 2,7%ни ташкил қилган.

* Соғлиқни сақлаш ишини такомиллаштириш ва «децентрализация» йўли билан бошқаришни ташкил этиш; Бошқариш ва тақсимлаш функцияларини пастки-қуий бўғинга звенога бериш; Тиббиёт вазирлиги бошқаришнинг олий органи сифатида соғлиқни сақлашнинг стратегик масалаларини ҳал қилиш билан шуғулланиши лозим бўлади.

* Республикада соғлиқни сақлашни ислоҳ қилишнинг мухим муаммоларидан бўлиб бу мажбурий тиббий суғурталашга ўтиш масаласидир. Маълумки кўпчилик ривожланган давлатларда тиббий суғурталаш ўз самарасини кўрсатган. Ўзбекистонда бу масалани ҳал қилишда шошма-шошарликка йўл қўймасдан ахолини иқтисодий, демографик, тарихан вужудга келган урф-одатларни эътиборга олиш лозим.

Тиббий суғурталаш механизмини амалда қўллашни таъминлаш мақсадида Давлат фонди ташкил этилади. Шунингдек, ихтиёрий тиббий суғурталаш билан шуғулланувчи хусусий фонdlар шакллантирилади, давлат назорати остида фаолият юритаётган бошқа суғурта ташкилотларига тиббий суғурталаш билан шуғулланишга руҳсат берилади.

* **Соғлиқни сақлаш соҳасида нодавлат ташкилотларнинг шакланиши ва ривожланишини қўллаб-қувватлаш мақсадида давлатимиз янги ташкил топган хусусий тиббий муассасаларни икки йил муддатга барча солиқлардан озод этди.**

Республикада хусусий тиббий муассасаларни шакллантириш мавжуд даволаш-профилактика ташкилотларини давлат тасарруфидан чиқариш ҳисобига ҳам амалга оширилмоқда. Хусусийлаштиришга тендер асосида акциялар савдоси орқали ёки кейинчалик сотиб олиш шарти билан узоқ муддатли ижарага бериш йўли билан эришилмоқда.

Хусусийлаштиришнинг асосий шартларидан бири, давлат томонидан белгиланган ва кафолатланган бепул тиббий ёрдам кўрсатишни таъминлашдан иборат. Бу деган сўз, тиббий муассасалар хусусийлаштирилиши оқибатида худди шу ҳудудда истиқомат қилувчи аҳоли кафолатланган тиббий ёрдамга муҳтож бўлиб қолмайди.

Нодавлат ташкилотлар қаторига халқаро ташкилотлар ва соғлиқни сақлаш мақсадлари учун маҳсулот ишлаб чиқарувчи **қўшма корхоналар ҳам киритилади**.

Республикада **хайр-саҳоват ишлари** билан шуғулланувчи жамғарма ва ташкилотларнинг салмоғи ошиб бормоқда. Бу хусусий тиббий муассасаларни кучли рақобат шароитида ишлашга ундейди. Натижада, бозор муносабатларининг кескин салбий таъсири анча юмшатилади. Соғлиқни сақлаш тизимини ислоҳ этиш ва нодавлат тузилмаларнинг шаклланиб ривожланишига, улар томонидан кўрсатиладиган тиббий хизмат сифатининг юксалишига **хорижий инвесторларни роли ҳам бекиёсdir**.

★ Соғлиқни сақлаш тизимини ислоҳ қилиш давлат дастурига мувофиқ даволашнинг янги интенсив шаклларини қўллаш асосида ошиқча касалхона койкалари сонини қисқартириш назарда тутилган. 1991 йили Республикадаги тиббиёт муассасаларида мавжуд бўлган койкалар сони 260 мингдан ошиқ эди. Соғлиқни сақлашнинг Миллий дастурини хаётга тадбиқ қилиш жараёнида уларнинг сони teng ярмига қисқартирилди ва койка оборотини тезлаштириш ҳисобига уларнинг зарур миқдордаги қисми сақланиб қолинди. Тиббий муассасаларга мурожаат қилган кишиларнинг 25 %игача бўлган қисми узоқ муддат давомида стационар ҳолда даволанар эди. Бу кўрсаткич ривожланган давлатларда 3-4 %ни ташкил қиласи холос.

Дастурга биноан асосий тиббий хизмат бу поликлиникаларда ва кундузги стационарларда бўлиши лозим.

Ўзбекистон Республикаси Вазирлар Махкамаси 2003 йил 2 декабр куни “Аҳолига шошилинч тиббий ёрдам хизматини янада такомиллаштириш чора-тадбирлари тўғрисида” Қарор қабул қилди. Унда республикада соғлиқни сақлаш тизимини ислоҳ қилиш дастури муваффақиятли амалга ошиralаётганлиги қайд қилиниб аҳолига шошилинч тиббий хизмат кўрсатишни ташкил этишини янада такомиллаштириш ва унинг сифатини ошириш, шошилинч тиббий ёрдам тизимини ривожлантириши рағбатлантириш назарда тутилган. Бу қарорга мувофиқ республика шошилинч тиббий ёрдам маркази ҳузурида бюджетдан ташқари шошилинч тиббий ёрдам хизматини қўллаб кувватлаш ва ривожлантириш жамғармаси ташкил этилади. 2004-2005 ўқув йилидан бишлаб “Шошилинч тиббий ёрдам” ихтисослиги бўйича Магистратура очилади.

§ 4. Ўй-жой коммунал хўжалигини ислоҳ қилиш

Коммунал хўжалиги- уй жой хўжалигига хизмат кўрсатиш, уни асраш, сув таъминоти ва канализация, иссиқлик ва газ таъминоти, аҳоли яшайдиган жойларни тозалаш билан шуғулланувчи санитария-техника ташкилотлари, электр, газ ва тақсимловчи тармоқлар, шаҳар хўжалигини ободонлаштириш, саноат, таъмирлаш-курилиш, лойиҳалаш корхоналари, ташкилотлари ва бошқаларни ўз ичига оладиган кўп тармоқли соҳалар йиғиндисидир.

Маълумки, бозор иқтисодиётига ўтгунгача республикада коммунал хизмат кўрсатишни **коммунал хизмат кўрсатиш вазирлиги** ва унинг тегишли вилоятлар, шаҳар, туман, буғинлари амалга оширап эди. Уларнинг фаолият доираси шаҳар ва шаҳарчалар, туман марказлари билан чегараланар эди. Айрим шаҳар ва шаҳарчаларда, қишлоқ жойларда коммунал хизмат кўрсатишни қишлоқ хўжалиги, йирик саноат корхоналари ва ташкилотлари ҳам амалга оширап эди.

Республика коммунал хўжалигига умумий қуввати бир кеча-кундузда 6,3 млн. м³ ичимлик сувни олиш қувватига эга бўлган иншоатлар, 16238 км узунликдаги сув ўтказгич шаҳобчалари ва сув ўтказгичлар, бир кеча-кундузда умумий қуввати 3,4 млн. м³ чиқинди сувларини тозалаш кучига эга бўлган иншоотлар, 5114 км коллекторлар ва канализация шаҳобчалари, 3671 км иссиқлик тармоғи, 16 газ тўлдирувчи станция ва 72 минг км.дан ортиқ газ шоҳобчаларидан фойдаланилади. Йилига истеъмолчиларга 2,1 млрд. м³ ичимлик сув, 36,5 млрд. м³ дан зиёд таббий газ етказиб берилади.

Мустакиллик йилларидаги Ўзбекистонда коммунал хўжалиги йирик соҳага айланди, саноат ишлаб чиқаришининг ривожи ва аҳолининг тез ўсишига боғлиқ холда илдам суратлар билан ривожланди. Қишлоқ жойларидаги аҳоли яшайдиган жойларни обод қилишда лойиҳалаш ишлари йўлга қўйилди, шаҳарчалар, кўплаб экспериментал агрошаҳарлар қурилди.

Ўзбекистон Республикаси Президентининг 1993 йил 15 июлдаги **”Ўзбекистон Республикасида коммунал хизмат кўрсатишни бошқаришни тақомиллаштириш тўғрисида”** ги Фармонига мувофиқ вилоятлар ва Тошкент шаҳрида худудий коммунал хўжалиги ва ундан фойдаланиш бирлашмалари барпо этилди. 1996 йилнинг бошидан бошлаб Республика Коммунал хизмат кўрсатиш визирлиги тизимида қўргина корхона ва иншоот хусусийлаштирилди, коммунал хизмат кўрсатиш корхоналари негизида 20 акциядорик жамияти барпо этилди.

Республика уй-жой фонди жамоат, уй-курилиш кооперативлари, давлат, фуқароларнинг шахсий мулки бўлган уй-жойларни ўз ичига олади. 20-асрнинг 20-йиллари бошларидан Ўзбекистонда давлат йўли билан уй-жой бинолари қурила бошланди. Шаҳар ва қишлоқлarda замонавий европача андозадаги бинолар қад кўтарди. Кейинчалик аҳоли турар жойларини яхшилаш учун кўплаб маблаглар сарфланди. Республикада шахсий уй-жой қурилиш хиссаси катта. Жами уй-жой фонди 300,0 млн. м² дан оши⁰ бўклиб, унинг 42,6% шаҳарларда жойлашган. Шаҳар уй-жой фонди мараказлаштирилган сув таъминоти билан 75%, канализация билан 56,9%, марказлаштирилган иситиш билан 62,6%, газ билан 92,3% таъминланган, уй-жойларнинг 60,4% ваннахоналар билан жиҳозланган.

Ўзбекистон Республикасининг **”Давлат уй-жой фондини хусусийлаштириш тўғрисида”** ги Конунига кўра республикада давлат уй-жой фондини хусусийлаштириш асосан тугалланди. Давлат уй-жой фондининг қарийб 99,0% фуқароларига хусусий мулк қилиб берилди. Умумий майдони 57 млн. м² бўлган 990,6 минг квартира арzon баҳоларда, шу жумладан, 18,87 млн. м² бўлган 318,7 минг квартира бепул (маданият, маориф, соғлиқни сақлаш ходимларига) хусусий мулк қилиб берилди.

Шаҳар, шаҳарча ва туман марказларидаги аҳолини сув билан таъминлаш, шунингдек ичимлик сувининг сифатини яхшилаш мақсадида суткасига 381 минг м³ ичимлик сувни етказиб берадиган водопровод шаҳобчалари қурилиб ишга туширилди, 90-йилларда Туямўйин-Урганч, Туямўйин-Нукус, Учқурғон-Наманган, Дамхўжа ва бошқа сув қувирлари фойдалинишга топширилди. Республикада водопровод тизмининг умумий қуввати бир кеча-кундузда 12,0 млн. м³, кўча водопроводлари якка тармоғи узунлиги 36231,5 км га етди. Аҳоли жон боши ҳисобига

бир кеча-кундузда истеъмол қилинадиган сув шаҳарларда 536,0 л ва қишлоқларда 240,0 л ни ташкил этди.

Ўй-жойларни ободонлаштиришда **канализация** муҳим аҳамиятга эга. Ўзбекистонда археологик қазилмалар даврида айрим йирик шаҳарларда (Самарқанддаги Афросиёб қалъаси, Тошкентдаги Қоратош ҳамоми харобасидан) сопол қувурли канализация қолдиғи топилган. Аҳоли асосан кир ўралар, ҳаниклардан фойдаланган. Канализация-тозалаш иншоотларининг бир кеча-кундуздаги қуввати эса 4,0 млн. м³ дан ошиқни ташкил этади. Канализация-санитария иншоотлари орқали 1,39 млрд. м³ оқава сув ўтказилади.

Мустақиллик йилларида республика шаҳар ва айниқса қишлоқларини **газлаштириш устивор давлат сиёсатига айланди**. Республиkanинг шаҳар, шаҳарча ва қишлоқларида узунлиги 65,2 минг км дан ортиқ якка тортилган газ шоҳобчалари мавжуд. Жумладан 23,9 минг км дан ортиқ ер ости газ қувури, 27,5 минг газ тақсимлаш пункти (шундан 1573 таси кўчмас) ишлаб турибди. 3,38 млн. хонадон табиий газ билан таъминланган, бу умумий хонадонларнинг 70%га яқинини ташкил этади. Биноларни иситиш соҳасида 935 газ билан ишлайдиган буғ қозонлари ва 3671 минг км узунлиқдаги иссиқлик тармоғи ишлаб турипти.

Республика коммунал хўжалигининг яна бир муҳим тармоғи – шаҳар, шаҳарча ва туман марказлари санитария ҳолатини яхшилаш, қаттиқ ва суюқ чиқиндиларни ўз вақтида йиғиш ва уларни чиқинди майдонларига олиб бориш заарсизлантиришdir. Бу хизмат 113 шаҳар, 97 шаҳарчада йўлга қўйилган. Умумий майдони 930 гектар бўлган 173 чиқинди заарсизлантириладиган майдонлар бор. Йилига 11 млн. м³ қаттиқ ва 5 млн. м³ суюқ чиқинди йиғилади ва улар 5 мингдан ортиқ машина ва механизмлар (кўча супурадиган, сув сепадиган, ахлат ташийдиган, канализация ва кир ўраларини тозалайдиган ва бошқалар) орқали чиқиндихонларга ташилади. Йирик шаҳарлар – Тошкент, Андижон, Бухоро, Наманган, Учқўрғон, Фарғона ва бошқаларда маҳсус ихтисослаштирилган автобазалар бор. Коммунал хўжалик тармоғида уй-жойлар, ижтимоӣ, маданий-маиший иншоотлар, муҳандислик тизимларини капитал таъмирлаш корхонали мавжуд. Тармоқдаги саноат корхоналари санитария-техника буюмлари, саноат газ жиҳозлари, ностандарт буюмлар, кичик механизация воситалари ва халқ истеъмоли молларини ишлаб чиқаради. Газ аппаратлари заводи – Тошкентдаги “Газавтоматика”, Фарғонадаги “Газаппаратлар”, Ангрендаги тажриба механика заводларининг маҳсулотлари МДҲ мамлакатларига ҳам чиқарилади.

Республика Президентининг Фармонига асосан (19 декабр 2000 йил) **Республика коммунал хизмат қўрсатиш вазирлиги «Ўзкоммунхизмат» агентлигига айлантирилди**. Бундай қайта қуришнинг асосий максади аҳолига хизмат қўрсатиш тизимидағи ислоҳотларни чуқурлаштириш, ҳамда аҳолига хизмат қўрсатиша ўз-ўзини бошқариш ва маҳаллий давлат органларининг ролини ва жавобгарлигини ошириш ҳисобланади. Худудий коммунал-эксплуатация бирлашмалари вилоят ҳокимиятлари ихтиёрига берилди. Ўзбекистон Республикаси Президентининг «Коммунал хизмат қўрсатиш соҳасидаги ислоҳотларни чуқурлаштиришнинг янги босқичи тўғрисида» 2001 йил 17 апрелда ПФ-2832 сонли Фармони қабул қилинди. Унга мувофиқ уй-жой мулқдорларининг ширкатларини самарали фаолият қўрсатиши учун зарур шарт-шароитлар яратиш, аҳолига қўрсатиладиган коммунал хизматлар сифатини ошириш, коммунал хизматлар хақининг тўлиқ ва ўз вақтида тўланиши юзасидан маъсулиятни кучайтириш масалалари кўриб чи^oилди.

2002 йилнинг 26 февраляда Ўзбекистон Республикаси Президентининг «Уй-жой мулқдорлари ширкатларининг фаолиятини ривожлантириш чора-тадбирлари тўғрисида»ги Фармони чиқди. Унда таъкидланганидек республикада аҳолига коммунал хизмат қўрсатиш тизимидағи иқтисодий ислоҳатлар изчил амалга оширилмоқда. Зарур қонунчилик ва норматив ҳуқуқий база яратилган. Уй-жой мулқдорларининг ширкатларини шакллантириш жараёни фаол давом этмоқда. Уй-жой мулқдорларининг салкам 1400 та ширкатлари ташкил этилган бўлиб, кўп хонадонли жами уй-жой биноларининг 86%ига раҳбарлик қилиш уларга топширилган. Кўрсатилган коммунал хизматларга ҳисоб-китоблар ўз вақтида амалга оширилиши учун колектив маъсулияти тизими яхшиланди. 1991 йилга қадар барпо этилган кўп хонадонли уй-жой биноларини капитал таъмирдан чиқариш дастурлари ишлаб чиқилди.

Ушбу ютуқлар билан бирга уй-жой мулкдорлари ширкатларининг фаолиятида қатор жиддий **камчиликлар ва ҳал этилмаган муаммолар мавжуд**. Хусусан, уй-жой мулкдорлари ширкатларини зуур моддий-техника базаси ночор, уларнинг моддий ресурслар, асбоб-анжомлар билан таъминлашда уларга амалий кўмак ва ёрдам кўрсатиш зарур эди, ҳамда уйлар атрофидаги ер участкаларини қонун йўли билан бириктириб қўйиш каби камчиликлар мавжуд эди. Оқибатда кўпгина уй-жой мулкдорларининг ширкатлари уй-жойларини жорий ҳамда капитал таъмирдан чиқариш, ободонлаштириш ишларини ўз вақтида бажариш учун етарлича маблағга эга эмас эдилар.

“Уй-жой мулкдорларининг ширкатлари тўғрисида” Ўзбекистон Республикаси 1999 йил 15 апрелдаги Қонуни бажарилишини таъминлаш мақсадида уй-жой мулкдорлари ширкатларининг фаолияти учун қулай шароит яратиш, уй-жой фондини сақлаш, таъмирлаш-тиклаш ишларини ўз вақтида ўтказишда, уй-жойлар атрофидаги худудни ободонлаштиришни яхшилашда мазкур ширкатларнинг ролини ошириш, шунингдек уларнинг моддий-техникавий ва молиявий базасини мустаҳкамлаш чора-тадбирлари ишлаб чиқилди. Масалан, Уй-жой мулкдорларининг ширкатлари хизматлар кўрсатишдан тушадиган даромадлардан 2007 йилга қадар барча турдаги солиқлар ва бюджетга йигимлар тўлашдан озод этилди ва бунинг натижасида бўшайдиган маблағлар айланма маблағларни тўлдиришга, уй-жой мулкдорлари ширкатларининг моддий-техника базасини мустаҳкамлашга, уй-жой биноларини таъмирлашга, худудни ободонлаштиришга йўналтириладиган бўлди.

§ 5. Аҳолига майший хизмат кўрсатиш тармоғини қайта қуриш

Майший хизмат кўрсатиш. миллий иқтисодиётнинг ўзига хос соҳаларидан биридир. Ҳозир Ўзбекистон Республикаси аҳолисига майший хизмат кўрсатиш хизматининг ўз анъаналари ва тарихига эга бўлган тизими шаклланган. Майший хизмат соҳасида 130,0 минг киши ёки республика иқтисодиёт тармоқларида банд бўлган жами ишчи ва хизматчиларнинг 8%дан кўпроғи ишлайди. Республикада 60,0 мингдан ошиқ модалар ательелари, салонлар, қабул пунктлари ишлайти. Аҳолига майший хизмат кўрсатиш истеъмолчилар билан бажарувчилар ўртасидаги муносабатдир. Бу муносабатларни тартибга солиш учун Республика Вазирлар маҳкамасининг қарори билан Ўзбекистон Республикаси аҳолисига майший хизмат кўрсатиш қоидаларини ишлаб чиқилди ва тасдиқланди.

Тизим корхоналари аҳолига 800дан ортиқ хизмат турини кўрсатади. Улар пойафзал, кийим кечак, трикотаж буюмларини якка тартибда тикиш, тўқиши ва таъмирлаш, радиотелевизион аппаратуралар, рўзгорда ишлатиладиган асбоблар, метал буюмларини тузатиш ва ясаш, шахсий транспорт воситаларига техник хизмат кўрсатиш ва таъмирлаш, мебелларни таъмирлаш, кийимларни кимёвий усулда тозалаш ва буяш, кир ювиш, суратга олиш, хамом, сартарошлиқ хизматлари, рўзгор буюмларини ижарага бериш, транспорт хизматлари, уйжойлар қуриш ва таъмирлаш хизмати, боғ ва полизларда қишлоқ хўжалиги ишларини бажариш хизмати ва бошқа шунга ўхшашиб ишларни бажаради.

Аҳолига майший хизмат кўрсатиш корхоналари давлат, жамоа, кооператив, шахсий, акциядорлик қаби турлича мулк шаклларига асосланган корхоналардан иборат.

Майший хизмат кўрсатиш корхоналарида ҳар йили аҳолига хизмат кўрсатишнинг 150 дан ортиқ тури ва усуллари жорий қилинди. Барча хизмат турларининг сони қарийб 800 га етди. Лекин аҳолига майший хизмат кўрсатиш аҳолининг ўсиб бораётган талабини етарлича қондира олмади. Республиканинг кўплаб қишлоқларида майший хизмат кўрсатиш талаб даражасидан жуда узоқ эди.

Аҳолига майший хизмат кўрсатишни янада такомиллаштириш мақсадида 1992 йил апрел ойида аҳолига майший хизмат кўрсатиш корхоналари ва ташкилотлари уюшмаси - “Ўзмаишийхизматуюшма” тузилди. Тизим тармоқларини бозор муносабатларига ўтказиш учун майший хизмат кўрсатиш корхоналарини давлат тасарруфидан чиқариш – уларни ижарага, аҳолига шахсий мулк қилиб бериш ҳамда акциядорлик корхоналари ва кооперативларни тузиш босқичма-босқич амалга оширилди. Айни вақтда мулкчиликнинг аралаш шаклларига асосланган корхоналар ҳам барпо этила бошланди.

1992-95 йилларда майший хизматга қарашли жами 12587 корхона хусусийлаштирилиб, 29 ижара корхонаси, 13 акциядорлик жамиятлари, 565 жамоа корхонаси, 527 шахсий корхона ташкил топди, 4 мингга яқин шахс якка тартибда меҳнат фаолияти билан шугулланишга ўтди. Шаҳар ва қишлоқларнинг гузарларида 474 савдо-майший мажмуналари ташкил этилди, майший хизматнинг 218 хил янги шакл ва усуллари ишлаб чиқаришга жорий этилди. 1996 йил бошларига келиб, “Ўзмаишийхизматуюшма”га қарашли барча давлат корхоналари хусусийлаштирилди ва улар турли мулкчилик шаклларидаги корхоналарга айлантирилди, айрим корхоналар зарурат тақозоси билан **кўнгилли ассоциацияларга, концернларга бирлаштирилди**. Корхоналарни давлат назоратидан чиқариш базан шошилинч амалга оширилганлиги туфайли Республика вилоятларининг яримида майший хизмат уюшмалари тарқаб кетди. Майший хизматга бўлган аҳолини талабини қондириси мақсадида Ўзбекистон Республикаси Вазирлар Маҳкамаси 1995 йил 12 октябрда “Аҳолига майший хизмат кўрсатиш корхоналари фаолиятини барқарорлаштириш чора-тадбирлари тўғрисида” Қарор қабул қилди. Унга кўра тармоқнинг вилоят ва туман тузилмалари қайтадан тикланди. Барча вилоят марказларида, туманларда ва шаҳарларда майший хизмат соҳасидаги кичик, хусусий ва ўрта бизнесни мувофиқлаштириш ва қўллаб-куватлаш уюшмалари тузилди. Республика Вазирлар Маҳкамасининг 1997 йил 17 сентябрдаги Қарори билан аҳолига майший хизмат кўрсатиш соҳасини марказдан туриб бошқаришни тугатиш ва рақобат мухитини мустаҳкамлаш, майший хизмат корхоналари ва маҳаллий бошқарув органларининг хўжалик мустақиллигини ошириш мақсадларида “Ўзмаишийхизматуюшма” тугатилди. Аҳолига майший хизмат кўрсатиш

ишлиарини худудий (вилоят) уюшмалари, майший хизмат кўрсатувчи тадбиркорлар туман (шаҳар) уюшмалари бошқаради. Республикада аҳолига майший хизмат кўрсатишни ривожлантиришни 1996-2000 йилларга мўлжалланган дастури ишлаб чиқилди ва муваффақиятли бажарилди.

Ўзбекистон Республикаси аҳолига майший хизмат кўрсатиш соҳасидаги чет эл инвестициясини жалб қилиш, янги ишчи ўринларини ташкил этиш мақсадида чет эл фирмалари билан қўшма корхоналар ташкил этилди. Ҳозирда Ўзбекистон – Туркия қўшма корхонаси “Шуҳрат” (Эркаклар ички трикотаж кийимлари), Ўзбекистон – Афғонистон қўшма корхонаси “Имкон” (пойабзал ишлаб чиқариш), Корея республикаси, Германия (“Аг Велла” фирмаси), Туркия, Югославия (“Лореаль”, “Легеран”, “Пьер Карден”, “Обреме”, “Филлипс” фирмалари) билан алоқалар ўрнатилган.

Ўзбекистон Республикаси Президентининг 1997 йил сентябрдаги «Аҳолига майший хизмат кўрсатиш тизимида ислоҳотларни чуқурлаштириш хақида»ги Фармонига асосан «Ўзмайшийхизматуюшма» тугатилди. Бундан кўзланган мақсад аҳолига хизмат кўрсатиш соҳасини бошқаришда маҳаллий ҳокимият органлари ва корхоналарни мустақиллигини ошириш ва бу соҳада рақобатчилик муҳитини мустаҳкамлаштирди.

Аҳолига майший хизмат кўрсатишни худудий уюшмалари вилоят ва туман (шаҳар) ҳокимиятлари ихтиёрига берилди.

Ҳозир Республикада аҳолига майший хизмат кўрсатишни унинг доимий яшаш ва ишлаш жойига яқинлаштириш, майший хизмат кўрсатиш турларини кенгайтириш, сифатини яхшилаш борасида катта ишлар қилинайти. Майший хизмат кўрсатиш ишларига саноат корхоналари, қурилиш ташкилотлари, фермер ва дехқон хўжаликлари жалб қилинган. Бу ўз навбатида қишлоқ жойларидаги майший хизмат кўрсатиш тармоқларини кенгайтириш имконини беради.

Таянч иборалар

- *Ижтимоий сиёсат*
- *Ижтимоий соҳа*
- *Таълим тизими*
- *Таълим соҳасидаги Давлат сиёсати*
- *Таълимни узвийлиги ва узлуксизлиги*
- *Кадрлар тайёрлаш миллий дастури*
- *Академик лицей*
- *Касб-ҳунар коллежи*
- *Бакавиатура*
- *Магистратура*
- *Соғлиқни сақлаш тизими*
- *Тиббий хизмат*
- *Аралаш ва хусусий молиялаштириши*
- *Хорижий инвесторлар*
- *Шошилинч тиббий ёрдам*
- *Коммунал хўжалиги*
- *Узкоммуналхизмат*
- *Уй-жой мулкдорлари ширкати*
- *Майший хизмат кўрсатилиши тизими*
- *Ўзмайшийхизматуюшма*

Ўз-ўзини текшириши учун саволлар

1. *Ижтимоий тармоқлар мажмуу түгристердеги нима дея оласыз?*
2. *Ижтимоий сиёсат тушунчалыктың қандай түшүнчеси?*
3. *Ижтимоий соҳадаги истроҳоттардың вазифалари қандай?*
4. *Таълим тизими ўз ичига нималарни олади?*
5. *Таълим түгристердеги қонун нима дея оласыз?*
6. *Таълим тизимини истроҳ қилиши зарурияты нима?*
7. *Таълим соҳасидаги давлат сиёсатининг асосий принциптери қандай?*
8. *Кадрлар тайёрлаш Миллий дастурини мақсади ва вазифалари нималардан иборат?*
9. *Кадрлар тайёрлаш Миллий дастурида белгиланган таълим турлари қайсилар?*
10. *Мактабгача таълим тизими моҳияти нимада?*
11. *Умумий ўрта таълим тизими моҳияти нимада?*
12. *Ўрта махсус, касб-хунар таълимни тизими моҳияти нимада?*
13. *Академик лицей тизими моҳияти нимада?*
14. *Касб-хунар коллежи тизими моҳияти нимада?*
15. *Олий таълим тизими моҳияти нимада?*
16. *Бакалавриатура түгристердеги тушунчангиз?*
17. *Магистратура ҳақида тушунчангиз?*
18. *Олий ўқыуу юртдан кейинги таълимни қандай түшүнчеси?*
19. *Кадрлар малакасини ошириши ва уларни қайта тайёрлаш түгристердеги нима дея оласыз?*
20. *Мактабдан ташикари таълимни қандай түшүнчеси?*
21. *Кадрлар тайёрлаш Миллий дастурини рүйөсбети чиқарышы вазифалари қандай?*
22. *Миллий дастурни рүйөсбети чиқарышы боскүчлери ва вазифалари түгристердеги нима дея оласыз?*
23. *Кадрлар тайёрлаш тизимини ривожлантиришининг асосий йүналишлари қайсилар?*
24. *Соғлиқни сақлашып тизими түгристердеги тушунчангиз?*
25. *Соғлиқни сақлашынинг асосий принциптери қайсилар?*
26. *Соғлиқни сақлашып тизимини истроҳ қилиши давлат дастури*
27. *Коммунал ҳүжалигы нимани түшүнчеси?*
28. *Республика уй-жой фонди түгристердеги тушунчангиз қандай?*
29. *Давлат уй-жой фонди қандай хүсусийлаштырылади?*
30. *Уй-жой мулкдорларининг ширкатлари түгристердеги нима дея оласыз?*
31. *Ахолига майилий хизмат күрсатышы нима дея оласыз?*
32. *Ахолига майилий хизмат күрсатышы турлари қандай?*
33. *Ахолига майилий хизмат күрсатышы соҳаси қандай истроҳ қилинади?*

Адабиётлар:

1. *И. Каримов.* Ўзбекистон XXI асрга интилмоқда. Тошкент. Ўзбекистон, 1999 йил. 15-19 бетлар.
2. *И. Каримов.* Ўзбекистон: Миллий истиқлол, иқтисод, сиёсат, мағкура. Тошкент. Ўзбекистон, 1996 й. 202 бет.
3. *И. Каримов.* Ўзбекистон XXI аср бўсағасида: хафвасизликка таҳдиð, барқарорлик шартлари ва тараққиёт кафолатлари. Тошкент. Ўзбекистон, 1997 й. 1-63 бет.
4. *И.А.Каримов.* “Эришган мэрраларимизни мустаҳкамлаб, ислоҳотлар йўлидан изчил бориши- асосий вазифамиз” мавзусида 2004 йил 7 февралда бўлиб ўтган Республика Вазирлар Маҳкамаси мажлисидаги маъruzаси. Халқ сўзи газетаси, 2004 йил 10 феврал.
5. Баркамол авлод-Ўзбекистон тараққиётининг пойдевори. Тошкент. «Шарқ» 1997 йил. 1-63 бетлар.
6. Ўзбекистон Республикаси Вазирлар Маҳкамасининг 2001 йил 18 апрел 178-сонли «Аҳолига коммунал хизмат кўрсатишни тақомиллаштиришига доир қўшимча чора-тадбирлар тўғрисида»ги Қарори. Ўзбекистон Республикаси Молиявий қонунлари №б. 2001 йил, 7-34 бетлар.
7. «Ўзбекистон Республикасининг соғлиқни сақлаш тизимини ислоҳ қилиши Давлат дастури тўғрисида» ги Ўзбекистон Республикаси Президентининг Фармони. 1998 йил 10 ноябр, ПФ №-2107.
8. Ўзбекистон Республикаси Вазирлар Маҳкамасининг Қарори “Аҳолига шошилинч тиббий ёрдам хизматини янада тақомиллаштириши чора тадбирлари тўғрисида” Халқ сўзи. 3 декабр, 2003 йил.
9. «Меҳнат ва аҳолини ижтимоий муҳофаза қилиши вазирлигини ташкил этиши тўғрисида» ги Ўзбекистон Республикаси Президентининг Фармони. 2001 йил 13 феврал.
10. Ўзбекистон Республикаси аҳолисига майший хизмат кўрсатishi қоидалари. Ўзбекистон Республикаси Молиявий қонунлари. №9-2 қисм, 1998 йил 7-15 бетлар.
11. С. ғуломов ва бошқалар. Мустақил Ўзбекистон. Тошкент. Тошкент Ислом университети, 2003 йил. 75-96 бетлар.
12. Региональная экономика под ред. Н. Г. Кузнецова и С. Теглова, изд. Феникс Ростов-на-Дону 2001 г. 219-279 бетлар.

9-боб. Тадбиркорлик, хусусийлаштириш ва мулкни давлат тасарруфидан чиқариш

- § 1. Тадбиркорлик. Унинг моҳияти, шакллари ва аҳамияти.
- § 2. Ўзбекистонда хусусийлаштириш жараёнларининг ўзига хос томонлари ва босқичлари.
- § 3. Акциялаштириш–хусусийлаштиришнинг асосий йўналишидир.
- § 4. Ўзбекистонда иқтисодий ислоҳотларнинг иккинчи босқичида хусусийлаштиришни чуқурлаштиришнинг асосий вазифалари.

§ 1. Тадбиркорлик. Унинг моҳияти, шакллари ва аҳамияти

Бозор иқтисодиёти бизнесга асосланган иқтисодиётдир. Бизнес бирор иш юзасидан бўлган ишбилармонларнинг иқтисодий муносабатидир. Бизнес билан шуғулланувчиларни ишбилармонлар ёки бизнесменлар деб юритадилар (инглизча business – иш, man - одам).

Бизнес муносабат сифатида бир қатор белгиларга эга: бизнесчилар ўз манфаатига эга, фойда олишга интилади-лар, хатарли ишга қўл уришга тайёр, ташаббускор, ишнинг сиру асрорларини биладиган, ўзаро иқтисодий алоқалар маданиятини эгаллаган бўладилар, уларнинг алоқалари ҳамма иштирокчилари учун наф келтиради. **Бизнес – бу рухсат этилган, жамият аъзоларига наф келтирувчи фаолият билан шуғулланиб, пул, даромад топишни билдиради.**

Бизнес кенг маънодаги қонуний йўл билан даромад топишга қаратилган фаолиятдир. Маданийлашган бозор иқтисодиёти пул топишнинг ғайри қонуний усулларини тан олмайди. Шу боисдан қаллоблик, товламачилик, порахўрлик, ўғирлик, фоҳишалик, тиламчилик, босқинчилик, наркотик моддалар билан шуғулланиб пул топиш кабиларни ҳақиқий бизнес деб аташ мумкин эмас. Ман этилган йўллар билан даромад топишни бизнес муносабати инкор этади. Аммо ижтимоий ҳаётда ғайри қонуний йўл билан пул топиш учраб туради, лекин бу бозор муносабати қонунлари билан боқлиқ эмас. Бизнес ишбилармончилик муносабати сифатида ўз иштирокчиларига эга. Улар жумласига:

- якка тартибда бизнес билан шуғулланувчи кишилар, тадбиркорлар жамоаси ва уюшмаси;
- якка истеъмолчилар, истеъмолчилар бирлашмалари;
- давлатнинг иқтисодий идоралари киради.

Бизнеснинг энг асосий жиҳати тадбиркорликдир. **Тадбиркорлик бизнеси** – бу маҳсулот ишлаб чиқариш ёки хизматлар кўрсатиш орқали даромад топишни кўзловчи фаолиятдир. Шунга кўра у ишлаб чиқариш, хизмат кўрсатиш, тижорат иши ва тижоратда воситачилик қилишни ўз ичига олади.

Бизнесга бозор орқали талаб-эҳтиёжни қондирувчи фаолият ҳам киради. Истеъмолчилар (харидорлар)нинг бизнесда иштирок этишдан манфаати товар ва хизматларни сотиб олишларидир. Тадбиркорлик бизнесидан фарқлироқ истеъмолчи бизнесида ҳамма фуқаролар қатнашади, уларнинг талаб-эҳтиёжларини бозор орқали қондирни зарурати фаол тадбиркорликни талаб қилади.

Тадбиркорларнинг ўзлари: биринчидан, инсон сифатида ҳаёт кечириш учун истеъмолчи бизнесига киришадилар; иккинчидан, улар ишлаб чиқарувчи сифатида ресурсларни харид этиб ишлатадилар, ўз товарини сотадилар. **Тадбиркорлик бизнеснинг бир қисми, у товарлар ишлаб чиқариш ва хизматлар кўрсатиш йўли билан даромад топишидир.** Бизнесга тадбиркорликдан ташқари бошқа йўл билан, масалан, пул ёки қимматбаҳо буюмларни банкка қўйиб, даромад топиш ёки ерни изярага бериб пул топиш кабилар ҳам киради, лекин бу фаолият соҳаларида яратувчилик йўқ, яъни ҳеч бир нарсани яратмай, у бойлиқдан бойлик ундиришдан иборат, холос.

Бизнес муносабатининг иккита асосий талаби бор: **Биринчидан**, бизнес иштирокчилари суверинитетга, мустақиллик, эркинликка эга бўлишлари шарт. Аммо бу бизнес субъектларининг мустақиллиги билан чекланмайди, балки ҳар бир субъектнинг бошқа субъект, яъни ўзи алоқа қиласиган субъект манфаатлари билан

хисоблашиш, унинг ниятларини ва хатти-ҳаракатларини билиш ва тўғри тушунишни ҳам талаб қиласди. Бошқаларни назар-писанд қилмаган ерда ҳақиқий бизнес бўлмайди. Субъектларнинг бизнес юзасидан бўлган муносабатлари белгиланган тартиб-қоидалар доирасида бўлади ва буни давлат назорат қиласди. **Иккинчидан**, бизнес алоқаларидаги субъектлар манфаатларининг муросали муносабатда бўлиши талаб қилинади. Муроса иш юзасидан бир-бири билан алоқа қилувчилар ўзаро мажбуриятларини канда қилмай бажаришларини, хатти-ҳаракатлари ҳар икки томонга зарар келтирмаслигини уларнинг суверинитетини бузилмаслигини тақозо этади.

Бозор иқтисодиётининг асосини тадбиркорлик ташкил этади. Тадбиркорлик иқтисодиётнинг ҳаракатга келтирувчи кучи ҳисобланади.

Тадбиркорлик-кишиларнинг моддий ва пул маблағларини амалда хўжалик оборотига тушириб, даромад топиш мўлжалланган иқтисодий фоалиятидир. Тадбиркорлик, умуман пул топиш эмас, **балки яратувчилик фаолияти орқали даромад олишни билдиради.** Пул топиш ёлланиб ишлаш, ерни ижарага бериб рента олиш, пулни банкка қўйиб процент олиш орқали ҳам бўлади. Аммо улар тадбиркорликка кирмайди.

Тадбиркорлик мавҳум нарса эмас, балки аниқ мақсадга қаратилган фаолият аниқ шахслар хатти-ҳаракатида намоён бўлади. **Тадбиркорлик иши билан шуғулланувчи шахслар тадбиркор ёки ишбилармон деб юритилади.** «Ўзбекистон Республикасида тадбиркорлик тўғрисида»ги қонунга кўра «Тадбиркорлик — мулкчилик субъектларининг фойда олиш мақсадида таваккал қилиб ва мулкий жавобгарлиги асосида амалда конунлар доирасида ташаббус билан иқтисодий фаолият қўрсатишидир». Тадбиркорлар синфи эркин бозор иқтисодиётiga таянган демократик жамиятдаги **ўртанча синфдир**. Улар иқтисодий фаол гурух ҳисобланади. Ўртанча синф икки кутбдагилар- бойлар ва камбағаллар ҳисобидан ортиб боради. Бу тоифа ўртача мавқега эга, унинг вакиллари ҳам ўз бизнесига, мулкига эга, аммо айни вақтда ўзлари ҳам ишлайдилар. Улар ўзига тўқ гурух, шу сабабли жамиятда социал кескинлик чиқармайдилар, синфий кураш ва революцияга мойил бўлмайдилар. Улар ўз табиати билан гибрид, яъни чатишилган социал табақадир. Тадбиркорлар синфи турли тоифадаги ишбилармонлардан иборат бўлади.

Бозор иқтисодиётiga ўтиш даврида **тадбиркор-ишбилармонларнинг қўйдаги гурухлари пайдо бўлади:**

- 1.Майда ишлаб чиқариш билан банд бўлгач ишбилармонлар; улар одатда **якка тартибда фаолият қўрсатувчилар деб юритилади**.
2. Интеллектуал мулк соҳиблари **ақлий-ижодий меҳнат** билан шуғулланувчи кишилар.
3. **Фермерлар, томорқа хўжалиги соҳиблари, дала ховли эгалари.**
4. Жамоа ва акционерлар мулкининг биргаликдаги эгалари.
5. Ўз корхонасига эга, ўзгаларни ёллаб ишлатувчи мулк соҳиблари.

Айтилган тоифалар тадбиркорлик фаолиятининг субъекти, улар ўзаро муносабатда бўладилар.

Тадбиркорлик мулкий муносабатлар доирасида юз беради. Мулкчилик турли-туман бўлганидан тадбиркорлик ҳам бир хил эмас. Уни хусусий фаолият билан чеклаб бўлмайди. **Хусусий тадбиркорлик билан бир қаторда жамоа, индивидуал-оилавий, давлат, аралаш (қўшма) тадбиркорликлар ҳам бўлади.** Тадбиркарлик турли мулк қоришмасига таяниши мумкин. Масалан, акционер жамият доирасидаги тадбиркорликда, хусусан, жамоа, давлат ва хорижий капитал қатнашиши мумкин. Тадбиркорлик ривожланган жамиятда мулк эгалари кўпайганидан мол-мулкни талон-тарож қилгандан кўра, уни авайлаш ва кўпайтириш иқтисодий жиҳатдан ҳамма учун маъқул бўлади.

Тадбиркорликнинг **муҳим белгилари ёки амал қилиш принциплари қўйидагича:**

1. Мулкий муносабатларнинг иштирокчиси бўлиш ишлаб чиқариш омилларининг барчасига ёки баъзи бирига ва **яратилган товарларга эгалик қилиши**.
- 2 **Иқтисодий эркинлик, хўжалик фаолияти турини танлаш**, уни ресурслар билан таъминлаш, олди-сотди ишларини юритиш, ишлаб чиқаришни бошқаришда эркинлик.

3. Иқтисодий хатти-харакатлар учун масъулиятни ўз зиммасига олиш; иш натижасига жавоб бериш, таваккал қилиб иш юрита олиш, иқтисодий хатарли ишга қўл уриш

4. Фойда олишга интилиш; фойдага эришиш чора-тадбирларини кўриш, олинган фойдани ўз билганича ишлатиш.

5. Тижорат сирига эга бўлиш; бизнесга оид ва ўзгаларга ошкор этилмайдиган маълумотларни сир тутиш.

6. Ракобат курашида катнашиш; бозорда амал қилувчи қоидаларга риоя этган ҳолда халол рақобатда қатнашиб, унинг ғирром, ёввойи усууларидан воз кечиш.

7. Ҳалоллик билан иш юритиш, қаллоблик, ғирромлик ва алдамчиликка мойил бўлмаслик. Обрў (имиж)га эга бўлиш, бошқаларга ишониш ва бошқалар ишончини қозониб ётибор орттириш, фирма номини эъзозлаб, унга путур етказмаслик, фирмани обрўсизлантирмаслик.

Тадбиркорлик деганда унинг ўтмишдаги қўпол ёввойи шакллари эмас, балки замонавий турлари, яъни маданийлашган шакллари ҳақида гап кетади. **Ҳозирги замон тадбиркори ЭНГ аввал бозорни талағор товарга тўйдира оладиган товар ишлаб чиқарувчидир.** У янгиликни жорий эта оладиган, ишлаб чиқариш омилларидан оқилона фоидаланиб, иқтисодий ўсишни таъминлайдиган, ўзининг ва ўз жамиятининг бойлигини ошира оладиган, кишиларнинг фаровонлигига ҳисса. қўша оладиган бўлиши зарур.

Савдо-сотиқдаги тадбиркорликдан фарқ қилган ҳолда ишлаб чиқаришдаги **тадбиркорлик нисбатан йирик капитал, узоқ вакт, катта тажриба, кенг ва чуқур билимлар, бошқариш маҳорати ва малакали иш кучини талаб қиласди.** У серкапитал, серхатар бўлади ва ниҳоят катта тоқат талаб қиласди. Масалан, савдода 1 млн. сўмлик оборот қилиш учун 100 минг сўм оборот капитали ва бир ой муҳлат етарли бўлса, саноатда 1 млн. сўмлик маҳсулот яратиш учун 2—3 млн. сўмлик капитал ва 3—4 ой вақт кетиши мумкин. Ишлаб чиқариш тадбиркордан нафақат иқтисодий, балки техникавий ва бошқариш билимларини талаб қиласди.

Тадбиркорлик **инновация** фаолияти тарзига кирса, яъни техника ва **технология янгиликларини жорий этиш** билан боғлиқ бўлса, иқтисодий, ўсиш тезлашади. Инновация туфайли меҳнат унуми ўсади, янги товарлар пайдо, бўлади, бозор янада тўйинади. Аммо инновацион тадбиркорлик учун илмий-техникавий ишланмалар, яъни патент, лицензия, ноу-хау бозори эркин ва байнамилал миқёсда амал қилиши шарт. **Тадбиркорлик юзага чиқиши учун жамиятда иқтисодий эркинлик бўлиши шарт, яъни чекланмаган бозор, эркин нарх-наво, кредит, инновация, экспорт-импорт эркинлиги талаб қилинади.** Тадбиркорлик ривожи учун эркинлик молиявий алоқаларни ҳам қамраб олиши керак.

Тадбиркорлар ҳоҳлаган банкини танлаб иш қўради, бир неча банкда ўз хисоб вараги (счёти)ни очиши, ўз пул маблағларини ўз билганича ишлатиши, ўз маблағини нақд пул қилиб ёки нақт пулсиз счётдан-счётга кўчириб олиши мумкин. Тадбиркор қонуний фаолият билан шуғулланганда унинг молиявий ишларига хеч ким аралашишга ҳакли эмас. **Тадбиркор бюджет билан ҳам эркин алоқада бўлади. Белгиланган солиқ суммасини бюджетга тўлайди; бюджетдан тегадиган пулни ўзи ўзлаштиради.** У ҳоҳлаган молиявий компания ёки ташкилот фаолиятида иштирок эта олади. Тадбиркорлик учун қулай муҳит — бу ягона иқтисодий майдоннинг, жумладан, ягона пул майдонининг мавжуд бўлишидир. Иқтисодий майдонда корхона эркин иш Тутиши, иқтисодий битимлар тузা олиши шарт. Бу ерда товарлар, капиталлар ва иш кучи эркин ва чекланмаган ҳолда кўчиб юра олиши керак, янги ишлаб чиқариш ресурслари ҳар томонга қараб эркин оқа олиши керак. Иқтисодий алоқалар пул ва бозор оркали амалга ошади, бартер эмас, ҳақиқий олди-сотди амал қиласди. Олди-берди бўйича хисоб-китоблар ягона валюта билан килиниб, у эркин муомалада алмаштириладиган бўлмоғи зарур. Ягона иқтисодий майдонда тадбиркорлик учун бир хил ишлаб чиқариш инфраструктураси хизматлари кўрсатилади. Бу ерда нарх ва тарифларнинг ташкил топиш қоидалари ҳам бир хил бўлади. Ягона иқтисодий майдоннинг доираси ҳар хил бўлиши мумкин.

Тадбиркорлик билан миллионлаб кишилар банд бўлганидан уни хеч қачон бир марказдан бошқариб бўлмайди. Шуниси муҳимки **тадбиркорликни иқтисодий механизм**

тартибга солади. **Унинг муҳим хусусияти ўзини-ўзи бошқариш ва муниципиал-маҳаллий ҳокимият доирасида бошқаришdir.** Бундай бошқариш усуллари иқтисодий федерализм деб юритилади. Иқтисодий федерализм шароитида ҳалқаро, миллий ёки ҳудудий миқёсда тадбиркорликнинг у ёки бу кўриниши устивор ривожланади. **Очиқ иқтисодий зоналарда хорижий тадбиркорлик** ва қўшма-аралаш тадбиркорлик, ички ҳудудларда, ва **йирик саноат марказларида** миллий саноат тадбиркорлиги, қишлоқ ерларида агротадбиркорлик, дам олиш ва туризм ҳудудларида сервис тадбиркорлиги (хизмат кўрсатиш) ривож топади. Тадбиркорликнинг мулкий шакллари ҳам ҳар хил салмоққа эга бўлади. Саноат-савдо марказларида йирик бизнес, давлат тадбиркорлиги кенг ривожланади. Майда шахарларда кичик бизнес, қишлоқ фермер хўжаликлари таркалади, майда ҳудудий бўғинларда **оилавий-ивидивидуал ва маҳалла, жамоа тадбиркорлигига шароит қулай бўлади.**

Тадбиркорлик ўз-ўзидан давлат иштирокисиз, унинг ёрдамисиз ривож топмайди. Давлат солиқ, субсидиялар, экспорт имтиёзлари, ўзининг ахборот хизматлари орқали, шунингдек, ўз ҳисобидан **бепул умумий таълим бериш орқали тадбиркорликни қўллаб-қувватлайди.** Тадбиркорлик **юридик жиҳатдан** кайд этилади, унинг шарт-шароити, қонун-қоидалари, **ҳақ-ҳуқини** белгиловчи, давлат ва жамоатчилик **томонидан ҳимоя қилиниши ва кафолатланишини таъминловчи қонунлар амал қиласи.** «Ўзбекистон Республикасида тадбиркорлик тўғрисида»ги қонунда тадбиркорларга ўз мол-мулкидан фойдаланиш эркинлиги, махсулотларни тақсимлаш мустақиллиги, ҳукуқий тенглик, ихтиёрий ишга ёллаш, чекланмаган даромад олишга имкони кафолатланади. Одатда тадбиркорлар қонунлар ман этмаган ҳар қандай фаолият - билан шуғулланишга ҳақли бўлади. Тадбиркорлик фаолияти мавхум бўлмай, аниқ, очик-ойдин ишда, яъни турли-туман фирмалар, компаниялар ва корхоналар ишида ўз ифодасини топади.

Тадбиркорликнинг ўз ахлоқий қоидалари бор, улардан энг муҳими ҳалоллик ва ҳаромдан ҳазар қилишdir. Бу қоида ислом таълимотида қўлланиши шарт деб билинади. Аллоҳ таоло Қуръони Каримда «ҳалол ва покиза нафақа енглар ва солиҳ ишлар бажаринглар» деб буюрган. **Ҳадиси шарифлардан бирида пайғамбаримиз «ҳалол нафақа билан таъминлаш ҳар бир мусулмон учун фарздири»** - деганлар. Ислом таълимотига кўра меҳнатсиз қўлга киритилган луқма ҳаромдир. Тадбиркорлар ҳам ўз риску насибасини ҳалол меҳнат билан топишлари шарт, ҳалоллик — имижга эга бўлишни кафолатлайди.

Тадбиркорликни **йўлга қўйишнинг қўйидаги учта муҳим шакли бор: якка ҳолда тадбиркорлик қилиш, ширкат ва корпорация (кооператив).**

Якка ҳолда тадбиркорлик қилиш энг оддий шакл бўлиб, бунда бошқарув ишларини бир одам олиб боради, лекин бу барча ишни бир одам бажаради дегани эмас. Якка ҳолдаги тадбиркорликка асосланган корхонада жуда кўп **ёлланган ишчилар меҳнат** қиласидаган жойлар бор. Агар ишни бир киши олиб борса, демак, у соҳибкор хисобланади. Соҳибкор назорат қиласи, бутун маъсулиятни ўз зиммасига олади ва тушган даромадни ҳисоблаб туради. Тадбиркорликни йўлга қўйишнинг мазкур шакли бир қанча **афзалликларга эга.** Бунда тадбиркор тижорат фаолиятини ҳеч бир **шартномасиз,** фақат ўз қарорига кўра бошлиши мумкин. Унинг ўзи қабул қиласидаган қарор **шахсий қарор** бўлиб, у шерикка ҳам, директорлар кенгашига ҳам боғлиқ бўлмайди. Бундан ташқари тадбиркор фақат ўз қарори учун жавоб беради ва шунга асосланиб иш тутади.

Ширкатчилик ҳам тадбиркорликни йўлга қўйишнинг оддий шаклидир. Бироқ у кўпроқ қонун йўли билан бошқариб турилади. Бундан ташқари шериклар ўртасида; муаммолар, ҳудди учинчи томон билан шерикларнинг ўзаро муносабатлари муаммолари сингари вужудга келади.

Тадбиркорликнинг корпорация шакли, «корпорация» деган сўз Америка ҳукуқшунослигига кенг қўлланилади. АҚШда корпорациялар ўртасида, шунингдек шахслар, муассасалар, бир ёки бир кеча кишининг хошиши билан ўз олдиларидағи мақсадга эришиш учун тузилган ва одатда тадбиркорлик тусида бўлмаган идоралар ўртасида фарқ бор деб ҳисобланмайди. Кенг маънода олганда АҚШда муайян давлат вазифаларини амалга оширадиган муниципиал ташкилотлар, фойда олишни мақсад қилиб қўйган диний жамоалар,

илмий, ўқув, маданий, тиббиёт муассасалари ва тижорат компаниялари корпорациялари мавжуд.

Республика тўлиғича мустақил бўлиши учун иқтисодий мустақилликка эга бўлиши ва тадбиркорликни кенг кўламда ривожлантириши шарт. Бунга эса осонликча эришиб бўлмайди, чунки мерос бўлиб қолган иқтисодий муносабатлар бу ишда тўғаноқ бўлиши табиий. Шундай бўлсада, тадбиркорликни ривожлантириш, мулкни давлат тасарруфидан чиқариш ва хусусийлаштириш республикамизда иқтисодиётни тез ривожлантириш имкониятини яратади.

Тадбиркорликни ривожланиши чет эл инвестицияларининг кириб келиши учун шарт-шароитлар мавжуд бўлишини тақозо қиласди, аҳоли тадбиркорлик йўлларини улардан ўрганади.

Хусусий тадбиркорлик фаолиятини ҳар томонлама рағбатлантириш, майда улгуржи ва оиласвий асосдаги савдо тизимларини ривожлантириш имкониятини беради.

Нақд чет эл валюталарини ва МДҲ мамлакатлари пул белгиларини Ўзбекистон Республикаси фуқаролари ва хорижий фуқаролар томонидан республикага келтириш қўпаяди.

§ 2. Ўзбекистонда хусусийлаштириш жараёнларининг ўзига хос томонлари ва босқичлари

Мамлакатда иқтисодий қайта қуришнинг асосий вазифаси бўлиб мулкий муносабатларни ислоҳ қилиш ҳисобланади. Жаҳон тажрибаси шуни кўрсатадики, бозор иқтисодиёти мулкчиликнинг кўп хиллигига таянади, чунки **бозор муносабатларини асосини конкуренция ташкил қиласди**. Социалистик тузумда давлат мулкчилиги унинг ягона иқтисодий асосини ташкил қилиб ўзининг самарасизлигини кўрсатди. Оқибатда ҳалқ истеъмол товарларининг сифати паст бўлди, уларни ассортименти жуда кам бўлди, янги техника, фан ютуқларини ишлаб чиқаришга жорий қилиш жуда кийин кечди, ишлаб чиқаришда қатнашаётган кишиларни иқтисодий манфаатдорлигини пасайишига олиб келди ва ҳоказо.

СССРни тугаши ва ёш миллий давлатларни бозор иқтисодиётига ўтиши энг аввало ишлаб чиқариш воситаларига бўлган давлат мулкчилигини қайта кўриб чиқишдан ва **кўп укладли иқтисодни яратишдан бошланди**.

Бозор иқтисодиёти шароитида мулкчиликнинг барча турлари тенг ҳукукка эга бўлади. Уларни пайдо бўлишлiği учун барча шарт-шароитлар яратилди- (ҳукукий нормалар, фаолият кўрсатиш механизmlари солиқка тортиш юзасидан имтиёзлар берилди ва ҳоказо.)

Мулкий муносабатлар тараққиётида хусусийлаштириш ёки приватизация заруратга айланади. Мулкий монополиядан мулкий эркинликка ўтиш муқаррарлигидан приватизация зарурати келиб чиқади. **Приватизациянинг луғавий маъноси хусусийлаштириш** дегани. Аммо приватизация иқтисодий жиҳатдан мулкни давлатлаштиришдан чекиниши, давлат мулкининг бошқа мулкларга айланишини билдиради. У давлат мулки ҳисобидан нодавлат мулк шаклларини ривожлантиришдир. Мулкий муносабатларга хос нарса эркин мулкдан монопол мулк (бунга давлат мулки ҳам киради) ва қайтадан монопол мулкдан эркин мулкка ўтишдир. Шу сабабли **приватизация фақат ҳозир биз яшаб турган даврда юз бермоқда десак нотўғри бўлади**. Ўтмишда ер, сув, ўрмон бойликлари, бино, иншоот ва бошқалар давлат мулкидан чиқарилиб, айрим шахсларга – уларнинг давлат олдидағи алоҳида хизматлари учун, хусусий мулк сифатида бериш мавжуд бўлган. Аммо у пайтларда приватизация давлат мулкининг фақат хусусий мулкка айланишидан иборат бўлган ва айрим мамлакатларда юз берган. Ҳозирги **приватизация умуминсоний, умумдунё ҳодисаси бўлиб, монополлашган бозор иқтисодиётидан эркин бозор иқтисодига ўтиш билан боғлиқ**. Бу ҳодисанинг ўз моддий асоси бор. Илгари ишлаб чиқариш фақат катта миқиёсда тўпланган ҳолда ривожлана олган, чунки техника-технология шуни талаб қилган. Эндиликда ишлаб чиқаришнинг катта қисми озчилик кўлида тўпланиши шарт эмас. Аксинча майда фирмалар доирасида ҳам самарали ишлаб чиқаришини юргизиши мумкин, чунки катта хусусий маблағ бўлмаса-да, уни қарз олиб, ҳатто асбоб-ускунани ижарага олиб тадбиркорлик қилиш мумкин. Майда тарқоқ ишлаб чиқариш рақобатга шароит ҳозирлаб, иқтисодий ўсишли рағбатлантиради. Мулкнинг давлат ихтиёрида бўлиш зарурати камайди. Шу боисдан приватизация оммавий тус олиб, ҳамма давлатларда юз бермоқда, бозор иқтисодиётига ўтиб бўлган давлатларда ҳам амалга ошмоқда.

Хусусийлаштириш мулкни демократиялаштириш сифатида давлат мулкини кўпчилик ўртасида тарқатиб, **мулкдорларни кўпайтишини билдиради. Уни амалга оширишнинг бир неча йўли мавжуд:**

1. **Давлат корхоналарини акционерлар жамиятига айлантириб, унинг молу-мулки ҳисобидан чиқарган акцияларни ҳалққа сотиш. Акцияни сотиб олган киши мулкдорга айланади.**

2. **Ижарага олинган давлат корхонасини ижарачилар жамоаси томонидан ўзи ишлаб топган пулга ёки қарзга сотиб олиб, уни жамоа мулкига айлантириш. Бунда янги мулкдорлар ҳалқ эмас, фақат корхона жамоаси бўлади.**

3. **Давлат мулкини қийматига қараб чиқариладиган сертификатлар ёки ваучерларга биноан фуқароларга бепул бериш. Бунда мулк ҳалқ ўртасида тарқатилади, чунки ваучер ва сертификат корхона акциясини олиш ҳукукини беради.**

4. Давлат мулкини фақат танилган, ишнинг кўзини биладиган, масъулиятни зиммасига ола биладиган тадбиркорларга, бошқарувчиларга (**менежерларга**) сотиш. Бунда ҳам **маълум қатламгина мулк соҳибига айланади**.

5. Давлат мулкини хорижий қарзни узиш эвазига чет эл фирмалари ва фуқароларига бериши. Бунда миллий мулк ҳисобидан хорижий мулк ўсади.

6. Давлат мол-мулкини **аукционларда ким ошди савдоси орқали сотиш**. Бунда ҳам фақат маълум тоифадаги кишиларгина янги мулк соҳибига айланадилар.

Хусусийлаштириш усулларни танлаш ундан кутилган мақсадга боғлиқ:

- Агар ишбилармонликни рағбатлантириб мулкий маъсулиятни кучайтириш назарда тутилса, хусусийлаштириш сараланган озчилик ўтказилади.

- Мулкчилик социал адолатни таъминлаб, ҳамма учун тенг имконият яратиш шарт бўлса, хусусийлаштириш бутун ҳалқ иштирокида ўтказилади. Бунга Россиядаги ваучеризация мисол бўла олади. Россияда **1992 йил ҳар бир фуқарога 10000 рубллик ваучер тарқатилди**, бу билан ҳар бир киши давлат мулкида шу суммага тенг ҳиссага эга бўлди. **Ўзбекистонда приватизация корхона жамоаси учун устиворлик бериш йўсинида бошланди**. Бунда корхона мол-мулки унинг жамоасига берилади. Бундан мақсад приватизация жараёнида **кўпроқ жамоа мулкини ўстириш бўлди, аммо иқтисодни либеризациялаш учун ҳалқ приватизациясига ҳам йўл берилди**.

- Агар приватизация чет эл **капиталининг кириб келишига йўл очиши зарур бўлса**, давлат мулки хорижийларга бериш шаклида амалга оширилади. Приватизация усулларидан айримларининг устиворлиги бошқа усулларни ҳам кўллашни билдиради. Масалан, **Ўзбекистонда приватизация корхона жамоасига устунлик беради, лекин акционерлаш ҳам мавжуд, унда чет эл капитали ҳам иштирок этиб, мулкни сотиб олиши мумкин**.

Приватизация шароитга қараб пулли, бепул ёки имтиёзли тарзда ўтказилади. Ўз шакли ва усулидан қатъий назар бу тадбир хилма-хил мулкчиликни таъминлайди, чунки давлат мулки ҳисобидан нодавлат мулкининг ҳамма шакллари ва турлари ривожланади. Приватизация давлат мулки монополиясини тугатишга қаратилган, яъни антимонопол характерга эга, мулк соҳибларини, бинобарин, мустақил товар ишлаб чиқарувчиларни кўпайтириб, соғлом конкуренцияга йўл очади. **Хусусийлаштиришнинг пировард мақсади мулкий маъсулиятни ишга солиш орқали иқтисодий самарадорликни таъминлаш, ҳалқ фаровонлигини оширишdir**. Чунки, хусусийлаштириш янги тадбиркорлар синфини вужудга келтиради. Улар ишлаб чиқаришни ривожлантиришга, маҳсулот сифатини яхшилашга натижада фойда олишга ва унинг даражасини оширишга манфаатдордирлар.

Ўзбекистонда хусусийлаштиришнинг ўзига хос томонлари. Ўзбекистон Республикасида хусусийлаштириш жараёни ўз йўли билан амалга оширилмоқда. Унда регионларни социал-иктисодий хусусиятлари, хусусийлаштиришга реал тайёргарлик даражаси ва ҳар хил томонларни манфаатлари ҳисобга олинайти. Бу соҳада Россияда **жуда қисқа вақт ичida аҳолини сотиб олиш қобилиятини ҳисобга олмай**, пухта ўйланган **харакат дастурига эга бўлмай туриб ўтказилди**. Россияда хусусийлаштиришга иқтисодий ва молиявий **барқарорлик омили** сифатида қаралмади. Шунинг учун у иқтисодий жиҳатдан кучли бўлган мулкдорларни қатламини вужудга келтирмади. Россияда ўтказилган хусусийлаштириш жараёнига баҳо бериб таниқли олим Н.Шмелов («Бессовестная экономика-неэффективна», газета «Труд» 19 июл 1997 йил) шундай деган эди: Кишиларни сотиб олиш қобилиятидан маҳрум қилиб давлат мулкларини, шу жумладан «Уралмаш» каби гигантларни ҳам директорларга тарқатиб юборди. Шундай қилиб Россияда **миллионерлар тайинланди**. Хусусийлаштириш жараёнини ғояси бозорга тезроқ ўтиш учун ҳамма нарсани тезроқ тарқатиш бўлди. Амалда эса бу жараён ишлаб чиқаришни пасайиб кетишига, молиявий мувозанатни –бараварликни бузилишига олиб келди. Мулкчилик шаклини ўзгартирган корхона банкротлик ёқасига келиб қолди ва арзимаган баҳога қайтатдан сотиб юборилди. **Кенг мулкдорлар қатлами ўрнига ваучер эгалари, чек фондлари, Молия ва холдинг компаниялар** тармоқлари вужудга келди. Натижада аҳолининг асосий қисми саводсиз бўлганлиги учун маблағлар бир жойга тўпланди ва ҳоказо. Социал адолат принципини таъминлаш қобилида Россияда ўтказилган **«Чековый хусусийлаштириш»** усули Ўзбекистонда

қабул қилинмади. Бунга жуда кўп объектив сабаблар мавжуддир. Масалан: мамлакат бойлиги кўп авлод меҳнати билан яратилган. Шунинг учун Республика ҳар бир аҳолисини реал қўшган ҳиссасини аниқлаш қийин; текинга чек тарқатиш, мамлакат бойлигини қадрсизлантиради. Маълумки тарқатилган чекларни «Учарлар» арзимаган пулга сотиб олиб қўйдилар ва ҳоказо. Шунинг учун Ўзбекистонда бу йўл қабул қилинмади. **Ўзбекистонда энг аввало хусусийлаштириш давлат назоратида ўтказилди ва ўтказилаяпти.** Давлат иқтисодий ислоҳотлар ўтказишни асосий принципларини ишлаб чиқди. Унинг асосида **хусусийлаштиришнинг хуқуқий асосини яратиш, босқичма-босқич хусусийлаштириш ҳамда социал адолатлилик принциплари ётади.** Хусусийлаштириш жараёнини **бошланишидан олдин унга** катта тайёргарлик кўрилди. Президентимизнинг 1992 йилнинг «Биржа ва биржалар фаолияти тўғрисидаги» Фармони, «Ўзбекистон Республикаси Мулкчилик тўғрисида»ги, «Ўзбекистон чет эл инвестициялари тўғрисида»ги Ўзбекистон Республикаси қонуни, «Давлат тасарруфидан чиқариш ва хусусийлаштириш» қонуни бунга мисол бўла олади.

Хусусийлаштириш жараёни республика аҳолисига турар жойни сотиши (текинга беришлар)дан бошланди. **Бу босқичда** савдо, умумовқатланиш, майший хизмат кўрсатиш тармоқлари, маҳаллий, енгил ва озиқ-овқат саноати тармоқларида ўтказилди. **Бу кичик хусусийлаштириш** деб аталади. **Иккинчи босқич,** ўрта ва йирик давлат корхоналари мулкини хусусийлаштириш билан аниқланади.

Бу босқичда саноат, қурилиш, қишлоқ хўжалиги, транспорт ва алоқа соҳаларида хусусийлаштириш ишлари амалга оширилаяпти. Бу жараён таълим, соғлиқни саклаш, маданият соҳаларига ҳам кириб бораётпи. Шубҳасиз келгусида уларнинг сони янада ортади. **Ўзбекистонда хусусийлаштиришнинг ўзига хос томонлари қўйидагилардан иборат бўлди:**

1. Республиkaning қийин **демографик ситуацияси**, яъни меҳнат ресурсларининг кўплиги, аҳоли миграциясининг камлиги, аҳоли даромадининг пастлиги;
2. Хусусийлаштириш оқибатида **бўшаб қолган аҳоли қатламини ижтимоий ҳимоялаш** давлат томонидан кўп тадбир ўтказишни талаб қилди. **Иккинчи томондан** давлат корхоналарининг мол-мулкини хусусийлаштириш асосан меҳнат жамоалари томонидан уларнинг **ихтиёрида қолган фойда ҳисобига амалга оширилди.** Шахсан сотиб олувчиларнинг улуши нисбатан кам бўлди. Бунга сабаб давлат корхоналари мол-мулкини аукционда сотиши ҳали талаб даражасида ривож топмаган эди.
3. Чет эл инвесторларини хусусийлаштириш жараёнига жалб қилиш масаласи. Хусусийлаштиришни кўзда тутилган кўпчилик корхоналарга ишлаб чиқаришни техник ҳолатини пастлиги, техника ва технологияни эскириб қолганлиги хосдир. Шунинг учун чет эл инвестициялари ишлаб чиқариш таркибини қуришга, модернизациялашга, халқ истеъмоли буюмлари билан бозорни тўлдиришга, жаҳон иқтисодий тизимига интеграциялашишга қаратилди.
4. Республикада амалга оширилаётган иқтисодий ислоҳотларни ташкилотчиси ва асосий реформатори Давлат ҳисобланади. Давлат ўзи ташкил қилган органлари ва институтлари орқали мулкчилик шаклларини ўзgartириш йўлларини, усулларини асосий йўналишларини ишлаб чиқди.

Республикада дастлаб давлат мулкини бошқариш ва хусусийлаштириш комитети тузилган эди. Республика Президентининг Фармонига биноан кейин бу комитет Республика Давлат мулкини бошқариш ва тадбиркорликни қўллаб қувватлаш қўмитасига айлантирилди. Ҳозир бу қўмита Ўзбекистон Республикаси Давлат мулк қўмитаси деб номланган ва раис томонидан бошқарилади. Бу қўмитанинг вилоят ҳокимиятлари қошида худудий бошқармалари тузилган.

§ 3. Акциялаштириш-хусусийлаштиришнинг асосий йўналишидир

Акциялаштириш- маблағларни (капитални) марказлаштириш шакли бўлиб, шунинг билан бирга корхонани хусусийлаштириш йўналишларидан биридир. Акциялаштириш акционерлик жамияти (АЖ) тузиш йўли билан амалга оширилади.

Акциядорлик жамияти- бу турли корхона, ташкилот, банк, компания ва айрим шахслар пул маблағларини шерикчилик асосида бирлаштирадиган жамиятдир. Муомалага номинал қиймати кўрсатилган **акциялар** (облигациялар) чиқариш ва уни сотиш бундай жамиятнинг молиявий негизини ташкил этади. Акция эгалари – ширкатчилар **дивиденд** шаклида даромад оладилар. Акционерлик жамиятининг очиқ ва ёпиқ куринишлари бор.

Ёпиқ акционерлик жамияти – жамият акциялари фақат унинг таъсисчилари ўртасида тарқатилади.

Очиқ акционерлик жамияти – жамият акциялари эркин сотилади ва сотиб олинади.

Акционерлик жамияти юридик шахс бўлиб, мажбуриятлари учун ўзига тегишли мулк доирасида жавоб беради. Акционерлик жамиятлар эркин капиталларини марказлаштириш шакли ва шу билан бир қаторда аҳоли кенг катламларининг жамғармаларини сафарбар қилиш, уларни капиталга айлантириш воситаси ҳамдир. Бунда акциялар чиқариш ширкатчилик жамиятларида иш ҳақи ва мукофотни бир қисмини ишчиларга корхона акцияси билан тўлаш сифатида тақсимлаш амалга оширилади.

Акция (французча сўз бўлиб фармойиш, рухсатнома, фаолият деган маънони билдиради) **акционер жамият чиқарган қимматбаҳо қоғоздир** (даромад келтирувчи) Акция эгасининг шу жамият маблағига қўшган ҳиссасини ва шунга мувофиқ топилган фойданинг бир қисмини **дивиденд** тариқасида олишини, уни бошқариб туришда қатнаша олишини тасдиқлади.

Акция қимматли қоғозлар бозорида олди-сотди қилинади. Акция қиймати акцияда қайд этилган пул миқдоридир. У сотиладиган нарх **акция курси** деб аталади. Акциянинг АЖ таъсис этилганда **сотилган дастлабки нархи НОМИНАЛ қиймати** дейилади.

Акция курси қимматининг номинал қимматидан ошиб кетиши-**КАЖ**, пасайиб кетиши-**Дизажио** деб аталади. Акция нархининг ошиб бориши ёки пасайиб туришига қараб айрим компаниялар ахволига ва умуман иқтисодий вазиятга баҳо берилади. Акциялар **оддий** ва **имтиёзли** бўлади.

Оддий акцияларга дивиденд олинадиган фойдага қараб берилади, лекин акция эгаси акционерлар мажлисида овоз бериш хукуқига эга бўлади.

Имтиёзли акцияларга дивиденд - олинган фойдага қараб эмас балки заёмга тўлангани каби олдиндан белгиланган қатъий фоизларда берилади, аммо акция эгаси акционерлар мажлисида овоз бериш хукуқига эга бўлмайди. Бундай акциялар қоидага кўра Акционерлик жамияти устав фондини 10%идан ортиқ чиқарилиши мумкин эмас. Жамият (корхона) биринчи навбатда имтиёзли акция эгалари билан ҳисоб-китоб қилганидан кейин қолган маблағ оддий акция эгаларига тақсимланади. Ўзбекистонда 90-йилларни бошларида Акционерлик жамиятларининг эркин сотиладиган акциялари чиқарила бошланди.

Акциялар назорат пакети – акция эгасига Акционерлик жамиятида амалдаги хукумронлигини таъминлайдиган акциялар миқдори чиқарилган акцияларни умумий суммасида бир шахс, компания ёки давлатни йирик ҳиссаси. Акционерлик жамиятининг йиғилишида ҳал қилувчи овозга эга бўлиш хукуқини беради (бунда жами акционер капитални 51%га эмас, балки 20-30%, баъзан ундан ҳам камроқ ҳиссага эга бўлиш кифоя). Акцияларнинг назорат пакетига эгалик қилиш амалда акционер жамиятини хўжайини бўлиш, унинг қолган аъзолари капитални бошқариш имкониятини беради.

Акционерлик жамияти 1600 йилларда **Англияда**, кейин Голландия, Францияда ташкил топган. У қариб 2 аср давомида тадбиркорликни ташкил қилиш услуги бўлиб хизмат қилган. Унинг интенсив ривожланиши XIX асрни 30 йилларида **темир йўл қурилишини бошланиши** билан боғлиқдир. **Россияда** Акционерлик жамияти 1757 йилдан бошланган (Россия Константинопол **савдо компанияси**)да 1917 йилга келиб Акционерлик жамияти сони 2.9минги ташкил қилган. Революциядан кейин корхоналарни национализациялаш оқибатида

Акционерлик жамиятларининг фаолияти тўхтатилган. Фақат НЭП даврида давлат тадбиркорлигининг фаолиятидаги чегаралашлар олиб ташланган. Натижада Россияда яна Акционерлик жамиятилар ташкил қилина башлаган. 1922 йилга келиб 20 та Акционерлик жамияти ташкил қилинган 1922 йилнинг февраляда уни сони 161 тага етди. Акционерлик жамияти капиталини асосий фаолияти савдо ва саноат маҳсулотлари савдосига йўналтирилган эди. 20-йилларнинг охири ва 30-йилларнинг бошларида Акционерлик жамияти секин аста тутатила бошланди ва бу корхоналар давлат корхоналарига айлантирилди.

Шундай қилиб СССРда Акционерлик жамияти ривожланиши тарихи тугади. СССРни тарқалиб кетиши ва иқтисодиётни ислоҳ қилиниши ва бозор иқтисодиётига ўтиш муносабати билан **яна Акционерлик жамияти тузиш** гояси пайдо бўлди. Чунки капиталистик мамлакатларда Акционерлик жамиятини авфзалликларини тўғри тушунилиши туфайли у кенг қўлланилади. Энг мухим авфзаллиги акционерларни шахсий капиталини жалб қилиш ҳисобига инвестицияларни сезиларли кўпайтириш имконияти мавжудлигидадир. **Иккинчи авфзаллигининг** моҳияти акционер бўлган ходимнинг фойда олишидадир. Акция эгалари яъни корхонани ишчилари уни самарали ишлашига ҳам маънавий ҳам моддий манфаатдордирлар. Бу ўз навбатида капитални кўпайишига, фойданни ва натижада дивидендни ошишига олиб келади. Буларнинг ҳаммаси ишлаб чиқариш интизомини мустаҳкамланишига кадрларни кўнимлилигига ва умуман жамиятни барқарорлигига олиб келади.

Ўзбекистонда кичик хусусийлаштириш босқичи тугагандан сўнг кийинги босқич яъни ўрта ва йирик ишлаб чиқариш корхоналарини акциялаштириш асосидаги янги мулкчилик шаклига ўтиш даври бошланди.

Ўзбекистон Республикаси Президентини **1995 йил 12 июндаги Фармонига** биноан давлат корхоналарини акциялаштириш жараёнини тезлаштириш кўзда тутилди. Унда ислоҳ қилишдаги барча чегаралашлар олиб ташланди. Республикада корхоналарни акциялаштириш жараёни бозор муносабатларини ривожлантиришни объектив ифодаси бўлди. Бозор иқтисодиётини акциялаштириш шаклисиз тасаввур этиб бўлмайди. Чунки у капитални демократизациялаш учун шароит яратади, Фан техника тараққиёти ривожланишини таъминлайди, натижада ишлаб чиқаришни иқтисодий самарадорлиги ошади ва ўзгариб турадиган бозор талабларига мос келишини таъминлайди.

Ўзбекистон Республикаси Президентининг мазкур Фармонини ривожлантириш мақсадида республика **Вазирлар Маҳкамаси махсус қарор қабул** қилиб давлат корхоналарини очиқ ҳолдаги АЖга айлантиришни тартиб қоидаларини тасдиқлади. Унга кўра корхона раҳбари З кун ичидаги хусусийлаштириш тўғрисида хужжатларни тайёрлаш учун ишчи комиссия тузиш тўғрисида буйруқ чиқаради. Мазкур комиссия **бир ой ичидаги** давлат хусусийлаштириш қўмитасига ёки унинг жойлардаги бошқармаларига қуидаги хужжатларни **ишлаб чиқади ва тақдим этади**:

1. Хусусийлаштириш режаси
2. Мол-мulkни баҳолаш акти
3. Акционерлик жамияти уставининг лойиҳаси
4. Акция эмиссиясининг проспекти (эмиссия қофоз пуллар ва қиммат баҳо қофозларни муомалага чиқариш)

Бу хужжатлар Республика Давлат хусусийлаштириш қўмитасида ёки уларни жойлардаги бошқармаларида қараб чиқилади ва тасдиқланади, сўнгра ҳокимиятда рўйхатга олинади.

Республика Вазирлар Маҳкамасининг мазкур қорорида, шунингдек акционерлик жамияти акцияларини чиқариш тартиби ҳам аниқланган.

Республикада хусусийлаштириш жараёни ва акционерлик жамияти тузиш анча интенсив тарзда амалга оширилди. Шу билан бирга унда сезиларли даражада хатоларга ва расмийчиликларга йўл қўйилди. Акционерлик жамиятларининг ҳаммаси ҳам тўла рўйхатдан ўта олмади. Унга жуда кўп хужжат тайёрланиши, уларни энг камида 6 та инстанциядан ўтиши, рўйхатдан ўтиш учун тўланиши лозим бўлган суммани катталиги ва ҳ.о лар натижасида акционерлик жамияти тузиш ниҳоятда мушқул бўлди. Шунинг учун 1995 йил 15 июн Республика Вазирлар Маҳкамасининг қарори билан акционерлик жамияти тузишни янги тартиби белгиланди ва муаммолар, бюрократик тўсиқлар олиб ташланди. Натижада

хусусийлаштириш жараёни муваффақиятли ривожланди. Акционерлик жамияти нафақат саноат ва бошқа ўрта корхоналарни балки йирик корхоналарни ҳам аста секинлик билан ўз ичига олабошлади. Масалан, очиқ турдаги Акционерлик жамияти холдинг компаниялари, (Ўзс/хмашхолдинг компанияси) ТТЗ таркибиға (ўзи, Госкомимушество, Ўзсельхозснабремонт, Узпростройбанк,) кирди.

Тошкент авиация ишлаб чиқариш бирлашмаси Давлат акционерлик жамиятига (очиқ турдаги) айлантирилди. Унинг акционерларини юридик ва жисмоний шахслар ҳамда бошқа давлатларнинг юридик шахсларини ҳам олишлари мумкин.

1997 йил март ойида Республика Президентининг Фармонига биноан очиқ турдаги АЖ устав капиталини ташкил қилишда давлат ўз улушкини сақлаб қолади ва қуидагича акция пакетларини белгилайди:

- Давлат -25% ошиқ бўлмаган
- Мехнат жамоаси -26% ошиқ бўлмаган
- Чет эл инвесторларига -25 % кам бўлмаган
- Қолган қисми эркин сотиш учун қолдирилади.

Бундай тартиб фақат бир йил давомида харакат қиласи (эмиссия чиқарилгандан бошлаб). Кейин сотилмаган акциялар давлат хусусийлаштириш қўмитаси томонидан эркин-очиқ савдога

(жисмоний ва юридик шахслар) шу жумладан чет эл гражданларига ҳам сотилиши мумкин бўлади.

Қимматли қоғозлар бозори – Акционерлашнинг зарур шартидир.

Республикада хусусийлаштириш жараёни ва АЖ тузиш қимматли қоғозлар бозорини ривожлантириш ҳамда жараёнга хизмат кўрсатадиган инфраструктура бўлимларини тузиш ўйли билан олиб борилди. Қимматли қоғозлар бозори бу қимматли қоғозлар билан амалга ошириладиган фаолият бозоридир.

Қимматли қоғозлар – бирламчи ва иккиламчи бозорга бўлинади.

Бирламчи бозор янги чиқарилган акцияларни сотишни билдиради. Акциялар биринчи марта ўзи сотиб олаётган кишилар кўлига ўтади.

Иккиламчи бозор бу акцияларни кейинги сотилишидир. Унда эмитентга янги молия ресурслари келиб тушмайди, балки у фақат инвесторлар ўртасида қайта тақсимланади.

Яхши йўлга қўйилмаган иккиламчи бозорсиз бирламчи бозорни самараси тўғрисида гапириш мумкин эмас. Акцияларни қайта сотиш янги бозор нархларида олиб борилади.

$$\text{Бозор баҳоси} = \frac{\text{Дивиденд}}{\text{хисса, улуш бўйича процент}} \cdot 100$$

Қимматли қоғозлар бозори ўз ичига Инвест фонди ва Миллий депозитарий биржасини олади.

Депозит – бу банклар ва омонат кассаларига қўйилган омонатлар. Давлат муассаларига топшириладиган ва уни топширган шахсга муайян шароитда қайташиб бериладиган маблағлардир.

Қимматли қоғозлар биржасини юрагини фондлар биржаси ташкил қиласи.

“Тошкент” номидаги республика фонд биржаси “Тошкент” номидаги товар-фонд биржаси асосида ташкил топган.

Фонд биржаси – бу қимматли қоғозлар билан олди сотди операцияларини амалга оширадиган муассасадир.

Қимматли қоғозларни кенг тарқалган турлари бўлиб акциялар, облигациялар, векселлар, сертификатлар ва бошқалар хисобланади. **Республика фонд биржасининг энг асосий вазифалари бўлиб:**

1. Алоҳида тармоқ, умуман иқтисодиётни ривожлантириш учун аҳолини ва юридик шахсларни бўш пул маблағларини жалб қилиш. Бунинг учун кишиларда, айниқса жойларда бўш пул маблағларини акциялар сотиб олиш учун қизиқиш уйғотиш;
2. Қимматли коғозларни иккиламчи бозорини ривожлантириш хисобланади.

Юқорида кўрсатилган вазифаларни ҳал қилишда ПИФларни тузиш ва ривожлантириш дастурини қабул қилиниши муҳим аҳамият касб этади. У 1996 йилда хукумат қарори асосида тузилган. (ПИФ – приватизационный инвестиционный фонд). Ҳозирги вақтга келиб республикада 85000 акционерларни бирлаштирган 85дан ошиқ ПИФлар тузилган. Мазкур дастур акцияларига аҳолини 300 млн сўмга яқин маблағлари жалб қилинган.

§ 4. Ўзбекистонда иқтисодий ислоҳотларнинг иккинчи босқичида хусусийлаштиришни чуқурлаштиришнинг асосий вазифалари

Давлат мулкини хусусийлаштириш ва ижтимоий йўналтирилган қўп укладли иқтисодиётни шакллантириш иқтисодий ислоҳотларнинг иккинчи босқичининг устувор вазифасидир.

Давлат мулкини дастлабки **хусусийлаштиришни тугаллаш**, чинакам **мулқдорлар қатламини шакллантириш**, уларни ҳақиқий мулк эгаси қилиш, давлатга қарашли бўлмаган сектор ҳукмрон мавқени эгаллайдиган ижтимоий ишлаб чиқариш таркибини тубдан ўзгартириш энг муҳим вазифалардир.

Айни вақтда **хусусийлаштириш жараёнини иқтисодий ислоҳотларнинг бирдан-бир мақсади, деб қарамаслик керак**.

Хусусийлаштириш иқтисодий ислоҳатлар натижаси бўлмай, унинг йўналишларидан бири, уни амалга оширишнинг энг муҳим йўллариданdir. Хусусийлаштириш натижасида камида иккита асосий вазифа ҳал қилиниши керак.

Биринчидан, мулк ўзининг ҳақиқий хўжайинига эга бўлиши керак. Мулкни тежаб тергаб, ишнинг кўзини билган ҳолда тасарруф қила оладиган мулқдорга бериш зарур. Шу мулкни у кўпайтира биладиган, техника билан қайта жиҳозлайдиган ва замон талабларига муюғиқ такомиллаштира оладиган, унинг негизида рақобатга бардошли маҳсулот чиқаришни йўлга кўя олиш зарур. шуниндек, иш билан банд бўлмаган аҳолини иш ўринлари билан таъминлаши, ўзига ҳам, ишловчиларга ҳам, давлатга ҳам даромад келтирадиган ишлаб чиқаришни ташкил қила олиш керак.

Хусусийлаштиришни пул тўлаш асосида, уни бунёд қилишга илгари сарфланган харажатларни қоплаш асосида ўтказиш тартиби кўлланилди. Бунинг учун хусусийлаштиришнинг **акциялаш, объектларни танлов бўйича ва ким ошиди савдосига** қўйиб сотиш каби усулларидан кенг фойдаланиш зарур бўлди.

Ҳақиқий хўжайин туйғусини хис этиш: Иқтисодий муносабатларнинг хусусиятини тубдан ўзгартиради; Ишлаб чиқаришни ривожлантириш ва кенгайтиришга маъмурий-буйруқбозлиқ йўли билан мажбур этиш учун зарурат қолмайди. Ҳақиқий ишлаб чиқарувчи эркинликка чиқади, юқоридан бериладиган буйруқ билан ишлашдан халос бўлади. Ишлаб чиқарувчини сифат жиҳатдан янги рағбатлар ва ташабbusлар, ўз фаолияти натижаларини амалда ҳис этиш туйғусини ҳаракатга келтиради, иқтисодий жавобгарлик ҳам кучайтирилади.

Ўзини мулқдор, мулк хўжайини, ўз меҳнатининг ва ишлаб чиқарган маҳсулотининг хўжайини деб ҳис этиш инсоннинг яширин куч-ғайратини юзага чиқаради. Унинг ақлий ва ижодий имкониятларини, ташкилотчилик қобилиятларини намоён этади, уни ташабbusкор ва омилкор қиласи. ҳақиқий хўжайин раҳбарлик қилаётган корхонанинг ривожланиш истиқболлари ҳамиша ёрқин ва аниқ равshan, ишлаб чиқариш самарадорлиги ҳаммадан кўра юқори, оладиган фойдаси ҳам, ходимларнинг иш ҳақи ҳам анча юқори. Ҳақиқий, мустақил мулқдорлар қанча қўп бўлса, барча кишиларнинг ўз меҳнатлари эвазига юқори иш ҳақи олишларига имкон берадиган иқтисодий шарт-шароитни шунча тез вужудга келтиради.

Хусусийлаштириш давомида ҳал қилинадиган **иккинчи муҳим вазифа** — қўп укладли иқтисодиётни ва рағбатлантирувчи рақобатчилик муҳитини вужудга келтиришдан иборат.

Рақобатчилик муҳитини вужудга келтиришда хусусийлаштиришнинг иштироки турличадир. Энг **аввало**, бу мулкнинг давлат монополияси эканлигига барҳам бериш ва фаолиятнинг шунга ўхшаш турлари билан шуғулланувчи ёки бир хил маҳсулот ишлаб чиқарувчи, хизмат кўрсатувчи, аммо **мулқчиликнинг турли шаклларига** — давлат, жамоа, акциядорлик, хусусий ва бошқа шаклларига **асосланган қўпдан-қўп корхоналар ташкил қилишдан иборат**. Хусусийлаштириш айrim корхоналар ва фаолиятнинг бутун бир соҳаларига нисбатан мавжуд яккаҳокимликни тугатиш, эркин иқтисодиёт ва рақобатчилик муҳитини вужудга келтириш учун шароит яратиш имконини беради. Ишлаб чиқаришнинг самарадорлиги,

хом ашё ва материаллар, сармоя бозори, ўз маҳсулотини сотадиган бозор учун иқтисодий беллашув юзага келади.

Пировард натижада бу иқтисодий ва илмий-техникавий тараққиётнинг қудратли воситаси бўлиб хизмат қиласди.

Хусусийлаштириш жараёнида фақат мулкчилик шакллари ўзгарибгина қолмайди. Шу билан бирга, энг муҳими, ягона халқ хўжалиги комплекси шароитида таркиб топган **тор ихтисослашган тармоқ монополия тузилмаларига ҳам барҳам бериш имконияти туғилади.**

Монополия қилиб олинган корхоналар ўтиш даврида барча ишлаб чиқариш чиқимларини қоплашга ва монополия имкониятидан фойдаланиб, нархларни кўтариш ҳисобига юкори иш ҳақи тўланишини таъминлашга интиладилар. Бу эса пулнинг қадрсизланиши ортиб бориши сабабларидан биридир. Шу боисдан монополиялаштирилган тузилмаларни хусусийлаштириш чоғида, ишлаб чиқаришнинг ўзини нисбатан ихчамлаштириш, уни яккаҳокимликдан чиқариш чораларини кўриш зарур.

Илгари хусусийлаштирилган корхоналардан маълум давр давомида аввалги фаолияти соҳасини сақлаб қолишлари талаб қилинар эди. Энди бундай чеклашлар бекор қилинди. Бу эса мулкчилик шаклларини ўзгаририш билан бир вақтда чиқарилаётган **маҳсулот таркибини ҳам тубдан ўзгаририш, талаб катта бўлган, ички ва ташқи бозорларда рақобатлаша оладиган маҳсулот ишлаб чиқаришни йулга қўйиш учун янги имкониятлар очади.**

Хусусийлаштирилгандан кейинги даврда корхоналарнинг барқарорлигини таъминлаш мақсадида уларнинг **молиявий имкониятларига баҳо бериш керак**. Бозор талабларини ҳисобга олган ҳолда, **ишлаб чиқариш таркибини қайта ўзгаририш лозим**. Бунда корхоналарни техникавий, технологик ва ташкилий иқтисодий жиҳатдан қайта ўзгаририш лойиҳаларини ишлаб чиқиши назарда тутиш зарур.

Хусусийлаштириш иқтисодиётнинг давлатга қарашли бўлмаган секторини шакллантиришнинг ягона йўли эмас. **Якка тартибдаги хусусий мулкчиликка асосланган, турли хил кооперативлар, ширкатлар, масъулияти чекланган жамиятлар қўринишидаги янги кичик ва ўрта корхоналарни ташкил қилиш — иккинчи қудратли жараён ҳисбланиади.** Бозор муносабатлари ривожланган мамлакатларда барча корхоналарнинг ярмидан кўпроги мана шундай кичик корхоналарнинг улушига тўғри келади.

Бу ҳар бир кишига ўз ишини ташкил қилишда ўзини синаб кўришга, истеъодини ва бор имкониятларини намоён қилишига имкон берувчи ғоятда муҳим манбадир. Бу манба орқали катта сармоя сарф килмасдан ҳам жуда кўп микдорда ишчи ўринларини вужудга келтириш, шаҳарларда ҳам, шунингдек қишлоқ жойларда ҳам аҳолининг иш билан бандлиги муаммосини ҳал этиш мумкин. Ихчам технология ускуналари билан жиҳозланган кичик корхоналарни ривожлантириш ҳисобига қисқа муддат ичida рақобатга бардошли маҳсулот ишлаб чиқаришни авж олдириш, бу билан ички бозорни тўлдириш мумкин.

Шунинг учун ҳам давлат кичик ишлаб чиқаришларни ривожлантиришга бутун чоралар билан ёрдам кўрсатиши керак. Бунинг учун уларни ташкил қилиш ва рўйхатдан ўтказиш тартибини мумкин қадар соддалаштиришга, энг имтиёзли солиқ тизимини вужудга келтиришга ҳаракат қилинайти. Шунингдек уларнинг кредитлар ва моддий ресурслардан фойдаланишлари учун кенг имконият туғдирилайти, тадбиркорлик ва ташқи иқтисодий фаолият юритища уларга эркинлик берилайти. Давлат тасарруфидан чиқсан кичик корхоналар қонун орқали ва давлат ижроия ҳокимиятининг бутун кучи билан қаттиқ ҳимоя қилинади. Республика Иқтисодиётининг барча соҳаларида кичик бизнесни ривожлантириш ва уни давлат томонидан қуллаб-куватлаш бўйича бир қанча хукумат қорорлари қабул қилинди. Масалан, 1995 йил 28 августда «Кичик бизнес ва хусусий тадбиркорликни ривожлантиришни рағбатлантириш давлат дастури», 1997 йил 7 февралда – «Кичик бизнес ва тадбиркорликни ривожлантириш учун хорижий кредитлар беришни ташкил этиш масалалари тўғрисида» республика Вазирлар Маҳкамасининг қарорлари қабул қилинди.

Кичик бизнесга, хусусий тадбиркорликка нисбатан республикамизни иқтисодий жиҳатдан жадал ривожлантиришни таъминлайдиган омил деб қаралди.

Президентимиз И.Каримов: «Айни шу хусусий сектор энг ҳаракатчан, энг ташаббускордир. Агар хусусий секторнинг ривожланиши учун қулай шарт-шароитлар яратиб берилса, у иқтисодиётимизни танглиқдан олиб чиқишига қодир локомотив бўлиб хизмат қиласи. Ишлаб чиқарилаётган маҳсулотнинг асосий қисмини хусусий, давлатга қарашли бўлмаган сектор берадиган бўлган тақдирдагина иқтисодиёт ҳақиқий эркинлик олди ва ўз келажагига эга бўлди, деб дадил айтиш мумкин бўлади», деган эди.

Табиийки, иқтисодиётнинг давлат корхоналари сақланиб қолиши керак бўлган бошқа соҳалари ҳам мавжуд. Франция, Япония, Италия ҳамда бозор иқтисодиёти ривожланган бошқа мамлакатларнинг тажрибаси давлат сектори бозор шароитида ҳам сезиларли рол ўйнайверишидан далолат беради. Аслини олганда, давлат секторининг роли сезилмайдиган мамлакат йўқ деса бўлади.

Хусусийлаштириш дастури ишлаб чиқилаётганда **бир томондан**, хусусийлаштирилмайдиган корхоналар доирасини аниқ-равshan белгилаб олиниши, бунда уларни жиддий суратда камайтириш йўлидан бориши зарур бўлди. **Иккинчи томондан**, мазкур корхоналар учун уларнинг бозор шароитларига таркибан мослашувига имкон берадиган хўжалик юритиш механизмини ишлаб чиқиш талаб қилинди. **Давлат корхоналари иқтисодий жиҳатдан иложи борича эркин бўлиши зарур.** Хўжалик юритиш механизми, фойдани тақсимлаш ва моддий рағбатлантириш шартларига кўра давлатга қарашли бўлмаган корхоналардан кам фарқ қилишлари керак. Аксинча, республика учун принципиал янги ишлаб чиқариш турларини барпо этиш билан боғлиқ соҳалар учун муайян имтиёзлар берилиши ҳам мумкин. Бу республиканинг иқтисодий ва миллий мустақиллигини мустаҳкамлашга йўналтирилгандир.

Республикада давлат тасарруфидан чиқариш ва хусусийлаштириш жараёнларини янада **чуқурлаштиришнинг асосий мақсадлари қўйдагилар:**

- хусусийлаштириш миқёсларини кенгайтириш ҳамда ана шу жараёнга амалда иқтисодиётнинг барча тармоклари ва соҳаларидағи ўрта ва йирик корхоналарни киритиш;
- яккаҳоким ишлаб чиқариш-хўжалик тузилмаларини ихчамлаштириш ва улар учун рақобатли бозор мухитини яратиш;
- республика аҳолисининг кенг қатламлари, хорижий юридик ва жисмоний шахсларнинг мол-мулкни давлат тасарруфидан чиқаришда қатнашувини таъминлайдиган хусусийлаштириш механизмини такомиллаштириш;
- давлат тасарруфидан чиқарилган корхоналар хусусийлаштирилгандан кейинги даврда уларга ҳар томонлама ёрдам кўрсатиш;
- қимматли қоғозлар ва кўчмас мулкнинг бозорини вужудга келтириш ҳисобланади.

Хусусийлаштириш жараёнини янада ривожлантириш ва чуқурлаштиришнинг асосий йўналишлари қўйдагилардир: Биринчидан, бундан бўён ҳам давлат корхоналарини мулчилликнинг бошқа шаклларига ўтказиш маҳсус ишлаб чиқилган тармоқ ва минтақавий хусусийлаштириш дастури асосида амалга оширилишикерак.

Хусусийлаштириш республикада ишлаб чиқилган дастурларга асосан саноат, қурилиш, транспорт ва алоқада, агросаноат комплексида, шунингдек ижтимоий соҳада ва фаолиятнинг бошқа соҳаларида амалга оширилди.

Иккинчи босқичда саноатнинг асосий тармоқлари: ёқилғи-энергетика, кон саноати, машинасозлик ва пахтани қайта ишлаш комплексларида давлат тасарруфидан чиқариш ва хусусийлаштириш жараёни кенг тус олди. Чунончи, "Ўзбекнефтгаз" корпорацияси тизимида Энергетика вазирлигига, "Ўзмашсаноат" уюшмасида ва иқтисодиётнинг бошқа тармоқларида ҳам хусусийлаштириш кенг кўламда амалга оширилди ва оширилаяпти.

Транспорт корхоналарини, шу жумладан автобус ва таксомотор паркларини ҳам, транспорт воситаларини хусусий мулк килиб сотиш орқали давлат тасарруфидан чиқариш ва хусусийлаштириш жараёни олиб борилаяпти.

Бухоро, Самарқанд, Хива, Тошкент шаҳарларидаги саёҳатчиларга хизмат қилувчи комплексларни тендер асосида сотиш, акциядорлик жамиятлари қилиб қайта ташкил этиш, хорижий шериклар иштирокида корхоналар ташкил қилиш йўли билан улар ҳам хусусийлаштирилади.

Иккинчидан, хусусийлаштириш бўйича барча ишларнинг маркази тармок, умумреспублика даражасидан худудий даражага кўчирилаяпти. Давлат тасарруфидан чиқариш ва хусусийлаштириш дастурларининг амалга оширилиши учун худудий идораларнинг мақомини ошириш, уларнинг хуқукларини кенгайтириш ва жавобгарлигини кучайтириш зарур.

Учинчидан, йирик ва ўрта корхоналарни кенг кўламда акциядорликка ўгказиши, уларнинг негизида очик ҳиссадорлик жамиятлари тузиш хусусийлаштиришнинг асосий йуналиши бўлмоғи лозим. Шу билан бирга илгари тузилган ёпиқ турдаги акциядорлик жамиятлари очик турдаги жамиятлар қилиб қайта тузилиши керак.

Акциядорликка ўтиш жараёни республика аҳолисининг кенг қатламлари учун, шунингдек хорижий жисмоний ва юридик шахслар учун очик бўлиши лозим. **Ўз маблағларининг бир қисмини йирик корхоналарнинг акцияларига қўйишни истаган ҳар бир киши шундай имкониятга эга бўлиши керак**. Бунинг учун қимматли қоғозларнинг очик савдосини ўтказиб туриш, фонд биржасининг фаолиятини кенгайтириш, инвестиция компаниялари, инвестиция фондлари, қимматли қоғозлар бозори инфраструктурасини вужудга келтириш зарур. Ҳар бир корхонанинг акциядорликка ўтиш жараёни очик ва ошкора бўлиши даркор. Акцияларни жойлаштириш шартларини ва улар бўйича дивидендларни тўлаш тартибини аҳоли орасида кенг тушунтириш зарур.

Тўртинчидан, хусусийлаштириш ишининг муваффақияти у қишлоқда қандай ўтказилаётганига кўп жиҳатдан боғлиқ. Дехқон хўжаликларини ривожлантиришнинг давлат инвестиция дастурида қишлоқ хўжалигида хорижий инвесторларнинг қатнашиши, ер дехқонларга умрбод фойдаланиш учун берилиши кўзда тутилган.

Хусусийлаштириш учун ва хусусийлаштирилган савдо ҳамда хизмат кўрсатиши соҳаси обьектлари фойдаланиши учун ер участкалари сотишни кенгайтириш, ишхоналар, тураржойлар, кичик корхоналар, дўйонлар ва хизмат кўрсатиши обьектлари қуриш учун **ер участкалари сотиш керак**. Қишлоқ хўжалиги ерларини мерос қилиб қолдириш хуқуқи билан умрбод фойдаланишга бериш бўйича ким ошди савдолари ва танловларни тез-тез ўтказиб туриш лозим.

Ривожланган мамлакатларнинг тажрибаси **ер бозорисиз бозор хўжалиги бўлиши** мумкин эмаслигини кўрсатади.

Иккинчи босқичда хусусийлаштириш механизмининг ўзини янада такомиллаштиришга алохида эътибор берилиши керак. Аҳолининг хусусийлаштиришда қатнашадиган қисми кўпайиб боришини таъминлайдиган оммавий тарзда хусусийлаштириш механизмини ишлаб чиқиши ҳамда жорий этиши, унинг қимматли қоғозлар бозорига кириши учун кенг имкониятлар очиб бериш зарур.

Танловлар ва ким ошди савдолари ислоҳатларини иккинчи босқичида мулкни давлат тасарруфидан чиқариш ҳамда хусусийлаштиришнинг энг асосий усули бўлиши лозим.

Фонд биржаси ва қўчмас мулк биржаси фаолиятини янада ривожлантириш зарур. Давлат тасарруфидан чиқариш суръатлари жадаллаштирилиши, очик турдаги акциядорлар жамиятлари тузилиши билан улар олдида сифат жиҳатидан янги истиқболлар очилди. **Кўчмас мулк ва қимматли қоғозлар билан савдо қилувчи бирламчи бозорларни ташкил қилган ҳолда асосий эътибор иккиламчи бозорларни яратиш ва ривожлантиришга қаратилиши лозим.** Айни шу иккиламчи бозорлар давлат мулки ҳисобланган акциялар ва пайлар улушини кескин камайтиришга, зарар келтирадиган ва банкротга учраган корхоналарни тугатишга, қимматли қоғозларнинг табиий ҳаракати ва айланишига, уларнинг қадр-қиммати ошишига имкон туғдириши керак.

Хусусийлаштириш жараёнини чукурлаштириш ва рақобатчилик муҳитини вужудга келтириш юзасидан белгиланган тадбирларнинг амалга оширилиши бозор иқтисодиётини таркиб топтириш йўлида илгарилаш томон яна бир амалий қадам ташлашга имкон беради.

Таянч иборалар

- *Бизнес*
- *Тадбиркорлик*
- *Хусусий тадбиркорлик*
- *Тадбиркорлик шакллари*
- *Конкуренция*
- *Кўп укладли иқтисодиёт*
- *Приватизация*
- *Хусусийлаштириши*
- *Акционялаштириши*
- *Акционерлик жамияти*
- *Ёпиқ акционерлик жамияти*
- *Очиқ акционерлик жамияти*
- *Акция*
- *Дивиденд*
- *Акционер*
- *Акция курси*
- *Оддий акция*
- *Имтиёзли акция*
- *Акционялар назорат пакети*
- *Қимматли қоғозлар бозори*
- *Бирламчи бозор*
- *Иккиламчи бозор*
- *Фонд биржаси*

Ўз-ўзини текшириши учун саволлар

1. *Тадбиркорлик, унинг моҳиятини қандай тушинасиз?*
2. *Тадбиркорликнинг муҳим принциплари қайсилар?*
3. *Мулкий муносабатлар ва хусусийлаштиришини моҳияти нимада?*
4. *Хусусийлаштириши амалга ошириши усуллари қайсилар?*
5. *Ўзбекистонда хусусийлаштиришининг ўзига хос томонлари нимада?*
6. *Хусусийлаштиришининг хуқуқий асослари нимада?*
7. *Хусусийлаштириши қандай босқичларда амалга оширилади?*
8. *Акционялаштиришининг моҳияти нимада?*
9. *Акционерлик жамиятлари. Ёпиқ ва Очиқ акционерлик жамиятлари деганда нимани тушинасиз?*
10. *Хусусийлаштириши тўғрисидаги хужжатларни тайёрлаш тартиби қандай?*
11. *Қимматли қоғозлар бозори. Бирламчи ва иккиламчи бозор тушиунчаси қандай?*
12. *Фондлар биржаси, уларнинг асосий вазифалари қайсилар?*
13. *Хусусийлаштириши жараёнларини чуқурлаштириши қандай кечади?*
14. *Ўзбекистонда хусусийлаштириши жараёнини янада чуқурлаштиришининг устувор йўналишилари нималардан иборат?*

Адабиётлар:

1. И.Каримов “Ўзбекистон буюк келажак сари” Тошкент “Ўзбекистон”-1998 йил, 329-411 бетлар.
2. И.Каримов “Ўзбекистон XXI аср бўсағасида хавфсизликка таҳдид, барқарорлик шартлари ва тараққиёт кафолатлари” ўша ерда. 524-599 бетлар.
3. И.Каримов “Жамиятда тадбиркорлик руҳини қарор топтириши – тараққиёт гарови” Халқ сўзи 2001 йил 18 июл.
4. И.А.Каримов. “Эришган марраларимизни мустаҳкамлаб, ислоҳотлар йўлидан изчил бориши- асосий вазифамиз” мавзусида 2004 йил 7 февралда бўлиб ўтган Республика Вазирлар Маҳкамаси маъжлисидаги маърузаси. Халқ сўзи газетаси, 2004 йил 10 феврал.
5. Тадбиркорлик ва тадбиркорлик фаолиятини кафолатлари тўғрисидаги Ўзбекистон Республикаси Қонуни. 1998 йил 22 январ
6. Э.Акрамов, А.Тоиров. Экономические реформы Республики Узбекистан. Москва тоо «Люкс-арт», 1998йил 141-203 бетлар
7. А.Ўлмасов Иқтисодиёт асослари. Тошкент «Меҳнат» 1997йил 68-91 бетлар
8. А.Эшимуҳамедов ва бошқалар «Бозор мунособатлари шароитида Миллий иқтисодиётнинг ривожланиши». Тошкент. «Ўқитувчи», 1996 йил 169-186 бетлар.

10-боб. Стратегик режалаштириш ва уни ташкил этиш

- § 1. Стратегик режалаштириш назарияси, унинг моҳияти ва вазифалари.
 - § 2. Иқтисодиётни мувофиқлаштиришда давлатнинг роли.
 - § 3. Стратегик режалаштиришнинг методологияси. Ўзбекистон Республикасида стратегик режалаштиришни ташкил қилиш.

§ 1. Стратегик режалаштириш назарияси, унинг моҳияти ва вазифалари

Маълумки, бозор муносабатлари ишлаб чиқариш воситаларига ва истеъмол буюмларига бўлган хусусий мулкчиликка, товар ишлаб чиқарувчиларни эркин фаолиятига, эркин рақобат ва иқтисодиётни очиқлигига асосланади.

Иқтисодиётнинг марказдан туриб бошқарув тизимиға хос хусусиятлари бўлиб барча босқичларни қамраб олиш, ишлаб чиқаришни юқори даражада концентрациялашуви ва уни давлат корхоналарида монополлашганлиги, ишлаб чиқариш фаолиятини халқ хўжалиги самарадорлигига йўналтирилганлиги, мамлакатнинг ягона халқ хўжалик комплексини ёпиқлиги бўлиб хисобланади.

Собиқ СССРда режалаштиришнинг умумдавлат тизими мавжуд эди. У юқоридан токи куйигача бўлган бошқарув ва хўжалик органларини фаолиятини барча қирраларини назорат қилар эди. Бозор иқтисодига ўтилиши муносабати билан вазият тубдан ўзгарди. Бозор иқтисодига ҳар қандай маъмурий буйруқбозлик билан киритиладиган режалар ётдир, чунки хўжалик субъектлари ҳам ҳуқукий ҳам иқтисодий жиҳатдан давлат бошқарувида эмаслар.

Собиқ Иттифоқ даврида тепадан туширилган режалар қонун даражасигача күтарилилган бўлса ҳам улардан самара бўлмади. Шунинг учун иқтисодий ислоҳотлар жараёнини бошланишидан режалаштиришга бўлган эътибор сусая борди. Ҳозир ҳам бу масалага бюрократик камчиликларга эга бўлган ҳол деб қараш учраб туради. Иқтисодий ривожланишни, аҳолини турмуш даражасини яхшилашни асосий вазифа қилиб қўйган ҳар бир давлат унинг механизмларини, бажариш муддатларини олдиндан белгилайди. Ҳолбуки, етти марта ўлчаб бир марта кесган киши ютқазмайди. Ишлаб чиқариш кучлари ва ишлаб чиқариш мунособатлари билан боғлиқ бўлган ҳар қандай муаммо пировард натижаларни олдиндан кўра билишни, башорат қилишни ва режалаштиришни талаб қиласди. **Шундай экан, бозор иқтисодиёти шароитида режалаштириш ва прогнозлаштириш ўз аҳамиятини йўқотмайди.**

Хозирги замон цивилизациясининг ривожланиш тажрибаси бозор муносабатлари тизимини маъмурий буйруқбозли, буюрократик тизимга асосланган жамиятга нисбатан ҳаётий фаолиятнинг барча кирраларини самараси юқори бўлишини кўрсатаяпти. Унинг сабабларидан бири бозор муносабатлари тизимида асосланган барча давлат ижтимоий-иқтисодий жараёнларни давлат томонидан тартибга солиши усусларидан кенг **фойдаланишидадир**. Масалан, Япония, Ҳарбий Европа, Жанубий-Шарқий Осиё давлатларини мисол келтирса бўлади.

Японияда урушдан кейинги йилларда иқтисодий ўсиш суръатлари юқори бўлганлиги туфайли дунёда иқтисодий қуввати бўйича иккинчи ўринга чиқиб олди. Японияда ижтимоий-иқтисодий ривожланишни умумдавлат режалари, қонун бўлмаса ҳам, иқтисодиёт таркибининг айрим бўғинларини умуммиллат манфаатларини таъминлашга сафарбар қиласидаги давлат **дастурлари бўлиб** ҳисобланади. Япония биринчи 1956-1960 йилларга мўлжалланган «Иқтисодий ўз-ўзини таъминлаш 5 йиллик плани» Япон иқтисодини асосини ташкил қиласидаги хусусий корхоналар эканлигидан келиб чиқди. Бундан кейинги тузиладиган мамлакатни социал-иқтисодий умумдавлат режалари Япониянинг умуммиллат-иқтисодий режалаштириш шаклига айланди.

Бозор муносабатлари шароитида умумдавлат режалаштириш юзасидан Францияда ҳам қизикарли тажриба мавжуддир. Иккинчи жаҳон уруши тугаши билан оқ хукumatни бошкарған генерал ДЕ-ГОЛЬ иқтисодни тиклаш ва ривожлантиришни йўлларини қидира бошлади. Шуни таъкидлаш лозимки 1946 йилгача бозор шароитида режалаштириш тажрибаси йўқ эди.

Француз иқтисодиётининг режалаштиришни бош маркази 1946 йилда режа тузишни ташкил қиласди. Францияни биринчи давлат режаси-«Моонеплани» 1947-1953 йилларга мўлжалланган эди.

Саноати ривожланган кўпчилик давлатларни айниқса Осиёдаги Янги индустрисал давлатларнинг иқтисодини тахлили шуни кўрсатаяптиki бозор ва режа нафақат муваффақиятли амал қиласди, балки бир-бирига боғлиқ бўлиб қолган. Чунки тадбиркорликни ва эркин рақобатни ривожланиши учун шароит яратган бозор механизмларини шаклланишига ўз таъсирини ўтказиб туради.

Бу соҳада Жанубий Кореяни мисол келтирса бўлади. Бу ерда динамик ва қаттий ривожланишни бозор моделини тузишда давлат асосий ролни ўйнайди. 1963 йилда Жанубий Кореяда иқтисодий режалаштириш бошқармаси тузилди. Унга умумий иқтисодий стратегияни ишлаб чикиш, ривожланишни жорий шаклларини тузиш, Давлат бюджетини тузиш ва бажарилишини назорат қилиш, молия ресурсларини жалб қилиш ва ундан фойдаланиш сиёсатини мувофиқлаштириш, ташки давлатлар ва халқаро ташкилотлар билан ҳамкорликни ривожлантириш каби вазифалар юклатилди. Кейин бу бошқарма иқтисодий режалаштириш вазирлигига айлантирилди.

Беш йиллик режа амалга оширилмоқда. Режалаштириш у ерда ривожланган бозор иқтисодиётини яратишнинг муҳим элементи бўлиб қолган.

Стратегик режалаштиришнинг мазмуни бу миллий иқтисодиётни, унинг барча тармоқлари фаолиятини ривожланишини режа асосида тартибга солишдир.

Режалаштириш бу бошқарув элементидир. Режалаштириш бошқарув тизимида марказий ўринни эгаллайди. Бошқарувнинг муҳим хусусиятларидан бири эса - унинг **режали характерга** эга эканлигидир.

Режалаштиришнинг моҳияти шундаки, кишилар ўз ҳаракатларини онгли равища белгилайдилар. Бу ҳаракатларни ресурслар билан солиштириб чиқадилар, ташки муҳитга бевосита ва билвосита боғлиқ ҳолда олиб борадилар. Ҳозирги замон цивилизациясини ривожи шуни кўрсатаяптиki, режалаштириш ҳар бир меҳнат актига тааллуқли бўлиб жамиятни ривожланишига, меҳнат тақсимоти ва кооперациясига қараб ривожлана боради. У бир ишлаб чиқариш бирлигидан ажralиб чиқиб тадбиркорлар уюшмаси, миллий корпорациялар, давлатни ўзига ҳам тарқалиб кетади. Шундай қилиб бошқарув, демак режалаштириш моддий неъматлар ва хизматлар ишлаб чиқарадиган тижорат тармоқларига ҳам, жамият ва унинг айрим олинган тармоқларига ҳам тааллуқlidir.

Режалаштириш турлича шаклда бўлади:

- Тармоқлар, ижтимоий, илмий-техникавий, экология, молия ва бошқа аспектлар;
- Умумдавлат, регионлар, хўжалик юритувчи субъектлар, уларни бирлашмалари бўйича ва ҳоказо;
- Узоқ муддатли, ўрта муддатли ва жорий режалар.

Ҳал қилинаётган муаммолар даражасига қараб - улар **стратегик** ва **тактик** режаларга бўлинади. Стратегик режалаштириш бу кишиларни алоҳида бажарадиган амалий фаолиятидир. Бу фаолият прогнозлар, дастур ва режалар лойихасини тузиш билан боғлиқ бўлган ишлардир.

Мамлакат ривожланишини ва давлат иқтисодий сиёсатини асосий мезони бўлиб режалаштириш, айниқса тармоқни ривожланишини прогнозлаш ҳисобланади.

Стратегик режалаштириш қуйидаги хусусиятларга эгадир:

- Бир йилдан ошиқ бўлган ўрта ва узоқ муддатли истиқболга интилиш;
- Эътиборни социал – иқтисодий ривожланишни таъминлайдиган энг долзарб масалаларни ҳал этишга қаратиш;
- Белгилangan вазифаларни ресурслар ҳажми ва таркиби билан чамбарчас боғлаш;
- Режалаштирилаётган обьектга таъсир қиладиган кўпдан-кўп ташки омилларни ҳисобга олиш ва уларни салбий таъсирини камайтириш бўйича тадбирлар ишлаб чикиш ва ҳоказо.

Стратегик режалаштиришнинг моҳиятини унинг жараёнлари белгилайди. Улар қуйидагилардир:

- Стратегик прогнозлаштириш (айрим тармоқларни ва соҳаларни ривожлантириш, демографик прогнозлар, социал прогнозлар, давлат прогнозлари, ташқи иқтисодий прогнозлар, экологик прогнозлар);
- Стратегик программалаш (стратегик дастурлар лойихаси);
- Лойихалаш (миллий иқтисодиётни ривожлантиришни стратегик режалари лойихаси). Унинг моҳияти, стратегик режалар лойихасини ишлаб чиқишидир.

Стратегик режалаштириш орқали, амалда стратегик прогнозлар, дастурлар лойихаси ва режалар тузиш, бозор иқтисодиётини белгилайдиган объектив қонунларни ўрганиш, стратегик режалаштиришни кўпгина муаммоларини ҳал қилувчи методика ва методологияларни ишлаб чиқиш ва такомиллаштириш, ҳамда уни амалга ошириш имкониятлари яратилади.

Стратегик режалаштириш объекти бўлиб хўжалик субъектларини миллий иқтисоднинг таркибий элементларини ва бутун мамлакатнинг миллий иқтисодини ҳозирги ривожланишидан келиб чиқсан ҳолда яқин келажакдаги ва истиқболдаги **фаолияти ҳисобланади.**

Стратегик режалаштириш назариясининг 3 мухим тамоиллари мавжуд:

- Социал – иқтисодий.** У социал иқтисодий жараёнларни ривожланишини таъминлайдиган аниқ қонуниятларни ўрганишдан иборат.
- Стратегик режалаштириш методологияси.** У социал-иқтисодий жараёнларни билиш куроли ҳисобланади.
- Ташкилий.** У ўз ичига стратегик жараёнида қатнашадиган ташкилотлар тизимини, уни аниқ функцияларини белгилаш каби ишни ташкил қилишни ўз ичига олади.

§ 2. Иқтисодиётни мувофиқлаштиришда давлатнинг роли

Ривожланган ва ривожланаётган давлатлардаги режалаштириш ва иқтисодиётни тартибга солиш тажрибаси шуни кўрсатаяптики бу механизмлар орқали **давлат** жамиятни социал-иқтисодий стабиллигини, макропропорцияни ташкил қилишни, иқтисодиётни динамик ривожлантиришни таъминлайдиган асосий омилларни ўз кўлида ушлаб туради. Ҳар бир мамлакатда қарама-карши манфаатларни, турли хил кучларни бирлаштирадиган, жамиятни ривожлантириш стратегиясини ишлаб чиқадиган ва амалга оширадиган **давлатни роли** бекиёсdir. Бу умумий қоидани менсимаслик оғир оқибатларни олиб келиши мумкин. Хусусан, иқтисоддаги узулишлар, макроиқтисодий пропорцияларни ва микроиқтисодий боғлиқликларни бузилиши, молия, баҳо тизимидағи ва ҳакозалардаги вужудга келиши мумкин бўлган муаммолар, шулар жумласидандир. Шунинг учун ҳам Ўзбекистонда бозор иқтисодиётига ўтишнинг беш тамойилидан бири қилиб республиканинг ижтимоий-сиёсий, социал-иқтисодий ривожланишида **давлат асосий реформатор-ислоҳатчи қилиб белгиланган**.

Давлатнинг иқтисодиётдаги ўрни ва аҳамияти қўйидагичадир:

1. Давлат иқтисодиётни татибга солиб турувчи субъект ҳисобланади.
2. Давлат солик, субсидия, лицензия, бож тўловлари каби воситалар билан иқтисодиётга таъсир кўрсатади. Давлатнинг кўлида катта молиявий ресурслар тўпланади.
3. Давлат сиёсий ҳокимиятга эга бўлган алоҳида субъектдир. У ўз измини бошқа субъектларга ўтказади. Унинг органлари берадиган буйруқ ва фармойишлар барча иқтисодий субъектлар учун мажбурий ҳисобланади.

Айрим тадбиркор, ишчи ёки хизматчи, фирма, корпорация ёки фермер хўжалиги фақат ўзининг манфаатини кўзлаб фаолият кўрсатади, давлат эса якка ёки гурухий манфаатларни **ягоналика** бирлаштирувчи ва ҳамманинг умумий манфаатини ифодаловчи куч ҳисобланади. Давлат мулк соҳиби, аммо унинг иқтисодиёт учун аҳамияти иқтисодий фаолиятни тартиблай олишидан келиб чиқади. Гап шундаки, иқтисодиёт бир маромда ривожланиб бориши учун унинг турли тармоқлари бир-бирига мутаносиб бўлиши, бир-бирига боғланиб, бир-бирини тўлдириб туриши талаб қилинади. Буни таъминлашнинг **асосий воситаси – бозор механизми**дир. Агар бозор механизми иқтисодиётни нуқсонсиз тартиблаб турганида эди, танглик ва иқтисодий бекарорлик ҳеч юз бермаган бўлар эди. Ҳолбуки, бозор иқтисодиёти мамлакатларида танглик ва инқирозлар учраб турадиган ҳодисалардир. Демак, **бозор механизми мувозанатни тўла-тўқис ва нуқсонсиз таъминлай олмайди, шу сабабдан давлат иқтисодиётни албатта тартиблиши лозим**.

Бозор иқтисодиёти шароитида ижтимоий (социал) тенгсизлик яъни бойлар ва қамбағаллар мавжуд. Уларнинг ўртасида низо чиқмаслиги учун давлат аҳолининг ночор қатламларига ижтимоий ёрдам беришдек вазифани ўз зиммасига олиши керак бўлади. **Жамиятда ҳамма баҳраманд бўладиган хизматлар бор**. Улар жумласига умумий таълим, соғлиқни сақлаш, атроф мухитни муҳофаза қилиш, мамлакат хавфсизлигини таъминлаш, юртни обод қилиш, ижтимоий тартибини сақлаш ва бошқалар киради. Бу соҳалар ғоят серҳаражат, лекин бевосита фойда олиш имконини бермайди. Шу сабабли уларга фирмалар қўл урмайди. Бу иш ҳаммага зарур бўлгани учун мазкур соҳаларни давлат ўз кўлига олади. Демак, **давлат иқтисодий вазифани бажариши турган гап**.

Давлатнинг иқтисодиётга аралашувини ўз меъёри бор. Иқтисодиёт муттасил ўсиб бораётган шароитда давлат бозор механизмига халақит бермаслик учун иқтисодиётга камроқ аралашади. Бозор механизми яхши иш бермай, иқтисодий қийинчиликлар кучайган шароитда давлат иқтисодиётга фаолроқ аралашади ва унинг танглиқдан чиқиб, яхши ишлаб кетишига кўмаклашади. Масалан, 50-70 йилларда ғарб мамлакатларида иқтисодий инқирозлар тез-тез бўлиб турганда давлат иқтисодиётга ўз сиёсати билан фаол аралашган. 80-йилларнинг ўрталаридан бошлаб бозор механизми яхши ишлаб кетганлиги учун давлат иқтисодиётга камроқ аралашиб йўлига ўтди.

Давлатнинг иқтисодиёт учун аҳамияти унинг тартиблаб турувчи куч бўлиши билан белгиланади.

Иқтисодиётни давлат томонидан тартибга солиш қўйидаги қоидаларга асосланади:

-) Давлат иқтисодиётни тартиблағанда умумжамият манфаатларини күзлаши, умумиқтисодий ахамиятга молик чора-тадбирларни қўллаб-қувватлаши лозим;
-) Иқтисодиётни тартиблашда давлат маъмурий воситалардан эмас, балки хилма-хил иқтисодий воситалар мажмуидан фойдаланиши зарур;
-) Давлат тадбиркорлар билан рақобатлашмаслиги, балки уларнинг эркин ўзаро рақобат қилишлари учун шароит яратиши талаб қилинади, давлат рақобат курашининг бевосита иштирокчиси эмас, балки унинг олий ҳаками вазифасини бажаради;
-) Давлат сиёсати мамлакатда ижтимоий барқарорлик, хотиржамлик, ҳамкорлик ва ҳамжиҳатликни таъминлаш орқали иқтисодий ўсиш ва оммавий фаровонликни таъминлашга қаратилиши керак.

Мазкур тамойиллар умумий, лекин улар турли мамлакатларда ҳар хил даражада амалга оширилади.

Давлатнинг иқтисодиётни тартиблаш воситалари

Давлат ихтиёрида хилма-хил сиёсий, хуқуқий ва социал-иқтисодий воситалар бор. Аммо улардан қайси бирининг устивор бўлиши иқтисодий вазиятга боғлиқ. Биринчи навбатда давлат қонунчилик орқали иқтисодиётни тартиблайди. Қонун чиқарувчи давлат органи томонидан иқтисодий ҳаётга оид қонунлар қабул қилинади, қонунларда иқтисодиётнинг тартиб-қоидалари белгиланади. Иқтисодий саъй-харакатлар шу қонунларга биноан юз бериши талаб қилинади, давлат қонунларнинг бажарилишини назорат қилади, қонунбузарларни жазолайди.

Ўзбекистонда ҳам Олий Мажлис томонидан бозор иқтисодиётини шакллантириш, бозорга хос иқтисодий механизмни яратишга оид 400дан ошик қонунлар қабул қилинди. Ўзбекистонда қонунлар устивор, ҳамма унга баб-баравар риоя этиши шарт.

Қонунчилик иқтисодий фаолиятнинг хуқуқий асосларини белгилаб беради. Давлат қонунларни ишлаб чиқиш билан чекланмай, уларнинг амалда жорий этилишини ҳам таъминлайди. Давлатнинг иқтисодиётга аралашуви унинг сиёсатида ифодаланади. Иқтисодий сиёсат кўзлаган мақсадлар ва уларга эришиш воситалари яхлитлигини талаб қилади.

Иқтисодий сиёсат

Мақсадлар	Воситалар
Барқарор иқтисодий ўсиш	Солиқлар
Тўлиқ иш билан банд бўлиш	Субсидиялар
Пул қадрини сақлаб қолиш	Фоиз ставкасини ўзгартириш
Даромадларни бир меъёрда тақсимлаш	Инфляцияга қарши кураш чоралари
Турмуш даражасини ошириш ва бошқалар	Даромадларни назорат қилиш
	Давлат мулки ва тадбиркорлиги, давлат буюртмалари ва истеъмол

Давлатнинг ихтиёрида кучли молиявий воситалар мавжуд. Шулардан **энг муҳими солиқдир**.

Солиқлар ҳар қандай ишлаб чиқарувчилар ва оддий фуқароларнинг харажатига киради. Давлат солиқларни оширса, харажатлар ҳам ошади, бинобарин, бу фойдани қисқартиради, натижада ишлаб чиқаришни ўстиришда манфаатдорлик камаяди. Солиқлар камайтирилса, харажатлар пасайиб, фойда кўпаяди. Бунда манфаатдорлик кучайиши билан бирга ишлаб чиқаришга фойданинг реинвестициялаш (қайта қўйиш) имкони ҳам кенгаяди. Масалан, фирма солиқнинг хаммасини тўлаган шароитида 100 млн. сўмни инвестиция эта олади, бунинг натижасида ишлаб чиқариш кенгайиб қўшимча 60 млн. сўмга teng маҳсулот яратилади. Агар фирмага солиқдан имтиёз берилса, у 120 млн. сўмни инвестицияга сарфлайди, натижада маҳсулот ишлаб чиқариш 72 млн. сўмга етади. Демак, солиқ имтиёзи туфайли маҳсулот 12 млн. (72-60=12) сўмга кўпаяди.

Фан-техника тараққиёти юзага келтирган Янги ишлаб чиқариш соҳалари борки, уларни жадал ўстириш талаб қилинади. Бу соҳаларда чиқарилган товарлар бозорбоп бўлиб, тез

сотилади ва катта фойда келтиради. Бу маҳсулотлар саноатнинг бошқа соҳаларида ишлатилганида ҳам катта наф беради. Масалан, ёнилғини тежовчи, ўтга чидамли двигателлар ишлаб чиқарувчи корхоналарга соликдан енгиллик берилса, уларнинг харажатлари солик ҳисобидан камаяди. Натижада двигателларни ишлаб чиқариш ва оммавий қўлланиши қўпаяди, улар иқтисодий ўсишга олиб келади.

Соликлар ўз-ўзидан эмас, балки муқобил танлов қоидасини ишга солиш орқали иқтисодий ўсишни рағбатлантиради.

Давлат соликлардан тадбиркорликни, хайр-эҳсон ишларини, экспорт-импортни, хориж капиталининг кириб келишини рағбатлантириш учун ҳам фойдаланади. Масалан, Ўзбекистон Республикаси қонунларига кўра янги очилган кичик фирмалар, фермер хўжаликлари маълум муддат давомида(икки йил) соликдан озод қилинади. Хайрия ишларига сарфланган даромадлардан ҳам солик олинмайди. Экспортбоп товар ишлаб чиқарувчи корхоналар ҳам солик имтиёzlари оладилар.

Давлат фирмаларга солик кредити беради. Бунда солик тўлаш муддати кечикирилади, яъни солик пули кредитга (қарзга) айлантирилади ва уни инвестиция учун ишлатилади. Масалан, корхона ҳар йили 5 млн. сўм солик тўлаши керак. Бу солик 5 йил муддатга фоиз тўланмайдиган имтиёzли кредитга айлантирилади, натижада корхона 25 млн. сўмни ишлаб чиқаришга йўллаш уни ўстиради ва солиқни топган пулидан 5 йилдан сўнг тўлайди. Соликлар иқтисодий вазиятга қараб ўзgartирилиб турилади. Иқтисодий танглик бўлганда инвестицияни рағбатлантириш мақсадларида соликлар камайтирилади. Иқтисодий ўшиш шароитида соликларни ошириш мумкин, чунки яхши фойда кўрилган шароитда уларни тўлаш оғирлик қилмайди ва инвестициялаш имконияти катта бўлади.

Давлат томонидан иқтисодиётни тартиблашнинг яна бир муҳим воситаси **молиявий санация** (соғломлаштириш) ҳисобланади. Санацияда давлат корхоналарнинг молиявий ахволини яхшилашга қаратилган молия ва кредит тадбирларини ишга солади. Санация иқтисодиёт учун аҳамияти катта корхоналарни танг холатдан чиқириб уларни нормал ишлаб туришини таъминлаш ҳамда корхонларни оммавий банкрот бўлишига йўл бермасдан, рақобатчи корхоналар сонини керакли меъёрда саклаб туриш мақсадларида амалга оширилади.

Санациялаш йўллари кўп: корхона қарзини кечиб юбориш ёки уни ўзгалар ҳисобидан тўлаш, қарзни тўлаш муддатини кечикириш, қарз учун бериладиган фоизни камайтириш ёки умуман олмаслик, корхонага соликдан енгиллик бериш, соликни кредитга айлантириш, корхонага буюртма бериб уни ҳақини олдиндан тўлаш, субсидия ажратиш, корхонага экспорт юзасидан имтиёzлар бериш.

Давлатнинг санациядаги икки шартни ҳисобга олади: Биринчиси – корхонанинг миллий ёки худудий иқтисодиёт учун аҳамияти катта бўлиши керак, **иккинчиси** – корхонанинг танг ахволга тушиб қолишига унинг ўзига боғлиқ бўлмаган бошқа объектив сабаблар бўлиши лозим. Давлатнинг корхонага ёрдами бозор талабига зид келмаган тақдирдагина унга қўл урилади. Ёмон ишлаган, бозор талабига мослаша олмасдан молиявий инқиrozга юз тутган корхонага давлат ёрдам бермайди, чунки бу бозор қоидаларига зид келади.

Субсидия ҳам давлат ўз сиёсатида қўллайдиган асосий молия воситалари сирасига киради.

Субсидия давлат томонидан аниқ мақсад йўлида ишлатиш учун қайтариб олмаслик шарти билан ажратиладиган пул маблағидир.

Субсидиялар иқтисодиётни девирсификациялаш (таркибан ўзgartириш), экспорт-импортни мувозанатлаштириб туриш, новация, (янгиликни ўзлаштириш) ишларини йўлга қўйиш, айrim худудларга ёрдам бериш,. Конверсия (ҳарбий ишлаб чиқаришдан ҳалққа керакли товар ишлаб чиқаришга ўтиш) мақсадларида ажратилади. Айтилган ишлар серхаражат бўлганидан субсидия харажатларни бутунлай ёки қисман қоплаш учун берилади. Масалан, девирсификация катта жорий сарфларни талаб қиласи, шу боис уларни қоплаш давлат субсидияси ҳам иштирок этади. Субсидиялар экспортни қисқартириш ёки тўхтатиб туриш учун ҳам ишлатилади. Жаҳон бозоридаги нархни ушлаб туриш учун бозорга кўшимча товарларни чиқармаслик зарур бўлганда, давлат ўз товарларини захирага ўтказиб турган фирмаларга субсидия бериб, товарларни саклаб туриш харажатларини коплайди. Субсидиялар миллий саноатни ўстириш

учун ҳам берилади. Ташқаридан хом ашё киритиб, ташқарига тайёр маҳсулот чиқарувчи корхоналар ҳам субсидиядан баҳраманд бўладилар.

Давлат техника янгиликларини жорий этиш, ресурсларни тежаш, атроф-муҳитни муҳофаза қилиш, ресурсларни иқтисодиёти суст ривожланган ҳудудларга жойлаштириш, экспорт потенциалини ошириш дастурларини ишлаб чиқади. Бу дастурларда давлат тавсияларига биноан иш тутган корхоналар давлатдан субсидия оладилар.

Давлат **миллий иқтисодий чегараларни** белгилайди, иқтисодий чегара вазифасини эса миллий пул ва божхона тўловлари, яъни **бож пули** бажаради. Давлат миллий валютани мамлакат ҳудудидаги ягона ва танҳо тўлов воситаси сифатида киритади. Мамлакат ичидаги товар ва хизматларни фақат шу пулга олиш мумкин, бу билан миллий бозор ҳимоя қилинади. Шундай вазифани Ўзбекистон Республикаси пули – **сўм ҳам ўтайди**.

Давлат иқтисодий ўсиш учун ахамиятли, лекин серҳаражат ишларни ўзи ҳисобидан молиялаштиради. Булар жумласига фундаментал илмий тадқиқот ишлари, умумий таълим тизими, экология лойиҳалари, миллат-элат соғлигини таъминлаш тадбирлари, космик, атом саноати кабилар киради.

Инфляцияга қарши чоралар

Давлат иқтисодиётни тартиблашни пул ва у билан боғлиқ иқтисодий воситалар орқали ҳам бажаради.

Давлатнинг пул-кредит борасидаги сиёсати унинг монетар сиёсати деб юритилади.

Монетар сиёсат пулнинг қадрини таъминлаб, уни иқтисодиётнинг кучли дастагига айлантириш ва пул муомаласини изга солиш орқали иқтисодиётни тартиблашга қаратади. Ҳаддан зиёд инфляция шароитида иқтисодий ўсиш стимуллари заифлашади. Шу боисдан давлат инфляцияни иложи борича меъёрий даражага пасайтиришга қаратилган сиёсат олиб боради. **Инфляцияга қарши тадбирлар икки йўналишда олиб борилади:** **Биринчидан**, ишлаб чиқаришни ўстириш орқали товар ва хизматларни кўпайтириш ва шу йўсинда пулни моддий жиҳатдан таъминлаш; **иккинчидан**, пул микдорини керагидан ортиқча бўлишига йўл бермаслик учун пул эмиссияси устидан қаттиқ назорат ўрнатиш, яъни ортиқча пулни муомалага чиқармаслик. Кўрилган чора-тадбирлар натижасида инфляция суръатлари пасаяди.

Кучли инфляция кезларида пулни ишлаб чиқаришга қўйиш хатарли ишга айланади. Шу боисдан давлат инфляцияга йўл бермайдиган қулай инвестиция муҳитини яратиб, иқтисодий ўсишга кўмаклашади, натижада, **биринчидан**, кредит олишни енгиллаштиради, қарз беришнинг хатари кам бўлади, **иккинчидан**, пулга унинг қадри пасайиб улгурмасдан ресурс олиб ишлаб чиқаришга жойлаштириш мумкин. Инфляцияни давлат нақадар жиловлай олишига қараб иқтисодиётда ўзгариш юз беради.

Кредит сиёсати

Иқтисодиётга кучли таъсир этувчи восита – бу фоиз ставкасиdir. Бозор қоидасига кўра фоиз камайса, қарз пулига талаб ошади, бинобарин, кредит кўпроқ олинади ва кўпроқ ишлаб чиқаришга қўйилади. Кредитнинг иқтисодий ўсишга алоқадорлигини ҳисобга олган ҳолда давлат уни арzonлаштириш чораларини кўради. Давлатнинг қўлида катта пул тўпланади, бу пул банкка қўйилади ва ишлатилишига қадар кредит ресурсини ташкил этади. Давлатнинг пулни капитал бозорига чиқиб кредитнинг таклифини кўпайтиради ва бу фоизни камайтиради.

Давлат бўш турган пулнинг таркибини ўзгартириш орқали бозордаги пулга бўлган талаб ва таклифи ўзгартиришга эришади. **Бўш пуллар ҳозир қарз бериш учун ажратилган ва захирадаги кредит резерви сифатида турган пулларга бўлинади.** Захирадаги резерв пулнинг камайиши таклиф этилган пулнинг кўпайишини билдиради ва, аксинча, унинг кўпайиши пул таклифини қисқартиради. Одатда кредит ресурсининг 20 фоизи захирада бўлса, 80 фоизи бевосита кредит ишига ажратилади, яъни сотишга қўйилади. Давлат шу нисбатни ўзгартиради. У пул резервини қисқартириш ҳисобидан унинг кредит сифатида таклифини кўпайтиради. Натижада фоиз пасаяди, бинобарин кредит арzonлашганидан уни кўпроқ олиб, инвестиция учун ишлатиш қулай бўлади.

Давлат кредит ресурсига ўзи номидан чиқарилган қимматли қоғозларни, чунончи, акция, облигация, хазина мажбуриятларини сотиш орқали таъсир этади. Бу қоғозлар сотилганда бўш

пуллар давлат олган қарзга айланиб қолади ва улар кредит сифатида берилмайди. Натижада кредит таклифи қисқариб, фоиз ўсади. Давлат бу қоғозларни қайтадан сотиб олганда ўз қарзини узган бўлади, унинг қўлидаги пул қимматли қоғозларни сотганлар қўлига ўтиб, бўш пулни кўпайтиради, бинобарин, пулнинг кредит сифатида таклифини оширади. Натижада фоиз пасайиб, кредит арzonлашади. Масалан, мамлакатда 50 миллиард сўм бўш пул бўлиб, кредит ресурси сифатида хизмат қиласди. Яратилган миллий махсулот 500 миллиард сўмга teng. Бир сўм инвестиция 0,5 сўмга teng қўшимча махсулот беради. Давлат 20 миллиард сўмга teng қимматбаҳо қоғозларни сотганда бўш пул шу суммага қисқариб, 30 миллиард сўмга тушади. Бу пул кредит орқали инвестицияланганда 15 миллиард сўмга teng иқтисодий ўсиш беради, яъни ўсиш 3 фоиз $\left(\frac{15 \times 100}{500} = 3\% \right)$ бўлади.

Агар давлат олдин чиқарган қимматли қоғозлар сотиб олиш учун 10 миллиард сўм сарфласа, кредит ресурси шу миқдорда кўпайиб 60 миллиард сўмга етади. Бу эса кредитни арzonлаштиради. Инвестицияланган кредит пули 2 марта кўп бўлади ($50+10:30=2$). Бу эса миллий махсулотни 30 миллиард сўмга ($60:2=30$) оширади, яъни иқтисодий ўсиш 6 фоизни ($30 \times 100:500=6\%$) ташкил этади.

Давлат тадбиркорлиги

Давлат катта мулк сохиби хисобланади, аммо давлат мулки бошқа мулклар йўлини тўсмайди, балки уларга кўмак беради. Давлат эгалик қиладган мулкнинг ўзига хос чегараси бор. Уни қуидаги шароитлар тақозо этади: иқтисодиётда шундай соҳалар мавжудки, уларнинг фаолияти умуммиллий ҳамда жамият манфаатлари учун зарур, аммо серхаражат бўлиб, кам фойда беради.

Давлат мулки заминида давлат тадбиркорлиги пайдо бўлади ва у иқтисодиётнинг давлат сектори деб аталади. Давлат секторининг иқтисодиётда тутган ўрни ва аҳамияти ҳамма мамлакатларда бир хил эмас. Бозор иқтисодиётига ўтишда Ўзбекистонга хос белги – бу иқтисодиётни давлат тасарруфидан чиқаришдир. Шу сабабдан Ўзбекистонда иқтисодиётдаги давлат секторининг салмоғи қисқариб бормокда.

Давлат тадбиркорлигининг ўзига яраша зиддиятлари бор, бу тадбиркорлик, бир томондан, иқтисодиёт учун зарур, иккинчи томондан, у фоят серхаражат.

Давлат бозорга истеъмолчи – харидор сифатида ҳам чиқади. Давлат бюртмачиларига биноан ишлаш фирмалар учун қулай бозор яратади, чунки товарлар ва хизматлар олдиндан белгиланган миқдорда ва келишилган нархда албатта сотилади. Давлат хусусий секторда жамғарилиб, бозорга чиқмай қолиши мумкин бўлган пулни солиқ ундириш орқали ўз қўлига олиб, уни ўз бюртмасини харид этишга жалб этади, яъни бозорни кенгайтиради. Демак, давлат ўз хариди билан иқтисодий тараққиётга ҳисса қўшади.

Бозор тизимида давлатнинг иқтисодиётни тартиблашдан иборат фаолияти маъмурий тазийқ орқали эмас, балки иқтисодий воситалар билан амалга оширилади.

Ижтимоий (социал) сиёсат

Давлатнинг ижтимоий сиёсати иқтисодиётни тартиблашга бевосита таъсир этмайди, **балки жамиятда социал тотувлик ва ҳамжиҳатликни таъминлаб**, иқтисодий ўсиш учун қулай ижтимоий шароит яратади. Фирма соҳиблари билан меҳнат ахли ўрасидаги низо иқтисодиётни издан чиқаради, аксинча, уларнинг ижтимоий ҳамжиҳатликда ишлаши-иктисодий ўсиш шарти ҳисобланади. Давлат меҳнат мунособатларига аралашганида иш берувчилар билан ёлланиб ишловчилар ўртасида зиддият чиқмаслиги чораларини кўради, мабодо чиққан тақдирда ҳам қонунлар асосида тинч йўл билан ҳал этилишига эришилади. Давлат иш куни ва иш ҳафтасининг давомийлиги қонун йўли билан белгилаб қўяди, минимал(энг кам) иш ҳақи миқдорини ўрнатади, ундан кам иш ҳақи тўлашга ҳеч ким жазм эта олмайди. Давлат ишсизларни янги касбларга ўргатиш учун маблағ ажратади, иш кунини қисқартириш ҳисобидан қўшимча равишда ишчи ва хизматчиларни ишга олган, янги иш ўринлари яратган фирмаларга соликдан енгиллик беради. Давлат ўз ҳисобидан меҳнат биржалари орқали ишсизларга ишсизлик нафақаси тўлайди, уларнинг хорижга чиқиб ишлашига шароит ятатади. Хуллас, давлат иш кучини тайёрлашда ҳам қатнашади. Давлат бойлар пулини прогрессив солиқлар

воситасида қайчилаб, уни ночор кишилар ўртасида тақсимлайди. Бу билан бойлар ва камбағаллар ўртасидаги мувозанат таъминланади. Ривожланган бозор иқтисодиёти шароитида давлатнинг социал-ижтимоий сиёсати жамиятни ўта бойиб ва ўта камбағал тоифаларга ажралишига йўл бермайди.

Давлат иқтисодиётни тартибга солиш тизимида **стратегик режалаштириш алоҳида ўрин тутади, чунки у:**

1. Аник бир муддатга иқтисодиётни ҳолати ва социал муаммоларни ҳал қилинишини тўғрисида маълумотга эга бўлиш;
2. Ҳозирги иқтисодиётни ва социал мунособатларни келажакдаги ривожини лойиҳалаш;
3. Қўйилаётган вазифаларни барча турдаги ресурслар ҳажми ва таркиби билан боғлаш;
4. Мамлакатни олдида турган ҳар хил (федерал ва регионал) иқтисодий ва социал муаммоларни бир-бири билан боғлаш ва уларни ечимларини ягона дастурларга бирлаштириш ва бошқа имкониятларни яратиб беради.

§ 3. Стратегик режалаштириш методологияси. Ўзбекистонда стратегик режалаштириши ташкил қилиш

Методология бу ҳақиқатни (воқейликни) билиш мақсадида қўлланилган барча методлар ва усуллар йиғиндисидир. У ўз ичига умумфалсафий усулни, ҳамда аниқ фанлар усулларини олади. Фалсафий усул жамоатни ва табиатни ривожланишини умумий қонунларига асоланадиган диалектикани ҳамда илмий фикрлаш принципларини олади:

- индукция-хусусий далиллардан фойдаланиб, айрим фаразлар (гипотезалар)га ўтиш йўли билан **ақлий хulosса чиқариш**;
- дедукция-қонун қоидалар асосида хulosса чиқариш;
- таҳлил;
- синтез-турли элементларни ягона бир бутунга бирлаштириш, қиёслаш;
- Экспримент – тажриба ўтказиш.

Стратегик режалаштириш методологиясини аниқлаш унинг қўйидаги хусусиятларини ҳисобга олишни тақозо қиласди:

- таркибий бирлик
- стратегик прогнозлар, дастурлар ва режалар ишлаб чиқаришнинг мантиқи (логикаси)
- маҳсус услубий принцип ва ёндашувлар
- стратегик режалаштириш жараёнида, прогнозлаштириш ва режалаштириш кўрсаткичларини тузишда ва асослашда фойдаланиладиган усуллар тизими.

Стратегик режалаштириш методологиясининг тизими прогнозлар, дастур ва режалар ишлаб чиқишнинг илмий асоси ҳисобланади. Стратегик режалаштириш **методологияси** қўйидаги бешта муҳим саволга жавоб олиш имкониятини беради:

1. Стратегик режалаштириш обьектларининг ривожлан-тиришни мақсади;
2. Прогнозлар, дастур ва режалар ишлаб чиқиш жараёни қандай кетма-кетлиқда бўлиши лозимлиги;
3. Стратегик прогнозлар, дастур ва режалар қандай бўлиши керак ва улар қандай талабларни қондириши керак?
4. Стратегик режалаштириш маълум муаммоларни ҳал қилишда қандай ёндашувлардан фойдаланади?
5. Стратегик прогнозлар, дастур ва режаларни оптималлаштириш қандай методлар ва кўрсаткичлар тизими ёрдамида таъминланади.

Бошқарувни, демак, стратегик режалаштиришни ҳар қандай муаммосини ҳал қилиш ўз мантиқига эгадир. **Стратегик режалаштиришни мантиқи** деганда, стратегик режалаштиришни барча муаммоларини ҳал қилишда тартибли кетма-кетлиқ, ўзаробоғлиқлик ва бажариладиган ишларнинг асосланганлигини тушунилади.

Стратегик режалаштиришнинг мантиқий мазмуни унинг қўйидаги **таркибий элементларини ёритиб беради**:

1. Стратегик режалаштириш даврида субъектнинг мақсадини аниқлаш ва шакллантириш;
2. Стратегик режалаштириш эришилган даражасини ва таркибини аниқлаш, уни таҳлил қилиш;
3. Режалаштириш даврида жамият талабининг ҳажми ва таркибини аниқлаш;
4. Режалаштириш даврининг бошланишига мавжуд бўлган ресурслар ҳажмини ва таркибини аниқлаш;
5. Социал-иктисодий тармоқлар талаб ва ресурсларини мувозанатлаштириш, бирбири билан боғлаш.

Стратегик режалаштириш методологиясининг принциплари

Стратегик режалаштириш жамиятнинг бошқарув тизимида марказий элемент бўлиб ҳисобланади ва унинг мантиқий режалаштириш принципларига сужнади.

Режалаштиришнинг **асосий принциплари** бўлиб қуидагилар ҳисобланади:

1. Иқтисод ва сиёсатнинг бирлиги принципи
2. Марказлаштириш ва мустақиллик принципларини бирлиги
3. Бошқарув ечимларини самарадорлиги ва илмий асосланганлик принципи
4. Умумий ва локал (айрим олинган) манфаатларни бирлиги принципи. Стратегик дастурлар ва режаларни бажаришда шахсий ва жамоа манфаатини рағбатлантириш.

Кўрсаткичлар тизими ва стратегик режалаштириш методлари

Прогнозлаштиришда, дастур ва режаларни тузишда кўрсаткичлар тизимидан кенг фойдаланилади. Факат кўрсаткичлар тизими орқали стратегик режалаштиришни мантиқи, принциплари ва методологик ёндашувларини амалга оширилиши мумкин.

Кўрсаткич, деб хозирги замон ҳисботи ва статистикасида жамиятдаги социал-иқтисодий воқелик ва жараёнларни миқдор ва сифат жиҳатидан тавсифлаш тушунилади.

Кўрсаткич тизими қуидаги 4 гурухга бўлиниади:

1. Миқдор ва сифат кўрсаткичлари
2. Тасдиқланадиган ва ҳисобланадиган кўрсаткичлар
3. Натурал ва қиймат кўрсаткичлари
4. Абсолют ва нисбий кўрсаткичлар

Уларни яна бошқача тизимга ҳам бўлиш мумкин:

- умумий режалаштиришда фойдаланиладиган кўрсаткичлар тизими;
- мамлакатни социал-иқтисодий ривожлантиришда, давлат бюджетида фойдаланиладиган кўрсаткичлар;
- федерация субъектларини ривожланишини ва маҳаллий бюджетни режалаштиришда фойдаланиладиган кўрсаткичлар;
- айрим тармоқни ривожлантиришда фойдаланиладиган кўрсаткичлар тизими;
- корхона, бирлашма, тижорат ташкилотларини ривожлантириш пронозларини, дастурларини ва режаларини тузишда фойдаланиладиган кўрсаткичлар тизими.

Стратегик режалаштиришда фойдаланиладиган кўрсаткичлар маълум **талабларга жавоб бериши лозим**:

1. Режалаштиришнинг маълум даражаси учун кўрсаткичларни мажбурийлиги ва уларнинг бирлиги.
2. Режа кўрсаткичлари статистика кўрсаткичлари билан мос келиши керак.
3. Кўрсаткичлар маълум ўлчов бирлигига ўлчанадиган, ифодаланадиган бўлиши керак.
4. Кўрсаткичлар тизими режалаштирилаётган объектини барча кирраларига комплекс характеристика бераоладиган бўлиши керак.
5. Кўрсаткичлар букилувчан, эгилувчан бўлиши, режалаштирилаётган объектлар ҳолатини барча ўзгаришларини акс эттираоладиган бўлиши керак.
6. Кўрсаткичлар тизими режа топшириқларида бажарувчilar аниқ кўрсатилган, яъни адресли бўлиши керак.
7. Кўрсаткичлар махсулдорликни, самарадорликни ўсишига ундаши керак.
8. Кўрсаткичлар тизими сон жиҳатдан чегаралангандан бўлиши лозим.

Стратегик режалаштиришнинг муҳим таркибий қисми бўлиб, унинг методикаси ҳисобланади. **Методика** – бу прогнозларни, стратегик дастурларни ва режаларни **режа кўрсаткичларини таҳлил қилишда, асослашда ва тузишда қўлланилган барча методлар, усувлар йиғиндисидир**.

Стратегик режалаштиришни **методи** бу прогнозлар, дастур ва режаларни **айрим кўрсаткичларини** ҳисоблашда режалаштиришда муаммоларини ҳал қилишда фойдаланиладиган аниқ услугуб, техник ёндашувдир.

Режалаштиришда норматив метод, баланслаш методи, иқтисодий математика методи ва модели, эксперт (баҳолаш) методи, социал-иқтисодий таҳлил қилиш методи, тизимли таҳлил ва синтез ва кўпгина бошқа методлардан фойдаланади.

Ўзбекистон Республикасида стратегик режалаштиришни ташкил қилиш

Ўзбекистонда социал-иқтисодий ривожланиши стратегик режалаштириш ва самарали бошқаришни зарур шарти бўлиб маҳсус ташкилотлар тизимини мавжудлиги ҳисобланади. Ана шу ташкилотлар тизимида Ўзбекистон Республикаси **иқтисодиёт вазирлиги алоҳида ўрин тутади**.

Ўзбекистон Республикаси Вазирлар Махкамаси 2003 йил 22 январда 37 сонли «Ўзбекистон Республикаси Иқтисодиёт вазирлиги фаолиятини ташкил этиш тўғрисида» маҳсус қарор қабул қилди. Иқтисодиёт вазирлигининг **асосий вазифалари**дан бўлиб қуйидагилар белгилаб қўйилди:

1. Иқтисодиётни ривожлантиришнинг кўп вариантили сценарийларини, мамлакатни ижтимоий-иқтисодий ривожлантиришнинг **минтақалар, тармоқлар ва иқтисодиёт секторлари бўйича қисқа ва ўрта муддатли прогнозлари ва дастурларини ишлаб чиқиш**;
2. Мухим қиймат, моддий ва меҳнат **балансларини** ишлаб чиқиши ташкил этиш;
3. **Демографик прогнозларни**, аҳолини аниқ тарзда ижтимоий муҳофаза қилиш, ички истеъмол бозорини тўлдириш, одамларни фаровонлигини ошириш, ижтимоий инфратузилмани ривожлантириш **дастурларини ишлаб чиқиш**;
4. Иқтисодиётни таркибий қайта ўзгартиришларнинг **ўрта муддатли прогнозларини**, тармоқларни ривожлантириш, замонавийлаштириш ва технология билан қайта жиҳозлаш, ишлаб чиқаришларни маҳаллийлаштириш, илғор, ресурсларни тежайдиган технологияларни жорий этиш **дастурларини ишлаб чиқиш**;
5. Таркибий сиёsat мақсадларига эришишни, минтақаларни комплекс ривожлантиришни таъминловчи **қисқа ва ўрта муддатли инвестиция дастурларини** ишлаб чиқиш бўйича ишларни мувофиқлаштириш;

Юқоридаги Иқтисодиёт вазирлигининг вазифаларидан кўриниб турибдики, Ўзбекистон Республикасида ҳозирги вақтда бозор иқтисодига ўтиш жараёни кетаётганлиги туфайли прогнозларга асосан **қисқа ва ўрта муддатли прогнозларни ишлаб чиқишига эътибор қаратилган**.

Республикамида стратегик режалаштиришни концепцияси ишлаб чиқиляпти. Прогнозлар асосан тармоқлар бўйича ишлаб чиқилади. Умуниқтисодиёт бўйича эса ҳали бундай прогнозлар ишлаб чиқилмаган.

Таянч иборалар

- Стратегик режалаштириши
- Режалаштириши шакллари
- Стратегик режалаштириши тамоийллари
- Давлат асосий реформатор
- Бозор механизми
- Итисодиётни тартиблаш воситалари
- Солиқ
- Молиявий санация
- Инфляция
- Монетар сиёsat

- Кредит сиёсати
- Давлат тадбиркорлиги
- Ижтимоий сиёсат
- Индукция
- Дедукция
- Синтез
- Эксперимент
- Прогноз
- Дастур
- Метод, методика
- Методология
- Мантиқ
- Кўрсатгич

Ўз-ўзини текшириши учун саволлар

1. Стратегик режалаштириши, унинг моҳияти нимада?
2. Стратегик режалаштириши-бошқарув элементи эканлиги?
3. Режалаштириши элементлари нималардан иборат?
4. Стратегик режалаштиришининг ўзига хос хусусиятлари, унинг обьекти ва тамойиллари қайсилар?
5. Давлат асосий реформатор-ислоҳотчи эканлиги деганда нимани тушунасиз?
6. Давлатнинг иқтисодиётни тартиблаши воситалари нимада?
7. Молиявий санация ва унда давлатни шитироки қандай?
8. Субсидия қандай мақсад йўлида ишлатилади?
9. Инфляцияга қарши қандай чоралар қўлланилади?
10. Кредит сиёсати ҳақида нима дея оласиз?
11. Давлат тадбиркорлиги нима ва у қандай амалга оширилади?
12. Ижтимоий сиёсат иқтисодиётни тартиблашда қандай аҳамияга эга?
13. Давлат иқтисодиётни тартибга солишда стратегик режалаштиришининг ўрни қандай?
14. Стратегик режалаштириши метадологияси ва унинг принциплари қайсилар?
15. Кўрсаткичлар тизими ва стратегик режалаштириши методларини биласиз?
16. Ўзбекистон Республикасида стратегик режалаштиришини ташкил қилиши қандай амалга оширилаяпти?

Адабиётлар:

1. Ўзбекистон Республикасининг Конституцияси. Тошкент. Ўзбекистон, 1992 йил. 23-24 бетлар.
2. И.А.Каримов «Ўзбекистон Буюк келажак сарис» Тошкент. Ўзбекистон 1998 йил.
3. И.А.Каримов. “Эришган марраларимизни мустаҳкамлаб, ислоҳотлар йўлидан изчил бориши- асосий вазифамиз” мавзусида 2004 йил 7 февралда бўлиб ўтган Республика Вазирлар Маҳкамаси мажлисидаги маърузаси. Халқ сўзи газетаси, 2004 йил 10 феврал.
4. Ўзбекистон Республикаси Вазирлар Маҳкамасининг 2003 йил 22 январ 37-сонли «Ўзбекистон Республикаси Иқтисодиёт вазирлиги фаолиятини ташкил этиши тўғрисида» ги Қарори.
5. Йохансен «Очерки макроэкономического планирования» Инглизчадан рус тилига таржимаси 2 томли М.«Прогресс»,1982 йил.
6. М.Шарифхўжаев, Ё. Абдуллаев. Менежмент. Тошкент. Ўқитувчи. 2001 йил, 399-447 бетлар.

7. Кныш М.И, Перекатов Б.А., Тютиков Ю.П. «Стратегическое планирование инвестиционной деятельности» Издательский дом «Бизнес-пресса» Санкт Петербург 1998 йил 89-180 бетлар.
8. Черныш Е.А, Молчанова Н.П. Новинова А.А, Солтанова Т.А «Прогнозирование и Планирование в условиях рынка». Учебное пособие. Москва 1999г. Стр. 3-87
9. Стратегическое планирование под. ред Уткина Э.А Москва Ассоциация авторов и издателей «Тандем». издательство ЭКМОС – 1998 г.

11-боб. Ўзбекистоннинг ташқи иқтисодий фаолияти

- § 1. Ўзбекистон мустақиллиги ва унинг ташқи иқтисодий фаолияти принциплари. Очиқ иқтисодиёт модели.
- § 2. Ташқи иқтисодий алоқалар ва ҳамкорликнинг асосий шакллари ва йўналишлари.
- § 3. Ташқи иқтисодий фаолият ва уни бошқаришни ташкил қилиш.

§ 1. Ўзбекистон мустақиллиги ва унинг ташқи иқтисодий фаолияти принциплари. Очиқ иқтисодиёт модели

Ўзбекистон мустақилликка эришгандан сўнг халқаро ҳамжамиятнинг тенг хуқуқли аъзоси бўлди. Ўзбекистон халқаро мунособатларда мустақил суверен давлат сифатида фаолият олиб боради. Мустақиллик туфайли кўпчиллик хорижий давлатлари билан мустақил иқтисодий ҳамкорлик алоқалари ўрнатди. Бу ҳамкорлик давлат сиёсатининг мухим қисми бўлиб, республика иқтисодий ривожланишининг устивор йўналишларидан бири сифатида белгилаб қўйилган. **Ўзбекистон давлат сиёсатини мақсади республика иқтисодиётини жаҳон иқтисодий тизимига интеграциялашувини таъминлаш ва ҳақиқатда очик иқтисодиётга эришишдир.**

Ташқи иқтисодий фаолият деганда мазкур мамлакат юридик ва жисмоний шахсларининг хорижий давлатларнинг юридик ва жисмоний шахслари, шунингдек, халқаро ташкилотлар билан ўзаро фойдали иқтисодий алоқаларни ўрнатиш ва ривожлантиришга қаратилган фаолияти тушунилади.

Ўзбекистон ўтмишда жуда кўп минерал хом-ашё ресурларига, катта ишлаб чиқариш техника имкониятларига, бой меҳнат ресурсларига эга бўлгани ҳолда, стратегия жиҳатидан жуда қулай геополитик ҳолатда жойлашган бўлишига қарамай ташқи дунёдан ажralиб қолган эди.

«Шундай бир ғайритабиий вазият вужудга келиб қолган эдик, дейди Президентимиз И.Каримов - республика умуман «очик» иқтисодиётга эга бўла туриб, етиштирилган маҳсулотнинг 30 фоизига яқини ташқарига олиб чиқиб кетилишига қарамай, амалда ёпиқ мамлакат бўлиб қолаверди. У жаҳон бозорига тўғридан-тўғри чиқа олмасди ва унинг барча ташқи алоқалари собиқ Иттифоқ ва Ўзаро Иқтисодий Ёрдам Кенгаши чегараларидан нарига ўтмасди. Масалан, Ўзбекистон ташқи савдо мунособатларининг 83 фоиздан зиёдроғи Иттифоқ республикалари билан савдо сотиқ хиссасига тўғри келар эди». («Ўзбекистоннинг бозор мунособатларига ўтишнинг ўзига хос йўли». Тошкент. Ўзбекистон, 1993йил. 91 бет.)

Республиканинг сиёсий ва иқтисодий мустақиллиги халқаро меҳнат тақсимотида, бошқа давлатлар билан тенг хуқуқли алоқалар ўрнатишни нафақат имкониятини, балки унинг заруратини ҳам очиб берди.

Президентимиз И.Каримов ўзининг асарлари, маъруза ва нутқларида ташқи сиёсий ва иқтисодий алоқаларнинг асосий тамойилларини назарий ва амалий жиҳатдан пухта асослаб берди. Ташқи сиёсатга тинчлик барқарорлик, ҳамкорлик йўли асос қилиб олинди. Ўзбекистон Республикасининг давлат мустақиллигини дунёдаги 165 та нуфузли давлат тан олди, улардан 120 таси билан дипломатик, сиёсий, иқтисодий, илмий-техникавий ва маданий алоқалар ўрнатилди.

- Тошкентда 43 мамлакатнинг элчихоналари очилди.
- Республикада 88 та хорижий мамлакат ваколатхоналари аккредитация қилинган, 24 та ҳукуматлараро ва 13 та ноҳукумат ташкилотлари фаолият кўрсатмоқда.
- Дунёдаги 30 дан ортиқ давлатда Ўзбекистоннинг элчихона-лари ва консуллари ишлаб турибди.
- Ўзбекистон 30 та нуфузли халқаро иқтисодий ва молия ташкилотларининг тенг хуқуқли аъзоси.
- Жаҳоннинг 140 мамлакати билан савдо-иқтисодий муно-собатлар ўрнатилган.
- Мустақиллик йилларида Ўзбекистон иқтисодиётига 12 млрд. АҚШ доллари миқдорида хорижий инвестициялар жалб қилинди.

- Хорижий сармоя иштирокида 2000 дан ортиқ корхоналар фаолият кўрсатмоқда.
- Ташқи савдо обороти миқдори 2000 йилда 6 млрд. дан ортиқ АҚШ долларини ташкил этди, 2001 йилда бу кўрсаткич 3,1 фоизга ўси.
- Жаҳоннинг 80 мамлакатига Ўзбекистон маҳсулотлари экспорт қилинади ва турли хизматлар кўрсатилади. Экспортнинг умумий ҳажми деярли 2 баравар, узок хорижий мамлакатларга эса 2,4 баравар оши.

Ўзбекистон Республикасининг «Ташқи сиёсий фаолиятнинг асосий принциплари тўғрисида», «Чет Эл инвесторлари ва хорижий инвесторлар фаолиятининг кафолатлари тўғрисида», «Ташқи иқтисодий фаолият тўғрисида»ги Қонунлари унинг халқаро майдонда фаол ва кенг кўламли ҳамкорлик қилиши учун ҳуқуқий кафолат бўлиб хизмат қилмоқда.

1992 йилнинг 2 март куни Ўзбекистон Республикаси ўзининг хохиш-иродаси ва таклифиға кўра энг нуфузли халқаро ташкилот – БМТига қабул қилинди ва шу куни БМТИнинг Нью-Йорқдаги биноси олидида Мустақил Ўзбекистон Республикасининг байроғи кўтарилди.

1993 йилда Тошкентда БМТнинг ваколатхонаси очилди. Ўзбекистон жаҳон ҳамжамиятининг тўла, тенг ҳуқуқли аъзоси сифатида БМТ фаолиятида иштирок этмоқда.

1992 йилнинг феврал ойида Республикамиз Европа хавфсизлик ва ҳамкорлик ташкилоти (ЕХХТ)га кирди. Кейин 105 та мамлакатни ўзида бирлаштирган Кўшилмаслик ҳаракати аъзосига айланди. 1992 йилнинг октябр ойида эса дунёнинг энг кекса ташкилотларидан бири Парламентлараро иттифоқнинг 19-аъзоси сифатида тан олинди. 2001 йил июнда Шанхай ҳамкорлик ташкилотига аъзо бўлиб кирди. Ўзбекистон кўпгина минтақавий ташкилотлар, Европа иттифоқи ва бошқалар билан самарали ҳамкорлик қилмоқда. Ватанимиз, шунингдек, Халқаро валюта фонди, Бутунжаҳон банки, Халқаро молия корпорацияси, Иқтисодий ҳамкорлик ташкилоти (ИҲТ), Осиё ва Тинч океани мамлакатлари учун БМТнинг ижтимоий ва иқтисодий комиссияси, Қайта қуриш (тиклаш) ва ривожлантириш Халқаро банки, Қайта қуриш (тиклаш) ва ривожлантириш Европа банкига аъзо бўлиб кирди.

Ўзбекистоннинг БМТ ҳомийлигида таълим, Фан ва маданият билан шуғулланувчи халқаро ташкилот – ЮНЕСКО билан алоқалари кенгайиб бормоқда. 1993 йил 29 октябрда ЮНЕСКОнинг қароргохи Парижда Ўзбекистон ЮНЕСКОга аъзоликка қабул қилинди. 1994 йил октябрда Парижда ватандошимиз Мирзо Улуғбек таваллудининг 600 йиллигига бағишинган Улуғбек ҳафталиги тантанаси бўлиб ўтди. 1996 йилда Парижда Амир Темурга бағишинган маданият ҳафталиги, «Темурийлар даврида Фан, маданият ва маорифнинг гуллаб яшнаши» мавзусида халқаро конференция ва кўргазмалар бўлиб ўтди. 1997 йилда жаҳон маданиятининг дурданалари ҳисобланган қадимий шаҳарларимиз Бухоро ва Хива шаҳарларининг 2500 йиллик муборак саналари Парижда кенг нишонланди, халқаро анжуман ва кўргазмалар ўтказилди.

Ўзбекистон Мустақил давлатлар ҳамдўстлиги мамлакатлари билан кўп томонлама ва икки томонлама ҳамкорлик қилишда фаол қатнашмоқда. Масалан, Ўзбекистон билан Украина ўртасида сиёсий, иқтисодий, техникавий, маданий алоқалар йўлга кўйилди. Икки давлат ўртасида товар айирбошлиш ҳажми 300 млн. АҚШ долларидан ортди Ўзбекистон Украинага пахта, рангли металл, газ, тамаки, газлама ва бошқа турдаги матолар етказиб беради. Украинадан Ўзбекистонга техника асбоб-ускуналари келтирилади. Бугунги кунда Ўзбекистонда 20 дан ортиқ Ўзбек-Украина қўшма корхонаси фаолият кўрсатмоқда ва ҳоказо.

Ўзбекистон ташқи сиёсатида Марказий Осиёдаги Янги мустақил давлатлар - Қозогистон, Қирғизистон, Тожикистон ва Туркманистон муҳим ўрин тутади. Марказий Осиё Ҳамкорлик ташкилоти, унинг Марказий Осиё ҳамкорлик ва тараққиёт банки ташкил этилди. Ҳамжамият давлатлари ўртасида иқтисодий интеграция дастури ва биргаликда сармоя сарфланадиган 53 та лойиха амалга оширилмоқда.

Бугунги кунда Ўзбекистонда жаҳондаги 80 га яқин мамлакатнинг сармоялари иштирокида барпо этилган 2000 та замонавий қўшма корхоналар фаолият кўрсатмоқда. Хорижий сармоялар иштирокида ишлаётган қўшма корхоналар жумласига «УзДЕУ авто», «СамКучавто», «Зарафшон-Ньюмонт», Кўқдумалоқ компрессор станцияси, Бухоро нефтни қайта ишлаш заводи, Шўртан газ-кимё мажмуи ва кўпгина бошқалар киради.

Ўзбекистон мустақилликка эришгандан кейин ўзининг мустақил **ташқи иқтисодий сиёсатини ўтказмоқда**. **Қуйидаги принциплар унга асос қилиб олинган:**

- мағкуравий қараашлардан қатъи назар ташқи мунособатлар-да ошкоралик;
- teng хуқуқли ва ўзаро манфаатли ҳамкорлик, бошқа мамла-катларнинг ички ишларига аралашмаслик;
- ўзининг миллий-давлат манфаатлари устуворлигига ўзаро манфаатларни ҳар томонлама ҳисобга олиш; республика бирон-бир буюк давлатнинг таъсир доирасига кирмаслиги даркор;
- тўла ишонч, ҳалқаро иқтисодий ва молиявий ташкилотлар доирасидаги ҳамкорликни чуқурлаштириш асосида икки томонлама, шунингдек, кўп томонлама ташқи алоқалар ўрнатиш ва уларни ривожлантириш;
- умум эътироф этилган ҳалқаро хуқуқ нормаларига риоя қилиш ва ҳалқаро тартибларга изчиллик билан ўтиш.

Бутун ташқи иқтисодий сиёсат республиканинг жаҳон бозоридаги мавқеларини мустаҳкамлашга, унинг тўлов балансини кучайтиришга, қулай инвестиция мұхитини вужудга келтирилишига қаратилгандир.

Ташқи савдо, иқтисодий, илмий ва маданий алоқаларда қуйидагилар устувор йўналиш деб белгиланади:

Биринчидан, республиканинг экспорт қудратини ривожлантириш ва янада мустаҳкамлаш, экспортга йўналтирилган иқтисодиётни шакллантириш. “Ривожланган экспорт кувватисиз Ўзбекистоннинг келажаги йўқ.”-деган эди Президентимиз И.Каримов.

Иккинчидан, экспорт имкониятини кенгайтириш, жаҳон бозорларига кириб бориши учун, аввало, қимматбаҳо хом ашёни қайта ишлаш негизида тайёр маҳсулот ишлаб чиқарувчи қўшма корхоналарни ривожлантириш зарур. Хорижий шериклар билан биргаликда замонавий ихчам корхоналар барпо этиб, уларни меҳнат ресурсларининг манбалари бўлмиш қишлоққа яқинлаштириш лозим. Одатда, уларнинг ҳаммаси илғор технология билан таъминланиши, рақобатга бардошли маҳсулот ишлаб чиқаради.

Учинчидан, экспортни кенгайтиришга қаратилган стратегияни фаол қўллаш билан бир қаторда импортнинг салмоғини қисқартиришга қаратилган сиёсатни изчиллик билан ўтказиш, ўзимиз ишлаб чиқаришимиз мумкин бўлган товарлар ва маҳсулотларнинг четдан келтирилишини оқилона даражада камайтириш талаб қилинади. Импортнинг салмоғини қисқартиришга қаратилган дастур доирасида эътиборни озиқ-овқат маҳсулотлари ва ресурсларнинг четдан олиб келиш ўрнига серҳосил экин навлари уруғларини ва уларни етиштириш бўйича саноат технологиясини, ўсимликларни ҳимоя қилиш воситаларини, дехқончилик маҳсулотларини саноат усулида чуқур қайта ишлаш ва сақлаш учун замонавий ускуналарни, шунингдек фермер (дехқон) хўжаликлари учун техникани четдан олиб келишга қаратиш зарур.

Тўртинчидан, ташқи иқтисодий фаолиятни янада эркинлаштириш, хўжалик ишларини юритувчи субъектларга хорижий шериклар билан бевосита алоқалар ўрнатишда, ўз маҳсулотини чет элларда сотишда қўпроқ эркинлик бериш, товарларни экспорт ва импорт қилишда бирмунча имтиёзли тартибни жорий қилиш борасида аниқ мақсадни кўзлаб сиёсат ўтказиш.

Бешинчидан, хорижий сармояларни, асосан бевосита капитал маблағлар тарзидан сармояларни республика иқтисодиётiga кенг қўламда жалб этиш учун зарурӣ хуқуқий, ижтимоий-иктисодий ҳамда бошқа шароитларни вужудга келтириш, қўшма корхоналарни ташкил қилишда қўмаклашиш, шунингдек сармояларнинг манфаатлари ҳимоя қилинишини таъминлаш.

Олтинчидан, ташқи иқтисодий фаолият таркибий қисмларини мажмуини-ихтисослаштирилган ташқи савдо, лизинг, консалтинг ва суғурта фирмалари, ташқи алоқаларни ривожлантириш манфаатлари ва шартларига мос келадиган транспорт, алоқа ва коммуникациялар тизимларини вужудга келтириш.

Еттинчидан, ҳалқаро хуқуқ ва ташқи иқтисодий фаолият, банк тизими, ҳисоб-китоб ва статистик ҳисоб соҳасида малакали кадрлар тайёрлашни ташкил қилиш.

Бундан ташқари, республика фуқаролар ва юридик шахсларнинг ақлий мулкини ҳимоя қилиш учун ўзимизнинг **патент-лицензия ишлари тизими**ни йўлга қўйиш, зарур. Маҳсулотни стандартлаш ва сертификатлаш халқаро тизимиға изчиллик билан ўтиш зарурдир.

Ташқи иқтисодий фаолиятнинг мана шу ва бошқа йўналишларини амалга ошириш Ўзбекистон иқтисодиётининг жаҳон иқтисодий ҳамжамиятида муносиб ўрин эгаллаш имкониятини беради.

Шундай қилиб, мустақиллик туфайли Ўзбекистонда ташқи иқтисодий фаолиятни амалга ошириш ва “**очиқ иқтисодиёт**”га ўтиш учун барча шарт шароитлар яратилди.

Очиқ иқтисодиёт – бу шундай иқтисодиётки, унда мамлакатнинг барча фуқаролари халқаро товар ва капитал бозорида олди-бердиларни чекланмаган ҳолда амалга оширишлари мумкин.

Халқаро савдода иштирок этмайдиган иқтисодиёт ёпиқ иқтисодиёт деб аталади. Жаҳон тарихида шундай воқеалар ҳам бўлиб туради. Масалан, бирор бир мамлакат у ёки бу сабаблар билан ўз худудлари чегарасида ўралашиб қолган бўлади ва хорижий давлатлар билан жуда кам айрибошлаш қиласи. Масалан, Собиқ ССРДа урушгача бўлган даврда шундай бўлган. Таъкидлаш лозимки, ҳозирги кунда мутлақ ёпиқ иқтисодиёт мавжуд эмас.

Очиқ иқтисодиёт қуришнинг **асоси** бўлиб халқаро меҳнат тақсимоти, мамлакатнинг жаҳон хўжалик алоқаларида кенг қатнашиши ҳисобланади.

Иқтисодий ривожланиш тажрибаси шуни кўрсатадики, фақатгина мамлакатларо иқтисодий алоқалар, капитал ва товар айрибошлаш бозор иқтисодиётига ўтишни ва унинг суръатларини таъминлайди.

Амалиёт очиқ иқтисодиётнинг баҳолаш мезонини ҳам аниқлаб берган.

1. Ташқи савдо оборотини ривожланиш даражаси мамлакатда иқтисодий ўсишни рағбатлантиради. Бунга экспорт ва импорт алоқаларини кенгайтириш йўли билан эришиш мумкин.

2. Халқаро меҳнат тақсимотида қатнашиш мамлакат ишлаб чиқариш таркибини ташкил қиласи ва такомиллаштиради. Бу ўз навбатида мамлакат бошқа мамлакатларга нисбатан самарали ва арzon товарлар ишлаб чиқаришга эътиборни қаратишга ундейди.

Пировард натижада иқтисодиётнинг очиқлиги бу мамлакатни жаҳон иқтисодиёти билан эркин рақобатга кира олишини билдиради

Очиқ иқтисодиёт тушунчаси ўзини ривожланиш тарихига эгадир. Бу тушунча мамлакат иқтисодиётини юқори даражада ривожланганлигини ифодалайди.

Очиқ иқтисодиёт миллий иқтисодий тизимларни бирлаштирадиган уч йўлда, яъни **махсулот (товарлар) билан савдо қилиш, капиталнинг ҳаракати ва ўзаро миллий валюта алмашинишида ўз аксини топади.**

Республикамизда жуда қисқа вақт мобайнида нафақат иқтисодий ривожланишни барқарорлаштирадиган ва уни ўсишини таъминлайдиган балки ташқи иқтисодий алоқаларни мувоффақият билан амалага ошириш имкониятини **берадиган тадбирлар ишлаб чиқилди ва хаётга тадбиқ қилинди**.

Ташқи иқтисодий фаолиятни ташкил қилиш тизимини қайта қуриш:

1. Ташқи иқтисодий фаолиятни амалга ошириш учун халқаро меёърларга ва стандартларга тўғри келадиган хукуқий- меёърий базанинг яратилишига;
2. Ташқи савдода демонополизация ва децентрализацияни амалга оширилишига;
3. Бутун жаҳонда қабул қилинган маъмурий жиҳатдан чегараланиладиган усулдан тарифлар орқали бошқариладиган (тартибга солинадиган) иқтисодий усулга ўтилишига;
4. Ривожланган ташқи савдо инфраструктурасини ташкил қилиш кабиларга бевосита боғлидир.

Юқоридагиларнинг барчаси республиканинг ташқи иқтисодий алоқаларни сезиларли даражада фаоллашишига ҳамда экспорт ҳажмини ошишига ва ассортиментини кенгайтиришга имкон яратади.

§ 2. Ташқи иқтисодий алоқалар ва ҳамкорликнинг асосий шакллари ва йўналишлари

Ўзбекистонда ташқи иқтисодий алоқаларнинг қуидаги шакллари кенг тарқалган:

1. Ташқи савдо;
2. Қўшма тадбиркорлик фаолияти;
3. Эркин иқтисодий зона;
4. Халқаро туризмни ривожланиши;
5. Фан-техника соҳасидаги ҳамкорлик ва ҳоказо

Ташқи савдо давлатлараро иқтисодий ҳамкорликнинг биринчи ва устувор йўналиши сифатида тан олинган.

Ташқи савдо – жаҳон меҳнат тақсимотининг зарурий шарт шароити бўлиб ҳисобланади.

Ташқи савдо жаҳон халқларини турли товарлар билан таъминлаш имкониятини беради ва шу билан биргаликда ҳар бир мамлакатнинг ихтисослашувини ривожлантириш, ўз ресурсларидан фойдаланиш самарасини ошириш натижаси бўлиб хизмат қиласди.

Ташқи савдонинг даражаси, унинг харакати ва аҳамияти мамлакат иқтисодини ривожланиш даражасига, миллий иқтисоднинг таркибига боғлиқ бўлади.

Халқаро савдода миллатнинг диди, қизиқиши ва мамлакат аҳолисининг ҳарид қилиш қобилияти муҳим роль ўйнайди. Қадимдан халқимиз менталитетида **ијл олиш иштиёқи кучли бўлган** шу сабабдан истиқлол йилларида таълим давлат сиёсатининг устувор йўналишига айланди. Бундай шароитда АҚШ, Олмония, Япония каби ривожланган давлатлардан замонавий компьютерларни сотиб олишга катта маблағлар сарфланмоқда ва ҳоказо.

Шуни айтиб ўтиш керакки, ташқи савдо, яъни товарларни четга чиқариш (экспорт) ва четдан товар келтириш (импорт) бизнинг мамлакатимизда жуда қадим замонлардан буён мавжуд.

Пайғамбаримиз Муҳаммад алайхисалом «ризқнинг ўндан тўққиз қисми тижоратдир», деб, у билан шуғуланишни буюрганлар.

«Буюк ипак йўли»нинг анчагина қисми мамлакат ҳудудидан ўтганлиги туфайли тадбиркор аждодларимиз хорижий давлатлар билан савдо-сотиқ ишларини яхшигина ривожлантирганлар ва уни халқаро савдода жозибадор мамлакатлардан бирига айлантирганлар.

Ҳозирги вақтда Ўзбекистон дунёдаги 140дан кўпроқ давлатлар билан ташқи савдо олиб боради, улардан 80 тасига товар ва хизматлар экспорт қиласди. МДҲ давлатлари ва икки узоқ хорижий давлатлар билан олиб борилади.

Ташқи савдонинг мамлакат иқтисодиётидаги ўрнини ялпи миллий маҳсулотда экспорт ва импортнинг ҳажмига қараб аниқлаш мумкин. Умуман олганда мамлакат иқтисодий аҳволига баҳо беришда экспорт ва импорт ўртасидаги нисбатни аниқлаш зарурати юзага келади. Ушбу нисбат мамлакатнинг **тўлов балансини** тузатётганда аниқланади. Савдо баланси тўлов балансининг таркибий қисми ҳисобланади. **Тўлов балансини умумлаштирувчи кўрсаткич унинг салдоси ҳисобланади.** У импорт ва экспорт орасидаги фарққа тенг. Балансда импортнинг экспортдан ошиб кетиши тўлов балансини **салбий салдога** эга эканлигидан далолат беради. У ташқи савдо дефицитига олиб келади.

Ташқи савдонинг мамлакат иқтисодиётидаги ўрни ва самарадорлигига таъсир кўрсатувчи энг **муҳим омил экспорт ва импорт маҳсулотларининг таркиби**, яъни мамлакат нимани четга чиқаради-ю, нимани четдан олиб келаётганидир. Четдан сотиб олинаётган товарлар ичida қайта ишлашга мўлжалланган хом ашёнинг улуши қанча ката бўлса, шу мамлакат импортдан кўриладиган наф шунча юқори бўлади. Четга чиқарилаётган товарлар ичida хом ашёнинг улуши қанча кўп бўлса, шу мамлакат экспорти шунча самарасиз бўлади. Шу нуқтаи назардан Ўзбекистон Республикасининг экспортида пахта толасининг улушкининг йилдан-йилга камайиб бораётгани ижобий тенденциядан далолат беради.

2001 йилда Республикамизнинг экспорт ҳажми **МДҲ давлатлари билан 35,9 фоизни, узоқ хорижий давлатлар билан 64,1% фоизи импортда эса-мос равишда -38,2 ва 61,8% фоиз ташқи савдо алоқаларини олиб борган.** 2003 йилда ташқи савдо айланмасининг ҳажми 17,3

фоизга, экспорт ҳажми-24,6 фоизга ўси. Ташқи савдо айланмасида 760 млн. АҚШ долларидан ортиқ миқдорда ижобий салдога эришилди.

Республика экспортида ўрта ҳисобда пахта толаси 27,3%, энергетика (газ ва ҳоказо) 11,5%, хизматлар – 9,5%, озиқ-овқат товарлари 6%, рангли ва қора метал 4,3%, химия маҳсулотлари 3,1%, машина ва ускуналар 3,2%ни ташкил этган.

Республика экспортида Буюк Британия (11-13%), Швейцария (13-14%), импортида-Корея (16,18%), Германия (14-11,5%), АҚШ (10-14%) ва ҳоказо ни ташкил қилади.

Хорижий мамлакатлар билан савдо-сотиқ ишларини ривожлантириш, экспорт ва импортнинг таркибини такомиллаштириш соҳасида республика ҳукуматининг олиб бораётган сай-харакатлари ўзининг ижобий натижаларини бера бошлади. Бунда озиқ-овқат маҳсулотларининг Ўзбекистон импортидаги улушидан кўрса бўлади. Бу улуш 2002 йилга келиб 2 баробардан ошиғроққа камайди.

Энг муҳими, Ўзбекистонда хорижий давлатлардан келтирилаётган товарлар ичида технологик асбоб-ускуна ва жиҳозларнинг салмоғи йилдан-йилга ортиб бормоқда ва эндиликда у жами импортнинг ярмидан кўпроғини ташкил этмоқда. Гап шундаки, миллий иқтисодиётнинг тараққиёти ва Ўзбекистоннинг ривожланган далатлар қаторига чиқиши учун авваламбор моддий ишлаб чиқаришни янги техника ва технологиялар асосида қайта қуриш талаб қилинар экан, импорт таркибининг бундай ўзгариши ўта ижобий ҳолдир.

Ташқи савдонинг мамлакат иқтисодий тараққиётига таъсирини кучайтиришнинг муҳим омили экспорт билан импорт орасидаги ижобий салдога, яъни экспорт ҳажмининг импорт ҳажмидан ортиқлигига эришишдир. Шунинг учун Ўзбекистон давлат мустақиллигининг илк давридан бошлаб республика ҳукумати мамлакатнинг экспорт салоҳиятини ошириш, экспортни ҳар тамонлама рағбатлантиришга катта аҳамият бериб келмоқда. Экспортбоп, рақобатбардош маҳсулотларни ишлаб чиқарувчиларни рағбатлантиришга қаратилган бир қатор чора-тадбирлар белгиланган ва амалга ошириләяпти. Хусусан, 2000 йилнинг 1 июнидан бошлаб мулкчиликнинг барча шаклларидағи экспорт қилувчи корхоналарнинг ўзи ишлаб чиқарган ва эркин алмаштириладиган валутага экспорт қилинган маҳсулотлар (ишлар, хизматлар)дан олинган даромадларидан даромад(фойда) солиғини тўлашдан озод қилинган. Улар учун шунингдек ўзи ишлаб чиқарган маҳсулотлар (ишлар, хизматлар) экспорти улушига қараб мулк солиғи тўлашнинг **куйидаги тартиби жорий этилган**:

-экспорт улуси 25 фоиздан 50 фоизгача бўлганида, белгиланган мулк солиғи ставкаси 50 фоизгача камайтирилади;

-50 ва ундан кўпроқ фоиз бўлганида, мулк солиғи умуман ундирилмайди.

Бироқ шуни айтиб ўтиш керакки, мазкур имтиёзлар пахта толаси, ип газлама калаваси, линт, нефть, нефть маҳсулотлари, газ конденсати, табии газ, электр энергияси, қимматбахо, рангли ва қора металларни экспорт қилувчи корхоналар бундан мустасно.

Ташқи савдони амалга оширишда миқдорий чекловлар белгилангани ва товарларнинг айрим турларини экспорт ва импорт қилиш устидан давлат назорати ўрнатилган.

Республикада Кўшма тадбиркорлик фаолияти иқтисодий ҳамкорликнинг муҳим шакли сифатида кенг ривож топиб бораяпти. Бундай фаолиятнинг кенг тарқалган тури - бу **кўшма корхоналардир**. Улар ишлаб чиқариш, савдо-воситачи йўналишида ҳамда хизмат кўрсатиш ва бошқа йўналишларда тузилган.

Кўшма корхоналарни очиш чет эл капиталини жалб қилишнинг бир шакли бўлиб у ишлаб чиқаришнинг технологик даражасини оширишни, маҳсулот ишлаб чиқаришни кўпайтириш ва ишчи кучининг малакасини оширишни таъминлайди.

Ўзбекистонда кўшма корхоналарни тузиш мустақилликнинг дастлабки йиллариданоқ бошланган. Масалан, Ҳозирги даврда ҳам фаол ишлаётган «Совпластитал» корхонаси, Асака шаҳрида, Жанубий Корея билан ҳамкорликда тузилган «ЎзДЭУ» автомобил заводи, Самарқанд шаҳридаги «САМ-Коч-авто» кўшма корхонаси (У шинам ва қулай автомобиллар юқ ташувчи машиналар, ҳамда ўт ўчирувчи машиналар ишлаб чиқаради), Мурунтов олтин конида Ўзбекистон Америка «Зарафшон-Ньюмонт», Американинг Кейс фирмаси билан ТТЗ кўшма корхоналари ташкил топди. Андижонда зекскаватор ишлаб чиқарадиган ўзбек-рус кўшма корхонаси, Фарғонада немис «Саламандер» фирмаси билан биргаликда «Ўзсаламан» кўшма

корхонаси, Тошкент вилоятида Ўзбек-Корейс «Кабул-Тойтепа-текстайлз» каби йирик қўшма корхоналари тузилди. Энг йирик қўшма корхоналардан яна Кабул-Ўзбек, Қизилкум цемент, ЎзДЭУ электроникс, АЙ-Сель, Уздунробита, ДЭУ текстиль ва кўпгина бошқалар фаолият кўрсатишаяпти.

Тузилган корхоналарнинг 38-40% саноат тармоғида фаолият қўрсатаяпти, қишлоқ хўжалиги ва қурилишда бундай корхоналарни салмоғи ҳозирча нисбатан камроқдир.

Президентимиз И.Каримов томонидан 1999 йилнинг иқтисодий ва социал ривожланиш якунларига бағишлиган мажлисда, чет эл капитали асосида ташкил қилинган қўшма корхоналар ишида жиддий камчиликлар борлигини таъкидлаган. Унда тузилган корхоналарнинг ярмидан кўпроғи ишламаётганлиги, уларнинг фақатгина 1/3 қисми ишлаб чиқариш соҳасига тўғри келиши, қўшма корхоналарнинг асосан Тошкент шахрида жойлашганлиги қайд этиб ўтилган эди. Шундан кейин бу соҳада қатор тадбирлар белгиланди ва қўшма корхоналарни тузиш, уларнинг фаолиятлари анча яхшиланди. Солиққа тортишда, божхонлардаги расмийлаштириш ишларида ва бошқаларда берилган имтиёзлар экспорт маҳсулотларини сезиларли даражада кўпайишга олиб келди.

Ўзбекистон умумий экспорти ҳажмида қўшма корхоналарнинг улуши 14-15%ни ташкил қиласди. Шуни алоҳида таъкидлаб ўтиш жоизки қўшма корхоналарнинг ривожланиши кўшимча иш жойларини яратишга имкон беради. Бу ўз навбатида меҳнат ресурслари кўп бўлган республикамиз учун жуда муҳим аҳамият касб этади.

Эркин иқтисодий зона (ЭИЗ)- бу хўжалик фаолиятини ташкил қилишнинг, ҳамда мамлакат ташқи иқтисодий алоқаларининг янги шакли хисобланади. Ўзбекистон республикасининг худудида ЭИЗлар учун ташқи иқтисодий фаолиятнинг алоҳида тартиби (божхона, валюта, солиқ ва бошқалар) ўрнатилиши мумкин бўлиб, у эркин иқтисодий зоналар тўғрисидаги қонун хужжатлари билан тартибга солиб турилади.

Уларни тузишдан мақсад ёки бу давлат худудида чет эл инвесторларини жалб қилиш уларни фаолият қўрсатишлари учун қулай шароит яратиш йўли билан иқтисодий ривожланиши рағбатлантириш хисобланади.

Эркин иқтисодий зона- аниқ белгиланган маъмурий чегаралари ва алоҳида тартиботи бўлган маҳсус ажратилган худуддир.

Эркин иқтисодий зона- минтақани жадал ижтимоий-иқтисодий ривожлантириш учун мамлакат ва чет эл капиталини, истиқболли технология ва бошқарув тажрибасини жалб этиш мақсадида тузилади.

Эркин иқтисодий зона худудида юридик ва жисмоний шахслар молиявий ва бошқа фаолиятнинг исталган турлари билан шуғулланишига йўл қўйилади.

Дунёнинг турли давлатларида **эркин иқтисодий зона** турлича талқин қилинади. Масалан, Хитой халқ республикасида эркин иқтисодий зона « Эркин денгиз бўйи шаҳарлари» (14 та), «Иқтисодий ривожланиш районлари» деб аталса, Туркияда-«Эркин савдо зонаси», Японияда- «Технополис», Россияда- «Эркин иқтисодий зона», «Эркин тадбиркорлик зонаси», «Эркин савдо зонаси» деб юритилади.

Умуман, эркин иқтисодий зона у ёки бу давлатнинг маълум бир худудий-хўжалик ёки маъмурий-худудий бирликларига нисбатан олиб бориладиган сиёсати билан белгиланади.

Охиригина йилларда дунёнинг кўпчилик давлатларида эркин иқтисодий зона кенг тарқалиб бораётпти. 2000 йилнинг бошида 4500дан ортиқ хар хил очиқ иқтисодий зоналар мавжуд бўлган.

Марказий ва Жанубий Америкада, Африка контингентининг бир қисмида, Жанубий-Шарқий Осиёда, Тинч океани региони давлатларида ҳамда Европа давлатлари худудларида **очиқ зоналар** фаолият кўрсатмоқда.

Эркин иқтисодий зоналарни белгилаш ва тузиш қўйилган мақсадга боғлиқ. Агарда ривожланган давлатларда эркин иқтисодий зоналарни тузишдан мақсад фаолияти асосан ҳалқаро савдони ривожлантириш бўлса, ривожланаётган давлатларда эса хом ашёни қайта ишлашни ташкил қилиш уларнинг асосий мақсади хисобланади.

Ўзбекистонда 1996 йилда Эркин иқтисодий зоналар тўғрисида қонун қабул қилинган. Мазкур қонунда:

- эркин иқтисодий зоналар;

- эркин савдо зоналари;
- эркин ишлаб чиқарыш зоналари;
- эркин илмий-техникавий ва бошқа зоналар тарзида тузилиши мумкин, деб кўрсатиб кўйилган.

Улар Ўзбекистон Республикаси Вазирлар Маҳкамаси тақдимномасига асосан Олий Мажлис қарори билан тузилади.

Эркин иқтисодий зонани тузиш жараёни Ўзбекистонда алоҳида аҳамият касб этади. Республикада узоқ вақт мобайнида режали марказлашган бошқарув тизими хукм сурган. Бу эркин иқтисодий зонани тузиш хусусиятини, унинг мақсад ва вазифаларини белгилашда асосий омил бўлиб ҳисобланган.

МДҲ давлатларида эркин иқтисодий зонани тузиш чет эл капиталини жалб қилишни, янги технологиянинг импортини таъминлайди. Охир оқибатда мамлакат иқтисодий потенциалини оширади, уни дунё хўжалигига тенг ҳуқуқли ҳамкор сифатида интеграциялашувини таъминлайди.

Россияда эркин иқтисодий зона сезиларли даражада фаолият кўрсатаётганига қарамасдан МДҲ давлатларида ҳозиргача ҳам эркин иқтисодий зона тузиш, уларнинг фаолияти принципларини ҳукуқий масалалари аниқланган эмас.

Амалиётда эркин иқтисодий зоналар қуйидаги аниқ **принципларга** риоя қилган тақдирдагина самарали ишлашлари мумкинлиги тасдиқланаяпти:

1. Хар қандай эркин иқтисодий зона мамлакатнинг мустақил хўжалик бирлиги сифатида тузилиши ва ўз фаолиятини ўз бюджети асосида қуриши лозим.
2. Эркин иқтисодий зона бюджетининг **даромад қисми** қуйидагилардан иборат бўлиши керак:
 - Эркин иқтисодий зона худудида жойлашган корхона, бирлашма ташкилотлари ва у худудда яшайдиган кишилардан тушадиган соликлар;
 - Божхона йигимлари, мустақил тадбиркорлик фаолиятидан тушадиган тушумлар;
 - Хомийлик маблағлари;
 - Эркин иқтисодий зона эҳтиёжларига узоқ муддатли кредит шаклида бериладиган давлат бюджети маблағлари
3. Эркин иқтисодий зона давлат томонидан бериладиган субсидияларсиз, дотацияларсиз фаолият кўрсатишлари керак.
4. Эркин иқтисодий зона худудидан йигилган барча соликлар ва бюджетга тўловларни худудий бошқармалар ихтиёрида қолдириш лозим.

1990 йилнинг охирларида Ўзбекистон республикасида Жиззах, Зомин, Сергелида эркин иқтисодий зона тузиш бўйича лойихалар тузилган эди. Улар қатор молиявий, ижтимоий ва техник қийинчиликлар туфайли ҳаётга ўз ижобатини топмади. Мутахасисларнинг фикрича давлат ташкилотининг холосасидан ўтаётган лойиҳа - бу махсус **Самарқанд ва Самарқанд вилояти ҳалқаро туризм бўйича эркин иқтисодий зонани** ташкил қилиш реал лойиҳа ҳисобланади. Ҳудди шундай Бухоро ва Хива ҳалқаро туризм бўйича эркин иқтисодий зонани ташкил қилиш мақсадга мувофиқ бўлар эди.

Ҳалқаро туризм миллий иқтисоднинг даромадли тармоғи ва ташки иқтисодий алоқларнинг муҳим шаклларидан биридир. Туризм иқтисодиётнинг муҳим тармоғи сифатида социал соҳани бир қисми ҳисобланади. Дунёдаги кўпчилик давлатлар туристик фаолиятини кенгайтириб жуда катта фойда оладилар. Туризмдан келадиган фойда, айрим давлатларда нефть ва газ тармоқлари билан, автомобил ишлаб чиқарыш билан баҳслашади.

Францияда туризмдан тушадиган фойда автомобил саноатидан олинадиган фойдадан ошиб кетди. Айрим давлатларда туризм фаолиятидан олинадиган даромаднинг улуши ялпи миллий даромаднинг 15-35%ини эгаллайди. Греция, Италия, АҚШ, Франция, Испания, Миср ва бошқа давлатлар шулар қаторига киради. Испания бир йилда туризмдан 60 млд. доллар, Италия-35, Миср-17 млд. доллар ва ҳоказо даромад оладилар. Туризмнинг ривожланиши бошқа тармоқлар ва хизмат турларини ривожланишига, муҳим социал вазифаларни ҳал қилинишига ва шунинг билан миллий иқтисодиётни ривожланишига олиб келади. Истеъмол товарлари ишлаб чиқарадиган ва савдо қиладиган корхоналар очилади, меҳмонхоналар қурилади, коммунал хўжалиги, транспорт, алоқа ва инфраструктуранинг бошқа соҳалари ривож топади. Туризм

ривожланган давлатларнинг тажрибаси шуни кўрсатаяптики, бир туристга хизмат кўрсатиш учун иқтисодиётнинг турли соҳаларида 3-4 шартли ишчи жойини ташкил қилиш зарур бўлади.

Ўзбекистоннинг кўхна тарихи, қадимий маданий-меъморий ёдгорликлари жаҳон туристларини ҳамиша ўзига чорлаб келган. Собиқ иттифоқ даврида ташқи мамлакатлар билан туристик алоқалар ва бу билан боғлиқ манбалар марказ ихтиёрида бўлгандилиги сабабли республика иқтисодиёти ундан унча наф кўрмасди. Натижада туризм иши ўлкада жаҳон андозалари даражасига кўтарилиб, ташкилий жиҳатдан орқада қолди.

Ўзбекистон мустақилликка эришгандан сўнг туризм ишини яхшилаш мақсадида Ўзбекистон Республикаси Президентининг 1992 йил 27 июлдаги Фармони билан саёҳат соҳасида республикада ягона сиёсатни амалга оширувчи давлат органи- «Ўзбектуризм» миллий компанияси тузилди. Миллий компания Ўзбекистонда сайёҳликнинг хукуқий, иқтисодий асосларини шакллантириб, жаҳон андозаларига мувофиқ келадиган сайёҳлик тизимини таркиб топтириб бормоқда. Хорижий инвестициялар жалб этилиб замонавий сайёҳлик мажмуалари қурилди. Тарихий меъморчилик обидалари таъмирланишига уларни тарғибот-ташвиқот қилиш ишига аҳамият берилмоқда.

Туризмга сарф қилинган маблағ бошқа соҳаларга қилинган харажатларга қараганда ўзини тезроқ оқлади. Бирок туризм фақат иқтисодиётнинг муҳим тармоғи, бизнес ва фойда олиш манбаигина бўлиб қолмай, у ташқи иқтисодий алоқаларни ҳар томонлама ривожлантиришга, яхши қўшничиликка, турли ҳалқларнинг маданияти, урф-одатлари, анъаналари билан кенг кўламда танишишига имконият яратади.

Ўзбекистон Республикасининг ҳалқаро ва минтақавий саёҳатни ривожлантиришга қулай географик жойлашуви, табиий иқлим шароитининг турли-туман ва ғоят қулайлиги, цивилизация тарихида муносиб ўринга эгалиги, бебаҳо тарихий архитектура экзотикаси билан ажralиб туриши, юқори сифатли ширин-шакар мева ва полиз маҳсулотларига мўллиги ва албатта, ўз анъаналарини, урф-одатларини сақлаб қолган меҳмондўст ва хушмуомала ҳалқи борлиги туфайли катта имкониятларга эга. Буларнинг ҳаммаси чет эллик сайёҳларни қизиқтиришмоқда.

Республикада сайёҳлик тўғрисида гап кетганда, аввало, тарихий ва қадимий маданият марказлари бўлган ҳамда дунёни қойил қолдирган ёдгорликлар жамланган Самарқанд, Бухоро, Хива, Шахрисабз ва бошқа шаҳарларни кўрсатиб ўтиш ўринлидир. Ер юзининг кўплаб аҳолиси бу шаҳарларда бўлишни орзу қиласди. Мумтоз архитектура-қурилиш санъати дурдоналари кишини қойил қолдиради ва ўзига мафтун этади. Серкүёш Ўзбекистоннинг қадимий шаҳарларини ҳақли равишда Шарқнинг дурдоналари дейиш мумкин. Ажойиб архитектура кўринишига эга ёдгорликларнинг ўзида узоқ асрлар қаърида қолиб кетган тарих бамисоли жонланиб тургандек. Шоирлар, олимлар, тарихчилар ва сайёҳлар ўлмас асаллар яратиб улуғ истеъдод соҳибларини асрлар давомида мужассамлаштириб келган ҳалқ хунармандлари, мохир шаҳар қуривчилари-ю, ёдгорликларнинг бетакор бўзаликлари хусусида ёзишган.

Шарқда Самарқанд ер юзининг сайқали, Бухоро эса ислом динининг ўчоғи хисобланган. Самарқандаги Шоҳизинда ансамбли, Гўр Амир мақбараси, Бибихоним масжиди, Регистон ансамбли, Улугбек расадхонаси, Шердор мадрасаси, Бухородаги Калон минораси, Чорминор, Исмоил Самоний мақбараси, Девонбеги ва Мир Араб мадрасаси, Хивадаги Иchanқалъя, Душанқалъя ҳар бир сайёҳни ўзига маҳлиё қиласиган бўзалилиги билан ажralиб туради. Самарқанднинг бўзалилиги маҳлиё бўлган Александр Македонский шундай ёзади: «Самарқанд бўзалилиги тўғрисида нима эшитган бўлсан, ҳаммаси ҳақиқат, истисноси шундаки, у мен тасаввур қилганимдан ҳам ажойибdir».

Ўзбекистонда сайёҳлик индустрясини ривожлантириш мақсадида «Республикада ҳалқаро сайёҳликни ривожлантириш ва Буюк Ипак йўлини тиклашда Ўзбекистон Республикаси қатнашувини фаоллаштириш чоралари тўғрисида», «2005 йилгача Ўзбекистонда туризмни ривожлантириш давлат дастури тўғрисида»ги Президент Фармонлари чиқди. Ўзбекистон Республикаси Вазирлар Маҳкамаси «Ўзбекистон Республикасида ҳалқаро туризмнинг замонавий инфратузилмасини тузиш чоралари тўғрисида» маҳсус қарор қабул қилди.

Иқтисодиётнинг бу соҳасини янада ривожлантиришда 1999 йил 20 августда қабул қилинган «Туризм тўғрисида»ги Қонун асосий ўринни эгаллайди.

Фан-техника ҳамкорлиги ташқи иқтисодий фаолиятнинг муҳим шаклларидан бириди. Республикада ҳал қилинаётган стратегик вазифалар жаҳон ҳамкорлигига илмий-изланиш, лаборатория ва ишлаб чиқаришда иштирок этиш каби шаклларда фаол олиб борилиши керак.

Жаҳон тажрибаси бундай ҳамкорликнинг турли шаклларини ишлаб чиқкан:

1. Ҳамкорликда фундаментал ва Амалий ишланмаларни олиб бориш ва уларнинг натижаларини алмашиниш;
2. Илмий техника имкониятларни бирлаштириб ҳамкорликда ишлаб чиқаришни ташкил қилиш;
3. Муҳим умуминсоний муаммоларни ҳал қилишда илмий-техника жамотчилиги вакилларини халқаро конференцияларда, симпозиумларда қатнашиши;
4. Технологик ютуклар, ахборотлар ва ҳаказолар билан айрибошлиш ҳамкорлигига қатнашиш;
5. Кадрлар, мутахассислар тайёrlаш, қайта тайёrlаш ва малака оширишда қатнашиш.

Юқорида қайд этиб ўтилган ҳамкорликни ҳаётга тадбиқ қилиш республиканинг интеллектуал ва иқтисодий потенциалини ўстиришга хизмат қиласи, ҳамда жаҳон иқтисодий ҳамжамиятида республика рейтингини сезиларли оширишга шароит яратиб беради.

§ 3. Ташқи иқтисодий фаолиятни бошқаришни ташкил қилиш

Ўзбекистоннинг жаҳон ҳамжамиятига кириб бориши, хорижий мамлакатлар ва халқаро ташкилотлар билан иқтисодий алоқаларни ўрнатилиши ташқи иқтисодий фаолиятни бошқариш тизимини тубдан қайта қуришни талаб этди. Бундай зарурият юзага келган қўйидаги икки муҳим ҳолат билан боғлиқ эди:

Биринчидан, Ўзбекистоннинг мустақиллиги, ташқи иқтисодий муносабатлар соҳасида мустақил сиёsat ишлаб чиқиши уни амалга оширишга жавобгар бўлган маҳсус ташкилотларнинг ташкил қилишни тақозо этди;

Иккинчидан, республикада миллий иқтисодиётни тубдан қайта қуриш жараёнининг бошланиши туфайли ташқи иқтисодий фаолият билан шуғулланувчиларнинг сони кенгайди, уларга турли соҳалар бўйича (савдо, сармоялар, банк ва бошқалар) ташқи иқтисодий битимларни тузища кенгроқ ҳуқуқлар берилди.

Мустақил Ўзбекистонни Ташқи бозорга чиқиши ташқи иқтисодий фаолият тўғрисида 1991 йил 14 июнда қабул қилинган қонун билан боғлиқдир. Бу конунда ташқи иқтисодий фаолиятни ташкил қилиш тартиби ва асосий принциплари белгиланган. Бу қонун ташқи иқтисодий фаолиятни амалга оширишда катта рол ўйнади. Ўзбекистонда **Ташқи иқтисодий алоқалар вазирлиги, Республика ташқи иқтисодий фаолият миллий банки, Божхона қўмитаси** ташкил этилиши билан Ўзбекистонда ташқи иқтисодий комплексни бошқариш тизими яратилди.

Ҳозирги пайтда республикада ташқи иқтисодий фаолиятни бошқариш тизими асосан шаклланган ва унинг таркибига кирган ташкилотлар фаолиятлари такомиллаштирилмоқда.

Ташқи иқтисодий фаолиятни бошқариш тизимининг асосий вазифалари қўйидагилар ҳисобланади:

1. Республика миллий манфаатларига жабоб берувчи ва унинг жаҳон ҳамжамиятидаги ўрнини таъминловчи ташқи иқтисодий сиёsat ишлаб чиқиш ва амалга ошириш;
2. Ташқи иқтисодий фаолиятни ташкил этишининг қонуний асосларини ўрганиш;
3. Мулкчилик кўринишининг турли шаклларидан қатъий назар, ташқи иқтисодий фаолиятнинг барча иштирокчилари учун энг юқори самарадорликни таъминлаш, уларнинг фаолияти ва манфаатларини ҳимоя қилиш;
4. Миллий иқтисодиётни муваффақиятли ислоҳ этиш учун ташқи иқтисодий омилдан тўлиқ фойдаланиш.

Ҳозирги кунга келиб, **ташқи иқтисодий фаолиятни бошқариш** Республика Президенти, Олий Мажлис ва Республика Вазирлар Маҳкамаси томонидан амалга оширилади. Улар Ўзбекистон ташқи иқтисодий фаолиятининг ривожланиши стратегиясини аниқлайди, унинг норматив базасини ишлаб чиқади ва халқаро иқтисодий муносабатларнинг барча иштирокчилари ҳаракатига умумий раҳбарликни ва улар устидан назоратни амалга оширади;

Ташқи иқтисодий алоқалар вазирлиги-ягона ташқи иқтисодий фаолиятни амалга оширишни, халқаро алоқаларнинг барча иштирокчилари, яъни давлат, ширкат, пайчилик, жамоат, хусусий ташкилотлар фаолиятини назорат қилишни таъминлайди;

- ташқи иқтисодий фаолиятни тартибга солишининг давлат усусларини ишлаб чиқади ва қўллайди (божхона тарифлари, экспорт квоталари, ташқи иқтисодий фаолият билан шуғулланишга рухсат беради ва бошқалар);

- вазирликка тақдим этилган рўйхатга мос келувчи маҳсулот бўйича экспорт-импорт операцияларини ўтказади;

- ташқи иқтисодий фаолият субъектлари томонидан тузиладиган ташқи иқтисодий шартнома ва келишувларни текширишни амалга оширади.

«Инновация», «Ўзагроимпэк», «Интерсервис», «Ўзташқитранс», «Ўзэкспромарказ»-Ташқи иқтисодий алоқалар вазирлиги тизимидағи йирик ташқи савдо ва иқтисодий ташкилотлар ҳисобланади. Улар шу ташкилотлар учун белгиланган маҳсулот ва хизмат турлари бўйича тижорат-хўжалик фаолиятини амалга оширадилар.

Ташқи иқтисодий фаолият банки ёки республика Миллий банки:

- ташқи иқтисодий операцияларга хизмат кўрсатади, шунингдек экспорт-импорт, сармоявий ва бошқа битимлар тузади;
- корхоналар, ташкилотлар, хусусий шахсларнинг валюталари ҳисоб-китобларини олиб боради;
- хорижий валюта сармояларини жалб этади, уларга хизмат кўрсатади, валютадаги кредит заҳираларини йигади ва валютада кредитлашни амалга оширади;
- валюта заҳираларини яратади, сақлайди ва республиканинг валюта манфаатларини ҳимоя қиласди.

1997 йил, июл ойда Республика Президенти Фармонига асосан **Давлат божхона қўмитаси тузилди**. Унинг асосий вазифалари этиб қўйидагилар белгиланди:

- Божхона масалалари бўйича меёрий хужжатларни ишлаб чиқади ва уларнинг бажарилишини назорат қиласди;
- Республика ташқи иқтисодий алоқаларини ривожлантиришга ҳамкорлик қилиш;
- Республиканинг иқтисодий хавфсизлигини таъминлаш;
- Божхона қонунбузарларига, контрабандага қарши курашиш ва бошқалар.

«Ўзбекинвест» давлат сугурта компанияси мамлакат ва хорижий инвестицияларни суғурталаш бўйича ташкилотлар ҳисобланади.

Ташқи иқтисодий фаолиятни бошқаришнинг тармоқ ташкилотлари ташқи иқтисодий фаолиятни амалга оширувчи вазирликлар, идоралар, ирик корхоналар ва ташкилотларнинг маҳсус бўлинмаларидан ташкил топган. Улар тармоқ, идора, корхона ва ташкилотлар ташқи иқтисодий фаолиятини ривожлантириш дастурини ишлаб чиқади, хорижий шериклар билан шартнома ва битимлар тузади, ташқи иқтисодий алоқларни ривожлантиришнинг аниқ йўналишлари бўйича Республика вазирлар маҳкамасига таклифлар тайёрлади.

Ташқи иқтисодий алоқалар ташкилотларининг тузилиши ҳамда уларни ташкилий-хуқукий механизминининг ишлаб чиқилиши яратилиши республикада бошқаришни маъмурӣ усусларини чегаралайдиган либерализация принципларини ҳаётга тадбиқ қилишни таминлади ва ташқи иқтисодий фаолиятни тартибга солишини ва бошқаришни бозор инструментларини (дастакларини) ривожланишига шарт-шароит яратди.

Ташқи иқтисодий сиёsatнинг асосий йўналишлари қўйидагилардан иборат:

- Ташқи савдони либеризациялаш;
- Экспортга мўлжалланган ишлаб чиқариш ихтисослашувининг устиворлигини таъминлаш;
- Ташқаридан республикамизга сотиб олинадиган(импорт) маҳсулотлар рўйхатини мақсадга мувофиқ равишда ишлаб чиқиш ва бошқалар.

Ташқи иқтисодий фаолиятни бошқаришда **функционал ташкилотлар** ҳам муҳим роль ўйнайди. Бу ташкилотларга иқтисодиёт ва статистика вазирликлари, Молия вазирлиги, Далат Солиқ ва божхона қўмиталари, Мехнат вазирлиги ва бошқалар киради. Бу ташкилотларнинг ҳар бири ўз масъулият доирасига кирувчи масалаларни ҳал этади ва уларнинг натижаси учун жавобгардир.

Иқтисодиёт вазирлиги ташқи иқтисодий фаолиятни таҳлил қилишни ва истиқболини белгилашни амалга оширади, ташқи иқтисодий алоқалар самарадорлигини оширишга, иқтисодиётни ички омиллар воситасида кўтаришга асосланган, ташқи иқтисодий фаолиятни яхшилашга қаратилган таклиф ва тавсияларни тайёрлади.

Республика молия вазирлиги республика валюта заҳираларини жамлаш, тақсимлаш ва фойдаланишга жавобгар бўлиб, бу жараёнларни бошқариш усусларини ишлаб чиқади ва қўллайди. Республика ҳукумати топшириғига кўра ва тузилган битимлар, шартномалар асосида валюта фонди ҳисобидан қандай маблағларни олиш, ўтказиш ёки қўйишни ҳал этади. Вазирликнинг Валюта бошқармаси шунингдек республиканинг тўлов балансини ишлаб чиқади. Унда унинг ташқи иқтисодий фаолиятидан келиб тушадиган барча даромадлар ва харажатлар акс эттирилади.

Республика солиқ құмитаси ташқи иқтисодий фаолиятни амалга оширишдаги солиқ солиши масалаларини тартибга солади, бу масалалар бүйічі мәйерій ҳужжатларни ишлаб чықади ва сақланиши устидан назоратни амалга оширади.

Бозор иқтисодиети шароитида ташқи иқтисодий алоқаларнинг асосий иштирокчилари мулкчиликнинг турли күренишләридаги корхона ва ташкилотлар бўлиб қолади. Шу жумладан, қўшма корхоналар ҳам ташқи иқтисодий алоқа қатнашчиси бўлиб, улар «Ташқи иқтисодий фаолият тўғрисида»ги республика қонунига мувофиқ хорижий шериклар билан экспорт-импорт, сармоявий ва бошқа битимларни тузишда маълум ҳукуқларга эгадирлар. Ташқи иқтисодий фаолият билан шуғулланишга рухсати бўлган корхона ва ташкилотларга маълум банкларда ўз валюта ҳисоблари бўлишига ва бу маблағлардан фойдаланишга рухсат берилган.

Республикада иқтисодий ислоҳотларни янада чукурлаштириш, умуман иқтисодиёт соҳасини либерализациялаш бўйича сезиларли ўзгаришлар рўй берди. Республика иқтисодиётида рўй берган ўзгаришларни ҳисобга олиб ва 2000 йил май ойида Олий Мажлиснинг иккинчи чакириқ иккинчи сессиясида **«Республика ташқи иқтисодий фаолияти тўғрисида» Янги таҳрирдаги қонун қабул қилинди.**

ТИФ тўғрисидаги қонуннинг **асосий вазифаси** ташқи иқтисодий фаолиятни амалга оширишdir.

Ўзбекистон Республикасининг **иқтисодий хавфсизлигини** таъминлаш унинг **иқтисодий суверенитети ва иқтисодий манфаатларини ҳимоя қилиш, миллий иқтисодиёт ривожини рағбатлантириш, мамлакат иқтисодиётининг жаҳон иқтисодий тизимиға интеграциялашуви учун шарт-шароитлар яратишдан иборатdir.**

Мазкур қонунда белгиланганидек Ўзбекистон Республикаси вазирлар махкамаси:

- Ташқи иқтисодий фаолиятни ривожлантириш стратегиясини ишлаб чықади;
- Ўзбекистон Республикасининг иқтисодий хавфсизлигини, иқтисодий мустақиллиги ва иқтисодий манфаатлари ҳимоя қилинишини таъминлайди;
- Ташқи иқтисодий фаолият соҳасида Ўзбекистон Республикасининг халқаро шартномаларини тузади;
- Ўзбекистон Республикасининг тўлов балансини ишлаб чықади;
- Чет элдан олинадиган кредитлар учун Ўзбекистон Республикаси Ҳукуматининг кафолатларини беради;
- Ўзбекистон Республикасининг чет эллардаги мулкига эгалик қиласи, ундан фойдаланади ва уни тасарруф этади;
- Қонун ҳужжатларига мувофиқ бошқа ваколатларни амалга оширади.

Ўзбекистон Республикасида ташқи иқтисодий фаолиятни тартибга солиши соҳасидаги **ваколатли давлат органдарини бўлиб Ташқи иқтисодий алоқалари** вазирлиги ҳисобланади. Унинг номи Ўзбекистон Республикаси Президентининг 2002йил 21 октябрдаги Фармонига мувофиқ **«Ўзбекистон ташқи алоқалар агентлиги»** деб ўзgartирилди.

Ташқи алоқалар агентлиги:

- Ташқи иқтисодий фаолият соҳасида давлат сиёсати олиб борилишини, ташқи иқтисодий фаолиятни амалга оширишда Ўзбекистон Республикасининг иқтисодий манфаатлари ҳимоя қилинишига доир вазифалар бажарилишини таъминлайди;
- Ташқи иқтисодий фаолиятнинг қонунчиллик негизи такомиллаштирилишига доир таклифларни ишлаб чықади;
- Ташқи иқтисодий фаолият субъектлари фаолиятини мувофиқлаштиради ва тартибга солиб туради;
- Ташқи иқтисодий фаолиятни тартибга солиши соҳасидаги давлат бошқарув органлари ишини мувофиқлаштиради;
- Қонун ҳужжатларига мувофиқ бошқа ваколатларни амалга оширади.

Ташқи иқтисодий фаолиятни давлат томонидан тартибга солиши қуйидаги йўллар билан амалга оширилади:

- ташқи иқтисодий фаолиятнинг қонунчилик негизини шакллантириш ва такомиллаштириш;
- валюта билан тартибга солиш;
- солиқ билан тартибга солиш;
- тариф ва нотариф тартибга солиш;
- Ўзбекистон Республикасининг иқтисодий манфаатларига риоя этилиши учун ҳимоя, компенсация ва демпингга қарши чораларни қўллаш;
- ташқи савдо фаолиятини амалга ошириши тартибини белгилаш, шу жумладан, миқдорий чекловлар ўрнатиш ҳамда товарларнинг айрим турлари экспорт ва импорт қилиниши устидан давлат монополиясини ўрнатиш;
- қурол-яроғлар, ҳарбий техника, икки хил мақсадда ишлатилиши мумкин бўлган товарлар ва технологияларга нисбатан экспорт назоратини ўрнатиш;
- олиб кириладиган ва олиб чиқирадиган товарларни сертификатлаш;
- техникавий, фармакология, санитария, ветеринария, фитосанитария, экология стандартлари ва талабларини белгилаш;
- ташқи иқтисодий фаолият субъектлари учун преференция ва имтиёзлар бериш.

Ташки иқтисодий фаолиятни давлат томонидан тартибга солиш қонун ҳужжатларига мувофиқ бошқача усусларда ҳам амалга оширилиши мумкин.

Таянч иборалар

- *Халқаро ҳамжасамият*
- *Ташқи иқтисодий фаолият*
- *Юридик шахслар*
- *Жисмоний шахслар*
- *Ташқи иқтисодий сиёсат*
- *Очиқ иқтисодиёт*
- *Ёниқ иқтисодиёт*
- *Баҳолаши мезони*
- *Демонополизация*
- *Децентрализация*
- *Савдо инфраструктураси*
- *Ташқи савдо*
- *Эркин иқтисодий зона*
- *Фан-техника ҳамкорлиги*
- *Халқаро туризм*
- *Кўшима корхона*
- *Ташқи иқтисодий алоқа*
- *Функционал ташкилотлар*
- *Ваколатли давлат органи*
- *Ташқи алоқалар агентлиги*


Ўз-ўзини текшириши учун саволлар

1. *Ташқи иқтисодий фаолият деганда нимани тушунасиз?*
2. *Ташқи иқтисодий сиёсат, унинг принциплари ва асосий йўналишилари нималардан иборат?*
3. *Ташқи иқтисодий фаолиятни амалга оширишида қандай йўналишилар устувор ҳисобланади?*
4. *Очиқ иқтисодиёт модели деганда нимани тушунасиз?*
5. *Ташқи иқтисодий алоқаларнинг қандай шаклларини биласиз?*
6. *Ташқи савдонинг моҳияти нимада?*


7. Эркин иқтисодий зоналарни ташкил қилиши зарурати нимада?
8. Халқаро туризмни ривожланишининг қандай йўналишларини биласиз?
9. Фан-техника соҳасидаги қандай ҳамкорликларни биласиз?
10. Ташқи иқтисодий фаолиятни бошқаришининг асосий вазифалари нималардан иборат?
11. Ташқи иқтисодий фаолиятни бошқариши тизими тўғрисида нималар дея оласиз?
12. Ўзбекистон ташқи иқтисодий алоқалар агентлиги, унинг вазифалари нималардан иборат?
13. Ташқи иқтисодий фаолиятни давлат томонидан тартибга солишнинг қандай йўлларини биласиз?

Адабиётлар:

1. И.Каримов Ўзбекистоннинг бозор мунособатларига ўтишининг ўзига хос йўли. Тошкент. Ўзбекистон, 1993 йил. 89-99 бетлар.
2. И.А.Каримов. “Эришган марраларимизни мустаҳкамлаб, ислоҳотлар йўлидан изчил бориши- асосий вазифамиз” мавзусида 2004 йил 7 февралда бўлиб ўтган Республика Вазирлар Маҳкамаси мажлисидаги маърузаси. Халқ сўзи газетаси, 2004 йил 10 феврал.
3. «Ўзбекистон Республикасининг ташқи иқтисодий фаолияти тўғрисида»ги Ўзбекистон Республикасининг қонуни 1991 йил 14 июн. Халқ сўзи газетаси 1991 йил 15 июн.
4. Ўзбекистон Республикасининг «Ташқи иқтисодий фаолияти тўғрисида»ги Қонуни. Янги таҳрири. 2000 йил 26 май. Ўзбекистон Республикасининг молиявий қонунлари. 7-сон. Тошкент 2000 йил, 27-38 бетлар.
5. Эркин иқтисодий зоналар тўғрисида Ўзбекистон Республикасининг қонуни 1996 йил 25 апрел. Тошкент. Адолат 1996 йил 40-49 бетлар.
6. Ўзбекистон Республикасининг Туризм тўғрисидаги Ўзбекистон Республикасининг қонуни 1999 йил 24 август. Солиқ тўловчининг журнали 1999 йил 10 сон, 12-14 бетлар.
7. Ўзбекистон Республикаси Президентининг «2005 йилгача Ўзбекистонда туризмни ривожлантириши тўғрисида»ги Фармони 15 апрел 1999 йил. Ўзбекистон Республикасининг Президентининг Фармонлари 1995-1999 й. 4-сон. «Адолат» 2000 й. 637-638 бетлар.
8. Ўзбекистон Республикаси иқтисодиёти. Тошкент. Ўзбекистон Миллий энциклопедияси, 1998 йил 201-212 бетлар.
9. Ўзбекистон Республикасининг 2002 йилда ижтимоий-иктисодий ривожланишининг асосий кўрсаткичлари. Тошкент-2003 йил 19-27 бетлар.



Ўзбекистон Республикаси Олий мажлисининг таркиби




Ўзбекистон Республикаси Олий мажлис қўмиталари ва комиссиялари**Ўзбекистон Республикаси олий мажлиснинг мандат комиссияси**

1. Бюджет, банк ва молия масалалари қўмитаси
2. Иқтисодий ислоҳотлар ва тадбиркорликни ривожлантириш қўмитаси
3. Қонунчилик ва суд-хуқуқ масалалари қўмитаси
4. Халқаро ишлар ва парламентлараро алоқалар қўмитаси
5. Фан, таълим, маданият ва спорт масалалари қўмитаси
6. Саноат, энергетика, транспорт, алоқа ва ахолига хизматлар кўрсатиш қўмитаси
7. Аграр, сув хўжалиги масалалари ва озиқ-овқат қўмитаси
8. Мехнат ва ахолини ижтимоий ҳимоя қилиш қўмитаси
9. Атроф-мухит ва табиатни муҳофаза қилиш қўмитаси
10. Курилиш ва уй-жой коммунал хўжалиги қўмитаси
11. Матбуот ва ахборот қўмитаси
12. Мудофаа ва хавфсизлик масалалари қўмитаси

* **Олий мажлиснинг инсон хуқуқлари бўйича вакили (Омбутсман)**

* **Олий мажлиснинг амалдаги конун ҳужжатлари мониторинг институти**



Ўзбекистон Республикаси Вазирлар маҳкамасининг ташкилий тизими

1. Саноат комплекси .
2. Агросаноат саноат комплекси.
3. Истеъмол бозори комплекси.
4. Курилиш ва қурилиш материаллари саноат комплекси.
5. Йўл коммуникацияларини қурилиш ва ривожлантириш комплекси.
6. Алоқа (коммуникация) комплекси.
7. Ижтимоий комплекс.
8. Умумиқтисодий комплекс.
9. Мулкни давлат тасарруфидан чиқариш ва хусусийлаштириш комплекси
10. Оила, оналик ва болаликни ижтимоий ҳимоя қилиш комплекси.

* **Ахборот-тахлил бошқармаси**

* **Ташқи иқтисодий фаолиятни мувофиқлаштириш департаменти**

* **Инвестицион дастурлар департаменти**

* **Вазирлар маҳкамаси аппарати бошлиги (Бош вазир ўринбосари хукуқида)**

* **Котибият мудири (Бош вазир ўринбосари хукуқида)**


Вилоят ҳокимликларининг ташкилий тузилмаси

ВИЛОЯТ ҲОКИМИ


ҲОКИМНИНГ ЁРДАМЧИСИ



ТОШКЕНТ ШАҲАРҲОКИМИЯТИНИНГ ТАШКИЛИЙ ТУЗИЛМАСИ



ШАҲАР ҲОКИМЛИКЛАРИ АППАРАТИНИНГ ТАШКИЛИЙ ТУЗИЛМАСИ



ТУМАН ҲОКИМЛИКЛАРИ АППАРАТИНИНГ ТАШКИЛИЙ ТУЗИЛМАСИ



